





6451

M. 8. 2<sup>6</sup> p. 1301

#

Scribanius

(Charles)





CAROLI SCRIBANI  
 E' SOCIETATE IESV  
 SUPERIOR  
 RELIGIOSVS  
 DE PRVDENTI  
 AC RELIGIOSA  
 GVBERNATIONE.



*Bibliothèque de la Ville de Lyon*

LVGDVN I,

Sumptibus MICHAELIS CHEVALIER.

M. D C. X X.

Cum permissu & Præiuligio Superiorum.

THE UNIVERSITY OF CHICAGO

LIBRARY

27 FEB 1953

RECEIVED

OF THE UNIVERSITY

OF CHICAGO

LIBRARY



*Gift of the University of Chicago*

LIBRARY

University of Chicago

CHICAGO, ILL.

1953



ADMODVM REVERENDO  
DOMINO AC PATRI  
ANTONIO  
DE WINGHE,  
ABBATI LÆTIENSI,  
ORDINIS S. BENEDICTI.

**Q**UID à me petis peritus  
nauclerus, veteranus mi-  
les, fortunatus imperator? toties  
inter decumanos animorum flu-  
ctus, vt in datario pilæ lusu, irata  
risisti maria, tempestatibus supe-  
rior. toties sub Blossianis signis  
generosum interritus sanguinem  
dedisti, hausisti, semper victor,  
\* 2 etiam

etiam de genu. Iam non quot capita, tot exercitus duxisti? quid enim singuli sunt Religiosi nisi inuicta hostibus acies, infractum robur? cum in singulos tot inimica inferis insurgant agmina, tot hostiles legiones: ut, nisi fatuus sim, prudentis quæ imperasti gubernationis in Religione capita tradere non debeam. & tamen cum fatuus audire malim quàm iudicij nimis tenacis, minùsque ad imperia obsequentis, parebo imperanti, & stoliditatem meam omnium oculis obiiiciam. ut, si non alium fructum quàm multorum risum referam, beatum me arbitrer, qui ex me factus mihi sim magnæ

gnæ submissionis magister magnus. Venit nunc ergo ad te imperio tuo hic libellus, tanquam à recenti catuli iactu, qui cellâ tecum ludat, dormiat, in manibus tuis, sinu tuo. ego illi pater, tu mater eris, fouebis, & vbera etiam admovebis, melior patre mater, tenerumque & à patris manibus trepidantem Blossianis vberibus lactabis. felicem sinu tuo, vberibus illius. nam à mea manu nihil adfert, præter annorum aliquot tenuem sparsamque arenam, quam Tu, prudenti tua dextera, nobilis figulus, è pingui fertilique Blossiana argilla & rore resingas. ut quem inuestem & implumem dimisi, orna-

tum alatúmque calamo tuo recipiam: eo feliciorem, quo è fœcundiore solo tuo, in arentem hunc agrum ex opimæ ac mitis Blofianæ oliuæ nucleo in agrestem hunc oleastrum, fortunatum surculum insertum videro, déque papauere gratissimæ ac suauissimæ Lætiacæ fici, in hanc caprificum melior grossus exurgat, vt de vestro fructificem, non vester, imò iam vester, nec degener Blofiano grano, qui Ignatiana manu in hunc campum defossus sum.

Et ego quidem roganti parui, qui nudum è paupere domo extuli, manibus Tuis, Lætiaco solo obstetricandum. Tu supplicem  
audi:

audi: & dextera tua vestitum ad  
veterem parentem, nouam fo-  
bolem, locuplete iam manu di-  
uitéque vbere Tuo alumnatum  
transcribe:& è tot annorum for-  
tunatissimo gubernaculo peri-  
tus nauclerus in amica hæctuis  
littora prudentiæ aliquot sarcina-  
nas depone, quibus spiritualium  
rerum sapientiæque inopiam le-  
ues, prudentiaque steriles cam-  
pos lacteo prudentéque Blossia-  
no vbere & imbre fœcundes.  
Quòd si sensero conatum hunc  
non displicuisse Tibi, non Tuis,  
addam fòrs aliquando fœnera-  
rium alterum, tanquam no-  
uum imprudentiæ vrsinum par-  
tum, prudentiæ ductu Tuo,

Tuorumque relambendum.

Multos te annos prudenter felicitérque imperantem Diuina bonitas patriæ Ordinísque Tui bono tueatur.

LECTO



# LECTORI.

**N**eu dem cogita & cotem.  
exacuunt, nec acies illis ulla.  
sequor has duces. imperia &  
prudentiam edoceo, utrius-  
que ignarus. regula nimirum factus ar-  
chitectis. quid hac ignauius? & tamen  
quid hac felicius? & non infortunata sepe  
fortunant? Quid infelicius rupibus? au-  
rum tamen gemmasque tegunt. non &  
producunt? ut nobilissimorum metallorum  
matres saxa sint, auro intrinsecus foeta:  
cum sinu non tantum ostendent, sed &  
utero claudant, foveant, ac quasi anima  
donent, uberibus lactent. Iam quid rore  
sterilius, quid infœcundius pluuia, si u-  
triusque matricem nubem intuearis? &  
tamen quid aut rore aut pluuia fertilius,  
si terre quam portentosa varietate do-  
tant, miscueris? Et terra ipsa quid infor-  
mius? immitte emortuum granum sine  
\* 5 funda

fundamento spica, sine munimento aristae, sine superbia culmi, ubi antè peremerit, de fraudatrice seruatrix, extrudit illud copia fœneratum, ordine structum, cultu munitum, & usquequaque vestitum, ita ut reddat intercipit, ut custodiat perdit, ut integret vitiat, ut ampliet decoquit, uberiora restituens quàm exterminauit, fœnore interitu. Quid? quòd ex eadem terra etiam tum virgine, & necdum opere compressa, necdum semine subacta, hominem figulatum videamus. considera è terra musculos ut glebas, ossa ut saxa, neruorum tenaces connexus ut traduces radicum, venarum ramosos discursus ut ambages riuorum, lanuginem & comam ut folia, ac medullarum in abdito thesauros ut metallalla carnis. omnia in miraculum. Quid? quòd & steriles arena serantur, saxa pangantur, paludes eliquentur, & ubi noxie aqua, exurgant vrbes, nemora, pascua,

pascua , horti ? Intuere arbores adhuc  
stipites , simul de scrobibus oriuntur, co-  
dulescunt robori suo donec ætas implea-  
tur , inde mox illis & frutices inocu-  
lantur , & folia formantur , & germi-  
na inflantur , & flosculi inornantur,  
& succi condiuntur. & omnia ex in-  
formi ligno. Intuere vites , nec exspe-  
ctata quidem rustica disciplina sine arun-  
dine & corno , quidquid contigerint  
ambiunt , viriosius de suo ingenio , quàm  
de hominis arbitrio. vide è quàm ari-  
do iactentur brachia, luxurientur pampi-  
ni , graudentur botri , inflentur torcu-  
laria , inebrientur penuaria. Vide & he-  
deras nullo præeunte parietibus inuehi &  
suspendi textili silua ; easdémque si de  
edificio malè sit recedere , ut quamdam  
animationem arboris de diuortio parietis  
intelligas : ita providentissimi frutices  
dum ruinam timent , refugium quarunt.  
Has ego arborum & fruticum pruden-

tias cū videam, cur non amulus illarum paria contendam, & digito saltem ostendam magnorum virtutes, vitia mea? non erubescō mea, cū amem illas. nemo discens erubescit. delineo ergo malus pictor rudi penicillo tanquam sudibus, imitanda, fugienda. & tanquam rota argilla imperitus figulus animum fingo; ac rustico calamo tanquam vomere mentium proseindo terram, è qua fructus exspecto, pro ratione operis & cura, varioque euentu varios. ac licet uniformis ubique animorum terra, fetu tamen multiformis est. si in pingue solum, licet antè neglectum, incidero, sperare magna possum. sterili calamo, fertili gleba: si in arentem & scruposam aream, aut senticetis gravidam, quid sperem ab utraque sterilitate? nec despero tamen. fors enim mista hæc supra spem dominum suum beabunt.

Verū quid inexpertus bellorum & hostium, pugnas & hostes narrat, castra

metatur, tentoria figit, propugnacula designat, aciem instruit, inhortatur? quid peccat historicus, nullum licet sanguinem dederit, nullum hauserit? sequor historiam. nihil impero: narro. & magnorum dicta factaque prelo credidi. & animos addere pugnantibus quis vetat? etiam à mulierculis non uni olim terga vertenti crevit animus, & pudor vincere docuit, & mori fortiter. quare animos addo, & firmo pectus fortibus dictis. non quòd agnoscam in me robora. amo tamen. quanti indocti amant literas? ex his ineruditis unus ego eruditionem amo. ego etiam gubernationum ignarus prudentiam qua destituor, admiror & amo. & quod amo, calamo credidi. exiit hic frontem; nec didicerat erubescere atramentum. inde quod credideram commisit chartæ, quæ ruboris nescia, tam auide hausit, quàm prodigè calamus effudit. Iam qui miratur me docentem, cogitet Iethro monentem, & obaudien-

*tem Mosem, qui fecit omnia quæ ille  
suggererat. ( Exod. 18. ) prudentiæ  
documenta à sacerdote Madian haurit  
Moses, nec pudet discere quod igno-  
rabat.*

*Non addam plura, ne videar dis-  
fidere benignitati tuæ. Hoc dicam. pru-  
dentis gubernationis prima capita cùm  
Superioribus Religiosis, alienis moribus,  
calamo meo enarro; omnibus narro,  
etiam sæculi Principibus, & qui ad  
imperia, aut quamcunque purpuram  
vocati. quorum virtutes vitiæque primò  
maximè libro tradidi, illas in imitatio-  
nem, hæc in fugam. Noluerunt hoc viri  
magni, ne lectorum libertatem auctori-  
tate infringere viderentur: ego feci, in  
quo nulla à magnitudine vis & poten-  
tia. Et fatebor ingenuè, nec quidquam  
auribus dabo: Si quid hîc peccatum,  
meum est: si quid dictum bene; alie-  
num est, meum non est, adeoque nihil  
hîc dignum laude meum est. nisi be-  
nignior*

nignior aliquis conatum in magnis , in  
laude ponat. temeritatem fors aliquis ob-  
iiciet. neque hanc nego. Manet illud in-  
terim vetus , voluisse in magnis ma-  
gnum est. & ferè temeritatis aliquid  
& maioris audentiæ permistum arduis  
& magnis est : ut non vereatur Ari-  
stoteles , non Seneca , magnis plurimum  
ingeniis aliquid dementiæ ac furoris tri-  
buere. Non quòd idem profitear. sed  
magnorum hæc tamen sententia viro-  
rum est. quanquam mihi hæc , non alte-  
ri scripserim , ab aliis mutuatus , de oli-  
uæ mitis & opimæ nucleo asper oleaster  
fructificauit de alieno , & transtuli in  
hortum meum : sed ita ut mihi hæc om-  
nia , & mihi soli , mihi cecini , ut ille ,  
mihi scenam struxi. auditores , specta-  
tores admisi. poteram in re mea. nemi-  
nem damno præter me unum , remedia  
mihi ab alienis vberibus suxi. nemo inui-  
deat , magis etiam si quid habet domi suæ  
natum , peregrinitate nouum , magnitu-  
dine

dine illustre, medicatione fortunatum,  
mutuetur, & egestatem meam, damno  
suo nullo, emolumento meo magno, opibus  
suis leuet.

SYLLA



# SYLLABVS CAPITVM

## LIBRI PRIMI.

CAP. I.	<b>A</b> Mor in suos.	pag. 1.
II.	<b>A</b> Comitas & humani- tas.	19
III.	Modestia.	32
IV.	Clementia.	48
V.	Promptitudo in suorum ne- cessitatibus, paratusque in omne horam animus.	65
VI.	Veritas.	72
VII.	Animi candor, in factis, in verbis.	82
VIII.	Gratus in benefactores ani- mus.	92
IX.	Fides seruanda.	104
X.	Commissorum sibi fida cu- stodia.	113
XI.	Liberalitas.	118
XII.	Fortitudo in aduersis.	133
		XIII.

*Syllabus Caputum.*

XIII.	Consultò omnia agat Superior.	157
XIV.	Constantia in rerum executione.	168
XV.	Amor iustitiæ.	194
XVI.	Temperantia.	202
XVII.	Ignoratarum rerum prudēs declinatio.	212
XVIII.	Nimia fiducia ac diffidentia vitanda.	225
XIX.	Nunquam tantum vni tribuat vt alios negligat.	235
XX.	In omni delatione potio-rem partem reo tribuat.	245
XXI.	Detractores arcendi.	267
XXII.	Adulationibus ostia firman- da.	283
XXIII.	Superbia fugienda.	293
XXIV.	Ira moderanda.	313
XXV.	Duritia & remissio decli- nanda.	323
XXVI.	Annui sumptus non facilè excedant prouentus.	343
	XXVII.	

*Syllabus Capitulorum.*

XXVII. Fiducia in Deum.	349
XXVIII. Pietas in Deum.	359

LIBRI SECUNDI.

I.	Quale debeat esse Superioris in suos imperium.	389
II.	Par in omnes familiaritas.	395
III.	Sedula infirmorum cura.	399
IV.	Seniorum veneratio.	404
V.	Religiosa in hospites liberalitas.	407
VI.	Munificus in domesticos animus.	415
VII.	Prudens domesticorum munerum institutio.	425
VIII.	Domesticarum rerum cognitio.	439
IX.	Subditorum cognitio.	451
X.	Modus inferiores ad virtutem vitamque religiosam per Superiorum exempla ducendi.	460
	XI. Di	

*Syllabus Caputum.*

- XI. Diligens assiduâque orationis exercitatio. 470
- XII. Mortificationis studiû. 483
- XIII. Regularum omnium seria observatio. 488
- XIV. Spiritualium conferentiarû inter domesticos institutio. 499
- XV. Hebdomadaria Fratrum allocutio. 508
- XVI. In suorum recreationibus spectator, non actor sit Superior. 515
- XVII. In domesticis recreationibus iuniores Fratresque senioribus permiscendi, illorû deambulationibus senior aliquis sociandus. 520
- XVIII. Vitiôrû prauarûque consuetudinû môres quibus à Superiôrè mediis superandi. 528
- XIX.

*Syllabus Caputum.*

XIX. Conuiuiorum frequentationes vniuersim tollendæ.

554

XX. Mulierum quocunq̃ue prætextu familiaritates ar-  
cendæ. 561

XXI. Priuata muliebria dona nullo concedenda. 577

XXII. Temporis aliquid certi diebus singulis suæ suorumque considerationi sibi præfigat Superior. 582

CEN

---

C E N S U R A.

**L**iber hic R. Patris Caroli Scribani  
Prouincialis Societatis IESV in Pro-  
uincia Flandro-Belgica, qui inscribitur,  
Superior Religiosus de prudenti ac  
Religiosa gubernatione, *utilissimus*  
*futurus est omnibus Religiosis Prælati,*  
*ad felicissimam suorum gubernationem.*  
*Quod scripsi 27. Aprilis, anno 1619.*

Egbertus Spitholdius S.T.L. Ca-  
nonicus & Plebanus Antuer-  
piensis, librorum Censor.

FACVL

---

*FACULTAS R. P. PROVINCIALIS SOCIETATIS IESV in Prouincia Lugdunensi.*

**E**GO Bartholomæus Iacquinotius Præpositus Prouincialis Collegiorum Societatis IESV in Prouincia Lugdunensi, iuxta priuilegium eidem Societati à Regibus Christianissimis Henrico III. 10. Maj 1583. Henrico IV. 20. Decembris 1606. & Ludouico XIII. nunc regnante 14. Februarij concessum, quo Bibliopolis omnibus prohibetur, ne libros ab hominibus nostræ Societatis compositos absque Superiorum eius permissione imprimant, permitto MICHAELI CHEVALIER Lugdunensi Bibliopolæ, vt Opus quod inscribitur, *Caroli Scribani è Societate IESV. Superior. Religiosus de prudenti ac Religiosa gubernatione*, ad sex primos annos imprimere ac liberè diuendere, possit. Datum Lugduni die 19. Octob. 1619.

B. IACQVINOTIVS.

CONCES

---

CONCESSIO.

**L**ibrum hunc inscriptum, *Caroli Scribani*  
*l'è Societate IESV Superior Religiosus de*  
*prudenti ac Religiosa gubernatione,* à M<sup>r</sup>  
CHAELE CHEVALIER Bibliopola  
Lugdunensi typis mandari, tum demum in  
lucem dari consentio. Lugduni pridie Ca-  
lend. Octob. 1619.

BOLLIOVD.

*Aduocatus Regius,*

---

**V**T typis mandetur hic liber, Michael  
Cheualier Bibliopola concedimus.  
Lugd. i. Octob. 1619.

SEVE. L. G.





CAROLI SCRIBANI  
E SOCIETATE IESV,  
SVPERIORIS  
RELIGIOSI

LIBER PRIMVS.

CAPVT I.

*Amor in suos.*



MOR primum in imperio  
locum teneat, si fortuna-  
tum volumus, si æternum.  
certiora enim ab amore quàm à ter-  
roribus & ferro obsequia nascun-  
tur. illa perpetuant, hæc non vltra  
quàm vis & metus. ab vtroque re-  
uerentiam spera: sed ab amore etiam  
in absentem; metus, si absit, con-  
temptum pro cultu dabit. & amoris  
imperia patrum in filios, timoris do-  
mino

A

mino

minorum in seruos sunt. in illis nullo pretio veneratio constat, in his emitur: misera veneratio quæ pretio paratur: neque enim tam hominem quàm præmia colet, cùm imperantis oculo & manibus, non animo obsequatur. nec locatitia hæc diu stare obsequia possunt: minùs etiam quæ metus imperauit. nam in præmiis aliquid est quod alliciat, quod amorem prouocet: ac quamdiu præmia tamdiu veneratio; in metu odium pro ueneratione exoritur. qui si solus est, plus habet de belluis & tyranno, quàm de rege aut domino. quid? quòd timor animos exasperet, & ab vltima desperatione vomeres & ligones in enses & secures vertat: ac si alia desit via, per latus suum hostem feriat qui timet, qui odit. cui etiam ardere suaue est, si ex hostili corpore sarmēta ignibus subiicias. Dulce nimirum odio, inimico sanguine, hostilibusque membris pro fascibus & lignis ardere. vt vix sentiat dolorem suum qui inimicis tormentis tanquam grato odiorum cibo

cibo pascitur. tantum odia terroribus nata valent, vt etiam in victis, & ferro domitis, moneant prudentes moderatione magna vtendum, operamque dandam vt pareant, non seruiant. Nihil verò certius victos continere quàm potentiam mediocriter exercitam, omnium propè gentium moribus docemur. *Indulgentius enim imperanti melius paretur.* quòd si liberorũ more haberi se senserint, priorem hostilitatem vertent in amorem, & fidem etiã in absentem integram seruabunt. Obseruauit hoc Seneca: *Nullus terror, cum omnia bello arderet, fide socios dimouit, quia iusto moderatorũ regebantur imperio.* Ac licet imperium victis semper sit graue, moderatione tamen & imperantis clementiã asperitas mitigatur; maximè si non seruatorum, sed sociorum loco, magis etiam si filiorum haberi se senserint, si non excludi dignitatibus, si æquari præmio quos virtus æquauerit, si nulla muneribus, discrimina nisi à virtute. quod vbi viderint, induent filiorum naturam, exuent seruatorum:

amare nimirum incipient, timere  
desinent. ac quamuis præsens ferè  
imperium subditis semper sit graue,  
si tamen illud validè amore condia-  
tur, mitescit, nec magis iam graue  
est, quàm amantis patris in filios.  
Dulce nomen patris, dulce filiorum,  
adeoque optatum utrorumque no-  
men, ut inter prima amantiũ filiorũ  
vota sit habere patrem. nulla beni-  
gni patris vita longa fuit, cùm amori  
longa nulla esse possit. brevis amati  
vita amanti est. amet tantũ patrem  
filius, & superesse sibi volet patrem,  
deque suis annis annos illi crescere.  
tanta vis amoris est, ut etiam sibi ve-  
lit malè, ut amato bene sit, gaudeat-  
que per vulnera sua amato imperium  
stare. dum enim in amato imperare  
se arbitratur, sanguinem omnẽ suum  
vilem putat, ut securo in amato po-  
riatur imperio. Quare si tutum Su-  
perior imperium desiderat, amet ut  
ametur: amari, nisi ipse amet, non  
potest; odio esse aliquibus, licet ipse  
non oderit, potest. At nullus amor  
sine amore est. & audet Plinius: *Ma-*

*lorum*

*lorum Principum exitus docuit, ne à diis  
quidem amari nisi quos homines ament.*  
Iam cum plurimis amicitiiis fortuna  
Superioris egeat, primus conatus il-  
lius erit amicos parare, maximè suos,  
quorum virtute firmandum impe-  
rium est. Amet ergo Superior si ama-  
ri, si stare imperium volet, parentem-  
que se ostendat ut filios fortietur,  
filiorumque obsequium cum securi-  
tate malit quàm servorum cum per-  
niciæ. cogitet parentes consensescere,  
liberisque ac nepotibus hereditatem  
tradere, tyrannorum & sævientium  
dominorum execrabile ac breuem  
potestatem esse, ac ferro ferè abrum-  
pendam. Quis enim inuisa imperia  
retinuit diu? aut quæ sceptræ non  
natarunt sævientium sanguine? &  
quæ vnquam potestas multorum odiis  
potuit resistere? amore imperia per-  
ennant, subuertuntur terroribus:  
amore neſtuntur, secantur metu.  
nulla vis amore firmata disiunget,  
nullum robur terroribus denexa cõ-  
iunget. hinc qui solo metu suos con-  
tinet, illum necessum est semper esse

pavidum, cùm non ignoret, non diutiùs imperari posse, quàm qui parent volunt, cùm omnium ferro pateat, ac illas ipsas quas in terrorem ostentat secures, timidus aspiciet, ne in dominum exsurgant. Monet Tragicus:

*Qui sceptra duro seuus imperio regit,  
Timet timentes: metus in auctorẽ reedit.*

Monet etiam Pythagoras: *Malis eos, qui tecũ conuersantur, reuereri te, quàm metuere. siquidem reuerentiam admiratio, timorem odium comitatur.* Philonis hîc etiam monitum, *Si vis bonus esse rex, cum fortitudine benignitatem ac mansuetudinem serua, vt non formidolosus, sed reuerentia dignus tuis subditis videaris.*

Et quæ tranquillitas esse potest aut animo quies, cùm in vnâ ceruicem tot armentur dextræ quot odia? docemur hoc omnium ætatum exemplis, omnium regnorum. quòd si ferrum absit, non deerunt ferro deteriores molitiones, non doli, non fraudes. aliquid nimirum audendum est, vt exuant metum, ex-

cutiant iugum ; & vt nihil aliud sit, nolentibus imperare durum est. nam cùm imperium ex se ferre graue sit, si accedat illubentia, si alienior animus, si odia, nullis verbis explicari satis grauitas potest.

Sed neque felices sperare successus, aut fortunatos sibi promittere exitus Superior potest qui suorum animos patitur alienos. Nam cùm per se singula obire non possit, fuissetque tutò fidere alienioribus nō possit, quid aget cùm & fida suorum opera destituitur, & vnus omnibus non sufficiat? aut enim omittere longè maximam necessariarum rerum partem debet, aut concedere alienis. si omittit, damna timenda sunt. credit? negligent, aut scientes etiam volentesque concredita perdent, vt imperanti malè sit. ac licet nomen suum in discrimen adducant, si per illud periculum creari possit imperanti, millies profundent famam, vt in sua nomen profundant imperantis. satis nimirum illis in vindictam cum imperante cadere, ac dulce etiā

eodem præcipitio inuolui. quin vltro se præcipites deturbabunt, si implexum teneant Superiorem quem odio prosequuntur. tanta vis odiorum est, quæ ferè sæuiora imperia comitantur, & ex imperantis duritia tanquam vtero enascuntur.

Euitare hæc vult Superior? animos suorum vincat. vincet amore, quo solo amica stant imperia nullo robore euertenda, nullo infringenda, vt solus amor ex inualido validū imperium statuatur. Omnia enim regna è tenuissimis initiis nata ad eam quam videmus amplitudinem mutuo Superiorum subditorumque amore venerunt: omniâque eò vſque creuere quò inter eos amor stetit. vbi minui ille cœpit, & pro amore odia nata sunt, ad priorem vilitatem deuenerunt. Quare si imperium Superior infractum tenere volet, amorem in se suorum prouocet. nec magno hîc opus conatu: amet, amabitur, actionesque omnes suas ita instituat, vt nemo illum



illum possit, nisi ingratissimus non amare. quod non difficile Superiori erit, cui obstringendi sibi suos ingens facultas adest. utetur hac prudens Superior, & suorum animos arctè obstringet sibi, quò se imperiùmque firmet. firmabit amore. Est hñc illud perpetua memoria dignum Agesilai apud Plutarchum: rogatus qui tutò imperaret, satelli- tio nudatus, *Si sic imperet suis, ut pater filiis.* hinc illud Xenophontis, *Nihil interesse inter Principem bonum & patrem bonum.*

In Religione verò non vulgarem tritùmque amorem, sed patèrnum per omnia in suos animum induat Superior, eùmque non obscuris in- diciis pròdat, maximè vbi necessitas quæcunq; occurrerit. ac etiã cùm reprehensione, monitione, aut acio- ribus opus remediis fuerit, memine- rit se esse patrem: ac acerbiora etiã remedia à paterna manu porrigan- tur. Versetur proinde inter suos Su- perior ut inter filios pater: neque dif-

ficile erit inferiores filios experiri, si Superiorem illi senserint patrē. moneat proinde ut pater, medicamenta ægris adhibeat ut pater, condoleat ut pater, ubique & in omnibus pater. Quin & materna induat viscera, vberaque cogitet & filios: ægritudo hos premit, siue illa corporis, siue animi fuerit, filios illos cogitet & se matrē. Quanta in filiorum malis perferunt matres? quibus non blanditiis, verborumque lenociniis medicamenta porrigunt? & primæ non rarò hauriunt, ut exēplo suo filios prouocēt. quas denique non artes medendi excogitant? quos non labores vltro lubentēsq̃ subeunt? non valetudini, non sanguini parcentes, ut suorum valetudini consulant. Induat hanc personam Superior, nec magno negotio multorū malis medebitur. nusquam sudoribus parcat; nunquā affectum deponat patris, nunquam matris. etiam dum punit, patrem se cogitet. & matrem. quod si senserit sibi que persuaserit inferior, nihil tam durum asperūque erit, nulla tam fortia

fortia monita, nihil tam acerbum, quod lubens, hilarique vultu à paterna manu non hauriat, etiam venena. quæ si à patre matrèque propinata fuerint, sciet antè temperata in salutem, nec cruda in interitum porrecta; quare etiam cum voluptate hauriet. neque imperia vlla dura censebuntur, quia à patre profecta. cogitat enim nil nisi in salutem à illo pectore nasci posse: ut omnia vicerit qui se patrem suis probauerit. nam vbi semel opinio illa inualuit, & inferiores filiorum, Superiores patris affectū imbiberint; nihil tam arduum erit, quod sub paterno imperio & nomine non mollescat. fella illis mella sunt à patris manibus, à matris vberibus propinata. Denique quid non potest apud filios pater, qui animo & re ipsa pater est? reprehendat, hortetur, puniat; si pater est, peccare non potest pater: obsequetur filius, & à manu paterna utramque fortunam accipiet. tantum potest semel impressa opinio patris. affectum proinde illius induet Super-

rior, si inferiores experiri vult filios. Nulla est enim maior ad amorem inuitatio quàm præuenire amando. Subiungit Augustinus: Manifestum est nullam esse maiorem causam qua vel inchoetur, vel augeatur amor, quàm cum amari se cognoscit qui nondum amat, aut redamari se vel posse sperat, vel iam probat qui prior amat. Nusquam verò clariùs hic amor elucet, neque potentiùs radios suos iaculatur quàm è paterno ac filiali pectore. Pater proinde sit Superior, inferior filius; & mutuò amorem hunc iaculabuntur, inuicemque se illius radiis accendēt, & tanquam mutuis suppositis ignibus in flammam exurgent nullo aduersantium flumine restinguendas.

Nam si domini personam assumpserit, tanquam mercede conductos suos experietur, non filios, fortunæque ipsius, non ipsi obsequentes. obtemperabunt nimirum in iis quæ palàm fore arbitrabuntur, dura imperia veriti; si clàm fore sperabunt, negligent & contemnent: sed & subdolis machinationibus imperij illius.

Aug. de  
catech.  
rudib.  
cap. 4.

illius felicitatem euertere conabuntur. veris si non possint, obruent falsis. satis enim illis excussisse iugum erit, & nouercalia à se imperia amouisse. tantum animorum alienatio potest. Seponit pietatem, religionē, Deum, vt optatis fruatur, ac quacunque via votis potiatur, cum Deo an sine eo iuxtà habebit. quid? quòd in vindicta voluptatem ponat, & euertisse dominum, magnam felicitatis suæ partem arbitretur. Et verò graue in Religione est dominum pati, cui tanquam patri inferior se sacrauit. ignorabat domini nomen: sciebat & inaudierat patris, & filiū se in tutelam dederat patri. falsus est spe sua, & experitur dominum quem sperauerat patrem. quid proinde mirum si exurgat in iras, in indignationes & odia; è quibus quæcunque imaginari possunt, profiliunt mala? è copioso nimirum fertilique malorū fonte torrentes, flumina, adeoque & maria nascuntur, Religionem fluctibus suis absumptura:

Miserrima sanè conditio dominū  
in

in Religione pati. duram enim inferiores seruiunt seruitutem sub hoc nomine. nam in sæculo dominum ac regem pati nil magnum, vbi extra aulam ingens libertatis campus est, &, vt reliqua abſint, vicina patent regna. nec deerunt quæ exulem excipiant, quæ ſinu ſuo foueant, quæ foris etiam venienti gratulentur, & prærogatiuis donent. Et vt regem quis dominumque patiatur inamœnum, moroſum, tenacem, inclementem, ad ſuſpiciones facilem, ad excuſationes difficilem, ad præmia remiſſum, promptum ad pœnas, ſæuū ad tormenta, immitem ad veniam, ad detractiōnes auidum, ad laudes ſurdum, in ſentētia pertinacē, ſlectique neſcium, compati ac miſereri ignarum: domus tamen ſua cuique ſacra & templum eſt, libertatis aſylum, complorationis tutamen, ſecuritatis portus, ac poſt ſæuam quamcunque iactationem littus tutiſſimū, fidæque ſtatio. In hac benigne caſta virum excipiet vxor, abblandientur filij, & ægrum ſolabuntur patrem,  
vene

venerabuntur serui, domus denique tota mœrorem leuabit, mollietque dolorem: amici etiamsi non publice, priuatim consiliis aderunt, iacentem excitabunt, labantem erigent. At dominum in Religione pati, despoticâque in quamcunque te vertas partem imperia, durum & graue; infortunatissimâque illorum qui patiuntur conditio est: cùm eodem tecto, eodémque contubernio vti cogantur, omni libertate exclusi, dolere palàm non licet, priuatim vix tutum est, cùm priuata etiam suspiria lacrymæque sine teste non fluant; frustra quæ solatia exspectet qui in perpetuis domini ac iudicis sui oculis verfetur. Et quis in illius vultu soletur mœrentē? quis animos addat paria metuens? quis afflictum eriget, prostratúmque leuabit deteriora timēs? quis securus querelas excipiet, medicamenta spōdebit, consilia suggeret, cùm à solo domino ac iudice medicina speranda sit? à domino verò & iudice quid exspectes? quam benignitatē ab illius ore? quam mansuetudi-

tudinem à iudice ? non mitescunt animi semper iudicis:indurescūt, vix mollescunt semper domini, callūmque imperio obducūt. Pater sit, non dominus, à cuius benigna manu fauū & mella speres, non viticas aut fella timeas:à cuius dextera rosas, nō spīnas carpas:pater sit, è cuius poculo nectar & ambrosiam, non toxica bibas: à quo mœroribus spongiam, non nouaculam exspectes: pater sit, à cuius ore rosæ & violæ, non venena afflentur. Hoc enim est Superiorem in Religione esse patrem, non dominum aut regem esse: vt infelicissima planè viuendi ratio sit dominum perpetuò præsentē intueri, despotico illius imperio sub eodē tecto premi, suspicionibus, morositatibus, fastidio, sordidâ parsimoniâ, querimoniis, delationibus, iurgiis, inclementiâ: qui nec compati sciat, nec condolere didicerit, non labores benignitate meriri, non animare deiectos, non erigere depressos, non mederi suorum malis, semper & vbiq̃ nauseabundo similis; à quo nulla  
gratuita



gratuita munera, cùm nec promerita speranda sint ; nulla nisi duri iudicis monita; nulla post labores, sudorem tergentes spongiæ, dona ; nulla post fortia facta, sparsumque sanguinem præconia ; nulla ad ardua obeunda incitamenta , nullaque benefactorum præmia, quies nulla, laxamenta nulla : perpetuus rigor , tristior vultus , morosa verba , acerba monita, omnium denique displicentia ac diffidentia : & apud quem semel offendisse , æternum est. nullæ nimirum semel conceptæ ponuntur indignationes, nulla mitigantur odia, nullæ mollescunt animorum alienationes. adeò semel imbibisse, semper est ; & è nudis plerumque suspicionibus semel hausisse , perpetuum est : vt remedia à sola mutatione loci aut Superioris amotione speranda sint.

Sanè si se cogitaret Superior , si aliorum in se imperia, si qualem imperare sibi vellet , dominum an patrem ; si demum in omni suo imperio aliorum in se imperia perpenderet , qualia nimirum hæc optaret ;  
quibus

quibus à Superioribus haberi modis, quibus impelli, excitari, præueniri, leniri; non difficulter exutâ domini personâ, ad veri se patris componeret; omnemque benignissimi clementissimique parentis affectum indueret, vel illâ solâ cogitatione: Quales in te Superiores voles, talem te tuis exhibe: qualémque te tuis exhibueris, tales in te alios speres.

In omni proinde gubernatione in paternum semper affectum, benignioremque partem se flectet Superior, memor nobilissimi moniti

*De 6. a-  
lis, c. 7.*

*D. Bonauenturæ: Ad benignitatis partem plus declinet, per quam reddatur subditis magis amabilis, ob quam ei libentius obtemperent, & audacius ad eum recurrant in quibus indigent, & alacrius eum imitentur. Ipsa enim potestatis auctoritas facit eum satis timendum subditis, & si huic iungitur austeritatis seditas, pauidis sit mentibus onerosus. Vos autem cum austeritate imperabatis eis, & cum potentia, & dispersæ sunt oves meæ, dicit Dominus Ezech. 34. & Noli esse quasi leo in domo tua subuertens domesticos*

*mesticos tuos, & opprimens subiectos tibi,*  
*Eccles. 4.* Hinc est quòd ipse summus  
Princeps Pastorum Dominus Iesus  
tantam nobis benignitatis caritatem  
exhibuerit, vt se nobis faceret ama-  
bilem, & ita imitabilem, & per amo-  
rem suæ humanitatis traheret ad  
amorem & cognitionem suæ diuini-  
tatis, paternum in omnibus effun-  
dens pectus, vberaque porrigens ve-  
ræ matris.

---

*Comitas & Humanitas.*

CAPVT II.

PARVÆ hæ res in imperio viden-  
tur: magnæ sunt. his enim si ca-  
reat Superior, in superbiam, seuerita-  
tis, adeoque & crudelitatis suspicio-  
nem venit. hinc vt gratius nihil sub-  
ditis euenire solet, quàm si perhu-  
manas facilisque ad preces Supe-  
riorum aures pacti fuerint; ita nihil  
durius moroso illorum difficilique  
aditu euenire consuevit: vt comitas  
immortalem non vni gloriam, mo-  
rositas

rositas odium immortale pepererit. Est in hac re illud Traiani: *Imperatorem priuatis esse oportere, qualem priuatos sibi optat habere.* dicam, Superiorem inferioribus talem esse oportere, qualem ipse inferior Superiorem in se esse desiderat: comem, benignum, & humanæ conditionis memorem, memorémque sui, votorumque suorum ante imperium. humanissimos imperantes optabat; expleat olim sua, nunc suorum vota. mœrebat ad tristem vultum, morosaque verba; blandis mœrorem detergat suorum. indolebat ad seueritatem; deponat illam, factusque ex se magister, talem se præbeat quales sperabat. Habemus magni affectus in suos magna in magno Scipione documenta, cum diceret, *malle se vnum ciuem seruare, quàm mille hostes occidere.* quæ vox maiorem illum suis quàm in Hannibale Carthago & Africa deuicta dedit. cuius quantò fuit humanior, tantò Vitellij immannior, & supra quidquid vnquam cfferum barbarumque terra tulit, Bene  
olero

*olere occisi hostis cadauer, melius ciuis.*  
venisse hæc ab Imperatore Romano  
quis credat? quin & ab homine? vt  
non miremur extrema suorum odia  
tulisse Vitellium. Regnare proinde  
qui diu saluus volet, amari velit.  
æternant amoris imperia, cadunt ti-  
moris. bene Seneca:

*Calcat iacentem vulgus;*

*Inuisum opprimet.*

*Decet timeri Casarem:*

*At plus diligi.*

*Metuant necessum est:*

*Quidquid exprimitur graue est.*

Quin metus omnis exurgit in odia;  
hæc in sanguinem. nec præsidium  
aliud firmitus amore est. nam illæ  
quæ circumstant hastæ & secures,  
sæpius in Principem sæuierunt, sed  
non antè quàm odisse inciperent &  
metuere, & quàm amare desierant.  
non insurrexissent, si amassent. ti-  
muerunt; timor odia peperit, odium  
in sanguinem impulit. iacent tot  
Romana, tot orbe toto sceptrâ infe-  
lici purpura natantia. strauerunt odia  
timore nata. nil crudelius timore  
cùm

cùm induit odium, nullâque implacabilior sitis metu excitatâ, nullo restinguitur sanguine. vt semper stolidissimi oris & capitis illud crediderim, *Oderint dum metuant.* nihil enim odio promptius sanguine. ludus illi ferrum, venena, secures. Sed ni metuat, contemnet. erras, & dictum bene, *Malè terrore veneratio acquiritur, longèque valentior amor ad obtinendum quæ voles quàm timor.* nam & amoris sua veneratio, suus metus, sed filij in parentem: nam ille mancipiorum & subditorum in tyrannos, ferè sanguine clauditur. Et sanè cùm multorum amorem, Principum fortuna in tutelam desideret, prima Principis cura erit amicos parare. parabit comitas, de qua illud Ambrosij est: *Summa benignitate opus est, vt non tantum publica stet gubernatio, sed etiam priuata iura tueamur.* plurimum iuuat beneuolentia, quæ omnes studet beneficiis complecti, deuincire officiis, oppignerare gratia. dictum prudenter in vita Dionis: *Nullum est imperium tutum, nisi beneuolentia munitum.* Iam quid iucun

cuius in humanis est quàm amar-  
ri? hunc suorum in se amorem hu-  
manitate & beneuolentia prouoca-  
bit. nec difficile hoc Principi est, cui  
ingens obstringendi suos ac in amo-  
rem impellendi adest facultas. est in  
hanc rem illud poëtæ:

———*Hoc reges habent*

*Magnificum & ingens, nulla quod  
rapiat dies,*

*Prodesse miseris, supplices fido lare*

*Protegere.*———

Ingens imperantium prærogatiua,  
posse benefacere, posse beneficiis  
tanquam compedibus stringere. dul-  
cia amoris vincula, suaues nexus qui-  
bus illigantur animi. Si negata bene-  
faciendi potestas, nulli negata co-  
mitas, nulli humanitas est. & inter  
non infima beneficij genera nume-  
ratur humana in Superiore compel-  
latio. nemo ad hanc pauper est. tan-  
tàmque vim habet illa, vt gratior  
apud plerosque sit benignis negata  
res verbis, quàm concessa morosis.  
inornata sanè & naufraga dedit, qui-  
cunque dona sua tristibus & mœ-  
rentibus

rentibus tanquam spinis induit. ut iam non magis agnoscat beneficium qui accepit, quàm cui tenue ac exsangue saccharum ingenti absinthio permistum propinatur. suauitatem amaritudo tollit, dum tanto felle mella integuntur; beneficij nomen & memoriam largientis morositas tanquam spongia deleuit; omnem illius suauitatem permista amaritudo deterfit. ut plus in moroso dono maleficij quàm beneficij agnoscat. cum nuda interim comitas pro beneficio sit: & benigna negatio comibus vestita verbis, diuitéque pro re nata sponsione, pro fœcundo munere habeatur. Etiam in Deo locum habet, qui tenuia pauperis dona locuplete comitate ac benignitate grauida, morosis diuitum muneribus præfert. hilarem enim datorem diligit Deus, & benignas pauperum manus centupla fœneratione replet. spernit augusta diuitû donaria mœrente dextera porrecta. neque enim donorum præstantiam è rebus, sed ab erogantis magnitudine metitur.

infe



infelix alioqui futura pauperis conditio, beata diuītis. animo ergo merienda dona sunt: cū hęc ab illo magnitudinem, non animus à donis mutuetur. hunc ferè animum largientis comitas & benignitas testantur.

Scio magni referre cui nationi imperes. varium enim imperium variarum gentium mores deposcunt. Effusam quandam benignitatem ac quasi prodigam quædam desiderant, ac tunc maxime regem agnoscunt cū priuati personam induit, ac ad omnia familiaritatis officia descendit. Retractiorem alij volunt, & benignitatem maturitate temperatam, vt nunquam ad ciuicam, minus ad plebeiam se dimittat, sed neque ad aulicam, quæ in socios magis quàm in imperium fertur. Grauitatem alij amant, ac Persicam quandam maiestatem. contemnent hi si ad intima admittas, si benignius compelles, si quasi amici personam mutueris. nec venerabuntur nisi perrarò & augustæ maiestatis ostentatione prodeūtem,

nisi paucis multa complectentem, nisi plura prementem quàm dicentem, nisi lentiùs loquentem quàm euntem, nisi denique plus de statua quàm de homine promittentē. Sunt qui nec Principis admittunt vultum: quem cùm deorū numero habeant, tanquam è nube respōsa reddentem venerabundi exspectant. qui si prodeat, aliquid de diuinitate dimisisse arbitrantur, quare & ipsi aliquid de cultu remittunt. per interpretem etiā hi magis quàm per ipsum Principem responsa præstolantur. quod cùm quàm maximè ad diuinitatem accedere sibi persuadeant, gaudent interpretem hoc famulatu.

Prudens ergo Superior pro subditorum conditione maiorem minorémque comitatem induet, & benignitatem moribus suorum temperabit. quanquam non eadem Superiorum in Religione quàm extra illam ratio sit. aliquid tamen etiā in Religione moribus largiendum; vt peccet in omnem prudentis imperij regulam, qui omnes ad eadem

vocet. sanè Apostolus omnibus omnia se factum proclamat; omnium nimirum mores imitatus, vt omnes lucrifaceret, Iudæus Iudæis, Græcus Græcis, Romanis Romanus, omnibus omnia. Imitabitur hunc Superior, neque mores suos gentisque suæ in omnes transferet: omnium in se potius traducet. nam vt omnium in suos vertat, nequidquam speret. Iam si conciliari concreditos sibi velit, mores imitetur. nulla potentior certiorque conciliandi ratio morum similitudine. illis ergo se induat, ne contempsisse videatur, & è contemptu odium incurrat: ita tamen ne quid illaudatum aut à virtute alienum assumat, nève quod meritam reprehensionem mereatur.

Magna hîc opus prudentia, variâque circumspeditione: negare non possum. nam & benignitas familiaritâsque in quibusdam contemptum, amorem in alijs prouocabit: maturitas grauitâsque in his venerationem, in alijs odium conciliabit: maiestatis seuera quædam ostentatio diuinum

num in his, in aliis vero barbarum  
 factum redolet: denique amari qui-  
 dam volunt & benevolentia duci,  
 cogi volunt alij. illi se filios, hi ser-  
 uos cogitant. utrorumque discrimen  
 Superioris pericula docebunt. primi,  
 si ferrum hostis strinxerit, latus op-  
 ponent, eo latiores quo filiorum lo-  
 co haberi se sciunt, eo fortius quo  
 fortius amant. latum amanti pro  
 amato mori, filio pro patre. Secundi  
 si antè steterint, subtrahent se ferro,  
 obiciunt Superiorem. serui erant, ne  
 mireris. sola in his præmia valent,  
 quæ ubi subduxeris, dominum igno-  
 rant. præmiorum ergo magnitudine  
 cum omnia metiantur, nihil amori  
 dabunt. accedant pericula, absint  
 præmia; fides nulla est. Patris proin-  
 de personam induet Superior, si suos  
 habere velit filios; sed pro varia ra-  
 tione gentis, benignioris aut maturio-  
 ris patris; semper tamen patris, nun-  
 quam domini; nunquam regis; nisi  
 fortè subditi dominum & regem  
 poscant. quod ubi acciderit, non nu-  
 dum se dominum & regem, sed do-  
 minum

minum & regem & patrem suis præbeat: vt dum dominum & regem experiuntur metuuntque, sentiant amantque patrem.

Quòd si in suæ gentis & linguæ homines imperium delatum fuerit, minoribus implicita difficultatibus gubernatio erit. vbi enim ingenium, mores, indoles imperanti respondent, non magno reliqua momento sequentur. nosse & nosci facile imperiis viam sternit. Ad alienæ gentis imperium vocaris? magna vbique opus cautione, ac præprouida in omnem partem circumspeditione, vigilique cura est; multa que primis maximè imperij initiis indulgenda, vt obsequi discant & imperia ferre. ferent, si amauerint; amabunt, si amari se senserint. hunc amorem benivolentia, comitate, munificentia ac indulgentia parabit. cauebit tamen ne nimia indulgentia imperij fræna laxentur; ne prodiga liberalitate opes imperij neruum effundat; ne effusiore comitate venerationem prostituat. laudabit etiam non raro

conquisitis rationibus gentem cui  
præest. nunquam vniuersam damna-  
bit, contemnet nunquam. ignorat  
obsequia cōtemptus. à nimis etiam  
popularium suorum laudibus absti-  
nebit, nec componet gentem genti.  
quòd si quæ gentis suæ mentio in-  
iecta fuerit, ac aliorum ore laudes;  
temperabit illas, eorum verò quibus  
præest, variè pro re natà extollet. ex-  
plicet deinde palàm omnes fiducia  
campos, vt cùm illam subditi sense-  
rint, parem in Superiorem profun-  
dant. in quam rem publica priuatá-  
que munia, non gentis suæ homi-  
nibus, sed quibus imperat largietur,  
ne pro fiducia diffidentiam, odiúm-  
que pro amore paret. In qua re pri-  
mam summámque virtutis rationem  
habebit, vt cùm viderint virtuti adi-  
tum ad magna patere, conatum stu-  
diúmque omne in illam transfe-  
rant. ita tamen fiduciam expandet,  
vt non omnibus omnia consilia re-  
tegat, nec pectus nudet omnibus, ne  
nimius candor contemptum pro ve-  
neratione pariat. sed vbi suorum se-

rius obseruator mores didicerit, deliget fiducia sua dignos, quibus tutò se, sua, imperiique sui credere possit; ac hos, non nisi variè exercitos, quique fidem non vna in re probauerint: quos paulatim ad maiora ita promouebit, vt fræna semper imperij manu ipse teneat, nec gubernaculi sui clauum committat alteri; ne imperare incipiat qui subesse debebat. Et sanè semper non immeritò nimia subditi alicuius potentia suspecta imperantibus fuit: aut enim sceptrum circumspexit aut ruinam: idque magis etiam in gente externa, in qua domestici alicuius opes viam ferè imperio aperiunt. moderabitur proinde has Superior; nec imperij sui vires vni concedet, nec regni sui roborum vni credet, nec opes & ærarium in vnius manu statuet, ne nimia in vnum indulgentia reliquorum odia accendat, & animos ad noua audenda suggerat. nescit parère elata potentia, non magis quàm sceptrum seruire. certiùs verò par multorum gratia & potentia, quàm

vnius supra reliquos, imperium firmat. multos proinde gloria, opibus, viribus, gratia, potentia pares, quàm vnum sibi, imperiòque paret Superior, vt securas noctes securioribus diebus iungat. & vt nihil aliud, à mari à multis quàm ab vno malit. optimum fuerit si amor eat in omnes, vt ab omnibus eat in vnum. hæc vna demum certa imperandi ratio est, omnes vt filios amare, vt ab omnibus vt pater ametur: omnibúsq; vt filiis imperare, vt ab omnibus tanquam patri obsequia deferantur.

---

*Modestia.*

C A P V T III.

**L**Audatus Augustus, qui noctu urbem ingressus, ne obuiam ire parantibus molestiam pareret. Eadem propè in Vespasiano, Tito, Germanico habes. Fuit hoc etiam in Augusto magnum, cùm statuam sibi erigi vetuit. imitatus Nerua est, & ante hos Africanus, & Atticus, cò laudatiore



laudatiore exemplo, quò in magnis  
etiam viris rariore. fuit & illud ma-  
gnum cum ad domini nomen eru-  
besceret Augustus, ad laudes suas  
Timoleon, Dionysio Sicilia pulso  
clarus. æmulus Augusti de modestia  
Antonius regium & domini no-  
men repulit: regium etiam nomen in  
Hispania Africanus; victoria conten-  
tus, oblatum diadema maioribus  
animis repulit quàm obtulerant; ne  
exemplo præiret, ne reipublicæ li-  
bertatem infringeret, maluit Roma-  
nus quàm rex audire. laudatissimos  
dein ab omni modestia Alphonsum  
Aragonum, & Maximilianum pri-  
mum accepimus. vultu verò & mo-  
ribus priuatorum morem expressis-  
se Germanicum, Vespasianum, Tra-  
ianum tradunt, vt amicos in illis aut  
patres, perrarò Cæsares videres. ita  
cum essent, videri volebant. Quis  
Christianorum imitetur? etiam pri-  
uati supra fortunam sæpè & genus  
extollimur, & audire iuuat quod  
non sumus. ignoramus sutores suto-  
re patre nati: aut si fateri cogamur

patrem, auum & atauum, nescio qua  
barbara Principum domo, audaci  
conatu eruimus, maximè si qua no-  
minum similitudo. Aliud docemur  
in Agathocle, qui figlinis poculis  
onerari mensam voluit, quò testa-  
tius foret figulo patre natum. non  
erubuit ad figuli nomen qui virtute  
sceptrâ promeritus, virtute tenebat.  
nihil illius imperio pocula detraxe-  
runt, modestiæ addiderunt. Et sanè  
quis nesciat maius esse suâ quàm  
alienâ virtute magnum esse, poste-  
risque claritatem sceptrâque paraf-  
se ac dedisse quàm accepisse? nam  
quid magnum est alienis nobis ma-  
nibus opes, alienâ industriâ, sudori-  
bus, sanguine honores accessisse? suo  
parasse fors magnum: alieno hæc  
robore venisse, felicitatis esse potest,  
virtutis esse non potest: non magis  
quàm aliena veste & domo laudari.  
Et quis à prudentia bellicâque peri-  
tia laudandum putet, qui alienis  
auspiciis, consilio, ductu, absens vi-  
ctoriam ex hoste retulit? felicitatem  
laudare possumus, virtutem non  
posse

possumus. Iam si quis regum deliciis ac mollibus assuetus, in ignauo vitam otio inglorius transigat, dandi capiendique consilij ignarus, regnum tamen regno aliena manu & prudentia adiiciat, quis prudentiam illius animosque laudet? fortunatum dicere possumus, nec aliud. quid? si aliorum mortibus dormienti crescant regna, quis sapientiæ tribuat? felicitati, sapientiæ non possumus. Quo magis modestiam verbis, vultu, moribus præferet, quisquis alieno magis consilio quam suo gaudet; quisquis maiorum virtute, sapientia, robore, non suo magnus est; quisquis nobilitatem à fortibus maiorum factis, non à suis hausit. accepit illam, non parauit, non auxit generosa nobilique factorum serie. quid si parauerit? modestiam tamen collet, & amicam sinu fouebit. nihil illi huius fortu decedet, accedet gloriæ: nihil decrescet, accrescet nobilitati. neque enim quidquam oréque calamóque laudatum magis, quam in summa amplitudine, potentia,

eruditione, modestissimū esse. posse, nec vti, raræ virtutis est. non cadit hoc in tyrannum, non in superbum. moderatum verò in potentia esse, nec decurrere ad illam, nisi necessitas cogat, magnum.

Iam qui sceptrā benignitate temperat, vt plus referant patris quàm iudicis, plus amici quàm domini, omnium ore magnus. rara purpuræ & modestiæ sociatio, quò laudabilior. qui verò eruditionem prudentiāque per depressa vallium, non per prærupta montium deducat, vt plus semper pulueris quàm præcipitiorum & discriminum trahat, plus verrat quàm sublimiores ausus refe-  
rat, beatus. Vis magnus esse, vis haberi? nūquam magnitudinem ostende; tege. Si ostentaueris, erunt qui deprimant: si depresseris, erunt qui ostendent. profers? regent alij. regis? retegant alij. eo potentiùs, quo tu studiosiùs: eoque certius, quo augustius est omnium manibus educi quàm tuis. habent hoc magna, vt quo plùs velaueris, apertius pro-  
dan

dantur. habet virtus, vt quo fortiùs  
depreſſeris, validiùs exurgat. Hinc ſi  
ſpreueris tua, laudabunt alij. laudas?  
contemnent. ab alieno, non à tuo  
ore laudem ſpera. extulit te fortuna?  
deprime: perget efferre. ſi extuleris,  
deprimet. additus honos, & ſupra  
maiorum ſoccos virtus aut fauor te  
euexit? nihil depone de veteri mo-  
deſtia: aliquid etiam adde, vt expli-  
catior ſit beneuolentia. ne verere,  
nihil decedet, accedet etiam aliquid  
opinionis magnæ. nec vltronea de-  
iectio ibit in contemptum; ibit in  
laudem. cùm modeſtiæ in magna  
fortuna admiratio laudem prouo-  
cet; ſuccedit veneratio, tantòque  
maior cultus, quanto venerationis  
fuga maior. ſequitur illa fugientem;  
vt quo quis in ampliore fortuna ſub-  
miſſior ac negligentior ſui, hoc alio-  
rum auguſtiùs manibus & ore tolla-  
tur. depreſſa nimirum ſurgunt, ere-  
cta coruunt. ita ſemper modeſtiæ  
erectio, ſuperbiæ comes depreſſio  
eſt. laus illam, damnatio hanc comi-  
tatur. illius ætria denſantur ſalutan-  
tium

tium gregibus, hæc solitudine mœret : familiaritatem illius ambiunt plurimi, huius contubernia vitant. tâta prærogatiua modestiæ est. amorem hæc omnium, odium superbia prouocat, etiam in purpura & diademate. nam vt sceptrâ veneremur, & diuinum illis aliquid inesse fateamur, modestia tamen nisi illa vestiatur, inornata arbitramur; & metuiamus, non amamus. amari volunt? amorẽ modestia dabit. timeri cõtenta sunt? discant infelici multorum exitu, firmitus amore, quàm timoribus imperia stare. sed & sua amoris veneratio est, validior illâ quam metu natam videmus.

Quo vehementiùs Superiori Religioso in omnẽ modestiam incumbendum, cùm vitæ genus quod proficitur, omnis modestiæ regula quædam ac professio sit. quod eo magis adnitendum, quo in aliorum salute desudandum illi est. Sanè Apostolus cùm *omnibus omnia factus est*, vt omnes lucrificeret; ad omnium se vitam etiam infimorum abiiciebat, ne ter-  
reret

reret Apostolatus maiestate quos allicere conabatur. Inest quædam morum similitudini persuadendi facilitas. suspecta dissimilitudo est, maxime cum nimis longo inter se intervallo dissidēt. Solet enim plebeiis in primis animis nominis claritudo, morum maturitas, orationis gravitas, eruditionis ostentatio plus timoris ac diffidentia quam fiducia ac sequelæ ingenerare. Hinc potentissimus ille ad persuadendum, cui nulla potentia, roboris, solertia præiudicia aditum claudunt. Faciles enim in paribus aures damus. vbi augusta quædam insonuerunt, contrà armamur, metus in arma vocat: & vera licet denuntientur, timidi animum adiicimus. semper enim potentia vim subesse arbitramur. alienis autem mentibus & suspitione timorēque natantibus, persuadere quæ paræ, difficillimum. Et Deus ipse, cum maiestate terreret, humana maiestatem carne induit, ut animos adderet. quid? quod famulare venerit ne dominatu terreret. plus verò famulatu  
quàm

quàm serpentibus, ignibus, fulminibus, tonitru potuisse in sequelam, nos & Israël docemus. amor famulatum fecutus, fulmina terror: ille semel impressus stetit, hic cum minis delapsus. quàm diu enim terroris causa, tam diu sequela. remoue illum, oppugnabunt qui sequebantur. amor cum obfederit viscera, suo non alieno impulsu sequetur. nihil mirum. externus timor, internus suasor amor est. illius imperia cogunt, huius suadent. & voluntate sua sequitur qui amat, aliena qui timet. quare non ultra metum sequela est. illum tolle, hanc sustuleris. eadem nimirum spongia utrumque. Nec contentus assimilari carne Deus aut famulari, ad infimos quosque, ad plebeiam ferè turbam se deiecit, etiam ad mulieres & pueros. Apostolos sanè piscatores legimus, ut verum fuerit illud Pauli: *Non multi sapientes secundum carnem, non multi potentes, non multi nobiles: sed quia stulti sunt mundi, elegit Deus, ut confundat sapientes: & infirma mundi elegit Deus,*

1. Cor. 1.



Deus, ut confundat fortia : & ignobilia mundi & contemptibilia elegit Deus, ut ea quæ non sunt, destrueret : ut non gloriatur omnis caro in conspectu eius. & inter hos piscatores minimum se fatetur Gentium Doctor : Nonissimè 1. Cor. 15. tanquam abortiuo visus est & mihi; ego enim sum minimus Apostolorum, qui non sum dignus vocari Apostolus. cuius hæc sunt : Implete gaudium meum, ut Phil. 2. idem sapiatis, eandem caritatem habentes, unanimes, idipsum sentientes, nihil per contentionem, neque per inanem gloriam : sed in humilitate superiores sibi inuicem arbitantes, non quæ sua sunt singuli considerantes, sed quæ aliorum. Hoc enim sentite in vobis quod & in Christo Iesu, qui cum in forma Dei esset, non rapinam arbitratus est esse se æqualem Deo : sed semetipsum exinaniuit formam serui accipiens, in similitudinem hominum factus, & habitu inuentus ut homo. Et alibi : Induite vos sicut electi Colos. 3. Dei, sancti, & dilecti, viscera misericordie, benignitatem, humilitatem, modestiam, patientiam : supportantes inuicem, & donantes vobismetipsis, si quis aduersus

*sus aliquem habet querelam : sicut & Dominus donauit vobis , ita & vos. De Moyse verò habes apud eundem:*

*Heb. 11. Negauit se esse filium filiae Pharaonis, magis eligens affligi cum populo Dei, quam temporalis peccati habere incunditatem, maiores diuitias aestimans thesauro Aegyptiorum, improprium Christi. Iam qui vestibus , qui frondibus sternebant viam triumphatori Chri-*

*sto de plebe erant. Cœperunt omnes turba discipulorū gaudentes laudare Deū voce magna dicentes: Benedictus qui venit rex in nomine Domini , pax in cœlo, gloria in excelsis. & passi sunt eodem Euangelista teste Phariseos oblocu-*

*tores. Audiamus ipsam Dominum: Confiteor tibi Pater, Domine cali & terre, quia abscondisti hæc à sapientibus & prudentibus , & reuelasti ea paruulis. Piscatores ergo à Domino in Euangelij denuntiationem delecti, vilissima mundi , parui , egentes , & qui exemplo illius omnium serui , etiam fortunâ serui ; aut si quando illâ diuites, voluntate serui, bonorūque cum Moyse abdicatione serui ; quò*

maiore facilitate, minore molestia, omnibus omnia fierent, omnique insolescentis fortunæ materia nudati, liberiùs se in omnes omnium famuli effunderent, Christi sui exemplo: qui *non venit ut ministraretur ei, Marcè sed ut ministraret,* quò plus de modestia promitteret, plus de famulatu obsequij sponderet, minùsque terroris, plus amoris adferret. 10.

Imitabitur Moysem, Apostolum, omniumque Dominum Superior Religiosus. vultus illi, oculi, frons, omnia denique ad benignitatem & modestiam composita: etiam vestis & mensa. ne quid sit quod meritò offendat. erubescet vinci à Syracusano Dione, à Traiano Religiosus, quibus nihil supra priuatam mēsam & vestem. oratio verò tota nihil elatum, mosorum, asperum, durum. nullus acerbior iocus, non immoderatio risus. maturam lenitatem & ad modestiæ quendam numerum compositam loquentur omnia. quo plus ei apud suos fiduciæ, quia plus comitatis; plus amoris, quia plus benignitatis;

gnitatis; plus venerationis, quia plus modestiæ; plus laboris, quia plus remunerationis; plus obsequij, admirationis, laudis, quia plus humanitatis & benenolentiæ; plus ad imperata proutitudinis, quia plus affectus; plus ad monita submissionis & alacritatis, quia plus benigni patris quam domini. Neque enim res vlla potētius subditos ad amorem & venerationem, ad laudem & nominis tuitionem, ad prona in omnem partem obsequia & fiducia, ad magnos in arduis, lætos in tristibus, fortes in aduersis, modestos in secundis animos prouocabit. audet enim inferior in moderati modestique Superioris conspectum venire, audet pectoribus clausos recludere morbos, audet explicare nocitura, audet periculorum damnorumque seriem depromere, audet in illius tanquam benignissimi patris sinum quidquid altius reconditum profundere, audet in illius tanquam indulgentissimæ matris vbera quacunque pressus siti & fame decurrere: cum in modestiæ

cultore

cultore nullus fastus congressum ar-  
ceat, nulla morosior maiestas ter-  
reat, nulla immititas horrorem in-  
cutiat, nulla augustior compositio  
verecundiam prouocet, nulla solitu-  
do ingenuam libertatē adimat, nul-  
lus suorum contemptus odia accen-  
dat, nulli doli dolos excitent, nullæ  
insidiæ in fraudem impellant. & se-  
quentur etiam per modestiæ semitā  
Superiorem præeuntem inferiores.  
iuuat nimirum illi simillimum esse,  
filios parenti, & benigni modestique  
patris vëstigia legere. Ita fit, vt domus  
vniuersa modestiæ quidam portus  
sit, ad nauigantibus post immanes se-  
culi fluctus gratissimus. atque hinc  
fructus illi magni è proximorum sa-  
lute sperati vberrimè exurgunt. ne-  
que enim ad hos siue fœcundo se-  
mine spargendos, siue centupla red-  
hibitione metendos, siue Dominicis  
horreis recondendos, aptiores vlli,  
quàm quos in modestiæ arena Supe-  
rioris exempla in omnem modera-  
tionem figularunt. Neque virtus alia  
aut ad alliciendū, aut ad persuaden-  
dum,

dam, aut ad imitandum plus roboris adfert. modestiæ enim contubernia amamus, ambimus; monenti aures animûmque faciles commodamus, sequimurque lubentes amoris inuitamēta, illiûsque vinculis volentes innēctimur, cū nec vim nisi amicam, nec fraudem nisi in salutem ab illius manibus vereamur. quid? quòd ipsa muta etiam in Religioso modestia, vultu, oculis, vestitu, incessu, magnam ad persuadendum, ad imitandum longè maximam vim habeat, ut sola nō rarò suffecerit ad sequelā. Et satè viri etiam magni, huius vnus inuitatu, sæculo renuntiantes, Religioni se suâq; sacrarūt, cū sibi persuasissent, sub tanta membrorum omnium serenitate ac compositione non posse non summam animorum serenitatem ac tranquillitatem delitescere. imitari placuit quod delectabat. Quòd si externæ huic modestiæ oratio responderit, incredibile est quantam vim habeat ad explicādos peccatorum laqueos, scelerū nexus, mundi retia, voluptatum compedes, in se

inferorum vincula ; quantam ad excutienda carnis pruritamenta , auidamque bonorum ac auri sitim, illi-  
césque mūdi hlecebras. Iam ad odia  
restringenda , ad conceptas animo  
fraudes ponendas, ad subdolas perfid-  
arum molitionum machinationes  
in meliora consilia commutandas,  
ad alienationes in amorem , negle-  
ctum in venerationem, cōtemptum  
in laudem , æmulationem in obser-  
uantiam vertendam , quantum vna  
modestia possit , facilius experi-  
mur quàm exprimimus. vt licet plu-  
rima desint, generis amplitudo, eru-  
ditio, forma, dicēdi vis & gratia, ora-  
tionis robur, ingenij magnitudo, di-  
gnitas, oris quædam maiestas ; sola  
non rarò vultus serenitas , membro-  
rumque omnium , totiùsque homi-  
nis quædam quasi malacia, ac inter-  
næ compositionis index modestia,  
vna ad omnes animorū fluctus tran-  
quillandos satis censerī debeat. eò-  
que magis , quo maior illam poten-  
tia , eruditio , dignitas comitantur.  
quod vbi fit , nihil ad quod voles  
per

persuadendum validius reperiri potest. admirationem enim in magna dignatione ac potentia, maior modestia prouocat. & amare incipimus quod admiramur: sequi etiam. ac licet asssequi desperemus, imitamur tamen, faciles in monita, & sequelam, cum amor præcesserit modestia natus.

---

*Clementia.*

C A P V T IV.

**Q**VÆ tutum securumque reddit imperiū. cuius firmitas ab unanimi subditorum obsequio pendet. Est in hanc rem illud Theopompi, cum per reges imperandi gnaros Lacedæmones stare quidam dixisset; *Imò, reddidit, per cives Principibus obtemperare doctos.* neque enim sustinet parere iis qui nesciunt præesse. siquidem efficit qui bene ducit, ut bene sequaris. peritissima dux clementia est. neque res alia potētius ducit. Hinc illud Alexandri Seueri Imperatoris matri obiicienti quod mollitie



ac lenitate imperij potestatem fregisset, *Securiorem ac diuturniorem reddidi.* Bene Græcus : *Tutissimam regum custodiam, non turribus, propugnaculis, mœnibus, satellitibus, aut armis cōtineri, sed amicorum presidio, civium benevolentia, propriaque virtute. quibus quidem opibus regna & imperia non modò servari, verùm etiam in dies augeri ac propagari.* Bene Seneca : *Meliùs beneficiis imperium custoditur quàm armis.* Et alibi : *Non opus est construere in altum editas arces, nec in ascensum ardua collis munire, nec latera montium abscindere, multiplicibus se muris turribusque sepire. saluū regē in aperto clemētia præstabit; unū est inexpugnabile munimentum, amor civium.* hinc illud Comici:

*Errat longè mea quidē sententia,*

*Qui imperium credat gravius aut stabilius,*

*Vi quod sit, quàm illud quod amicitia adiungitur.*

Et illud:

———— *Peragit tranquilla potestas*

*Quod violenta nequit, mandatæque  
fortius urget*

*Imperiosa quies.*

Illud etiam: *Qui benignitate ac clementia imperium temperauere, his candida & lata omnia fuisse: etiam hostes equiores quam alias ciues. Fuit verò verum hoc semper:*

*Violenta nemo imperia continuit diu,  
Moderata durant.*

Nec conseruando tantum, sed parauo imperio clementia valet: qua propè vna Cæsar Gallias Romanis aperuit, Scipiones Hispaniam. Sanè Romani non tam armis quam lenitate in victos, orbem propè terrarum imperio subdiderunt. contrà Roboà inclementia consilia secutus, maxima imperij parte exutus fuit. & nimis funesta crudelium Principum morte clementiam docemur. Caligula, Nero, Domitianus, Commodus, pluresque infaustæ crudelitatis victimæ iacent posteris exemplum; cum, si vernaculas omnium gentium historias consulamus, regumque in iis exitus, plures à suis quam ab hoste interemptos reperiamus. vt rogatus Thales quid difficile vidisset, bene responderit,

derit, Tyrannum senem. Bene in hanc  
sententiam Sallustius: Equidem ego  
cuncta imperia crudelia, magis acerba  
quam diuturna arbitror, neque quem-  
quam a multis metuendum esse, quin ad-  
eum ex multis formido tendat. eam vi-  
tam bellum aeternum ac anceps gerere.  
quoniam neque aduersus, neque a tergo  
aut lateribus tutus sis, semper in metu  
aut periculo agites, ad omnium propè  
occursum ac suspensiones pauidus.  
nec ante finem terroribus quam vitæ  
facis. quid? quod nec sanguine qui-  
dem extinguatur odia, tam altè ani-  
mo insident, vt ante ferrum quam ani-  
mum flexeris: ante illud dextramque  
sanguine quam mentem delassaueris.  
nec publica tantum; quantum priua-  
ta saeuit manus. non satiantur odia  
morte vnâ. rediuiuum vellent vt sa-  
uire sapius possint. ita inuisa nemo  
imperia retinuit diu: crudelia omnia  
inuisa sunt. Scio tritum illud: non mo-  
uere bella mortuos. at quàm funestorū  
Pompeij mors ciuiliū bellorum caus-  
sa, quantorum Cæsaris fuit; cū Ro-  
mano sanguine orbis maderet, vi-

Sal. ad  
Caesar.

Etorque populus regna cadaueribus  
integeret, lassatique fluij sedibus  
pelleretur, plusque nō vno loco Ro-  
mani sanguinis, quā aquæ flueret?  
& non Gallia post Aurelianam Lu-  
douici Ducis cædem, sexaginta an-  
nis ciuiliū bellorum flammis exar-  
sit? Numquam odio moritur crude-  
litas: nam aut execrabilis, aut bre-  
uis est: & dum secuta sibi videtur,  
præcipitio proxima est. nulla illam  
temporū longinquitas delet, nulla  
à vindicta liberat. parcent aliqui me-  
tu retrahente manum: inuenientur  
qui vitam contemnēt suam. nullum  
caruit exemplo nefas; & vna aliam  
crudelitas parit. nec crudele iam vi-  
detur, crudelem sanguinem fuisse;  
adeoque litasse crudelitati censetur,  
qui crudelem sustulit. tam altum in-  
natum vnicuique odium crudelitatis  
est, vt innoxia mente & manu videat-  
ur crudelis cadere.

Verū non debuit, non potuit  
priuatā manus, quid debuisse queris?  
satis odio potuisse est, & non factum  
omni propè sæculo & gente est? quo  
magis

magis fugienda, quæ tot dexteras in  
vnam animat & armat. neque enim  
satis est dixisse, Non licet, impia ma-  
nus est quæ crudelitatem crudelitate  
vindicat: tot iacent infelices victime,  
cùm vna aliam crudelitas protrude-  
ret, & prouocaret in sanguinem san-  
guis. Declinabit sanguineos hos sco-  
pulos prudens Superior, & ad cle-  
mentię littora gubernacula & vela  
diriget. fecerunt Romani, omnesque  
urbicas plebeias seditiones secessio-  
nesque vna clementia restinxerunt;  
tantas flammæ modica aqua: cùm  
fatuum senatus putaret, furentibus  
immane popularibus procellis Rei-  
publicę nauem obiicere, antè for-  
bendam quàm tinguendam; cessit  
his fluctibus, & per æqua, per ini-  
qua, littora tenuit. Et quis prudens  
popularibus tepestatibus caput ob-  
iiciet? quis fatuo? quis ebrio? quis  
mari? quis fluminibus aggeribus per-  
ruptis? sæuior popularis ira est, ubi  
verecundiam posuit. sola illam leni-  
tas franget. quis ignem ignibus ex-  
tinguat? aquam admoue, & viceris.

Cuius, quis

quis saxum saxo opponit? aliterius aut  
vtriusque interitum expectes. op-  
pone puluillum, & desinet sauire.

Iam quoties in Germania, Gallia,  
Hispania, è nouis vectigalibus, tan-  
quam saxum furentibus Aquiloni-  
bus, plebeia exorta tempestates,  
tantum non florentissima orbis re-  
gna euerterunt? vectigalia, irarum  
fluctuumque causa, & ingens tem-  
pestatem malacia secuta est. Et quid  
refert, quibus aduersarium modis  
vincas? vicisse satis est. osculo potes?  
quid stringis ferrum, ferro fors re-  
pellendum? quid arma armis pro-  
uocas? non fortuna belli semper  
incipiti loco est? & non ab imbel-  
li sæpè dextera & inassucta pugna,  
valentissimus cadit? à Davide Go-  
liath, armatus à funda, quin &  
muliebri manu iacet. Abimelech,  
Holofernes, Sisara, militiae duces. Et  
quid sanguinem cogitas sanguine re-  
stinguendum, & illo solo? iam vt fer-  
ro vinctis, vt hostem straueris, ma-  
nent iræ & odia: si non in cadauere;  
in propinquis, in amicis, in asseclis,

æmulis: qui nunquam victori defuerunt, de quibus; *Multa illis manus sunt, tibi una ceruix.* & nimis verum hîc illud: *Vt arbores quadam recisa pul- lulant, ita regia crudelitas auget ini- micorum numerum tollendo.* pœna pro- inde, ex eodem calamo, ad paucos, metus ad multos perueniat. ita ful- mina paucorum periculo cadunt, om- nium metu. sic Valens Imperator Ba- tauos tumultuantes animaduersione paucorum in officio tenuit. & tritum illud Taciti est: *Amorem apud popu- lares, metum apud hostes quaramus.*

Scio arma aliquando armis popul- sanda, vim vi repellendam, ferrum ferro. Verùm non nisi coactus ad hæc descendet vir prudēs: nunquam aut perrarò Superior. clementiâ vin- cet. nec hic opus magno molimine. quin & de iure suo aliquid conce- det; multum etiam interdum. vbi pacauerit, etiam iniqua concessione, facilè in viam aberrantes reducet, quos beneficiis vicerit. Certè ni- hil facilius quàm volentibus impera- re. habebit tales qui suorum sibi



beneuolentiam ac amorem parauerit. parabit clementiâ. obsequentes ergo suos si uolet Superior, & ad imperia promptos, hilares etiam ad illa, & in arduis lætos; morum lenitate ac clementiâ faciet. cuius cùm moderata imperia sint, & ab amore profecta, quis dubitabit morem gerere, & vltronea uolentiâque submittere colla amoris iugo, clementiæ manibus confito? Nihil uerò difficilius quàm reluctantibus imperare; nescit odium parere. amet necessum qui obsequitur. nam si à metu sæuitia extorto obsequia nascentur, non nomini, non sanguini, ubi se occasio dederit, parcent. Dictum uerè: *Tam multis periculis peteris, quàm multis ipse periculum es.* & illud: *Armis vallatur tyrannus, ut magno timore magna compescat odia. nec tamen illas ipsas manus, quibus se commisit, securus aspicit.* & ut ad extrema hæc non descendant, subtrahent se si quâ possunt effero dominatui. si negata hæc via, exasperante se odio, ipsos imperij cardines conuellēt, ruderibus ruinisque inse-

peli



peliendi; & gloriæ suæ partem re-  
 putabunt, si cum Eleazaro bellua,  
 cum Samfone hostibus integantur.  
 non didicerunt odia parcere, didice-  
 runt sæuere. sed neque cognatum, aut  
 vnius vteri norunt sanguinem; cæ-  
 ca sunt, discrimina nesciunt. quo-  
 cunque eos rapit furor, sequuntur.  
 nisi quod ferè magis in consanguineo  
 ac domini sanguine sæuiunt: maior  
 enim ignis ab hac materia exurgit.  
 quo nimirum tardior, eo validior &  
 immanior flamma. ita viridantium  
 lignorum lentior, sed ef-  
 feratior ignis est. Verum illud: *Quem*  
*quisque odit, peruisse expetit.* honesti ac  
 cognitionis postrema cura, prima  
 odij. Diuertet hæc Superior clementiæ  
 manibus. quæ vna virtus cœlo proxi-  
 ma est, permistumque diuini aliquid  
 habet, cuius munere videmus Deum  
 toties genituræ tributa dignis si-  
 mul ac indignis largiri, iustisquæ  
 æquæ ac iniustis parti. Non sum im-  
 memor Regij Prophetæ: *Misericor-*  
*diam & iustitiam cantabo tibi Domine.* Ps. 100.  
 & *Misericordia & veritas obuiauerunt* Psal. 81.  
C 5 sibi.

Prov.  
20.

8 Superioris religiosi  
sibi. sed additur: *Roborabur clemen-*  
*tia thronus eius.* ut discas firmamen-  
tum throni esse clementiam, qua  
roborantur sceptrum & diademata.  
Miscenda tamen clementiæ iustitia  
est, ut neque, Gregorio teste, asperitate  
exulcerentur subditi, neque nimia beni-  
gnitate solvantur. sit amor sed non emol-  
liens, sit rigor sed non exasperans, sit zelus  
sed non immoderate severus, sit pietas sed  
non plusquam expediat parcens. & Au-  
gustino: *Misericordia sola si fuerit, secu-*  
*ritatem facit peccandi subditis: si discipli-*  
*na semper aderit, verum animum delin-*  
*quentis in desperationem.* Bene in hac re  
Seneca: *Pœnam, si tuus potes, donabis;*  
*sic minus, temperabis.* Quid? quod  
laudeat *Linia Augusto, de sicario:*  
*Deprehensus est: iam nocere tibi non*  
*potest; prodesse fama tua potest. parce.*  
*nihil gloriosius est Principe impune cesso.*  
*iã Titus, quàm Christianè, cum pa-*  
*tricios duos cõiurationis convictos*  
*monuit, desisterent? Antoninus sanè*  
*Auidij Cassij liberis, uxori, genero*  
*veniam dedit eadẽ propè in Traiano*  
*reperies. Nobile illud Sigismundi:*

*Inimici*

*Inimicum occido dum parco, & amicum facio dum extollo. Et Cæsarum maximus detectas coniurationes non ultrà arguit, quàm vt edicto ostēderet, sibi notas. huius etiā imperio deiectæ Pōpeij statuæ restitutæ, literæ in scriniis repertæ igni traditæ. poterat in his cognoscere cōspiratores, noluit. tantum apud hostem potuit cōmissorum etiā in hoste custodia & fiducia. Gratum illud etiam Vespasiani, qui hostis sui Vitellij filiā matrimonio iunxit & dotaui; & illud Dionis, qui Heraclidem hostem dignitatē à qua exciderat restituit. Inter memorandos Agesilaus Lacedæmonius est, quem accepimus occultos hostes ad honores prouexisse, periclitantes propugnasse, egentes locupletasse. nec minor Vespasianus, qui monitus vt ab insidiis Meritij caueret, Consulem fecit. Erit, inquit, memor aliquando tanti beneficij. & Augustus, cuius antè memini, post Liuiæ monita: Ego iudico plus clementiam quàm seuitiam proficere. Nam misericordes non ij tantum, quibus doli-*

*Et gratia facta est, caros habent, ac gratiam referre student, sed reliqui etiam omnes reuerentur ac colunt. At qui ira inexorabili utuntur, non modò odio eos habent ij qui metuunt sibi, ceteri quoque insidiis structis suam perniciem euitare statuunt. Hostibus ignouit, Cornelio insidiatori consulatum dedit. est illud eiusdem: Vitam tibi, Cinna, iterum do, priùs hosti, nunc insidiatori, & parricida. hodierno die amicitia inter nos incipiat. contendamus, utrùm ego meliore fide vitam tibi dederim, an tu debeas. Dignum etiam memoria illud Rudolphi Imperatoris: Seuerum & imitem fuisse me aliquando, pœnituit; lenem ac placabilem, nunquam. & illud Alphonfi Aragonum: Malo multos mea clementia & mansuetudine seruare, quàm paucos mea sententia perdere. Temperanda ergo clementiâ iustitia est, sed ita vt primas sibi vindicet clementia. melius enim sanare vitiosas partes est quàm exsecare. se cogitet Superior & Deum. qualem hunc in se volet, talem se præbeat suis. quoties meritissima iudicis sen-*

tentia feriendus ad patris decurrit  
dexteram, & inclamat cum Prophe-  
ta: *Quoniam tu Domine suavis & mi-* Ps. 85.  
*tis, & multa misericordia?* quoties pœ-  
nas promeritus, facilem in veniam  
Dominum experitur? quàm frequen-  
ter patrem, quàm rarò iudicē? quàm  
lentum rarumque in vindictā; quàm  
paratum celeremque ad ignoscen-  
dum? Et sanè si quoties labimur,  
cùm *septies in die cadat iustus*, toties  
ad pœnas decurreret Deus, ad quæ  
nō vltimæ desperationis littora vol-  
ueremur? aut quis salutem sperare  
audeat, si ad omne delictum ruant  
fulmina? vt taceam mœroribus, len-  
tāque ferè tabe contabescere solere,  
quotquot durior tenentur imperio;  
neque vnquam ad magna dexteram  
extendere, sed in ignauo plurimùm  
otio ingloriam vitam ducere, terro-  
ribus plenam. Repletur exinde do-  
mus nocituris suspicionibus, nec  
quidquam satis tutum. metu natant  
omnia, & dum perpetuus rigor ob-  
uersatur animo, tam altè odia mixta  
doloribus imbibuntur, vt non nisi  
cum

cum vita ponantur ; videâsque familiam vniuersam tanquam sub securi & fune ; non sociis, non parietibus, nec sibi satis fidentē. nulla sub hoc capite animorum coniunctio. non coalescunt membra sub severo vertice : neque enim ab illo amica diffluunt vincula quibus nectantur, diffluunt quibus denectantur. quare nec amica inter domesticos erunt colloquia , quia non tuta. nullius frons ad hilâritatem composita ; omnium ad mœrorem. si quid dicendum, circumspiciunt singula, & medias ferè narrationes occidunt. ita, dum penduli semper hærent, nunquam animum profundunt, claudunt centum clauibus. vt iam pro candore simulatio irrepat, seclusa religiosa simplicitate. exulât inde veritas, succedunt doli , sæuâque Religionis pestis detractio latè omnia complet : quæ non viuo, non mortuo parcit. Cecinit in hanc rem non ineleganter Homerus :

*Quisquis inhumanis studet intestabilis vii*

*Moribus, huic omnes viuo clam dira  
precantur,*

*Huic omnes credunt fas insultare per-  
empto.*

*Sincerum vitæ contrà culpâque ca-  
rentem*

*Tantus inumbrat honos, vt famam  
nominis amplam*

*Quilibet extremas passim ferat ho-  
spes in oras.*

maiorque etiam laus manet mor-  
tuum. semper enim clementia ad-  
miratores, laudatores habuit. Hinc  
illud magni semper Caroli Quinti,  
apud Algeriam verò clementiâ in  
suos maximi, nulla tam ingrata de-  
lebit, omnis laudabit posteritas:  
malle se unum Christianum seruare,  
quam mille Mauros, mille Turcas, tori-  
demque Pœnos perdere. Patris fuerunt  
hæc in filios, non domini in seruos,  
supra Herculei freti terminos, vtrū-  
que orbem clementiæ ac benignita-  
tis in suos, non moriturâ fama, com-  
plexura. Stabunt hæc orbe stante, ac  
decinerato etiam orbe, cælo viuent,  
omni æternitati commensuranda.

*Quid*

Quid faciet Superior Religiosus? perdet sæuitiâ quem seruire clemētiâ poterat? obiiciet ferociâ concreditum sibi pignus hosti? aut propellet rigoribus quem lenitate allicere poterat? aut denique ad omnia vulnera, ad ferrum decurret & ignem, cū mitioribus mederi posset? non sunt hæc patris, non medici, non Christiani, non hominis. vult imperare cum laude, in alta pace, suorum beneuolentia, externorum gratulatione, Religionis bono? vult in cinere & vrna viuere, etiam apud eos quibus nec de capillo notus? ita iustitiam clementiæ, lenitatem rigoribus permisceat, vt plus semper imperia clementiæ quàm iustitiæ, lenitatis quàm rigoris referant. certius à clementia stant regna, maximè in Religione, quæ post sæculorum maria primorum quorumcunque mortibus funestata, benignitatis ac mansuetudinis portus est. Et verò durissimum est post maris sæuitiam, fluctuūque iactationē ad lenitatis & amoris in Religione littora eiectum,

in



in portu periclitari, nec quisquā nisi barbarus naufragos ferocius habet; hospitio magis donat, & si aliud negatū, verbis solatur. imitabitur Superior Religiosus, fortunatissimōsque naufragos suos, sola eiectione felices, cælorum portui destinatos, quanta potest benignitate excipiet; tuebitur, fouebit, memor conditionis suæ, conditionis humanæ, memor Dei. nec pudebit Religiosum, audire monentem Senecam, pudebit vinci.

*Quisquis est placidè potens*

*Animoque parcat, longa permēsus diu*

*Felicitis aui spatia, vel calum petit.*

Est hinc illud Ciceronis : *Homines Pron. Q.*  
*nulla re propius accedunt ad deos, quàm Ligar.*  
*salutem hominibus dando.*

*Promptitudo in suorum necessitatibus,  
 paratúsque in omnem horam  
 animus.*

CAPUT V.

**L** Audauit hanc in Q. fratre Cice-  
 ro : *Pacillimos esse aditus ad te, pa-  
 tère*

*tēre aures tuas querelis omnium, nullius inopiam ac solitudinem, non modo ullo populari accessu ac tribunali, sed ne domo quidem tua, et cubiculo esse exclusam. Secutus est Traianus, de quo Plinius: Nulla in audiendo difficultas, nulla in respondendo mora: audiuntur statim, dimittuntur statim. Sequantur quotquot in Religione Superiores, quotquot extra. commendatum etiam in Gratiano ab Aufonio: Laudabile Imperatorem interpellantibus faciles præbere aditus, nec de occupatione causari. Quo in genere laudatissimi iam olim Miltiades, Artaxerxes Cyri frater, Agesilaus Lacedæmonius, Cæsar Augustus, Titus, Hadrianus, M. Antoninus Pius, Constātinus. Vespasianum etiam è morbo decumbentem legatos admisisse, audisse, accepimus. quo magis Superior Religiosus omni prorsus hora paratus erit suorum necessitatibus audiendis: nullum illi tempus importunū, omniāque adeò suis quocunque momento ostia patebunt. patrem se cogitabit ac matrem, quorum ostia reſerata filiis; quorum*

quorum necessitatibus pectus ac vbera pateant; nec patrem tantum, sed & pastorem, ut super commissio sibi grege inuigilet; & vel yno aberrante, nemora lustrat, transcendat montes. suorum proinde salutis serio incumbat, primamque curæ suæ partem suos statuatur; cogitetque non tantum se charitatis, sed & iustitiæ legibus teneri. occupationes illius alia detinent? seponat illas in filiorum necessitate. externorum illum salus prouocat? filiorum incumbat, si destituenda auxilio pars altera est. etiam noctibus paratus sit, si qua nocturna necessitas ingruat. nullus. n. illi somnus filiorum necessitatibus mollior gratioque esse debet; nullus cibis potusque desiderator. Dicitur non potest quantum promptus paratusque in omnem horam Superioris animus inferiorum animos conciliet, & ad ardua quæque prouocet & inhortetur. Bene in hanc rem Bonauentura: *Subditi facilem accessum ad eum habeant, fiducialiter ei loqui de quibus indigent audeant, & patienter eos audiat.*

68      *Superioris religiosi*  
*diat, benigne eis satisfaciat, studiosè in-*  
*struat, alacriter exhortetur. studeat ma-*  
*gis amari quàm timeri, quia libentius*  
*obeditur illi qui diligitur, quàm qui ti-*  
*metur.*

Ingentia deinde mala leui mo-  
mento præcaueri hac Superioris in  
omnem horam promptitudine pos-  
sunt. quæ si moram dederit, nulla  
postmodum arte medeatur. quid?  
quòd graui aliqua tentatione pres-  
sus inferior, vno non rarò Superioris  
verbo firmari possit, si negata aut di-  
lata opportunitas fuerit, corruet fors  
miser, latamque in omnem ætatem  
ruinam dabit, viamque ad grauiora  
sternet, quibus paulatim obdurescat  
animus: & qui ante primum lapsum,  
virginali quadam verecundia flecti  
facilis, ad delicti nomen expallesce-  
bat, post frequentata crimina à con-  
suetudine audaciam mutuatus, fer-  
rum & ignem deposcit, qui leuissi-  
mo curari medicamento poterat.  
tantum in vtramque partem valet  
Superioris ad omnem congressum  
comitas & facilitas; aut eiusdem  
moro

morositas ac difficultas. nimirum quod in medica arte usu venire videmus, ut a momento sapius pendat salus; ut tempori monuisse ac venisse, curasse; moram traxisse, peremisse sit: idem in animi morbis reperias. Imitabitur proinde medicos Superior. properabit monitus, pericula veritus. Imitabitur etiam milites, qui ad tubæ signum torporem somnumque excutiant, cum in vna celeritate nobilissimas sæpe victorias, ac regnorum excidia posita esse sciant. Cogitabit eadem Superior, & aduolabit ad inferioris preces tanquam ad salutis tesseram: incertusque magnitudinis ac periculorum, in perpetua statione versabitur; nulla non hora promptus paratusque, deteriora timens: prudens enim etiam tuta metuet, maximè in re salutis. nunquam obfuit metus: nunquam profuit præsumptio. sperabit meliora ubi ægritudinem intellexerit; antè metuet. & gravitatis ignarus non prius timorem deponet, quam edoctus de magnitudine mali

li fuerit. edoceri verò ab inferiore & qui malum patitur, debet: nudis si insistat coniecturis suis, meritæ non semel reprehensioni patebit. faciles proinde aures præbebit, & gaudebit etiam bene merendi de filio occasionem dari, neque enim potius vero patri quidquam filiorum salute esse debet.

Quid? quòd promptitudo paratúsque in suos animus diuinam in Superiorum necessitatibus promptitudinem excitet; vt qua illi in suos, ea in se Dei experiantur facilitatem in auxilio ferendo, malis auertendis, pectore roborando, labentes erigendo, oppressos eripiendo, mœrentes solando, languentes firmando. verum enim illud Gregorij est: *Tanto*  
*Past. p. 2. cap. 5. facilius à sua eripitur, quanto misericordius ex aliena tentatione fatigatur.*

Denique paratus hic Superioris in omnem partem animus, ingentem inferiorū animis fiduciam amorémque ingenerat. neque quidquam in his abditum, nihil relictum, quod damna afferre possit, deuomuntur à

quacunque manu hausta venena, & in parati Superioris tanquam patris matrisque sinum nocitura deponuntur, quod facilius medica admoueri manus possit. nascitur deinde quædam in Superiore fiducia. vna enim alteram prouocat: & fidere incipit qui fiduciam in se inferioris promptitudine animi sui illectam experitur. quæ res in omni felici gubernatione cum primis utilis & necessaria est. Sciebat hoc Rudolphus Imperator, Austriacæ domus illustre decus, à cuius congressu cum purpurati tenuiores arcerent, digniam suo genere vocem edidit: *Sinite homines ad me venire, neque ideo Imperator sum ut arculâ includar.* dignissima vox magno Imperatore, magis etiam Austriaco ore & pectore. Non erubescat Superior Religiosus Imperatorem imitari: erubescat ab Imperatore humanitate, benignitate, modestia vinci.

## Veritas.

## CAPVT VI.

**C**Um imperium iustitia viduat-  
tum diu stare nequeat, illius  
autem munus sit neminem fallere;  
perfacilè videas, quo ore deccat esse  
Superiorem. hinc illud Sapientis :

*Prou. 17.* Non decet Principem labium mendax.

*Prou. 12.* Et, Abominatio Domino labia menda-  
cia, qui autem fideliter agent, placebunt  
ei. Planè dedecet Principem, non la-  
bium tantum mendax, sed & ocu-  
lus; vultus, manus. sunt enim & his  
sua mendacia. nec minùs muta ma-  
nus, elinguis calamus, quàm os men-  
titur: nec minor in illis fraus & do-  
lus. Fugiet proinde hæc Superior,

*Prou. 13.* monente Sapiente: *Verbum mendax*  
*iustus detestabitur.* eo magis quòd  
abominatio Domino sint labia men-

*Sap. 1.* dacia: cuius illa sunt: *Os quod menti-*

*Prou. 8.* *tur, occidit animam.* Et, *Os bilingue de-*  
*testor;* mendax nimirum, & in cuius  
labris dolus habitat, fallacia sedem  
figit. retia expandit mendax, & deci-

pula



pulsa factus est amico. quo potentiùs detestatur illum summa Veritas ; vt veritatis hostem. quanto ergo primæ Veritati coniunctior Superior, tanto magis mendaciũ omne detestari debet: vt non ininùs à mendacio quàm à periurio abesse illum deceat.

Et sanè si propiùs rem consideremus, licet prima specie simulata consilia verbáque læta, tractu tamen dura, euentu verò tristia, & in domini caput casura reperiemus; cùm ferè suis impostor omnis irretitus teneatur laqueis, ipsasque fraudes suas quibus famulantibus ad destinata peruenit, vereatur, nec iniuria. ex his enim quid possint, didicit. quid? quòd semel detectis dolis ( neque semper celari possunt ) omni in posterum fide excidar, occasionemque aliis præbeat paria audendi. ita dolum dolum prouocat, & simplicia ingenia inassueta fraudibus, si illas patiuntur, ad easdem recurrunt, vt venena venenis pellant. vt vel hoc in primis nomine fugiendum Superiori vitium sit, cùm fortunata infortuná-

que gubernatio opinionibus plurimum subditorum stet. Quare si fide apud suos careat, reliquis omnibus necessum est illū excidere. & quis se suāq; credet mendaci? quis vulnera illi morbosque reteget? quis fidē adhibebit vera dicēti? habet enim hoc omnis mendaciis assuetus, ut nec si vera dicat fidem inueniat. ab eodem enim ore vera falsaque cū profici-  
scātur, eandem censuram merentur. maximē cū videamus mēdaciis assuetos tot non veris circumstantiis veras narrationes vestire, ut plus semper falsitatis quā veri habeant. muliebri planē ac plebeiū vitium, aut eorum qui virtute destituti, per scelera viam sibi ad magna struūt. quorum est aliud clausum pectore, aliud lingua promptum, vultūque magis quā ingenium bonum habere. casti hīc sunt oculi? corda libidine natant. frons serena? sanguinem animus sitit. vultus hilaritatem mentitur, cū mens mœroribus fluctuet. oris trāquillitas decumanos pectoris fluctus tegit. vna hęc ambitio facit.

quæ

quæ dū experiri omnia suadet, mortaliū plurimos falsos fieri subigit. veritas nimirum aditum ad cogitata obstruxit: inuenienda ratio est. virtus non potuit? scelera aperiēt viam. quibus improbum illud extremis semper natat labris: *Quid interest quibus modis parauerim? habuisse satis est.* ne quære modos, rem teneo. quaquā via, peruenisse beatum est. negabat virtus, carere durum erat. scelera dederunt. non potui innoxia mente, ore, manibus. noxia dederūt. quid refert qua via, integra an dānata fama, per innocentē sanguinem an sine illo, per alienas fortunas an propria, per conuitia, calumnias, obtrectiones an verbera, aperta hostilitate an per insidias? satis est vicisse. ad quæ rapit arrogantia & habendi sitis? Et quid sperari ab his potest nisi vetus illud & verum, *nullam potentiam scelere quæsuam cuiquam fuisse diuturnam*, aut quemquam imperium flagitio acquisitum, bonis artibus exercuisse? Admoueat conatum omnem, circūspectet prouidus

singula, prudenter instructa, aliena  
fraus discutiet, aut scelere suo infe-  
rior corruet. & quæ callidè destina-  
ta, feliciter occupata, dolo suo cadet.  
semper enim dolus quantamcunque  
fortunam nactus, pauidus stetit, vir-  
tuti diffidens; & dum fraudulenta  
alia ex aliis consilia necit, laqueos  
sibi struit, retia induit. nam licet dif-  
ficile non sit fraudes contexere, diffi-  
cile tamen est iisdem artibus parta  
tueri. expeditius enim manus nostræ  
rapiunt, quàm contineant. nec ma-  
gni moliminis est fortunam sibi do-  
lis malis parare; magnum seruare est:  
cùm citatiore ferè quàm aduolarat  
cursu fugiat, facilis in amplexum, fa-  
cilior in fugam. & quāuis aspirare &  
annuere dolis videatur, nunquam ta-  
men simpliciter indulget; sed dolum  
plerumque dolo premit & ferit.

At imperium adepto quid timen-  
dum est? ne contemne tuos. hostes  
habes. nil tutò in hoste despicitur;  
quem si spreueris valentior negligē-  
tia effeceris. & quid magnum  
fraude parta, fraude euertere? præses  
neces

necessitas consilia suggerit, & qui se spretum videt, dolo an virtute hostem sternat, pro eodem habet. hoc certum, nihil tam firmum esse, cui periculum non sit etiam ab inualido. ita leo aliquando minimarum auium pabulum fuit; & exigua scintilla contempta, inter magnam urbem & nullam vix horam concessit. non spernet ergo suos, maximè si dolis imperium parauit Superior. faciliùs euertuntur quàm parantur regna: vnàque fraus euertet quod multæ pepererunt. Sed neque si virtute cōsecutus est, fraude tuebitur. eadem virtus seruabit quæ dedit. nec sapit virum dolo, vt meritò inclamet Homericus Achilles:

*Odi etenim cœu claustra Erebi, qui-  
cumque loquuntur*

*Ore aliud, tacitòque aliud sub pectore  
volunt.*

Hinc damnati Romanis Martius & Attilius, quòd Macèdonum regem mendacio circumuenissent; laudatùsque Traianus Plinio, quòd quæ vellet velle, quæ nollet nolle scirent

omnes: damnati alij. Quod, ait, tam infidum mare, quàm blanditia Principum illorum, quibus quanta lenitas, tanta fraus, ut facilius esset iratos quàm propitios habere? Fortiter verò Isocrates regem monet, ut veritatem manifestò ac aperte colat, ut iniurato illi potiùs quàm iurato alteri credatur. Quod potiore longè iure Religioso conuenit, in cuius ore mendacium Principum periurio deterius haberi debet. & quo illi mendacium? fallere vult? indignissimus nomine suo est, falli dignissimus. parare dolis vult quod virtute non potest? dolis ludi dignus est. insidias struit? meretur. dignitates ambit? precipita metuat. imperium cogitat? tutius imperium pati est. præesse dignius? certius subesse est. commoda adfert? sed tantis inspersa incommodis, ut tanto felle tam modica mella emi non debeant.

Quòd si deinde suorū in se fiduciā amorēque excitare Superior velit, nulla propè re alia valentiùs prouocabit, quàm si facta verbis respondere viderint; nullāque re certiùs firmabit

mabit iuperium : quod inferiorum  
amore fiduciáque solidatur. Nec fal-  
li potest qui dixit: *Labium veritatis fir-* Prou. 12.  
*um erit in perpetuum* : mendacij verò  
corruct , domúmque totam mutua  
implebit diffidentia, detractionibus,  
dolus, euerfionibus mutuis.

Nec priuatis parietibus malum hoc  
claudetur. nescit os bilingue labiis  
suis moderari : quia perfidia in do-  
mesticos, eadem in externos erit, cū  
ingenti religiosi nominis dedecora-  
tione. quòd si adnexa veritati prēmia  
confiderauerimus, si mendacio dama-  
na, nullo negotio ad amplectendam  
illam flectemur. Eleganter Regius  
Propheta : *Domine quis habitabit in* Psal. 14.  
*tabernaculo tuo ? aut quis requiescet in*  
*monte sancto tuo ? Qui loquitur verita-*  
*tem in corde suo , qui non egit dolum in*  
*lingua sua.* De mendacio verò habe-  
mus ab eodem ore : *Perdes omnes qui* Psal. 5.  
*loquuntur mendacium.* Et illud : *Potior* Eccli.  
*fur quàm assiduitas viri mendacis, perdi-* 20.  
*ditionem autem ambo hereditabūt.* Mores  
hominum mendacium sine honore : &  
confusio illorum cum ipsis sine intermissi-  
sione.

*sione.* Fugiet proinde mendacem Superior, & domo etiam si potest, familiaritate verò semper excludet: ne aut probare videatur, aut imitari assuescat. maximè cum vix reperiri quisquā possit, à quo maiora familię damna timeri debeant. nam quid agat Superior obsessus illo cui perpetua fraus dolusq; in ore natat? arma enim aperta palàm vites. fraus & dolus occulta, eoque ineuitabilia. & aduersum, hostem viro fortī opprimere haud difficile est. occulta pericula quę prudentia vitabit? aut quem non faller mens tecta in aperta fronte, oculi blandientes toxico venenati, labra ridentia sanguine grauida? & quid credere; quid fidere Superior potest: mendaciis assueto, cum fraus indiuidua mendacij comes sit indissociando illi nexu sociata? exulante verò fide & fiducia quid sperari potest; quid non meritò timeri?

Iam cum mendaciis assuetus, totus plerumque ex adulationibus ac detractionibus consutus sit, quę non damna metuenda sunt? mutuarum  
sanè



sanè diffensionum causſam mendaciis præberi quis non videat? & quid faciet Religio diffensionibus in diuerſum acta? Religio non erit. amor illam facit. hunc qui ſuſtulerit, illam deleuit. neque enim illam ſic ſeueritas, rigôrque, aut circumſtantes pœnæ quàm tutatur amor. hæc arx inaccessa, hoc inexpugnabile munimentum eſt, quod aliis propugnatoribus non eget. nam metus & terror infirma Religionis vincula ſunt, quæ ubi remoueris, qui timere deſierint, odiſſe incipient.

Subtrahet ergo diffensionum materiam, ignibus nimirum ligna prudens Superior. faciet ſi omnem mentiendi licentiam in radice præciderit. non ferro, non ignibus hîc parcat, vt reliquo corpori bene ſit. quòd ſi quem vitio huic indulgentem nactus fuerit, fortiter emendando inſiſtet: nuſquam parcat. perdit qui parcat, ſeruat qui punit. vt laudanda hîc ſeueritas ſit, parcere neſcia: improbanda clementia, ignoſcere aſſueta. neque enim malum hoc in-

D 5

dul

dulgentia viceris, aut molli benignitatis spongia deleas; à ferro & nouacula sanitas sperari potest. à mitioribus tamen medicamentis inchoanda curatio. ab iniecta verecundia, à feriis monitis, à negata aut subtracta familiaritate : inde ad validiora remedia properandum, donec pulso morbo victrix diligentia steterit.

---

*Animi candor in factis, in verbis.*

C A P V T VII.

CAndorem in omnibus quæ verbis, quæ factis præ se ferat Superior, ut illum inferiores sentiant, clarèque videant nihil in verbis illius fictum, nihil ad cuiuscunque gratiam compositum. exulet proinde omnis simulatio, omnisque politica agendi ratio, tanquam bonæ gubernationis pestis, mortiferumque religiosæ moderationis venenum. nam si vel vnum huius in Superiore exemplum extet, satis est ad omnem illi auctoritatem tollendam, omnem erga illum venera-  
tionem,

tionem, fiduciam, filialem obseruationem, amorémque penitus extirpandum, dabítque occasionem inferioribus eisdem mores imitádi. quod ubi fit, nulla iam Religio, sed cum moribus suis sæcularium Principum aulæ ingrediuntur, sequuntur doli ac fraudes, mutuæque pro mutuo amore & candore circumventiones, ablegatâ pietate & religione vniuersâ.

Iam cùm simulata ac politica hæc agendi ratio ferè ab animo dignitates ac honores meditante proficiscatur, quasi gradibus hisce ad optata perueniatur fastigia; fit vt in vanitatis ac superbix campo taliû vota firmentur: quæ nec diu perennare, nec validè firmari possunt. cedent nimirum primis quibusque tempestatibus, nec aduersantibus obsistēt, adeoque mole sua nullo impellente corruent. Et nescio an aliquod vitium Religioso viro indignius reperiri possit. fallere, socium circumuenire, amicitiam mentiri, obsequia fallaci dextera deferre, virtutem,

probitatem, benignitatem, mansuetudinem præ te ferre qua careas, viri non est; ignauæ ac mollissimæ mentis ac virum suum mentientis est. Sane gloriosior quisque antè animam ponet, quàm mendacio & fraude commaculabit; lætiùsque per virtutem cadet, quàm datam fidem fallat. magis etiam Superior, qui ex munere paternum pectus & matris spondit vbera. at pater non est, qui verbis in dolum compositis filium in fraudem inducit; non est mater, qui pro vberibus scorpionem aut lapidem porrigit; venenâque pro lacte propinat. Facit hoc Superior omnis, qui pulso candore, animique sinceritate, aliud promittit ore, aliud mēte destinat; aliud verbis loquitur, vultûque præfert, aliud animo versat; patrem fronte simulat, inimicū pectore fouet; matrē oculis, factis nouercam exprimit. quæ vbi semel eruperint (vt diu latere simulatio non potest) hostiles exurgunt animi, nullâ arte aut annis ponendi; exulat fiducia omnis, & pro religiosa simplicitate

que ac non fucata sapientia, ingens diffidentia nascitur; & aulici mores, qui dolis fallaciisque prudentiam metiuntur, qui nudum ingenuumque candorem pro fatua, solertem fraudem pro prouida mente deputant. quod ubi accidit, à sola sectione remedia speranda sunt. durum medendi genus, quod sine ferro & ignibus valetudinem non promittat, miseræque omnino conditio, ut aut Superior munere exsoluendus, aut conscij morum illius inferiores locomouendi, aliique horum ignari primorum loco substituendi sint. Quæ res diu stare non potest: perfacile enim aliquid primis elabitur, quod ad aliorum aures veniat. quod ubi acciderit, frustra meliora sperantur, vnâque ratio medicandi superest, Superioris mutatio. tantum concepta semel opinio exemplo firmata potest. nulli illam anni eluent, adeoque infixa pectoribus inhæret, ut deposita etiam simulatione, pulsioque vniuersim politico spiritu, fidem tamen non reperiat. semel enim

enim fraude dolóque circumuenisse suos, semper est. semel beneuolentiã amorémque simulasse, patrémque verbis, aliũ factis ostendisse, æternum est. Tam altè enim ferè hæc imprimuntur animis, vt nec ab arte, nec ab annis remediũ sperari possit. comitatur enim perpetua inferiorem diffidẽtia, nec se, vulneráque Superiori explicabit; morbũ simulabit, & antè cadet quàm malũ retegat. dum enim semper hostem cogitat aut iudicim, non patrem, sperare ab illis manibus remediã nõ potest. aliunde ergo illa mutuatur, etiam ab ignotis; ac non rarò in externorũ sinum malum refundit, cùm domi non habeat cui se suãq; tutò credat. Quæ res quãtis pateat difficultatibus, nemo nõ videt. retegũtur si quæ sunt domestica mala: & pro alienationis magnitudine in immẽsum extolluntur. dispergitur fama, & si quid nominis fuit boni, multorũ annorũ industriã comparatum, vnã non rarò horã prodigitur. ab it deinde hæc res ad plures, & in ore singulorum seipsa fit maior.

Perit

Perit etiam omnis propè sperata  
proximorum salus. nam vbi opinio  
politici spiritus peruagata populi  
mentes occupauit, tota periclitatur  
fides; quâ ferè vnâ maxima sperari  
poterant. magnum enim concepta  
semel fiducia calcar ad sequelam est.  
illa mala sua reteggit, suadenti credit,  
acquiescit monitis, remedia admit-  
tit, sequitur præeuntem, ac tan-  
quam patris matrísque manu duci se  
finit, certa de tutela, secura de la-  
psu. At vbi subiit animum politici-  
finus, in patris nimirum vultu hosti-  
lis animus, in matris oculis inimi-  
cum pectus; in externo verborum  
candore occultæ insidiæ, in validis  
sponsionibus mentita verba, in suau-  
oris, vultus, orationis compositio-  
ne doli & fraudes; nequidquâ spe-  
res. omnē enim spem vna simulatio  
tanquam falce aut nouacula secuit:  
vt licet Superior ille ad non postre-  
mam deueniat sanctitatem, reliquas-  
que virtutes sanctimonix duces &  
comites consequatur, ac opere  
etiam expleat; ab hypocrisi illa &  
soler

solerti simulatione profecta arbitrentur, venenâque fellâque sub hoc fauo latere suspicentur: vt sibi iam ille, Deoque viuere, aliis non possit; imperio sanè idoneus nō sit, maximè in Religione, quæ despotica imperia aut ignorare debet, aut admittere nō debet, aut certè à ceruicibus religiosæ gubernationis excutere, si saluam Religionem, germanûmque illius spiritum volet, quæ frustra sub politico capite sperabit; cùm politica sub tali ceruice membra nascantur. monstrum sit alia nasci. quod vbi fit, quidquid vbique religiosum piûmque est, corrui; omniâque virtutum loco vitia succrescunt; donec his tandem administris tota Religio collabascat. Nec sperari prudenter meliora possunt: cùm enim nihil tam proprium sit bene constitutæ Religioni, quàm morû animorûmque candor, ac columbina quædam in verbis factisque simplicitas; tum nihil illi æquè aduersatur, atque que simulatio candori inimica. Sanè aliud pectore clausum, aliud ore

cir



circumferre, alienissimum ab omni Religione esse debet. non sapit simulatio illa Christum, non illius discipulum. à sæculi moribus mutuatur illam Religiosus, cuius omnis sermo factaque in aperto & ad lumen statui debet. scelera fraudesque teguntur: virtus diem amat, noctem vitia. secretum crimina poscunt; virtus tenebrarum inimica, rostra & forum, erubescunt scelera prodi; dum publicatur virtus ruboris ignara est, nisi modestiæ ille rubor sit, & submissæ mentis contestatio.

Et verò generosior quisque simulationem odit, amat candorem; timidissimus quisque hunc odit, illam amat. fortis virtuti & veritati fidit; fallaciis & insidiis timidus. ille sæpè è conscientia bona nudæ virtuti innititur; hic virtutum diffidentia solis fraudibus felicem sibi euentum spondet. accedit extra metum esse candorem; simulatio timoribus narrat. ille cum nihil speret, nihil ambiat, nihil etiam timet; hic cum plurima venetur, metuit plurima; quare

in omnem se partem vertit ut auer-  
 rat metuenda. ille gaudet cum sibi  
 & Deo vivit, dignioribus exclusus;  
 hic dignissima quæque prosequitur,  
 mœrētque si non fruatur optatis, si  
 adeptis spoliatur. atque hinc conti-  
 nuā pulsatur sollicitudine, ne aut  
 excidat potitis, aut excludatur desi-  
 deratis. candoris amator in altissima  
 vivit pace, sorte sua contentus: per-  
 petuis simulator tempestatibus ia-  
 ctatur; nusquam illi quies, cum iacta-  
 tionum causam, dignitatum quen-  
 dam æstum circumferat. ad quas re-  
 cto tramite cum pertingere non pos-  
 sit, mille quærentur viæ, mille frau-  
 dibus relegendæ: ita in æterna qua-  
 dam iactatione vivit, nescit portum,  
 littorâque ignorat, cum perpetui il-  
 lum fluctus concutiant, illidantque  
 in omnem partem miserâ æternâque  
 fluctuatione.

Fugit hæc prudēs Superior, Deo-  
 que soli innixus virtutem sectatur,  
 illi dies noctesque sacrat: illi sudo-  
 rem sanguinēque lætus prodigit:  
 stringit illam, amplexaturque non  
 sol

soluendo æternum nexu. humana ridet humanis maior, hominumque de se opinionem excutit ut vento raptatam paleam, ut infantia bullas; soliusque de se Dei sententiam timet & amat in interitum aut salutem. hinc illi placuisse felicitatis, displicuisse infelicitatis summæ est: contemnit reliqua & generoso calcat pede, ut indigna viro cælorum gaudiis nato, indigna Christi discipulo & imitatore, cuius omnis vita plana, & ad solem lucemque posita est. Neque ullam sanè simulandi, ne dicam mentiendi, causam habet, qui extra Deum, cui abditissima quæque reclusa sunt, nihil ambit. humana qui quærit, mentiri potest, imò debet; cum ferè solis illa fraudibus parentur, solis pateant. rarissimè enim nudæ virtuti via ad illa est: doli ad-mouendi, sternendæque fraudibus semita, simulationibusque munien-dæ in omnem partem cogitationes sunt. Longè sunt hæc à religioso pe-ctore, quod cælum Deumque cogitat, nec aliud. hic illi laborum, studiorum,

cona

conatum, vitæque finis est. in quo solo Religiosus, vt in vnica fida tutâque statione æternùm cõquiescit, deceptionum, simulationum, mendaciorum ignarus. Neque his eget qui Christum suum intuetur, qui breuem mortalium vitam, incertum exitum; qui Iudicis sententiam fors hodie, fors hoc momento ferendam; qui denique vtramque æternitatem gaudiorum ac flammaram seriò meditatur.

---

*Gratus in benefactores animus.*

CAPVT VIII.

**E**Tiam in inferiores: à quibus beneficiis victum Superiorem esse, graue est. cauebit ergo Superior ne in eum se locum duci patiatur vt vinci possit. Sin in generosos inferiores inciderit, qui merita æquare beneficiis & audeant, & possint; non permittat tamen Superior se vinci, & magna semper facta maioribus animis & beneficiis remunerabitur.

Si

Si verò in eum Superior casum inciderit, ut suorum industriæ & dignitatem & vitam debeat; grata non tantum memoria beneficium colet, sed quidquid habet & animorum & virium, in compensationem effunder. ita tamen ne muneris sui obliuiscatur, ne quidquam de dignitate remittat, ne concredita sibi alieno potius ductu quam suo peragat, ne solo nomine contentus, imperium aliis concedat. ne denique hac indulgentia reliquorum sibi offensio- nem conciliet.

Quòd si Superior beneficiorum immemor, ingrata illa integat obliuione, quòd arbitretur omnia sibi deberi, nullaque promerita inferioris in Superiorem esse; præter alienum suorum animum; sui contemptum, rerumque omnium neglectum parabit. quis enim si præmia tollas, ad ardua manum extendat? quis contrà non extendat ad maxima manum, si magnis conatibus magna præmia proponas? quis ingratum Superioris sui pectus grato sudore perpluat

pluat? quis grati dissectis vndique  
venis tanquam imbribus non per-  
pluat, grato nimirum sanguinum  
flumine grata pascua rigando? quis  
illiberales manus beneficiis oneret?  
quin magis ingrati Superioris impe-  
rata malignè inferior exequetur; ac  
ne qua laus ad illum veniat, dete-  
riora deliget & sequetur, partemque  
ipse vltro dedecoris feret, vt altera  
Superiorem induat. pulcrum nimi-  
rum ipsi videbitur, ingrati Superio-  
ris pectus per suum latus petere.  
quin & famam lubens prodiget vni-  
uersam, si per hanc calcandum Supe-  
riorem sperauerit. Est enim quædam  
in vindicta lætitia, quæ rationem ob-  
nubilat, densaque caligine ingenio-  
rum diem integit, melioremque so-  
lem pectoribus adimit. Infelix con-  
ditio. verum ita comparatum est, vt  
ingratitude odia prouocet; ita dum  
ingratum experimur, non tantum à  
beneficiis manum retrahimus, sed  
ad euersionem extendimus. Scio non  
esse hoc Christianum, cuius est, be-  
neficia pro malefactis rependere:  
minùs

minùs etiam Religiosi esse, cuius est,  
in magna suæ felicitatis parte pone-  
re bene velle, bene precari, bene  
hosti facere, inimicisq; machina-  
tiones conatusq; ingentibus bene-  
ficiis tanquam rupibus insepelire.  
Sed ea ferè est humanæ naturæ con-  
stitutio, vt si ingratum nacti fueri-  
mus, superior ille, par aut inferior  
fuerit, omnem non tantùm bene-  
ficam manum retrahamus, sed  
pro beneficiis odia reponamus. vt  
nonnisi ingentis animi & perpau-  
corum sit ingratham mentem benefi-  
ciis onerare. quin adeò antè hostem  
quàm ingratum repetitis beneficiis  
cumulamus. quòd hostiles ferè ani-  
mi beneficiis mollescant, cùm in-  
grati pectus nulla ferè promerita  
emolliant. quæ etiam caussa, vt  
nullius commiserationem in aduer-  
sis sentiant, sed effusum potiùs mul-  
torum gaudium, & maiores in ca-  
lamaribus imprecationes, infausta-  
que omnia; cùm omnem lacrymam  
ingratitude exsiccet, odia prouocet.  
lapidescit enim quodammodo ani-  
mus,

mus, si post benefacta in ingrátum inciderit; & fontium quorundam more vbi profilierit, attactu saxescit.

Vis magnos? magnis beneficiis promeritos imple. verè enim dictum, *magnos animos magnis beneficiis fieri.* nec minùs verum illud Euripidis, *plurimas perire Respublicas, cum qui bonus & strenuus est vir, nihilo plus quàm ignauus fert præmij.* nam quotus quisque gratuitò est bonus? vt non inconcinnè quidam:

*Non tamen inuenies multis de millibus unum,*

*Virtutem prætium qui putet esse sibi.*

*Ipse decor recti, facti si premia desint,*

*Non mouet, & gratis pœnitet esse probum.*

Mentior, si non ipse Deus beneficiis prouocet, inuitet præmiis. tolle hæc, quanti inuitantem sequentur?

Quòd si non à domestica, sed ab externa manu beneficia veniant, maiore etiam illa gratitudinè signabit Superior, munerumque magnitudinem à largientis voluntate metietur.



tur. & assuescet etiam in parvis diuites gratias agere. meretur enim magna quisquis minimorū magnus aestimator est. & ingens illecebra magnorum est, gratissimus in minimis animus; augustaque illa verborum veste, in gratæ mentis testationem, induisse, & rebus etiam propiùs quàm verbis gratum pectus explicasse. Et sanè mutuis benevolentia officii certasse, omnium semper ore laudatum fuit. Deoque dignum spectatore grati animi cum benefactore suo certamen, dignumque illo duce & præmiatore nunquam in munificentia arena succubuisse. quæ res propriè Superiores decet, qui ferè cum velint possint. nam & benefacere mille modis possunt, & Dei imitatione ad beneficia potius quàm ad terrores inualidum imperantibus auxilium, decurrent. & iam olim dictum: *Meliùs beneficiis imperium custoditur quàm armis*, certiùs quàm pœna.

Si domesticarum rerum angustia aliorum erogationibus adiuuentur, omni gratitudinis genere liberalitas

E

repen

rependenda erit, verbis amplissimis, religiosis officiis, orationibus ad Deum; grata non tantum memoria, sed gratis etiam acceptorum beneficiorum narrationibus beneficas largitorum, aliorumque aures implendo. Incredibile enim dictu est quam acceptę hæ narrationes, quamque provocatiuę maiorum sint: viam nimirum ad noua augustioraque beneficia insternunt. cum contrà ingratus animus omnem benefaciendi voluntatem eluat; omnem munificam manum, & ad erogandum explicatam contrahat. nesciunt misceri liberalitas & ingratitudo: & indignus beneficiis, immemor beneficiorum est. quid? quòd gratitudo laudē & amorem, ingratitudo cōtemptum & odia pariat. nescit amare qui munera sua neglecta videt: discit odire qui beneficia sua contempta sentit. contempsit qui non amauit, & qui beneficium sic accipit, quasi beneficium sit accepisse; & gratias debeat qui dedit. Morosorum hæc ingeniorum sunt, & quæ solitudini & sibi,

sibi, non aliis nata sunt, euertendis imperiis familiisque aptissima; cum & domesticorum & aliorum animos ita auertant, ut è propugnatoribus & beneficis amicis, oppugnatores & hostes exurgant. Non potest imperium diu stare amore viduatum, nullus amor ferri potest in ingratum. non potest familia consistere beneuolentiâ spoliata; nulla beneuolentia cadit in ingratum. nulla denique firmari domus potest domesticorum alienorumque benignitate nudata; nulla benignitas defluit in ingratum. ut omne omnino roboris vinculum, quo mutuo animorum nexu familia nodatur ac stringitur, vna ingratitude securi discindatur. & cum non mereatur ingratus amorem, odia meretur: cum beneficiis indignus sit, contemni negligique dignissimus est. dignusque adeò quem extrema pauperies, omniumque indigentia occupet; quem damna doceant: quanquam perexigua sperari emendatio, à quacunque demum manu, possit. Accidit enim in hoc vitio,



quod densâ vndique nocte ac nebula cinctis, aut cæcitate percussis, qui obfutura, quia non vident, non præcauent; quod sole adustis, flagris occallatis, morbis deniq; penitus elumbatis, ac attritis, vt omni propè sensu viduati, bona malâque non sentiant; quo fit vt nec noxia fugiant, nec profutura amplectantur: nec à quacunque medica aut auxiliari dextera, quibuscunque monitis, minis; terroribus, præmiis; laude, ignominia, meliora spondeant. vt non immeritò quis de his dixerit, frustra mortuis; aut extrema trahētibus medicamentis admoueri. adeò vltima desperatione valetudinis, imperij nimirum boni ac prudentis, ingratus omnis

*Sap. I. 16. premitur. Ingrati enim spes tanquam hybernalis glacies tabescet, & disperiet tanquam aqua superuacua. claudio hæc Bernardi verbis: Ingratitudo inimica est animæ, exinanitio meritorum, virtutum dispersio, beneficiorum perditio. Ingratitudo venius urens, siccans sibi fontem pietatis, rorem misericordie, fluentia gratia. quo magis Superiori vitanda est.*

Omni

Omniū deterrimus est qui eò in-  
gratitudinis prolabitur, vt beneficio-  
rum immemor, malum pro bono  
reddat. cui expectandæ minæ Sa-  
pientis: *Qui reddit mala pro bonis, non* Freu.  
*recedet malum de domo eius.* Grauis in- 17.  
terminatio. grauior quia à Deo pro-  
fecta, cuius minis res seueriores sunt.  
& non immeritò infra omnem bel-  
luā illum statuam, qui beneficia ma-  
lefactis remuneratur. Sanè leo ani-  
malium afferatissimū, beneficiis præ-  
uentus, feritatis suæ obliuiscitur, &  
cum roto suggestu iubarum, deli-  
ciū fit reginæ, lingua genas eius ema-  
culans, cū & pectinem iubarum pate-  
rentur, foratu aures effeminarentur,  
coma strueretur, stola diffunderetur,  
& speculum consiliarius adesset. po-  
tuit hoc beneficij memoria. Legi-  
mus & hyænam annalem sexum, ve-  
neni in benefactore oblitam. quin &  
beneficium à serpente, à leæna, tigri-  
de, crocodilo relatum. quo magis ex-  
tra omnem hominem numerandus  
est, quisquis in benefactorem insur-  
git. Damnata olim Diomedis præ-

sepia ; laudatus Hercules , qui auctorem equis obiecit. damnata bustuaria Busiridis altaria , & Gerionter vnus. damnatus qui mugire in boue docuit homines ; qui muranis seruos obiectabat , vt in visceribus eorum aliquid de seruorum carnibus gustaret. omnibus tamen scruior & efferator est, *qui mala pro bonis reddit.* omni bellua immanior, omni crudelitate crudelior , Deo hominibúsq; inuisum monstrum, portio Neronis. Quid enim est aliud exurgere in benefactorem, quàm scruire in matrem? mater omnis benefactor est, beneficia vbera cogita diuite lacte distenta. vt meritò ingrati impietatem damnes : maximè verò in Religioso, à quo tantum impietas hæc exulare, quantum pietas omnis funditus animo insculpta, ac cum Religionis utero adgenita esse debet. quem si videris benefacta malefactis compensantem, cogita Religiosum non esse. habitus Religiosum loquitur ? noli Religiosum metiri veste. animus illum facit. hunc animum in barbara illa

illa impietate non inuenies. nemo  
pius impius esse potest. nemo ingra-  
tus pius; omnis pro beneficiis male-  
ficia reponens impius, omnibúsque  
efferator belluis est. ignorat has fe-  
ritates Religio. si admittat, Religio  
nō est: quæ virtutum, castorum amo-  
rum, pietatis, humanitatis schola est.  
in qua si quem repereris benefici be-  
nefactoris sui hostem, spurium vitu-  
lumen cogita, non aget altas radices.  
nam aut fœcundo Religionis solo  
excidet, nouúsque Cain profugus  
oberrabit orbem, aut simili scelere  
scelus luet. neque enim inultam im-  
pietatem permittet Deus. Dictum  
bene in omni scelere:

*Rarò antecedentem scelestum*

*Deseruit pede pœna claud.*

citato pœna proruit. differtur? tardi-  
tatem grauitate compensat. maximè  
verò in hoc crimine, quod impuni-  
tum nulla vidit ætas. apertè quis ir-  
ruit in amicum? aperto cadet hoste.  
ex insidiis petit? iisdē fraudibus cir-  
cumuentus occidet. euertit benefa-  
ctorem, fortunis, dignitatibus exuit?

fuis artibus corruct. detraxit nomini?  
 patietur eadem. fatigauit calumniis?  
 delaſſabitur criminationibus. obruit  
 innocentem? cadet ipſe nocens. in-  
 nocens enim cadere non poteſt. qui  
 innoxium oppreſſit, meritaſque hîc  
 & in altera vita pœnas feret.

---

*Fideſ ſeruanda.*

C A P V T. IX.

**A**UT non danda. dedisti? ne fal-  
 ſe. etiam in hoſte ſeruandam fi-  
 dem, & non conſiderandum cui, ſed  
 per quem iuraueris, Hieronymus do-  
 cet. hinc illud Poëtæ:

*In Eze-  
 chiel. l. 5.  
 c. 17.*

Optimus ille

*Miluit, cui poſtremum eſt primûmque  
 iuri*

*Inter bella fidem.*

Laudati ab hac Fabius Maximus,  
 Ptolemæus, Attalus, Sagūtini. lauda-  
 tus à non vno Sextus Pōpeius. Oſta-  
 uium & M. Antonium naui ſua ſuf-  
 ceptos vehebat. necare poterat &  
 imperare. noluit; ne per violatâ fidem  
 ad



ad imperium venisse videretur: cadere inter arma gloriosus maluit. Quis Christianus sequatur? ac nescio an alio patre filius talis nasci potuerit; dignissimus Pompeij nomine, & vel hoc solo, Magno patre maior, Augusto maior. Laudatus Nerua Imperator, quòd, cùm interposito iureiurando senatui addixisset nullum se auctore senatorem morti tradendum, abstinuerit à ferro in eos quos in caput suum coniurasse sciret. tantum potuit in alta gentilitate iureiurando fides confirmata, ut religione illius tactus Imperator parceret ferro & sanguini, etiam in capitis periculo. periclitabatur fortuna Cæsaris, & in vnius capite imperium; maluit periclitari, & noxium stare sanguinē, ne fidem falleret, ne posteritas diceret, non potuisse stare Cæsarem nisi fuso post datam fidem sanguine. stetit; nec fudit. ut sciret posteritas certiùs sceptrum fide quàm sanguine stare. pepercit ergo Cæsar, plùsque potuit ad incolumitatem Cæsaris, hostibus seruata fides, quàm

fusus sanguis. Firmavit ergo in Nerua fides imperium ; euertit contrà perfidia Carthaginem , Corinthum, Thebas, Chalcidem , florentissima regna veriùs quàm ciuitates. & ferè perfidia vna aliam euertit. cadunt hac administra Hannibal , Iugurtha, Syphax : nec aliam meretur dexteram quàm suam perfidia. quæ dolis ferè fraudibúsq; dum euertit alios, paribus cadit animis , raroque sicca morte perit perfidus. ita nequidquam diuinam complexus aram, Deúmque perfidæ mentis vindicem deprecans, ferro cadit Ioab , cuius ceciderant Amasa & Abner, in pace, in osculo , in amico amplexu. Cecinit in hanc rem olim Homerus:

*Et si periuros violato fœdere Troas  
Iuppiter è calis presenti haud puniat  
ira,*

*At tandem grandes magno cum fœnore  
pœnas*

*Hi cum coniugibus & tota stirpe  
pendent.*

Seruabit ergo intactam fidem Superior, ne vindicem in se Dei violatæ

*fidei*

fidei manum experiatur; & imitabitur magnum Iosue post elementis stationem imperatam, bellis ac fide etiam clariorem, qui illasam Gabao-nitis seruauit, dolo licet circumuen-tam, fraude extortam. steterit tamen in illa, nec fefellit datam. Stabit etiam Superior, memor tamen Isi-dori: *In malis promissis rescinde fidem, in turpi voto muta decretum. impia est promissio quæ scelere adimpletur.* hinc laudatus David quòd iusiurandum in Nabal resciderit; damnati Iephthæ & Herodes, quòd impia vota, func-ta impiæque innocentis sanguinis profusione, expleuerint. Impium ferrum est, quod quacunque fide data in innoxio sæuit sanguine. nec quisquam pius aut prudens impie-tatem vnā altera expunxit; aut vnā altera cumulauit, ne incomi-tata prior iret. & quis scelus scelere deleuit? impiè vouisti? vouisse pœni-teat. nec vltra tende manū. satis est peccasse semel. stulta manus est quæ fatui oris vota comitatur, impia quæ impietatem illius sequitur. innoquam

proinde serua dexteram innoxio, ne grauiore scelere scelus funestes.

Nec seruanda tantum iurata fides Superiori est: etiam iniurata seruabit. quin omnis illi fides pro iurata erit. ac ne qua poenitentia incurrat, tardè ad promissa accedet, ac non nisi à matura deliberatione ad spon- siones ibit. nec fidem nisi consultam dabit. dedit? seruabit. nisi tam valida rationum momenta occurrant, vt aut stolidum, aut noxium sit promissis stare. quod vbi accidit, dabit operam vt cui fidem dedit, sentiat non seruandam, aliàque non inferiore concessione primam fidem exsoluet. Nec grauis Superiori hæc maturitas ac quædam in sponsonibus lentitudo erit, si cogitauerit, celeri ferè sponsoni celerem incumbere poenitentiam, imò citatiorem sponsonis poenitudinem & mærorem. Verum illud olim & semper, *Qui cito credit, levis est corde.* leuior cui spon- siones natant in labris, qui ante cordis sui senatum profilit in illas: quæ cum perpetuis ferè agatur motibus,

etc

crebrisque mutationibus obnoxia  
sint, ingentis inconstantia opinio-  
nem ingerunt. quo fit ut omni apud  
suos Superior talis fide excidat. pro-  
fluunt inde suspiciones improvida  
mentis, in versutias & dolos pronæ,  
in omnem partem variæ: nascitur  
diffidentia, contemptus, risus, fœ-  
cundaque oblocutionum ac detra-  
ctionum materia præbetur. abroga-  
ta iam verò vniuersum fide; quid  
sperari possit, quid non timeri? Vbi  
enim semel opinio inualuit, aut ea  
mobilitate Superiorem esse, ut nus-  
quam figat pedem, sed natet sem-  
per, continuoque æstu ac fluctibus  
percutiatur; tam præcipiti consilio,  
ut imperata aut concessa noua sem-  
per incude egeant; aut tam imme-  
morem sui, ut aquæ inscriptas spon-  
siones arbitreris; aut tam varium,  
tôtque astutiis vndique instructum,  
ut nihil certum promittere tibi pos-  
sis, quibuscunque verbis sponsio  
firmata fuerit, cum periculum sem-  
per sit ne è medio concessorum cur-  
su retrò agaris; quis animus ad ma-  
gna

gna aut victura cuiquam esse potest? aut quis amor in Superiorem? Concidunt concidente fide omnia. magis etiam in Religione: in qua Superioris promissa eo certiora esse debent, quo à religiosiore pectore & ore proficiuntur; quòque à diuinis viciniore sponsonibus & quo turpius est illum fallere qui fallere nescio Deo, Religione ac dignitate reliquis coniunctior est.

Etiam cum incommodo & damno fidem seruabit, maximè si externo data. plus enim laudis è seruata, quàm è violata commodi referet; & assuescent externi domesticique certius fidentiùsque se resque suas illi credere, salutem suam, morbos suos. quo fiet vt magna omnia sperare Superior audeat & possit. est enim fiducia spei magnæ mater maxima, à cuius ferè felici vtero & vberibus Religionibus optatissima profluunt. omnium ergo in Religione utilium firmissima Superior fundamenta posuit, qui suos in fiduciam prouocauit. consequetur hoc quisquis sanctè  
semel

semel datam fidem seruat. qua vna,  
omni historia teste, plus Romana  
respublica quàm armis creuit, quàm  
opibus stetit. Hinc illud Ciceronis:  
*Nulla res vehementius Rempublicam  
continet quàm fides.* & illud Liuij: *Nisi  
in fide stet respublica, opibus non stabit.*  
stabit magis etiam Religio. ad cuius  
decus noménque magnum, multo-  
rùmque salutem satis est audire, in-  
fractam illi fidem stare, nec semel  
datam fallere.

Fraus tamen dolusque si fidem  
extorserit, non subiacebit violator  
damnationi. sed neque si adacto  
ferro aut intentata morte, doli nimi-  
rum, arma, metus libertatem infrege-  
runt, vt meritò iudicandus sit fidem  
dare noluisse, in quam dolus aut ar-  
mata vis ferro impulerunt. maior ta-  
men gloria erit etiam sic datam fidē  
seruasse, nisi grauiora quæ de pro-  
pinquo terreant damna in multorū  
perniciem casura ea sint, vt pruden-  
tis non sit improbis his viis expressa  
iusto tantorum metu seruare. leuia si  
damna sint, seruabit fidem vir fortis.  
verum

verum non dabit se in illum locum secundò , quo fraus aut arma metuenda sunt. quòd si quid præter decorem ferrum minæve exegerint, antè animam ponet quàm submittet : gloriosius enim ante fidem cadet quàm datam violabit. Scio excusationi locum esse, hostiles minæ, inimicum ferrum, mors, tormenta, aut vincula. dura hæc, etiam dum cadunt in fortem. antè tamen iugulum præbebit quàm ceruices terroribus substernet. dura mors est : durius ingloriam vitam trahere. sed veniam meretur. gloriosius cadet, & magnos animos nobili exitu signabit. & quid interest hostili nunc ferro cadat, aut non multò post febribus? animam arma excusserint aut morbus? catarrhus extorserit aut fraus? per vulnus aut os emiseric? mori semel, non sæpius datum. beatus qui generosam vitam generosa morte clausit, nec submitit genua minis, nec indecoro pulvere sordidus supplices tetēdit ferro dexteras, pro fide, pro verò, nō timidus mori.

*Com.*



*Commissorum sibi fida custodia.*

C A P U T X.

**S**ecretorum sibi commissorum,  
saut peragendarum rerum, con-  
siliorúmque obseruantissimus sit Su-  
perior. Dictum verè; Nescit impera-  
re qui nescit silere. adeóque euerten-  
dis imperiis natus est, qui silere ne-  
scit. vt bene prudentérque imperan-  
di prima regula sit secretorum obser-  
uatio. qua qui caret, in imprudentis-  
sima sæpè & pœnitenda, solísque la-  
crymis suspiriísque emollienda cor-  
ruet. induet se difficultatibus maxi-  
mis, quibus nec facilè se exuet, nec  
explicabit; nec malis remedia inue-  
niet; cogetúrque non sine nominis  
iactura ad frequentem consiliorum,  
rerúmque deliberatarum mutatio-  
nem; offensiones incurtet multo-  
rum, impedimentáque experietur, à  
quibus vix humana ope se expediet;  
vt silere in Superiore prima pru-  
dentis imperij regula sit: qua qui de-  
stituitur, caret viarum ignarus, du-  
ctore;

ctore; & tanquam gubernaculo nauclerus destitutus, vento & fluctibus ludibrium fiet.

Lib. 2.  
cap. 1.

Secreti huius momenta intellexerunt Romani. Vnde Valerio teste factum, ut arcana consilia patrum multis seculis nemo senator enuntiaret: nunquam enim taciturnitatem optimum ac tutissimum administrandarum rerum vinculum, labefactari volebant. fidum namque illis moribus erat & alium Reipublicæ pectus, cura silentii:que salubritate munitum & vallatum undique, cuius limen intrantes abiectâ priuatâ caritate publicam induebant. Itaque non unum, sed neminem audisse crederes, quod tam multorum auribus fuerat commissum. Laudatissimum in hoc genere

Curt. l.  
4.

Perfarum à Q. Curtio discimus: Alexander quam regionem Darius petiisset, omni cura vestigans, tamen explorare non poterat, more quodam Persarum, arcana regum mira celantium fide. non metus, non spes elicit vocem, qua prodantur occulta. vetus disciplina regum silentium vite periculo sanxerat. lingua grauius castigatur quàm ullum probrum;

nec

*nec magnam rem sustineri posse credunt ab eo cui tacere graue sit, quod homini facillimum voluerit esse natura. ob hanc causam Alexander omnium quæ apud hostem agebantur, ignarus. Laudatissimum est illud Metelli: Si tunica consiliorum meorum esset conscia, detractam in ignem mitterem. ne nimirum proditor tunica esset domini, & vnde auxilium tegendo, inde perniciem retegendo hauriret: bene maturèque cogitata, imprudenti vulgatione euertendo, præmaturisque fructibus vniisque arbores vineasque suas nudando, prædiuitemque spem domini sui immatura defrustratione fallendo. Est in hac re Curtij nimis verum; Res magnæ sustineri non possunt ab eo, cui tacere graue est.*

Contingit deinde non infrequenter, vt mutare consilia cogatur Superior; & prudentis est sanioribus occurrentibus locum dare priore cogitatione deposita: peruiacis ingenij, nolle à concepta opinionè decedere, melioribus licet propositis. prudens his succedentibus mentem  
muta

mutabit: stabit in sententia stolidus. mutare verò & aliò consilia flectere quæ propalaueris, durum & difficultatibus plenum: maximè cùm inuoluitur mutationi dignitas cogitata, aut dignius alicui munus imponendum; potissimùm cùm ad plures res abiit, aut improuidè res vulgata est: quod ex imprudenti secreti violatione natum, tantas in plerisque animorum tempestates excitat, vt sedari fluctus illi vix humana arte videantur posse.

Iam cùm inferior mentis suæ abdita, aut morbum quo tenetur animi, aut qua pulsatur tentationem aperuerit, medicam patrisque dexteram sperans, repereritque infidum Superiorem sibi commissorum custodem esse, regenda propalasse; ingentes omnino animorum commotiones exurgunt, nulla arte remittendæ, ætate nullâ. semper enim infidus ille Superioris animus menti obuersatur; nullique se suæque inferior credit, qui spe sua se falsum delusumque candore suo deprehendit,

dit, ut vnius delictum in omnium ore vereatur, semel enim concepta diffidentia ferè perennat, & suspicio in omnes abit. A qua re quanta incommoda sequi possint, nemo paulò prudentior non videt: dum non produntur morbi, & intima ægritudo depascitur, omnémque medicam manum æger fugit, noxióque pudore ex vnius imprudentia nato, mortem accelerat, antè periturus quàm retegat malum. tantum concepta semel diffidètia potest è commissorum propalatione profecta. Et quis sua propalatori credat, cùm audiat Sapientem? *Ei qui reuelat mysteria, & ambulat fraudulenter, & dilatat labia sua, ne commiscearis. & Hieronymum: Si quis voluerit tuis misceri amicitiiis, & hunc videris prioris amici pandentem secreta, hunc veluti perfidum eane.* Preu. 29.

Libera

## Liberalitas.

## CAPVT XI.

Orat. de **M**agnificè de hac Nazianzenus: *Nihil tam diuinum homo pauperi. habet quàm de aliis bene mereri. fac calami- amore. toso sis Deus, Dei misericordiam imitando.* Pergit eodem robore: *Hæc est omnium laudatarum virtutum præstantissima, hæc est felicitatis comes, hæc affidet Deo, & magna est cum ipse necessitudine coniuncta.* Magna laus à magna manu & calamo. diuinū aliquid hæc virtus habet, & necessitudine quadam iuncta Deo. & quid maius quàm egenti fieri Deum? facit hoc liberalitas. imitatione transit in Deum Nazianzeno teste. Placet hæc diuinitatis prærogatiua? imitare. etiā in ingratum, & non promeritum. nam & beneficio Dei sceleratis sol oritur, & piratis maria patent, sustinetque Deus ingratissimas nationes, ludibria artium & opera manuum suarum adorantes, insolescentemque multorum malignitatem novis

uis indies beneficiis cumulat, ut maior improbitate liberalitas sit, largior ingratitude profusio. Quid? quod in alta gentilitate audeat Li-  
uia Augusto consulere, ut inimicos liberalitate sibi obstringat? secutus-  
que suadentem Augustus, magnum  
terris nomen reliquit. Et ante hunc  
Iulius, Cæsarum primus & maxi-  
mus: *Hæc noua sit ratio vincendi, ut mi-  
sericordia & liberalitate nos muniamus.*

Præuenit hunc etiam Magnus Ale-  
xander, cum rogatus quis Principum  
optimus esset, respondit: *Qui amicos  
donis retinet, & inimicos beneficiis ami-  
cos facit.* Claros in hæc re fuisse ac-  
cepimus Cimonem Atheniensem,  
Ptolemæum Lagi filium. Est & illa  
magni Imperatoris vox magna, *A-  
mici, diem perdidimus.* si perierat dies  
erogati ignara muneris, quid dice-  
mus de illa quæ aliena rapuit? quæ  
natauit suorum sanguine? quæ nouæ  
alicuius Iezabelis impulsu nouam  
inuenit vineam nouo sanguine litan-  
dam? maximè cum habeamus ino-  
nentem Dominum: *Diligite inimicos* *Mat. 5.*

*uestros,*

vestros, benefacite his qui oderunt vos,  
 orate pro persequentibus & calumniantibus  
 vos, ut sitis filij Patris vestri qui  
 in calis est, & solem suum oriri facit su-  
 per bonos & malos, & pluit super iustos  
 & iniustos. Si benefacere odientibus  
 iubemur, ut simus filij Dei, cuius filij  
 erunt qui beneficia hæc negligunt?  
 cuius qui odia odiis, contumeliam  
 contumelia, ferrum ferro eluunt?  
 cuius denique qui pro beneficiis,  
 quæ verbo, quæ facto mala repo-  
 nunt? Christo digna sententia Sene-  
 cæ est: Si Deos imitaris, da etiã ingra-  
 tis; diceret idem, Da inimicis, cuius  
 hæc vox est, *Ubi* *cunque* *homo* *est,* *ibi*  
*beneficio locus est.* Secuti sunt Philoso-  
 phum hunc monentem Traianus,  
 Hadrianus, Marcus Seuerus, cuius  
 illud, *oblivisci beneficiorum debere qui*  
*dedit; qui accepit, nunquam.* cui simile,  
*Qui dedit beneficium taceat, narret qui*  
*accepit. dedisse & narraſſe, præmium*  
*accepisse est. & aut pœnitudine du-*  
*ci narrator videtur, aut paria exspe-*  
*ctare, aut laudem è beneficio: quam*  
*qui retulit, non tam dedit, quàm*  
 bene



beneficium accepit, maior omni beneficio laus est. Quid? quod beneficio alicuius teneri, seruitutis quoddam genus sit. sanè qui beneficium contulit, vincula iniecit, constrictus est qui accepit. nec se exsoluet nisi pari nexu constringat benefactorem suum, ut paribus illigatum teneat modis. non potest? gratiam referre potest. nemo ad hanc nudus est. potest etiam laudem. quam si qui beneficium dedit, sperat, vinculo exsolutus est qui laudat: expectatum enim beneficii pretium dedit, ut maiora sæpe acceperit qui dedit. Nō admittit donator laudem, imò refugit; nulla accipientis laude innodatur. nisi quis dicat etiam in nolentem beneficia conferri, nec minùs his stringi quàm desideratis: fors & arctiùs. Audet etiam Chrysostomus de donatoribus: *Ipsi Hom. in sumus qui beneficio fruimur, & multum Gen. 27. lucri inde nobis conciliamus. nec pretemus aliud, dum benefacimus, quàm quod magnum beneficium apud Deum deponamus, centupla fœneratione recepturi. Nolo prodigum, ne audiat Caligula,*

ligula , Nero , Vitellius , qui cū  
sua profudissent , de alieno libera-  
les fuerunt. vt essent, rapere debue-  
runt. Nolo inimicum opibus , vt  
tanquam hostem aurum proiciat.  
abiicimus quæ odio prosequimur,  
amata seruamus , aut moderata ma-  
nu porrigimus , aut amica in ami-  
cos , cū auro potiores amici sint;  
aut in egentes largā. amat enim qui  
largitur , cū & accipientem de-  
meretur, & maiora cælis sperat, cū  
maiora reponat. reponit quisquis in  
egentem confert remunerandum  
cælo , etiam terris. Dei sponsio est.  
mentiri non potest Deus, fallere non  
potest. posset si mentiri posset. non  
potest veritatum prima. neque enim  
veritas esset, hoc est, Deus non es-  
set, si mētiri posset. qui si spon-  
dit, datam fidem seruabit. qui non tam  
doni quā donātis animi magnitu-  
dinem considerat. Est in hanc sen-  
tentiam illud Ambrosij : *Affectus di-  
uitem collationem aut pauperem facit , &  
pretium rebus imponit.* & Senecæ : *Be-  
neficium non in eo quod fit aut datur  
consistit,*

consistit, sed in ipso dantis aut facientis animo. animus est qui parua extollit, sordida illustrat, magna & in pretio habila debonestat. Infelix alioqui futura pauperum conditio, si magnitudinem rebus, non animo metiatur Deus, præmiâque rebus, non animo respondeant. ut fortunatos meritò dicamus pauperes Deo præmiatore. cùm hoc iudice, voluisse, cùm non possis, satis sit. ita apud illum conatus & voluntas in laude & præmio est. Cauendum deinde ne mœroribus integantur dona, aut importuna extorqueantur prece. ingrata mœrèntia dona sunt, & pretium accepit qui rogatus dedit. occupare verò antequam rogeis, Cæsare dignum est, quem plerumque præuenisse preces tradunt. Sanè omnis liberalitas properat; ut tardè velle, nolentis sit, proximûsque etiam neganti sit, qui dubitando dona trahit, & lenta porrigit manu. ignorat lentitudinem mœstitiâque vera liberalitas, & magna dona maiore alacritate purpurat, celeritate protrudit. bis

dedit, qui properat. bis qui læta mente, læta dedit dona, magis etiam qui preces votaq; præuertit, Deum imitatus.

Hanc munificentiam amplectetur Superior, & amabit ut felici imperij matrem. auersabitur sordes & tenacitatem: quæ Vespasianum obscuratunt, egregium cætera Principem; exitio verò fuerunt Persæ Macedonum Regi, Galbæ, Pertinaci, Mauritio, Phocæ Imperatoribus. Vestitur Giezi lepra: anathematis reus fit Achan: Sâul Amalecitis deuictis Dominici mandati præuaricator regno excidit: Iezabelis sanguinem post Nabuthæ hereditatem lingunt canes: Ananias & Saphira infelici morte auaritiam signant. Fortiter in hoc vitium insurgit Baruch:

*Cap. 3. Vbi sunt qui argentum thesaurizant & aurum, in quo confidunt homines? exterminati sunt, & ad inferos descenderunt.*

*Cap. 5. fortius etiam Iacobus: Agite nunc diuies, plorate ululantes in miseriis vestris, quæ aduenient vobis. Diuitiæ vestra putrefactæ sunt; & vestimenta vestra à tineis*

*come*

comesta sunt; aurum & argentiū vestrum  
 eruginavit; & arugo eorum in testimo-  
 nium vobis erit, & manducabit carnes  
 vestras sicut ignis. thesaurizastis vobis  
 iram in nouissimis diebus. & ante hunc  
 Sapiens: Nihil est iniquius quā ama- Eccli.  
10.  
 re pecuniam: hic enim & animam suam  
 venalem habet. seuerè etiam Gentium  
 Doctor: qui volunt diuites fieri, inci- 1. Tim.  
6.  
 dunt in tentationem & laqueos diaboli,  
 & desideria multa inutilia & nocua,  
 que mergūt homines in interitum & per-  
 ditionem. Et secutus hunc Chrysosto-  
 mus: Quid manibus auari sceleratius? Orat. in  
auaros.  
 quid oculis impudētius & caninum ma-  
 gis? non aspicit homines vt homines, neque  
 celum vt celum, sed omnia pecuniam esse  
 putat. Maiora dici non possunt in fu-  
 gam, in odium; sed neque fortiū mi-  
 ne iaculari. elegāter & verè Sallustius:  
 Auaritia fidem, probitatem, ceterasque  
 bonas artes subuertit. pròque his superbiā,  
 crudelitatem, deos negligere, omnia ve-  
 nalia habere edocuit. Quo fit, vt Cice- 2. Offic.  
 ronis testimonio nullum sit vitiū aua-  
 ritia tetrius, praesertim in Principibus ac  
 reipublicam gubernantibus. prodigali-

tate longè deterius. cùm prodigus aliis bonus, sibi malus; avarus nulli bonus, sibi pessimus sit: illi multa defunt, huic omnia: amicos ille parat, hic hostes: fruitur ille suis, hic in magna copia pauper est. ac licet opes profundere in Principe malū sit, peius tamē est nullas largiri: ille licet in se pauper, in suis tamē diues est; hic in se & aliis pauper est. & prodigo quidem exhausto semel ærario, si quæ bella ingruāt, si quæ grauior imperij necessitas, neruum & gerendorū administram pecuniam deesse verū est. adsunt tamen amici & præmiorum spe miles, & faciles ad imperia subditi, qui sciāt sub profuso Principe petrarè irremuneratam virtutē quasi naufragam abitura. auaro verò in locuplete licet ærario omnia defunt: pecunia, amici, miles, ciues. neque quisquam gratuitò pro alterius salute caput obiciet, aut pro avaro sanguinē sanguinem profundet suum. præmia in arma & vulnera, vocant. hæc ab avaro nemo prudens speret. & quis sudorē sparget, quis vulnera excipiet

excipiet parcâ manu medicâda? spō-  
gia doloribus detergendis, vulneri-  
bus mitigandis, præmia sunt. vis gra-  
tam hilarémque tuorum in sudori-  
bus, sanguine, vulneribus, audire vō-  
cem, *Bene est, &, habeor bene?* præmia  
ostenta. hæc à prodigo sperari pos-  
sunt, ab avaro non possunt. Quid?  
quòd mori sub grato Principe, mili-  
ti dulce: sub avaro, bis mori est. ita  
speranda negandâve munera leniūt  
augéntve mortem, vt suauem præmia  
reddant, tristem auaritia. Et cùm ferè  
prodigus læto hilarique animo sit,  
tristi morosoque avarus; ille expli-  
cato & cādido, hic tecto & suspicio-  
nibus pleno; sit vt læta illius impe-  
ria lætis animis, tristia huius mœren-  
ti pectore suspiciantur. Et ferè aua-  
rus crudelior prodigo est, faciliúsque  
ille in suorum it sanguinem, quorum  
ferè fortunis insidiatur. iam cùm  
avarus propè omnis timidus sit, ti-  
midus ferè crudelis; quid meritò ve-  
reri quisque ab auara dextra debeat,  
si imperium accesserit, nemo non vi-  
det. vt non vnius Principis exem-

plo doceri possit, tantam plerumque in aliis sitim fuisse sanguinis, quanta fuerat pecuniarum. Suspicio enim & timor plurimum decurrunt in sanguinem si potentia adsit. neque hîc prodigalitatem probo; damno. mitius tamen vitium est, minûsque barbarum continet quàm avaritia. liberalitatem mèdiam inter hæc extrema probo. maximè in Superiore Religioso, à quo tam longè omnis abesse avaritia debet quàm adest Religio. Et turpe sanè est cõtemptorem opum opibus incumbere: calcata repetere, turpissimum. semel se exiit? æternùm abdicasse debuit. semel abdicationem sanctiore voto obstrinxit? seruanda nullo æuo moritura fides Deo est. quid quærit opes quas reposuit cælo? aut retrahere vult ut fruatur terris, careat cælo? fatua commutatio momentanei cum æternò. & signum omnino est vilissimæ mentis, degeneris animi, effuso semel vniuersim auro, recolligendo frustatim incumbere: quasi pœniteat, tædeatque victoriæ de opibus



opibus relatæ. Illud verò miserrimū,  
omnia largiri, & minutis inhæresce-  
re potuisse : omnia quasi vno iactu  
mittere in mare, & lento adnauiga-  
tu minutatim naufraga colligere.  
erogavit cum voluptate quidquid  
habebat, quidquid sperare poterat  
opum; cum mœrore minima largi-  
tur. ita dum à magnis tanquam onere  
se leuat, opprimitur à parvis. indigna  
res viro post magnorum victoriam,  
ab imbelli cadere, quasi cæso Go-  
liade, Pigmæo ludibrium fieri.

Quære si suorum pacem Superior  
amat, si domesticam quietem; si ob-  
sequentes desiderat, si ad ardua ala-  
cres; promptos ad pericula, lætos in  
aduersis, moderatos in prosperis, ac  
in vtramque fortunam æquè para-  
tos, si oblocutionum, detractionum,  
æmulationum, fraudum, insidiarum  
vacuos; liberalitatem amplectatur,  
vt omnis religiosi amoris ac beneuo-  
lentiæ neruum, perennitatis robur,  
tranquillitatis fontem, veneratio-  
nis ac obsequentiæ matrem. ferè  
enim ab vna Superioris in suos mun-

nificentia, quidquid sperari in Religione potest magnum, diuite vena profluit. ac vix ab alia virtute plus amoris. cum à locupletissima huius fcaturigine ingentia profiliant necessitudinum flumina, quibus tota domus felici copia proluitur: & quidquid in Religione asperum ac amarum est, mitigatur ac dulcescit. incredibile enim dictu quantū possit benefica Superioris dextera, quantum religiosa largitas. mollescunt hac dura omnia, & altissimi difficultatum montes ad humilem deducuntur arenam, ingentia præcipitia vallibus æquantur, nec quidquam arduum est munificentia imperante. & antè iuuat liberali occubere dextera, quàm auara seruari: antè in munifici Superioris sinum animam effundere, quàm capitis crinem auaro sacrare, tantus amor liberalitatis, tantum odium auaritiæ est, omnia desint liberali, amabitur hac vna virtute; omnia adfint auaro, contemnetur hoc vno vitio. etiam errores illius reget liberalitas; virtutes huius depri

deprimet auaritia: vt laus illi inter vitia, contemptus huic etiam sit inter virtutes; cōmiseratio illi in lapsu, huic gaudium; excusatio illi in errore, huic in virtute damnatio. tantum in vtramque partem liberalitas & auaritia possunt. diuturnum illi omnes imperium, momentaneum huic optant. omne illius in imperio tempus breue, omne huius longum videtur. illum sibi dari vouent omnes, hunc auersantur. dura illius imperia, suauia; suauia huius, dura censentur. quid? quòd verbera illius mollia, oscula huius aspera videantur. tantum mitigat liberalitas, tantum exasperat auaritia. seruatum omnes liberalem volunt, perditum auarum illum sudoribus, vulneribus, sanguine protegent; hunc omni robore oppugnabunt. prouentem illum erigent, stantem hunc euertent, iucundissima illius absentis memoria, grata praesentia; ingrata huius & vel sola memoria tristis. grata in illo omnia praeter vnā mortem; ingrata in hoc omnia praeter vnā mortem.

nisi quòd aduersa huius læta excipiamus fronte, tristi illius. denique in liberali patrem, in auaro dominum cognoscimus; quare & in illo filiorum, in hoc seruorum personam induimus. hinc illo imperante plena omnia hilaritudine ac amore videas; hoc duce natant mœroribus, timoribus, mutua diffidentia. Prostrata iacet fiducia, candor, sinceritas; in quorum locum dissimulatio & doli succedunt, perennésque oblocutiones ac detractioes insurgunt. illius inopiam subleuare conantur omnes; huius opes deprimere. & cùm illius in paupertate generosos munificósque animos ament omnes; huius in summis opibus auarum pectus oderunt omnes. munera etiam à munifica manu tenuia exosculantur omnes; augusta ab auara dextera donaria contemnunt omnes, & tenuia deputant, quia à tenaci, à lenta contractaque manu porrecta.

*Fortitudo in aduersis:*

CAPVT XII.

**O**ptanda hæc meritò si qua virtus alia Superiori est. animum proinde firmet Superior, & aduersantibus maiores, frequentatis in hanc rem meditationibus sibi paret. assuescat à paruis quæ ultro etiam accersat, vt ad magna paulatim obdurescat animus. Exemplà verò crebrò sibi proponat Christi sui, Sanctorū, in feminis maximè supra sexum, in pueris supra ætatem. ac illustres potissimū in eo genere grata memoria recolat, imitandōsque proponat. Cogitet ab omni æuo, omnique retró sæculorum memoria magnos ubique viros maximis aduersitatibus tritos, ac non nisi per illa magnos: quis sciret Stephanum, Laurentium, Polycarpum, Ignatium? quis Barbaram, Agatham, Cæciliam, Luciam, Flauiam, Agnetem, Christinam, Susannam, Catharinam, si deessent lapides, craticulæ, ignes, leones,

nes, ferrum, forcipes, balnea, flammæ, exilia, gladius, fornaces, secures, rotæ? quis Iobum nosset, nisi abacti greges, filij vna ruina sepulti, corporisque conflictationes, vxorque malis delassata, clarum orbi dedissent? quis Martyres cœlo & orbi magnos, nisi persecutor gladius dedit? iacerent ignota terris, forsan & cœlis nomina, nisi per ignes & tormenta tanquam per gradus cœlos conscendissent. adeò si sustuleris aduersa, cœlum tollam. non & Christum? deme vincula, flagra, spinas, clauos, crucem, quæ Domini corpus, tempora, manus, pedes, fœdauerunt, lanctauerunt; quid reliquum mihi erit in salutem? ita sola aduersa terris cœloque verè magnos dederunt. Dū enim tortor gladius & martyria desæuiunt, per ignes, vngulas, ferras, prunas ardentes, bestias, picatam vestem, liquatum plumbum, infamem stipitem, secures; exurgunt magni qui seipso pro Christo suo funerrantes renouant. etiā olim apud sæculum, cū pugnī quassant, calces

arietant, cæstus dilaniant, flagella dilacerant; coronæ & gloria, priuilegia publica, stipendia ciuica, imagines & statuæ, & qualis præstari potest de fama æternitas, promittitur. neque pugilum interim quisquam agonis sui præsidem sugillabat, quòd homines violentiæ obiectaret. corona nimirum premit vulnera, palma sanguinem tegit, cùm plus victoriarum quàm iniuriarum esset. sed neque quisquam medici manum de ferro & ignibus crudelem valetudine reddita incusabit. fructus nimirum operis horrorem excusat. & ille inter medici manus gemens & mugiens, optimas postmodum artifices deprædicat, & sæuas negat, & mercede cumulat. Ita per ardua ad optata descenditur, vt nec sperari quidem possint magna, nisi per ardua & magna. hinc nemo miles è puluillo & deliciis, aut matris sinu, ad bellum venit; sed è propugnaculis & lorica, è sole & puluere, etiam in alta pace armatus campum decurrit, fossam molitur, sudore

dore mader, & dum hostē caret, socium hostem fingit. ita & athletæ dum robori ædificando vacant, segregantur in districtiorem disciplinam, à lætioribus abstinent, fatigantur, tantòque plus de victoria sperant, quāto plus in exercitationibus laborarunt. Quid faciet Religiosus æterno præmio proposito? è lecto & molli pluma, an incōmodis exercitatus, ad vltimi tribunalis stadiū properabit? timebit gladium, crucem, ignes, & ingeniosum in tormenta carnificis ingenium? at multi vltro hæc ambiuerunt, famā, irā, gloriā stimulante; Lūcretia, Murius, Empedocles, Asdrubalis & Peti vxor, Cléopatra, Atheniensis meretrīx, & è mortario Philosophus; historias replent. ac omni æuo non pauci eadem ausi sub præmio laudis humanæ. Et trepidabit ad illā Religiosus æternitate proposita? aut dubitabit pati pro veritate in salutē, quod alij affectauerunt pro vanitatē in perditionem? quid times ignem & crucē? breue tormentum est, si magnum est;



est; si paruum, ferri potest. iam si tantum terrenæ gloriæ licuit de corporis & animi vigore, ut gladium & bestias contemnerent multi, an non meritò exclamem; Quid sunt tormenta ad consecutionem mercedis æternæ? & quando vlllo sæculo Deus virum bonum in deliciis habuit? Solus Hieronymo Salomon in iis fuit, & forsan ideò corruit. castigat autem omnem filium quem recipit. nonne melius est breui tempore dimicare, ferre vallum, arma sumere, lassescere sub lorica, & postea gaudere victorem, quàm impatientia vnius horæ seruire perpetuò? nihil amantibus durum est, nulli difficilis cupienti labor est. In eandem sententiam Augustinus: Flagellat Deus omnem filium quem recipit, & tu fortè exceptus eris? si exceptus es à passione filiorum, exceptus es à numero filiorum. Christianè omnino Philosophus: Nihil mihi videtur infelicius eo cui nihil unquam euenit aduersi. non enim licuit illi se experiri. indignus visus à quo vinceretur aliquando fortuna, quæ ignauissimum quemque refugit. prospera in plebem ac  
vilia

*vilia ingenia deueniunt. at calamitates  
terrorésque mortalium sub iugum mit-  
tere, proprium magni viri est. guberna-  
torem in tempestate, in arce militem  
intelliges. calamitas virtutis occasio est,  
nunquam virtus molle documentum  
est.*

Calumniantium metuis calamum  
& linguam? non tangunt hæc extre-  
mam cutem. vis vincere? contemne.  
magis etiam? ride. quod tectis gran-  
do, quod fluctus rupibus, hoc ca-  
lumnia si in virum inciderit; dispen-  
geturque eodem exitu, quo telum in  
petram constantissimæ duritiei libra-  
tum & retusum; & ferè percussum  
in eum qui emisit reciproco impetu  
sæuiet. ne verere. iras molitionéque  
suas maledica lingua bibet; impro-  
bus venena hauriet calamus in do-  
mini caput itura. times? triumphabit  
calumnia, & victorem illius cur-  
rum vinculis cohonestabis. repones,  
& calumniam calumnia repercuties?  
victrix illa stabit, & hostibus fabula  
factus vulgi ludibrium iacebis. de-  
pones in amici sinum? si sine mulie-  
bri

bri querimonia , bene ; si cum risu ,  
melius ; sin cum gemitu & lacrymis  
femineo medicamento , cecidisti . pa-  
lâm te aut priuatim purgabis ? ea mo-  
deratione vttere , ne te læsum aduer-  
sarius arbitretur , ne gaudeat ex vul-  
nere . sed nec purgabis quidem ,  
nisi scandalo auertendo , & Chri-  
sti tui exemplo , animo & fron-  
te pacata , verbis innocentiam te-  
stantibus , contemptum loquētibus ,  
nec quasi tua intersit , sed aliorum .

Verùm grauis cālūnnia est , gran-  
de vulnus datura . nullum dabit , si  
contempseris . quin aded laudem &  
præmia cælo terrisque dabit , si con-  
tempseris . verùm alij ? Quo tibi alio-  
rum iudicia , si innocentia steterit ?  
aut quid metuis homines damnan-  
tes , si Deum habes præmiantem ?  
nulla innocentia sine præmio est .  
Sed opinio hæc serpit : magis etiam  
cælo præmia . at durum est innocen-  
tem pati . malles nocentem ? graue  
interim est tot linguis calamisque  
percuti : leue erit si contempseris . ex-  
cludent te dignitate & munere : non

excludent cælo, derogabunt orbe  
toto nomini: cohonestabunt Deo  
laudatore, præmiatore. multorum  
hîc magnorûmque de te iudicia  
concident: accrescent cælo. amici  
destituent: non fuerunt. non desti-  
tuissent innocentem si amici fuif-  
sent. destituunt? hostes fuerunt ami-  
ci pallio recti; & meliùs ab his quam  
destitui à Deo. in comitatus ibis? ne-  
mo in comitatus est quem socia co-  
mitatur virtus. nudum te & inorna-  
tum deferent tui? nemo nudus aut  
inornatus est quem vestit ornâtque  
innocentia. viduaberis deliciis? nulla  
voluptas innocentia maior. contem-  
nent plurimi? vnus non contemnat  
Deus. excludent familiaritate? nulla  
familiaritas diuina certior: & ferè  
coniunctior Deo est, qui disiunctior  
hominibus est. suspicionibus nata-  
bunt? non iactabitur his Deus ocu-  
latus intimorum testis. damna te ma-  
nent terris? merces donatur cælo.  
exilia hîc & vincula denuntiantur?  
nulla metuit cui cæli spacia patent.  
non audiet Superior? audiet Dei  
seruus

seruus & heres, & laboribus defunctus in alta pace Deo suo iunctus pacatos hilaresque exiget dies, eo lætiores, quo molestiis liberiores, curisque vacuus ac tempestatibus Superior, in vero tranquillitatis portu inuidiæ ereptus, desiderata fruetur quiete; eo felicior, quo curis, sollicitudinibus, æmulationibus, invidentium calamis & linguis ereptus. post tot æmulas iactationes, tot barbaros detractorum fluctus, totque efferè pugnantium inter se calumpniarum flatus optata potietur malacia. Verum non imperabit. an nescis maximum imperium esse imperare sibi, refræmare libidines, spernere voluptates, iracundiam tenere, coercere auaritiam? his qui imperauerit, imperium tenebit; qui paruerit, licet purpura fulgeat, & latè orbi dominetur, miseram seruitutem seruiet.

Quòd si ab externis calumniæ insurgant; faciliior defensio, minus periculum est. si à domesticis & eiusdem contubernij, difficiliior propugnatio; maius periculum est. nam in  
illis

illis aperto ferè bello, in his ex insidiis impetimur. quare cùm occultus aperto nocentior hoste sit, minorque ab hoc quàm ab illo metus sit; mitior ab externo, quàm à domestico calumnia exsurgit. & externum ferè præcaueri malum potest, domesticum anteuertere difficillimum. omni verò carere, alterius, non huius sæculi est.

Ac parare animum Superior debet eo magis, quo celsiori loco est: alta enim æmulatio petit, depressa negligit. sed neque odia calcata tangunt; ad erecta extolluntur. neque lapsus è plano, è præcipitio timendus est. in hoc verò Superior omnis versatur, in humili subditus; ille in præcipiti & in lubrico, hic in solido pedem figit. quo magis vigili illum decet esse oculo & mente. Vt verò Superiorum quisque omnem sibi immunitatem aduersantiū polliceatur, fatuum est. nam cùm in oculis occurrat omniū; incurrit in censuram. maximè in tanta acrium singulæque fastidientium censorum turba, qui  
nulli

nulli minùs quàm Superiōri parcere  
didicerūt. Hīc viri Principes iurium  
suorū acerrimi propugnatores, qua-  
cunque, nulla etiā caussā, insurgēt;  
alibi toga aut sago clari; hīc, si pecu-  
niola in medio est, sanguīne adeo-  
que & vberibus iuncti. ita agellus  
vnus vtero vnos disiungit. ibi ē nobi-  
litate aut plebe aliquis; sæpe confer-  
tis viribus, animis, lingua plures.  
caussā aliqui adferent, alij nullā,  
quasi iucūdum sit gratuitò æmulum  
esse, tanquam si quis in sanguinē  
propter sanguinē eat. Et vniuersa  
nonnunquam in vnum caput inuo-  
labūt regna & prouinciæ. quid faciet  
Superior? fortiùs etiā pedem figet,  
quo validiùs impetitur. insurgāt ag-  
mina, diademata, sceptrā, ac quacun-  
que denique purpura magni, si pe-  
ctori stat innocentia, ridebit. conatum  
omnē, omnibus in Deo suo, Iesu suo,  
maior. aperto Marte, dolisq; vrget?  
stabit interritus contēptor omnium,  
& vno innocentia clypeo, quacūque  
iaculata manu repercutiet tela. pre-  
mit paupertas? nemo aqua & pane  
pauper

pauper est. & contentus satiari stomachus, ciborum discrimina ignorat, luxus inuenit. Iam quanti Philosophi contemptores opum sunt? quanti eremi cultores? quanti cælo iam diuites, ne calcarentur, calcant aurum? & nemo cælis pauper est. quin ferè diues cælo, terris pauper est. Iam Christi paupertatem quis attinget? æmulabitur hanc quis? quis illum cogitat, & exultabit non cum Philosopho asse vno, sed medio satur. Verùm grauis egestas domesticis est, & exsurgitur ab hac sæpe in Superiorem, magis suis, quàm sibi declinabit extremam si potest: mediam amplexabitur, & amicam exosculabitur. gaudebitque Christo suo parari, ac de æmulæ paupertatis prærogatiua exultabit rotus. nec difficulter domesticos pacabit, si boni, si Dei sui æmulatores, imitatores; sin improbi, gaudebit hac percuti. amant Deum? amabunt sociam illi egestatem. non amant? premi hac merentur in pœnam. amant? donari hac merentur in salutem, in præmium. &  
quis



quis amans egestatem vereatur cælo  
locupletandam ? quis non amet vt  
matrem , cuius diuite lacte cælo pas-  
citur, cælo fouetur ? Hinc magnum  
illud cælo depromptum: *Beatipaupe-* Matt. 5.  
*res spiritu, quoniam ipsorum est regnum ca-*  
*lorum.* & dictum pro paupertate con-  
tra opes à Sallustio verè : *Sapè audi-*  
*ui qui reges , quæ ciuitates per opulen-*  
*tiam magna imperia amiserunt , quæ per*  
*virtutem inopes cæperant.*

Quid si vndique inuadunt aduer-  
sa , & totis fortuna campis irruat,  
impetat molaribus tanquam missili-  
bus , saxa pluat, vomat rupes, iacule-  
tur cælo terrisque fulmina , & vsque  
& vsque totis aduersitatum cingat  
montibus ? ridebit has minas quis-  
quis seriò Deo suo iunctus ; & pro-  
uocabit etiam vltrò minitantem for-  
tunam , ruètque in ruentis ample-  
xus illius , tanquam in amicum pe-  
ctus , à quo æternatura sperat præ-  
mia. & non ab hac sola ? nam à pro-  
superiore quid exspectet præter me-  
tum, & implexa illi indiuiduo nexu  
pericula & damna ? solet enim ferè  
G illa

illa quos plurimis beneficiis ornauit,  
ad duriores casus referuare. ac licet  
aspirare diu videatur, ad vltimum fe-  
licitati non sufficit. Nihil hominibus  
æternum est: volunt mortalia vices  
crebræ, & omnium rerum fuga fit.  
hic titubantia, in solidum conuersa  
sunt; ibi rupes desederunt. nemo tan-  
tus fuit, cui non timeri potuit carni-  
fex. è securibus etiam & ignibus  
ad sceptrum itum est. ita iactamur mor-  
tales, fortunæ pilæ. vicit hæc qui con-  
tempnit, fortuitis, fortunæque maior.

Discutiet interim se Superior & ri-  
mabitur singula seuerus sui censor,  
nec vlli minus quam sibi ignoscet.  
si delictum repperit, corrigit. &  
quidquid error inquinavit, quid-  
quid ignorantia, pœnitentia verret.  
quid si iteretur? iteretur pœnitentia.  
nam & cum redeunt morbi, repetitur  
medicina. sed neque differat emen-  
dationem; aut tegere delictum, pu-  
doris magis memor quam salutis ve-  
lit in interitum. facilem in veniam  
Deum & homines habet delicti con-  
fessio. sin innocentiam animus testa-  
tus

tus fuerit, rideat quacunque manu  
& ore iaculatas minas. terrent ab  
executione rei piè prudentérque  
conceptæ? stabit inconcussus, nec  
flectet ceruices minis. & dicet cum  
magno viro, Dignitatibus exui pos-  
sum, iacent sceptræ. ad extrema ter-  
rarum exul mitti, factum diademati.  
adeóque & mori possum, omnes  
eadem lex manet. abduci à recto &  
vero non possum. nam & muneribus  
destitui gratum est, & vitam  
ponere facile est. quid enim prom-  
ptius quàm exuere animam veste  
qua cingitur? à iusto bonoque de-  
cedere omni morte grauius est. stabit  
ergo in sententia, nec purpura, ferro,  
gratiæ, sanguini, opibus, dignita-  
ti, potentia quidquam dabit; dabit  
Deo, veritati, iustitiæ. dilanientur  
membra, subiiciantur ardentes pru-  
næ, immineat capiti securis, noua-  
cula iugulo, sæuiant ungulæ, vin-  
cula, & lento torreantur igni mem-  
bra, bonis iuxta malisque fabula;  
dicet illud, Non dixi torqueri cor-  
pus non posse, mori non posse;

dixi à vero bonoque decedere me non posse. & vt omnia in corpustortor possit, quid potest carnificis ingenium in meliorẽ partem mei, animam? hac stabo. nihil in hanc tortor, solus potest Deus. præmia minasque fortunæ iuxtà habeo, nihil muto. Deo vni seruiã, vni stabo, vni cadã, vni obsequar. hoc qui fecerit, stabit, orbi miraculum, & magnæ historiæ magnam partem implebit, magnamque cæli pattem laudatore ac præmiatore Deo occupabit.

Quid quærimus magnitudinem tertis? cælo conduntur magna. quid iudicia aucupamur humana? sola Dei falli nesciunt. quid hostiles veremur molitiones? securi viuimus Deo protectore. quid maledicas linguas & calamos timemus? nihil illa adiicient, nihil adiment virtuti. quid dignitates circumspicimus morturas? amemus æternas. quid gratiam aucupamur humanam? momento vertitur. quid iudicia pertimescimus aliena? ab eodem laus & damnatio procedunt, & momentum

tum sæpe medium est. quid expallescis ad ferrum? latam cælo ianuam dabit. quid ad sicarij exhorrescis nomen? non factus sceptri dominus qui vitam contempsit suam. vt verum illud sit: *Contempsit omnes ille, qui mortem prius.* quid ad exilia trepidas? non omnis viro forti gleba domus, omne desertum patria est? sed quid illud toties pauidis decantatum labris? nimirum: *Si fractus illabatur orbis, impanidum ferient ruina.* Verùm cadédum. nec primus, nec vltimus. multi me antecesserunt, omnes sequentur. Morieris. ad hanc conditionem cuncta gignuntur: qui cæpit, desinet. & non dulce & decorum est pro vero mori? aut non mors æquè fugacem ac fortem persequitur virum? aut parciit imbellis iuuentia populiis, timidòque tergo? omnes eòdem rapimur. mors omnibus finis, multis leuamen & remedium fuit. & non qui mori didicit, seruire dedit, vt hoc beneficio mors optanda sit? Bene Ambrosius: *Transiit à corruptione De bon. ad incorruptionem, à mortalitate ad immort.*  
*mortalitatem, à perturbatione ad tranquillitatem.*

*litatem. non igitur te nomen mortis offendat: sed boni transitus beneficia delectent. quid enim est mors nisi sepulchra vitiorum, virtutum suscitatio? Et alibi: Si mors malum, quomodo iuvenes non timent fieri senes, nec finitimam mortis veretur aetatem?*

*Hom. 5.  
ad pop.  
Antio-  
chen.*

*Eleganter Chrysostomus: Quid est mors? somnus consuetudo longior. itaque si mortem times, time & somnū. Et quis peregrinus & exul timuit redire aut properare in patriam? patria nobis cælum est. peregrinamur hîc, & primorum parentum nostrorum scelere exilio damnati, miseram vitam trahimus. quid mortem timemus, quæ sola nos Cypriano teste restituet è qua excidimus, patriæ? & quid refert annos extendisse si moriendum est? & quò mihi sæculum si in momento quo clauditur, rapior? quid plus viginti, centum dabunt anni, ubi ad metam ventum fuerit? abeunt vnus & mille, nec discrimina postquam euolauerunt, norunt: nulla maiora fugientia quàm lenta iacula vestigia trahunt. nec video quid magis, qui ante primos annos, quàm qui fatigatis raptus est,*

est, queri possit, quàm quòd citiùs  
fretum enauigauerit. in freto enim  
viuimus omnes, portum morte tene-  
mus. quid querimur de celerì nauig-  
atione? de tarda fors meritò quis  
queri possit, de citata nemo.

Sed graue tot æmulatium iudiciis  
substerni, & fatuas ferre césuras pru-  
denti durum. durum: sed *lenius sit*  
*patientia. quidquid corrigere est nefas.*  
alieni ingenij hæc sunt. emendatio  
in manu tua non est. quæ tua sunt  
corrige; aliena ferenda sunt. nulla  
vis externa ingeniis imperat. etiã de  
Deo libera erunt iudicia. quid homo  
speras? verùm ab improbis non rarò  
ferre. velles à probis? quid si à probis?  
errant. duc in viam. non potes? feras.  
patientiaæ præmia cælo recondun-  
tur. at quis tenebit colorem, feret-  
que suorum & aliorum impetum?  
*Iustum & tenacem propositi virum, non*  
*ciuium ardor praua iubentium, non vul-*  
*tus instantis tyranni, mente quatit so-*  
*lida. non desit mēs recti conscia sibi,*  
non animus cælo Deoq; infixus; non  
decerunt robora, non inuictum ad-

uerfantibus pectus. At graue est his  
administris exui bonis? graue esset si  
bona exuerent cælo. donant. & quò  
mihi cibus, si nō expletur fames? quò  
opes non extincturæ sitim? nam &  
*crescentem sequitur cura pecuniam maio-  
rumque fames. & non multa petentibus  
desunt multa? bene est, cui Deus obtulit,  
parca quod satis est manu.* Et quis vn-  
quam diuitum dixit, Satis est? & non  
ab ipso auro plura concupiscere di-  
scimus? quādo illud posuit modum?  
Et quis pauper? non qui pluribus in-  
diget? illum verò egere pluribus, qui  
plura petit, certum est. plura diuitem  
petere experientia nos docet. vt iam  
magnas inter opes inops sit, bis pau-  
per: voto, & usu. Nō miserum digni-  
tatibus & honoribus spoliari? mise-  
rum si æternis spoliaremur. donamur  
illis. Sed magna me tenet solitudo?  
adde illud Poëtæ: *Et iam dente minùs  
mordeor inuido.* & non beatus qui pro-  
cul negotiis, solutus omni cura ser-  
uit Deo? & quæ felicitas maior opta-  
ri potest quàm sibi Deoque viuere?  
non viuit Superior sibi; viuit aliis, &  
plus



plus etiam plerumque aliis quàm Deo, cùm maximam vitæ illius partem surripiant alij. vt ter felicem illum meritò dixerim, qui curis exoneratus, inuidentiæ ereptus, nulla linguarum calamorumque fabula pacatos dies pacatioribus adnectit noctibus, nulla iam odiorum oblo-  
cutionumque materia. & licet non splendeat muneribus; non obfusca-  
tur etiam indecoro inuidentiũ pul-  
uere. non lucet terris; sed cœlo inta-  
minatis virtutũ magnarũ fulget ho-  
noribus. non cingitur salutantium  
gregibus; sed neque adulantũ. non  
videt crudis occupari atria salutatio-  
nibus; sed nec detractoribus. non  
patitur ad occursum suũ decrescen-  
tes; sed neque ciconias à tergo pin-  
sentes. caret conuiuantium gaudiis.  
volatica illa sunt, vix extremis pen-  
nis tenentur; non caret æternis, sed  
nec solidarum virtutum internis. &  
quid sunt conuiuiorum gaudia, nisi  
insanientium mendicabula, libidi-  
num flammæ, inuerecundi ignes, de-  
trahentium flabra? quid denique

nisi lasciuiuentium scholæ, ac priuati pudoris publica prostitutio? destitutus expeditusque his Superior canet cum Poëta:

*Stet quicumque volet potens*

*Aulæ culmine lubrico,*

*Me dulcis saturat quies:*

*Obscuro positus loco,*

*Leni perfruar otio.*

Denique si Superiorum commoda cum incōmodis componamus, tanto illa ab his numero & magnitudine vinci reperiemus, vt fatuus meritò haberi debeat quisquis superioritatum ambitu tenetur. vt commiserationibus dignissimi sint, quicumque infana hæc prurigine ac scabie titillantur. & fingamus aliquid honoris; tantis tamen ille aduersantiū molibus obruitur, vt tam modica mella tanto felle emi non debeant. aliquid abblanditur gloriæ; sed tantis illa venenis intingitur, vt nemo prudens tanto natantia toxico fercula amauerit. imperare etiam magnum & dulce videtur; sed tanto absynthio miscentur hæc dulcia, vt caruisse-

caruisse dulcius sit. magnitudo verò  
& quæ hanc comitatur veneratio,  
tantis invidentium, detrahentium,  
mala imprecantium, molientium  
molibus cingitur, totque montibus  
colles illi integuntur, tot malis bo-  
na illa repercutiuntur, vt infan-  
ciæ quoddam genus sit imperium ama-  
re, ad quod si quis inuitus vocatus  
fuerit, parat animum ad ardua, &  
inter dignitates & honores propo-  
nat sibi illud Poëtæ imitandum:

*Nec tamen hic mutata quies, probi-  
tasque secundis*

*Innumuit. tenor idem animo, morés-  
que modesti.*

*Fortuna crescente manent.*

maximè cum dignitatibus ferè ad-  
nexa calumnia, quasi honorum fa-  
mula detractio sit. Iam cum præci-  
pitia ex alto sint, quid securitatis  
esse potest in pendula semper digni-  
tate, in fugituo honore? quòquæ  
certius pedem in hoc lubrico figat,  
credat sibi iam olim dictum, *Peri-  
culosa plenum opus alex tractas, & in-  
cedis per ignes suppositos cineri doloso:*

certoque sibi persuadeat, pro cultu  
vno, commodo vno, suauitate vna,  
centum aduersantia procursura, cen-  
tum pro vno bono mala nascitura.  
quid faciet? desperabit? quin ma-  
iores animos sumet, & obdurabit  
mentem frequenti vsu ac medita-  
tione. &, *Duris ut illex tonsa bipenni-  
bus, nigra feraci frondis in Algido, per  
damna, per cades, ab ipso ducit opes  
animūque ferro*: sic à difficilium in-  
cursibus animum induet. auida ni-  
mirum periculorum virtus est, nec  
quid passura sit, sed quò tendat, co-  
gitat: quæ enim passura est, gloriæ  
suæ partem deputat. cogiret hostes,  
& inimica vndique agmina, domi,  
foris; nihil proinde cuiquam credat  
pœnitendum, nihil quod propala-  
tum ruborem incutiat, nihil gratiæ,  
soli virtuti dabit, pro vero, pro bono,  
pro virtute nō timidus mori. Deum  
denique cogitet & felicem æterni-  
tatem, laborum, sudorum, constan-  
tiæ & patientiæ præmium, nec aliud.  
hac acie auctus inuictus stabit, ho-  
stibus, aduersantibus, ac quacunque  
fortu

fortuna maior. Imperat ? virū se præbebit. exuitur imperio ? lætus fruetur otio, & qui in tempestatibus siccis oculis *turgidū vidit mare & monstra natantia, qui præcipitē Africum decertantem Aquilonibus, qui tristes Hyadas, & rabiem Noti*; post illas portū amabit, & lætus exinde naui & mari repudium dicet; ac Dei beneficium, salutem scilicet suam, periculorum memoriā honorabit.

---

*Consultò omnia agat Superior.*

C A P V T   X I I I .

**T**Vtissima hæc imperandi via est. serias proinde deliberationes rebus agendis præmittat Superior, rerūque experiētia aut innata prudentia primos consiliis admoueat: ipse verò tacitus antè apud se sedulus veritatis inuēstigator, omni in alterutram partem affectu deposito, momenta discutiet; proponētque rem ita suis, ne quis in vnā magis quā alteram partem propensum  
illius

illius animum percipiat. quòd illa ferè res cõplacendi quàm veritatis studiosiores, vel offensionum timidiore, quibûsque minus, virilis roboris inest, in Superioris sententiam trahat. Cauebit verò studiosè ne deliberationi priuata cõmoda misceat; cùm pessimũ veri affectus venenum sua cuique sit vitilitas. Assentitur Tacito: *Liuius: Priuata res semper offecere officientque publicis consiliis.* Liuius Sallustius: *Omnes qui de rebus dubiis consultant, vacuos esse decet. haud facilè animus verum prouidet, ubi illa officiant.* Et alibi: *Ego ita comperi omnia regna, ciuitates, nationes vsque eò prosperum imperium habuisse, dum apud eas verã consilia valuerunt. ubicumque: gratia, timor, voluptas, eas corupere, post paulò, imminutas opes, ademptum imperium. postremò seruitus imposta.*

Gaudebit etiam in sententiis ferendis suorum in dicendo libertate, nec verbo signõve alieniorem à persona aut sententia animum ostendet. collaudabit potiùs conatum, animabitque sternetq; comitate libertati

tati viam; quòd illa optimorum consiliorum testatissima regula sit. nam si aut libertatem sustuleris, aut periculum libertatis sit, defuturi omnino sunt qui rectum suadeant.

In refellendis verò aliorum rationibus summa moderatione utetur: nec quidquam in his extra nudam propositæ rei veritatem spectabit. neque in dicenda sententia acriùs aut mordaciùs aliorum dicta refelli ab aliis permittet; cùm hinc animorum nascantur alienationes, & euertendorum consiliorum studia, quæ imperia plerumque ad interitum trahunt; cùm æmulæ hæ concertationes, non quid ex vero bonoque, sed quod ad subuertendam aduersarij sententiam opportunum sit disquirant. excusabit potius mitigabitque, si quis errore ductus in apertè etiam nocitura prorumpat.

In rebus autem grauioribus, si morâ patiantur, deliberando tēpus concedet, quo paratiores ad ferendā sententiā veniāt: cùm præpropere ferè

rè & calida cōsilia non infrequenter pœnitenda secū trahant. vt bene Liuius : *Nihil magni discriminis consiliis tam inimicum , quàm celeritas.* hanc autem celerem pœnitentiam , sed eandem seram atque inutilem sequi. Et alibi verè : *Omnia non properanti clara certaque sunt , festinatio improuida & caca.* Et : *Consilia calida & audacia , prima specie lata , euentu tristia sunt.* vnde illud Thucydidis : *Duo aduersissima rectæ menti , celeritas & ira.* Prudenter proinde Denosthenes : *Consulere quidem oportet lentè , consulta exequi festinanter.* ac in eandem sententiam Aristoteles : *Celeriter deliberata peragenda sunt , deliberandum autem tarde.*

Consequetur hac agendi ratione Superior primò , vt certius optima deligat , cū è variorum rationibus solidissima quæque tutissimâque in rem suam seligere non magni sit moliminis. Secundò , vt , dum aliorum consiliis tanquam viribus , aliorū iudiciis & rationibus tanquam armata dextera ferròque iuuatur , promptius



tutiùsque ad felicem res exitum deducat, quàm si solius ingenij sui robore eas aggrediatur. Tertiò, ut pericula damnâque deuiter, quæ ferè in ferendis refellendisque sententiis se aperiunt: quæ eo faciliùs declinamus, quo aliena quasi manu, depulsis quibus tegebantur nebulis, in aper- tam lucem deducta sunt. Quartò, ut dum præuia matura deliberatione, ex aliorum iudicio res moderatur, non facilè in non emendanda præcipitia labatur; quæ ferè subitis nimiaque fiducia sui laborâtibus consiliis perpetuo quodam nexu colligata sunt. Quintò, ut in infelicibus successibus illud habeat solatij, non suo in re sua, sed alieno arbitrio stetit. eueniant aduersa, tærebitur se veteri prudentum dicto, Feci quod licuit, quod decuit, quod debui: prudentiæ leges expleui: peritiores in cõsiliu adhibui. aliter cessit? humanarum hæc natura rerum est. Ab vna non rarò fortuita circumstantia fortunati infortunatique euētuum successus profiliunt. totaque felicitas  
infe

infelicitasque ab incerta præterque  
spem metumque omnium, non ma-  
gnæ rei accessione, tanquam à per-  
tenui filamento pendent. Sextò, vt  
faciliorem apud omnes erroris, si  
quis intercurrat, veniam consequatur,  
qui prudentum regulam secutus,  
alios in re sua in consilium ad-  
hibuerit, eorum iudiciis steterit, ni-  
hilque eorum intermiserit quæ sapi-  
entissimus quisque in re sua adhibere  
consuevit. Septimò, vt suos ha-  
beat factorum dictorumque suorum  
propugnatores, laudatores. quos si  
negligit, optima licet deligat, è solo  
neglectu aduersarios experietur. nec  
difficile erit in alieniore animo im-  
probanda quædam reperire. inge-  
niosa omnis æmulatio est. quæ cum  
se neglectam arbitratur, in omnem  
se euertendæ ac infringendæ alterius  
sententiæ formam vertet. probasset  
in deliberationem adhibitus, & Su-  
perioris sententiæ magna approba-  
tione accessisset. non fuisse adhibi-  
tum, satis ad damnationem fuit. tan-  
tum valet aliquid alterius prudentiæ  
detu

detulisse; tantúmque obest illam neglexisse, vt cùm contemptum se arbitretur, quem præteristi, improbandi, obloquendi, detrahendi etiam modos reperiat; cùm verò aliquid sapientiæ suæ putat concedi, prona manu in Superioris abeat voluntatem, illius sententiam tueatur, fortémque se contra oppugnatores propugnatorem opponat.

Neque difficilia hæc erunt Superiori, si sibi persuaaserit, nihil neque authoritatis sibi, nec opinionis apud alios bonæ decedere, si consultò omnia faciat. quin adeò plus illi æstimationis ac venerationis accedere, cùm tutiore certioréque ingrediatur via. & cùm suorum perquisiuisse iudicia obesse nō possit, prodesse possit; non leuiter peccare censebitur quicumque illa negligit, quibus & suorum in se animos prouocat, ac tanquam beneficio deuincit, & domesticam pacem parat, pulsisque animorum è neglectu prouenientibus tēpestatibus, fluctus sedat, effrósque alienationū vētos, mutuarum

conflictationum ac turbarum causas componit, & se contra aduersarios aliorum iudiciis tanquam auxiliario ferro armat; & certiùs multorum quasi oculis res contuetur, multorùque consilio, industria, solertia veritatem eruit, neque tam facilè labitur multorum manibus fultus, promptiùsque post lapsum erigitur, auxiliariis aliorum copiis circumfessus. De vniuersa sanè hac re audet Tacitus: *plura in summa fortuna auspiciis & consiliis, quàm telis & manibus geri.* Docemur hoc omnium vbique gentium historia. nec magnum robore vincere; vincimur à belluis. magnum consilio vincere. quo vno validissimæ belluæ in regnorum exitium natæ, non magno molimine sternuntur, vt dictum verè sit, *Vis consilii expers mole ruit sua.* vt ipsa robora, si consilium demas, in interitum suum nata arbitreris, dum fatuo impetu feruntur in aduersa, & hostilibus se armis improuida induunt. ita prudentia & consilio quæ à tenuissimis initiis ad summa excreuerant,

rant, nimia virium fiducia consilio destituta, in cinerem & fauillam versa fuerunt. orbis miracula ludibrium facta fuerunt. vt omnia regna hostibus calcata, consilio antè destituta fuerint: non calcanda si quibus iniuriis creuerant, iisdem se tutari voluissent. consilio creuerant; stare eodem potuerunt. neglexerunt; perierunt. fabula præfidentia facti, qui consilio admirationi erant. & qui in exemplum consilio creuerant; præfidentia in exemplum ceciderunt. magistri facti posteris præfidentis roboris consilio destituti, qui magistri antè felicissimorum euentuum consilio fuerant.

Neque deliberationes hæc in magnis tantum grauibusque adhibebit; sed in mediis etiam, ac non raro in paruis. credi enim non potest quantum hæc consiliorum communicatio, subditorum in Superiorem affectus imprimat, quam valido eos inter se nexu liget, quam potentes propugnatores paret. Iam cum contingat non raro minimarum etiam rerum

rerum errores magnam maculam  
inurere: cùm minima magnis magno  
auxilio esse in ornatum & robur so-  
leant, aut impedimento ad summa;  
euitabit incommoda, damnâque  
non vanè metuenda, & certam sibi  
ad tutiora viam prudens Superior  
sternet, si etiam in parvis suos non  
rarò in consilium vocauerit. Acce-  
dit, in his aliquando quædam, in  
magnis profutura audiri. & cùm au-  
ditione peccari non possit, superbiæ  
ac innati cuiusdam fastus esse vide-  
tur, audire nolle. maximè cùm consi-  
liorum delectus in deliberantis Su-  
perioris manu sit. neque quisquam  
improbare possit si tutiora quis de-  
ligat, quocunque demum auctore  
hæc nata fuerint. nemo peccat tutis-  
sima deligendo. peccant plerique ni-  
mia prudentiæ suæ fiducia, & labun-  
tur in immedicabiles plurimùm er-  
rores, nulla postmodum sapientia e-  
mendandos. Scio prudentissimum  
illum haberi, qui à se non ab alio  
consilia mutuatur; rarâque iudicij  
ingenijque perspicacia, profutura  
iuxta

iuxta obfuturáque prospicit, vt hæc sagaci prospicientia depellat, illa amplectatur. illum verò nonnisi secundas obtinere, qui aliorum prudentiæ innititur, doctus sapientiora seligere & sequi. At quanti sunt qui fortuitorum euentus ingenij quadam altitudine attingunt, nullius indigi? è multis millibus vnum fors alterumve reperiēs. quem etiam consultius est aliena consilia admittere, quin & vltro deponere, nullius contemnere; ne quos potest amicos habere, hostes sentiat. neque prudens gratuitò sibi aduersarios parat, certus ab infimis magna damna inferri, magna capi. vt omnium ille prudentissimus haberi debeat, qui cum consilia sua pectori inclusa habeat, ne tamen prodigo nimis in res suas affectu, in errorem voluatur, perquirat aliena, optimaque tutissimaque è suis alienisque deligit. adeò etiam vt consultius sit, cauta ex aliorum mente consilia cum ratione, quàm sua ex casu felicia arripere.

*Constantia in rerum executionibus.*

## CAPVT XIV.

**V** Arius hîc à non postremis error exurgit , qui ad sex potissimum capita reuocari mihi posse videtur.

Primi generis sunt qui in rerum executionem adeò calidè profiliunt, vt antè fecisse quàm cogitasse videantur; qui ad res non eunt, sed decurrunt, tanquam si quis inopinato incendio latè omnia populante, domo propellatur. omne nimirum horum consilium tanquam in medijs ignibus est. deliberationem ignorant, ac nec domesticum quidem peccatoris sui senatum in consilium vocant. fecisse his deliberasse est; remque peregissee cogitasse est. non eunt illi in res, profiliunt, aut veriùs inuolant; tanquam si quis ex ingenti præcipitio, vno se saltu deturbet, pertæsus moræ quam in prudenti lentó-  
que



que lapsu ponendam videt. prima non dicam his consilia, sed primus illapsus quacunque fortuna iniectus pro sententia est. damna daturus an secus, ne cogitant quidem. ut fortuito hi veriùs quàm consilio viuant; fors benè, fors malè res cadent, excepturi hunc aleæ iactum sunt. & dū audaci semper ausu, noua, spe meliorum aggrediuntur, se ferè suosque in nulla pœnitudine aut consilio emendanda coniiciunt. nec antè finem præproperi faciūt, quàm præferuidis se nomenque iniuersum cōatibus in extremam dedecorationem fatuo ausu impulerint! Infelices planè qui tales consecuti Superiores fuerint. neque enim illi se solos, sed domesticos plurimùm omnes vna ruina consepeliunt.

Neque his meliores sunt qui mentis quadam instabilitate, nunquam certum rebus pedem figunt. quos semper in lubrico versari videas; tanquam si per perpetuos globos inambularent. ita non eunt, sed voluuntur, & alieno potius ductu quàm suo in

incertum aguntur. volunt; momento nolunt; damnata prius probant, probata damnant. & in consilium hi quidem alios vocant, sed ingenij quadam mobilitate à probatis dilabuntur. putes occurrentium rationum hinc inde momentis, tanquam paleam pugnantibus inter se ventis in diuersum rapi. vt non tam rationes his deesse, quàm opprimi illis credas, ac in contraria propelli; cum verum à falso, noxium à profuturo, prudens à fatuo, certum à dubio, bonum à malo, ingenij labili nimium ac quodam quasi fluido procurso, dignoscere non valeant. versantur hi perpetuò tanquàm in reciproco Oceani aestu seipsum perimente. in quibus nihil stabile, nulla firmata consilia sunt; sed ad omnem rationem, tanquam ad omnem ventum vela mutant, ignari prosperum ab aduerso, falsum à vero discernere. Molestissima hæc ratio inferioribus est. ac dum incertis Superiorum consiliis aguntur, timidè ad imperata descendunt, experti non semel, è medio cursu

. imperia

imperia mutari. nec rarò cum non leui nominis iactura ingenti rubore suo id fectum. peritque vniuersum hac consiliorum varietate omnis de Superiore prudentiæ opinio ; cùm eodem non rarò die probata improbari, laudata damnari vident ; hîc ingentibus extolli rem laudibus, ibi immensum deprimi ; alibi vt sequenda proponi, nec multò pòst, tanquam à noxiis arceri. Signa hæc sunt labantis semper animi, vt nulla in his prudentia certam sibi firmamque sedem statuere possit ; cùm in semper mobili hac ac fugitiua animorum arena nihil solidi firmari possit quod ætatem ferat. Et ægrè tales virtutem ex vero amplectuntur, quæ animi firmitatem ac pectoris quoddam robur deposcit. quod qui sustulerit, in vitia iuxta ac virtutes pronos dabit, imò in illas proniores, vt quæ varietate quadam delectentur, gaudeantq; mutationibus, ne fastidium nimirum earundem rerum frequentatio pariat.

Tertium genus eorum est qui tâta

in omnibus sunt in lentitudine, ut  
perraro manum rebus admoveant;  
credas mentis quodam frigore tam  
dense constrictos, ut nullis solaribus  
radiis colliquescant. quos neque  
precibus, neque rationum pondere  
propellas; cum sola ferè hos extrema  
damna, feta plerumque emendatio-  
ne, excusso quo detinentur somno,  
ad meliores cogitationes excitent.  
Inuenias inter hos qui semper hæ-  
rent dubij, quibus nulla ratio men-  
te impleat; qui semper anxij, quibus  
nulla consilia metum adimant; qui  
vndique natant difficultatibus, ut nul-  
lam auxiliarem manum admittant,  
cum omnium tanta diffidentia labo-  
rent, ut nec animo suo satis credant.  
quo fit miserrimam omnino esse  
conditionem illorum qui tales Su-  
periores nacti sunt, sub quorum fa-  
stidiosissimo imperio nihil sperari  
generosum potest, collabascunt om-  
nium animi, ac tanquam alta humo  
defossi ignauo consēpulti iacent so-  
no. nihil in his excelsæ mentis, nihil  
quod virum suum redolet, nihil

Christo & æternitate dignum, iacet proximorum calcata salus, iacet propria. ita à ductoris lentitudine excili omnes nerui, exsecta robora vniuersa sunt. Ingens malum, & quod non nisi imperantis mutatione corrigas, in quibus nihil videas præter testudinea ignauiolem tarditatem, omnium etiam valentissimorum stomachis nauseam parituram; nihil præter felicissimarum occasionum, gerendarumque rerum supinum neglectum. stupor enim quidam obsedit animos, vt vix flammæ in mediis ignibus persentiscant. tam denso vndique animorum gelu constrikti iacēt, vt nullis hos precibus, causæ æquitate, facilitate, amicissimorum suasionibus, ingentiumque tam publicorum quàm priuatorum damnorum metu impellas.

Reperias alios qui naturæ quadam morositate, fastidiosissimi ad omnia, & nauseabundis similes sunt; à quibus nihil audias, præter omnium contemptum, vngues & dentes, & Satyri morsus, vultum tristem, oculos

toruos, & in mœrorem ac sæuitiam delectos, verba ab imo pectore quasi harpagonibus educta, dura & aspera, & instar ferræ, dentata. in quibus nihil suauioris succi, carnis aut sanguinis, nihil quod alliciat, quod parentem referat. iudicis sunt omnia, & sæui iudicis; apud quem quæcunque delicta, læsæ maiestatis crimina sunt, omnis delatus capitis reus est. ipsa verò elocutio fastidio est. Consulis? frontem ut indignabundus corrugat, genas tanquam in contemptum deiicit, supercilia in fastum tollit; & post morosa obstipi capitis silentia, oracula promit. quibus si quid opponas, peculatus reus es. Si quid tanquam à parente deposcas, triremibus antè præfectum quàm patrem audies. Infelicissima sub his subditorum conditio: quibus nemo faciât satis. damnant omnia, ac si rem non possunt, modum improbant. à quorum ore nihil lætum, nullum afflictis solamen, nullum iacentibus excitamentum, nullum agris leuamen, nulla laborantibus quies,

quies, nulla post sudores spongia;  
fudes & cæstus sunt, & saxa pro ver-  
bis volant, fella pro melle, pro sacca-  
ro absinthium propinatur. quòd si  
quid suauitatis interspergitur, à tam  
auara & nouercali manu hæc veniūt,  
vt caruisse melius sit quàm habuisse,  
negasse optatius quàm tam cruda  
dextera porrexissè.

Accedunt his qui omnium propè  
perpetua laborant diffidentia; quo  
fit vt, dum singulorum munia obire  
volunt, nec omnibus soli sufficiant,  
pleraque frustatim tantùm attingāt,  
rerum obruti multitudine. hinc sem-  
per querulos reperias, tanquam sub  
onere fatiscentes, nec suorum ta-  
men commiserationem consequun-  
tur; quin magis oblocutionibus ple-  
nam domum: quæ ferè otium co-  
mitari solent, dum feriis destituti,  
solis Superiorum actionibus diiudi-  
candis oculos habent. non fierent  
hæc, si iustis occupationibus deti-  
nerentur. & maiora etiam imperatis  
auderent, si Superiores nacti forent,  
à quibus animos, nō metum mutua-

rentur, verum cum timoribus illos  
tanquam fluctibus iactari videant,  
nec quicquam splendidioris rei sibi  
committi, in ignauiam degeneran-  
tes, diffidentiam diffidentia remu-  
nerantur; eaque aggrediuntur quæ  
subuertendis Superioris conatibus  
commodissima sunt. cum enim om-  
nem bene agendi occasionem adimi  
sibi videant, eandem quanto pos-  
sunt studio subtractam eunt Superio-  
ri, mille subdolis machinationibus  
consilia illius subuerrentes. Non fa-  
cerent, si fidem Superiori con-  
secuti forent, cuius fiducia excitati,  
nihil intentatum relinquerent, quo  
illius de se expectationi responde-  
rent, fiduciamque fiducia repende-  
rent; nec iam clam illo quicquam  
molirentur, sed animorum intima  
referarent, benignissimi actionum  
illius facti interpretes, tantum in  
omnem partem fiducia ac diffiden-  
tia possunt, ut in illa laudatores  
etiam reprehendendarum rerum in-  
uenias; hæc damnatores probatarum  
etiam rerum reperiatur: illa alacres ad  
imperia,



imperia, & ad ardua quæque promptos paratósque; hæc imparatos etiã ad minima sentiat: illa in sudoribus lætos ac indefessos; hæc in otio querulos ac indignabundos, ac in mœroribus ignauos.

Postremi ea innata sunt ingenij 6 duritia, vt quod semel imbiberunt, nunquam dimittant. putes chalybi impressum, aut adamanti insculptũ, quidquid semel illapsum menti est, ita tenaciter quæcunque illis sub veri aut boni specie oblata sunt arripiūt, vt crêdas de vita ac salute agi, si de consiliorum mutatione mentio iniecta fuerit. durum hoc genus hominum est, & procul ab imperiis arcendum. quæ si nacti fuerint, rogandus Deus, vt optima illis quæque primò illabantur: nam si deteriora, nunquã amoueas, & vitam antè quàm opinionem ponent, cùm Dei gloriam, salutem suam, suorumque in semel conceptarum sententiarum propagnatione collocent. Quæ res in optimos non rarò ac religiosissimos viros cadit. quibus si quid inciderit

quod virtutis speciem præ se ferat, adhærent tanquam reuelatoria quadam aut prophetica à Deo in antecessum inspiratione immissa. quod ubi semel iactum in hanc scruposam ac saxeam animorum terram semen fuerit, nequidquam aliud cogites. preme tanquam torcularibus rationum ac auctoritatum pondere, nulla ratio locum reperiet, cum ex aduerso inloquentem Deum sibi statuerunt: cumque diuinæ gloriæ non ignobilem partem in opinionum suarum executione ponant, fit, ut abduci à concepta semel sententia, cui tanquam diuinæ voluntati inhærent, nulla arte valeant; alij aliud sentiant, & quidem viri prudentia, religione, virtute, pietate, eruditione magni. Frustra his arietibus impellitur animus, cum altiùs primam opinionem animo impresserint, quam ut ullâ humanâ vi commoueri aut loco pelli possit. stat nimirum, stabitque inconcussa, ignara flecti prior sententia, omnibus rationibus potentior, omnium auctoritate validior.

dior. quo fit vt nullum propè hoc hominum genere minùs ad gubernacula idoneum reperiatur; quæ moderata ingenia, nec in vnam partium nimiùm firmata, deposcunt, quæque plus semper in caussa sua alienæ prudentiæ quàm propriæ in- nitantur, cùm meminerint homines se esse, falli posse, maiorésque etiam in rebus piis ac religionis, adeóque & fidei, à vero, à virtute, à fide aberrasse. qui deinde suauitatem robore miscere, duritiam mollibus temperare nouerint: neque semper ad pœnas & asperiora monita, dominorum ac iudicum more, sed ad matris non rarò vbera, ac ad patris semper dexteram decurrendum sibi meminerint: qui denique in suorum delictis etiam à simulatione, ac maternè interdum blandientibus, medicamenta præbere didicerint. temperata enim ingenia, & vel natura vel assiduo studio ac vigili cura, tanquam vomere subacta, & quæ pro re nata in hanc aliàmve se partem flectere consueuerunt, imperia expo-

scunt: quæ nec lentitudine sua nauseam, inde vomitum prouocent; nec lenitate sua semper fluctuent, semper natent, nusquam certum portum aut littora teneant; nec ex semper æstuantibus fornacibus in perpetuas flamas exurgant, totque præcipitia, quot consilia subeant, à fortuitis euentibus nomen sumptura; nec denique quasi in saxum gelidata, semper ferrum postulent antequam mollescant aut cedant; quæ Ætnæis magis iucundibus, aut proscindendis aratro glebis, quam moderandis ingeniis. nata sunt: sed quæ calorem frigore, lentitudinem ignibus, duriem mollitudine, lenitatem pondere moderari sciant. vt neque nimius æstus propellat in præcipitia; nec nimium frigus omnem benè gerendæ rei occasionem sera pœnitundine elabi permittat: nec durities nimia omnem alienorum consiliorum tanquam alienæ manus attactum aspernetur; nec lenitas nimia nusquam stringat, quamque nunquam corpore, semper sola pluma teneas: vt ve-

rè à Magno Gregorio dictum sit :  
*Ars artium regimen animarum.* Ut  
enim vnus Superior omnibus, Apo-  
stolo monitore & duce , omnia fiat,  
tòtque mutuò discrepantibus inge-  
niis , suum tanquam ex informi ar-  
gilla peritus figulus fingat ac refin-  
gat , ingenti per omnia opus indu-  
stria est, animòque in omnem fortu-  
nam parato ac subacto ; cuique tan-  
quam peritissimo nauclero, è ventor-  
um fluctuúmque domestica qua-  
dam familiaritate , nihil inopinatum  
accidat. Et sanè si vsquam , ingens  
cum ingeniis lucta est , neque tanta  
aut gustuum aut formæ quàm iudi-  
ciorum varietas est. quo magis varia  
opus in Superiore dexteritate, qui se  
vnum in tot mutuò pugnantes ver-  
tat formas. nam omnes in suam velle  
fingere ; extremæ dementiæ est. vt  
verò se tot aduersantibus induat,  
non nisi solertissimæ mentis est. nam  
& cum tristibus mœrere, cum gau-  
dentibus hilarescere , audere cum  
audacibus , expallescere cum timi-  
dis, ardere cum feruentibus , rigere  
cum

cum frigidis, torpere cum tepentibus, languere cum ægris, roborari cum valentibus, ut eos morum quadam similitudine adnectas tibi, quo facilius promptiusque mœrorem lætioribus abstergas, nimiam hilaritundinem ad maturitatem deducas, & audentioribus aliquid metus è prudentiæ arena interspergas, & timidis animos addas, & præferuidis frigidam infundas, & frigentibus ignes admoueas, tepentes excites, ægros releues, ac nimis denique validos ne in vitia exurgant, in moderatâ temperiem virtutibus natam adducas; magnæ omnino industriæ, & imperiis dignissimæ est. talis enim Apostolum secutus, omnibus omnibus omnia factus est, ut omnes lucrificiat. quod nunquam fiet ab illo, qui sua pro diuinis consiliis, aliorum pro humanis habuerit; qui tanquam à diuino calamo & ore placita sua proloquitur; qui seueriore ingenio, nulli humanæ teneritudini compati, nulli commisereri didicit; qui humanarum in se fragilitatum inexpertus, è solis

è folis libris morborum medicamenta haufit, ex aliis, non ex fe factus magifter & medicus; qui omnium mores ad rigidiores fuos fingere, quafi omnium valetudinem ac ftaturam ad fuam, conatur; qui quæ ipfi fapida, leuia, commoda, bona, ea aliis eſſe volet, tanquam fi è ſuo robore omnes metiatur, è ſua corporis conſtitutione reliquos, ſua animi propenſione omnes. Grauiſſimus error & ſtultitiæ proximus; vt ſi quis raſtris, ſecuribus, incudibus, vomerique aſſuetus, omnes ad eadem vocet; aſſuetus pellibus, iſſidem veſtiri velit omnes, omnium nimirum pedibus calceos eoſdem, omnium corpori pares togas præſcribat. Et eſt illud in hoc hominum genere grauiſſimum, quòd duritiem ſuam morumque aſperitudinẽ, lenitatem arbitrentur, & vocent, & haberi ab aliis velint; tanquam ſi ſolibus ab aratro exuſtus, caniculæ calores pro tepenti & frigidam ſuffundenti vento excipiat; & exſculptum ardoribus  
pectus,

pectus, ac callis vndique lorica tum  
pro molli puluillo habeat. quibus si  
errorem digito designes, errorem  
ignorant, virtutemque pro errore ha-  
bent. obtemperabunt fors si Supe-  
riorum imperia accesserint, & cona-  
tum etiam aliquem adinovebunt;  
animis tamen prior stabit sententia,  
ac si qua libertas concessa fuerit, ad  
sua labentur. Iam si supremum illi  
imperium consecuti fuerint, ut non  
habeant à quo asperitudo mitigetur,  
quorumque leniore ductu molles-  
cat durities; ad extremas immitates  
decurret, solis suorum mœroribus,  
ægritudinibus, mortibus; aut deser-  
tæ Religionis sectionibus nobiles.  
Neque sperari in hoc imperio auxi-  
lia possunt, cum suis ductibus habe-  
nas stringant, calcariâque perpetuū  
sanguinē elicitura adinoveant; igna-  
ti parcere; nec alios in consilium  
voceant aut si vocent, contraria sen-  
tentis suis, tanquam Deo aduersan-  
tia respuant; aut demique illos solos  
deliberationibus adhibeant, quos  
vel ob ininamatam morum scueritatem,  
vel



vel ob metum, aut complacendi studium, sententiarum suarum suffragatores habituros se sciant.

Prudens proinde Superior rem nullam inconsultò aggredietur; nec præmissâ maturâ deliberatione aliò consilia vertet. Scio prudentis esse melioribus propositis mentem mutare: ac nonnisi pertinacis ingenij esse semel statutis ita mordicus inhærere, ut quibuscunque sanioribus propositis nihil à decreto deflectas. semel tamen re in deliberationem vocata, ubi singula maturè excusseris, non facilè ad nova imperia decurrendum; inò nunquam, nisi certiora, ac prioribus meliora occurrât. quod ubi contigerit, non vnius Superioris iudicio, sed multorum, aliò consilia flectenda sunt. ac primò tacitus apud se Superior rerum novè in utramque partem occurrentium momenta excutiat, rationumque pondera seposito affectu, tanquam in statera dispiciat: proponat deinde suis, & imparatos præcogitatis antè rationibus iuvet: ita tamen ne quis  
pro

propensum illius animum in vnā  
potius quā alteram partem sen-  
tiat. sententiis dictis, tutiorem cer-  
tiorēque partem deligat, nec ab  
hac nisi de suorum consilio dece-  
dat. quod eo magis adhibendum,  
quo profundiore opus indagine est  
in semel maturè deliberatarum re-  
rum mutatione. Et verò vt semper  
laudata constantia, ita damnata per-  
uicacia fuit: & vt ad omnia momen-  
ta de sententia decedere, leuissimæ  
mentis est; ita semel decretis, quibus-  
cūque melioribus propositis, ad-  
hærescere, fatuæ cuiusdam pertina-  
ciæ est. neutri proinde imperiis apti  
sunt: parentiæ potius quā guber-  
naculis nati. Neque hîc ego facilem  
in mutandis consiliis Superiorem  
laudo; nec sui iudicij tenaciore pro-  
bo: sed media hunc ire viā deside-  
rem, vt semel è suorum consilio fir-  
mata nunquam mutet, nisi certiora  
tutioraque longè sese offerant. in  
paribus nihil mutet, imò si leuia me-  
liorum incrementa sunt, ne tūc qui-  
dem mutet, ne audiat inconstans;  
magna

magna omnino sint, quæ semel rata  
statæque flectant. Hæc tamen magna  
non suo vnus iudicio, sed aliorum  
magis metiatur, ne audiat iudicij sui,  
aliorum verò neglector & contem-  
ptor.

In qua re illud in primis statuen-  
dum, faciliorem priorum mutatio-  
nem esse re necdum propalata: at  
vbi in apertum consilia eruperint,  
plus longè difficultatis mutationibus  
in esse. nam & risibus hæ multorum  
expositæ, acrioribusque aduersan-  
tium censuris sunt, & graues nasci in  
variorum animis offensiones solent;  
maximè, si, vt fieri consuevit, prior  
aut hac pulsa, secunda sententia,  
plus minúsve in hos aut illos pro-  
nior, aut aduersa magis fuerit. tunc  
enim exurgunt iræ, indignationes,  
oblocutiones, minúsque religiosæ  
machinationes, sinisterarumque sus-  
picionum integra plaustra, in inno-  
centissima ferè capita casura. Non  
tam ergo vulgabit Superior senten-  
tiam suam consilio firmatam verbis  
quàm re ipsa. nec ab hac se deduci  
minis,

minis, terroribus, pollicitationibus, precibus, familiarum persuasionebus patietur; nec dignitati, amicitiae aut sanguini quidquam dabit: sola meliorum certiorumque ratio illum à proposito flectet. Neque novum post maturas deliberationes, intercurrere quædam quæ mutationem suadeant, ea namque est humanarum rerum instabilitas, ut succrescentibus sibi non raro aduersantibus, nisi stolidissimi simus, ad nova consilia decurrendum sit. vna namque aliquando, quæ prævideri humana perspicacitate ac solertia non poterat, subnascens, aut se prædens grauior circumstantia, totius rei conditionem inuertit, & ad alia pondere suo cogit. & stultum sanè sit nocituris quia prioribus inhærescere; nec ad secunda saniora te. vertere. consultiusque in his est, minùs fortem ac constantem audire, quàm fatuum. quāquam nullius merito inconstantiae aut timoris argui possit, qui melioribus propositis priora negligit, & aliò flectit habenas, si impedi-

menta

menta destinatae ante viæ iniecta  
viderit. ut stolidissimi ingenij est ad-  
motis calcaribus, laxatisque habenis  
viâ decurrere, quam quis suffragio-  
nibus aut aquarum elunie aut hosti-  
bus infessam senserit. prudens rem  
nullam nisi maturo consilio aggre-  
ditur, omnia ante excutit, aduersan-  
tia in primis, peritorumque men-  
tem disquirat, secutura prospicit,  
praesentia intuetur, praeteritorum-  
que memoria sententiam firmat; se-  
que opinionis in quam propendet  
aduersarium statuit, quo potentio-  
ribus rationibus & suam firmet, &  
aliorum infirmet: ac tam diu suspen-  
sam sententiam teneat, quam diu in  
alteram partem rationum se ponde-  
ra flexerint. si dubitis haereat, nec  
in alterutram se librari senserit, tuti-  
orem deliget, quaeque periculorum  
iusti que metus minus, nec emolu-  
menti etiam minus spondeat: cum  
prudenter esse sciat, certiora mino-  
ribusque implexa damnis, quam in-  
certa maioribus fors solupletanda  
commotis deligere. neque enim  
amat

amat sapientia dubios aleæ iactus, è quorum fortuito euentu summa infimæque pendent: modicis certioribus contenta viuit. præmia maiora sunt? maiora etiam damna numerat, maioribusque commodis damna maiora opponit. mediis contenta viuit, aut si maiora cogitat, amat per gradus fastigia tenere, ac lento prouidóque gressu præcipitia legere; nõ saltibus verticem aut inferiora vallium dubio utrobique exitu insidere; cùm arbitretur hæc non tam generosæ quàm stolidæ mentis testata documenta esse, & à temerario magis quàm virili pectore proficisci. Abstinet ergo à merè fortuitis, & quorum felicitas infelicitasque à dubio fortuitarum euentu pendet; & tutioribus se noménque suum suorumque committit. neque terretur interim difficultatibus, sed animos ab iis, tanquam à cibo robur, mutuatur, si per illas præmia vocent. non insilit tamen in illas, vltro nea lubentia, quasi amet petire; quin si potest illæsus transit, si quæ tamen illum

illum necessitas aut boni magnitudo in illas coniicit, non expallescit ad ardua, aut retrahit timidus pedem, aut circumspectat fugæ loca; sed incurrentibus celsior, ad sperata aduolat. nihil interim temerè, fortiter multa aggreditur. nec efferatarum belluarum more, irruit in nocitura, sola sæuitia præmio: sed in media roboris palæstra, prudentiæ meminit, quam fronte, oculis, animo, manibus circumfert. Non accersit proinde pericula, tanquam si illis propter ipsa gaudeat; occurrence tamen amplectitur: ac si alia negata via est, per illa ad optata lætus graditur. non dico, non sentit, sed vincit. illud marmoris, hoc hominis est: quare si diuertere à se prudentiæ dextera & clypeo potest tela, non opponet nudum illis latus. si tamen obii-ciendum pectus, ac non nisi per illud potiri speratis potest; nudum opponet, si per nudum, & non per armatum speranda victoria, & ad optata, & prudenti iam antè consilio firmata, veniendum fuerit.

Hunc

Hunc benè antè rebus in omnem partem excussis, nullæ terrent, audacem minæ faciunt; pericula animos huic non adimunt, addunt; damna non deiiciunt, erigunt; difficultates non arcant, impellunt; linguarum calamitatumque iaculata ac fulminata toxica non eneruant, roborant, fortiùsque hic per armatos hostes, tela; flammæ, quàm per puluillos ignaui, inambulat. Cùm enim è maturo suo suorumque consilio oblata boni speciem animo generosus impresserit, hac duce, firmato inuictoque ad ardua pectore; ferrum & ignes calcât, ut rosas; mortaria, securæ, rotas, ut virtutis suæ testes amplectitur: tantum potest honesti species constanti pectore inculpta. ac licet non raro inimica oppressus acie cadat vir constans, ac difficultatum molibus tanquam montibus insepeliatur, hostilique undique telorum nimbo integatur, corpore quidem, ubi de genu & cubito pugnaverit, occidet; animo tamè interritus stabit: quem nullæ aduersariæ acies,



tormenta nulla de honesti gradu  
moueunt. contumeliæ & efferatæ  
linguæ barbara proritamenta, paleæ  
illi sunt; detractiões quocunque  
ore, clàm & palàm inimico fusæ, plu-  
ma leuiiores. exuitur munere? ridet,  
& optata fruitur quiete. nouis auge-  
tur honoribus? munera hæc fortunæ  
nouit vilissimis ferè largienda. locu-  
pletatur opibus? scit has extra se po-  
sitas, nec meliorem possessorem fa-  
cere quàm bracteata frena leonem.  
quidquid proinde dederis, aduersa,  
an secunda, in colorem suum ver-  
tet, & constantiæ suæ materiam ex-  
osculabitur, tanquam horreo suo  
diuitem messem, torculari suo opu-  
lentam vindemiam; vt nihil iam huic  
euenire possit formidandum, nihil  
quod è fida virtutis statione men-  
tem diuertat, cùm ex omnibus ad-  
uersantibus iuxtà ac prosperis paria  
constantia suæ robora eliciat, sem-  
per sibi similis, etiam colore; ac in  
pari pacis altitudine; nisi quòd fors  
in aduersis plus ferij solidiorisque  
gaudij quàm in secundis sentiat: in

quibus plus non rarò timoris permittum gaudio est. subueretur enim ne quid animo adhærescat ex hac molitie, tanquam si in castris cælo & nuda humo assuetus lecti molitiem perhorrescat, & vt valetudini, virtuti, roborique inimicum auerfetur.

---

*Amor iustitiæ.*

C A P V T X V.

**A**Vgusti hîc dictum verè Christianum: *Pietate & iustitia Principes dij sunt.* Deo nimirum similes pietas & iustitia facit, ac in Diuorum numerum cultores suos referunt. nescias vtra potior, nisi quod iustitia latiùs patere videatur, qua exulante familiam vniuersam necessum collabascere. stant enim hac vna regna, ac in summa etiam barbarie duce hac imperia steterunt. *Ius enim & æquitas vincula ciuitatum.* qua sublata tanquam excisis nervis fatiscunt robora, exurgunt calcata virtute sce-

ra : & nihil iam sanctum. hinc mutuae cædes , & vnus etiam vteri bella & sanguis. hinc etiam castitatem ab impudicitia , fidem à perfidia , misericordiam à sæuitia , modestiam à perulantia deiectam , sacra denique omnia , pietatémque ab impietate stratiám videbis, vt omnia dixerit qui iustitiam exulare dixerit. *Quid enim sunt regna remota iustitia , nisi magna latrocinia ? quia & ipsa latrocinia quid sunt nisi parua regna ?* Colet ergo iustitiam Superior vt imperij sui robur. præit Nicephoro narratore nobili factó Traianus, quem ferunt nudum ensẽm vrbis Præfecto tradidisse his verbis: *Cape ferrum hoc, & si quidem rectè imperium gesserò , pro me ; sin aliter, contra me hoc utere.* Fortiter & bene. sint imitatores, non admiratores, aut laudatores tantùm Superiores : iustitiámque in se primò , inde in alios vertant.

Aug. 2.  
de Ciuit.  
Dei.

Neque tamen sæuitiam in Superiore volo , execror Caligulæ vocem barbaram : *Omnia sibi & in omnes licere.* detestor Tarquinius , Neronẽs,

Caïos, Domitianos, Dionysios, amo  
Tiberios, Traianos, Alphonfos. non  
tamen indulgentiam in ignoscendo  
aut simulando nimiam. *Qui enim  
non vetat peccare, cum possit, iubet.* me-  
diam insternet prudentia viam, &  
iustitiæ semitam complanabit. Non  
intuebitur ergo Superior personam  
diuitis, non pauperis: neque enim  
aut pecunia aut inopia iustitiæ ad-  
ministræ sunt. cæca illa est, nullos  
opibus & honoribus, nullos inopiæ  
oculos habet; cæcutit ad eruditio-  
nem & infantiam; ad diademata &  
sarculum; nec rustico minùs quàm  
laureato gaudet vomere; ferrum-  
que illi & ignibus excoctæ sudes pro  
eodem sunt. pariat nimirum illa iu-  
stitia, nec dignitatum, ætatum, adeo-  
que nec meritorum demeritorum-  
que discrimina nouit. æquat purpu-  
ram lacernæ, aurum scorix, vitrum  
gemmis, quacunque concha, mari,  
aut serpente eductis. seponit enim  
fortunæ munera, corporis etiam  
& ingeniorum opulentiam. solaque  
rationum discrimina intuetur. vt  
nec

nec amicitiae, non sanguinis, non eiusdem vteri & vberis, ac ne parentum quidem meminerit, cum solos oculos æquitati aut iniquitati habeat, reliqua ignoret.

Sequetur hanc ignaram flecti iustitiam Superior, nec omnibus omnia, nisi perditum velit omnes; nec paucis omnia, nisi omnibus eadem; nec vni concedet omnia, nisi omnium æmulationes, imitationem ac odia etiam velit. Sed neque indulgentior in vnum quam alterum, nec remissior erit; parique in omnes animo feretur; imitabiturque patres in filiorum amore, imitabitur matres in prolium lactatione: nesciunt vbera discrimina, quia nec vterus sciuit. Induet hanc mentem Superior, & si pacatam familiam volet, ac æternam in hac malaciam, pari studio feretur in omnes. si delictum occurrerit, cogitabit se patrem, delinquentes filios; à quocunque delictum natum, à filio natum cogitabit. par in filiis vt meriti, ita & delicti ratio. nec solius tamen iudicis in suorum

delictis personam induet, sed iudicis patris. vt dum se iudicem cogitat, patrem sciat. patrio ergo more non nudi iudicis æquitatē colet & exercebit, patrio etiam affectu in delicta sæuiet. neque vnquam ita iudex erit, vt obliuiscatur se patrem. nec pœnam feret in nudum reum, sed reum filium. quare nec decurret ad pœnam tanquam in interitum, sed in salutem. atque hinc ex Senecæ consilio : *Tanquam inuitus & magno cum tormento ad castigandum veniet.*

Neque tamen omnibus eadem admouebit, vt nec ægris omnibus eadem medicamenta, non si idem morbus sit : complexionum enim varietas variam medicamentorum rationem deposcit. Et sanè tenerior quibusdam frōs, solo verbo componitur; durior aliis, mollioribus non cedit, validioribus indiget. hunc semel monuisse satis in ruborē & emendationem est; illum nulla monita restituent. sunt quos solo obtutu terras à delicto, solo reducas in viam; cūm alios nec minæ terreant. Intuebitur

bitur proinde Superior singulos, & peritorum medicorum more, profutura ægris medicamenta præscribet; & dum singulorum studet valetudini, temperabit medicamenta naturæ, ut iam non nudam iustitiam manu verset, sed prudentia temperatam. ne si nudam, eat in sævitiam aut stoliditatem. Non est iustitia quæ à prudentiæ regula decedit: fatuitas aut crudelitas quædam est, non virtus. quæ virtus est, prudentiam habet comitem aut directricem. tempora proinde considerabit, personarum conditionem, & quidquid prudentia suadet & solet. & ut gravis in medico error est, statim ad ferrum & ignes descendere, qui leniora primò tentat, ac nonnisi extremis omnino malis extrema remedia admouet: ita gravis in Superiore error est, in omni statim delicto decurrere ad pœnam. Sola sæpe pœnitentiæ ac delicti erubescencia ac confessione contentus erit. assiduæ enim, & acres vindictam excitant, remissæ & frequentes con-

temptum : ac licet frequens vindicta quorundam odia reprimat, omnium tamen prouocat ; nec minùs in Superiore turpia frequentata supplicia ac pœnæ sunt , quàm in medico funera. Animus primò componendus est , ne si primos delicti calores effervescente etiamnum mente calidioribus pœnis tanquam remediis aggrediatur, obduret & exasperet, nō emendet: moram aliquam largiatur, operámque det vt delinquens erroris delictique magnitudinem cognoscat, pœnámque ægrorum more, in salutem vltro subeat, ac non raro etiam deponat. quæ licet acrior aliquando fuerit , si tamen sibi persuaferit reus , à patre natam, hauriet, si non cum voluptate , spe tamen meliorum , lubens & volens, non ignarus plerumque amara haustu ad salutem valere, & exosculabitur patris affectum, vt æger valetudine recuperata duri medici manus, quas & præmio donat, & suaues iam dicit.

Considerabit ergo delicti magnitudinem Superior, nec pœnam in pœnam,



nam, sed in medicamentum adhibebit. si occultum delictum fuerit, priuata pœnitentia diluet, sola etiam sæpè monitione; si publicum, publica pœna offensionem tollet: ita tamen vt omni semper delicto clementior pœna sit, & plus semper habeat mansuetudinis quàm seueritatis, plus patris, plus etiam matris quàm iudicis. Si quem acrioribus in quocunque delicto verbis perstrinxerit, non facilè ad aliam pœnam decurret, nisi grauitas aliud poscat. neque enim duas vni delicto pœnas infliget: semel puniuisse patri satis est. quin & iudices pœnarum acerbitatem mitioribus verbis leniunt; quo minùs exasperabit pœnam pater. illam si iniungit, mitigabit verbis, ac in ipsa imperandi maturitate paternum semper aliquid depromet, vt plus semper pœna redeat referatque patris, quàm iudicis; plus etiam matris, quàm domini.

Neque in ipsa tantum pœnarum interrogazione, sed etiam post ipsam patris personam induet. mœrorem

etiam filij absterget, animos addet;  
 in familiaritatem admittet; delicti  
 memoriam deponet, nusquam frōs,  
 oculi, vultus indignationē referent.  
 quin & benigniore alloquio digna-  
 bitur, & in fiduciam prouocabit; nisi  
 frequentata delicta, aut illorum gra-  
 uitas aliud suaserint. tunc enim ipsa  
 maturitate vultusque ad seueritatem  
 compositione, prouocandus in ru-  
 borem, pœnitudinem ac emenda-  
 tionem filius est; vt, dum offensio-  
 nem metuit patris, fugiat delictum;  
 & cū amari ac benignè haberi de-  
 siderat, iustam offensionum causam  
 remoueat, vt amari iam mereatur, &  
 patrio more haberi, qui de delicto,  
 magis etiam de patris offensa mœret.

*De temperantia.*

CAPVT XVI.

*Ad Fer-*  
*cel. Epif.*  
*ep. 82.* **P**Ræclare Ambrosius: *Quid pul-*  
*chrius abstinentia, quæ facit etiam*  
*iuuentutis annos senescere? nam vt re-*  
*dundantiâ ciborum, ac temulentia etiam*

maturior etas calefcit, ita mitigatur iu-  
 uentutis ferocia epularum parsimoniâ,  
 irriguôque fonte. Et alibi: Plurimos <sup>De Cain</sup>  
 gula sua occidit, nullum frugalitas; in- <sup>& Abel</sup>  
 numeris vina nocuerunt, nulli parsimo- <sup>l. 1. c. 5.</sup>  
 nia: plerique inter epulas fudere ani-  
 mas, & mensas proprio replere sangui-  
 ne. Bene Isidorus: Nemo potest virtu- <sup>De</sup>  
 tum perfectionem attingere, nisi prius <sup>summ.</sup>  
 ventris edomuerit ingluuiem Eleganter <sup>bono.</sup>  
 Prosper: Temperantia temperantem fa- <sup>J. 1. de</sup>  
 cit, abstinentem, parcum, sobrium, mo- <sup>vit. con-</sup>  
 deratum, pudicum, tacitum, serium, ve- <sup>templ.</sup>  
 recundum. hæc virtus si in animo habi-  
 tat, libidines frenat, affectus temperat;  
 desideria sancta multiplicat, vitiosa ca-  
 stigat; omnia intra nos confusa ordinat,  
 ordinata corroborat; cogitationes prauas  
 remouet, inserit sanctas; ignem libidino-  
 se voluptatis exstinguit, animi teporem  
 desiderio futura remunerationis accen-  
 dit; mentem placida tranquillitate com-  
 ponit, & totam semper ab omni vitiorum  
 tēpestate defendit. Verè Hieronymus: <sup>In Ioui-</sup>  
 Si quis existimat & abundantia ciborum <sup>nian. l. 2.</sup>  
 potionūque perfrui, & vacare posse sa-  
 pientia, hoc est, versari in deliciis, & de-

*liciarum vitiis non teneri, seipsum decipit.* Cùm monstrum meritò haberi debeat luxuria sine gula; cùm adeò illa vnita sint, vt disiungi non possint. gulæ, castitatis amans, frenos induet, omnémque multiuorantiam ac multibibentiam vt libidini præludentem vitabit. neque exempla hîc quærenda; nam & à primordio homicidam gulam habemus, & exinde tot millia pereunt qui paradisi nullum cespitem norant: & non manducauit populus & bibit, & surrexerunt ludere? lusum nisi impudicum nõ denotasset Scriptura. & non Dominus ipse, obliuionem sui Israëli exprobrans, causam plenitudini reputat? *Incrassatus est dilectus & pinguefactus & dilatatus, & dereliquit Deum qui fecit eum, & abscessit à Domino salutificatore suo. & non pro templi foribus senior Heli, & filij eius in acie ruunt, nurus expirat in partu? meruerat nimirum hanc à Domino plagam domus sacrificiorum carnalium defraudatrix.*

Prærogatiuæ verò moderationis  
victus

*Deut.*

32.

*1. Reg. 4.*

viētus & potus plurimæ sunt, & pleni sunt sacri codices. ita peccatrix Niniue exitio liberatur; & Achab post Nabuthæ hereditatem & necem, læsuram ieiunio abduxit à diebus suis; & Anna Helcanæ filium ieiunio impetrat; & Daniel triduo ieiunio sibi indicto ordinem & significationem somnij Babylonio regi indicat; & fratres leguminum pabulo ac aquæ potu, forma & spiritu cultiores, apparēt. è quibus colligere possumus quantum apud Deū possint recisi pabuli officia. Et non apud inferos in diuite conuiuia cruciantur, in paupere ieiunia recreantur? & animum ipsi nostrum consulamus, quales nos ante pabulum & potum in virgine adhuc salua simus.

n non multò pollentioris mentis, multò viuacioris cordis, quàm cum totum domicilium interioris hominis escis stipatum, potu inundatum, decoquendis quæ sumpsit, inæstuat? Quo magis decet Superiorem ita moderatum in omni eo genere esse, quo omni hora ac momento paratus

tus esse debet suorum necessitatibus occurrere, ne aut hebescat iudicio, aut labatur memoria, aut densa ciborum nube tanquã nebula stipetur, quo minùs longiùs posita pericula videre aut damnis occurrere possit.

Et verò in perpetua quadam erectæ mentis statione, vigilique continuo cura Superiorem esse debere, nemo non videat, qui & occurrentium difficultatum magnitudinem, & incerta rerum, & metuendorum damnorum ac periculorum assiduitatem, & oppugnantium frequentiam, & invidentium ac obloquentium multitudinem considerat. Iam qui morbos varios, vulneraque artium cogitat, hostilesque insidias, dolosque ac occurrentium tentationum varietatem, & innexa illis præcipitia, medicamentaque, quæ vel in cautionem præuia, vel inualeſcente morbo adhibenda; perfacilè videbit quàm præsentem sibi deceat esse Superiorem. præsentia verò hæc ex cibi potùsque moderatione parte maxima pender.

Iam

Iam si suos à conuiuandi & obfo-  
nandi licétia reuocare Superior vo-  
luerit, ducem se præbeat, & sequen-  
tur. sin ipse indulgere cibo & calici-  
bus velit, eadem suis concedat ne-  
cessum est. si negas ? inuenient. &  
fortius ac copiosius quàm si vltro  
concederes : validiora enim furtiua  
sunt. nec peccare se quisquam putat  
duce Superiore , cuius facta docu-  
menta & incitamenta ad paria sunt.  
nemo miles ducem secutus, errorem  
suum fatetur. sed nec quisquã dam-  
nat sequentem. Vult ergo suos Su-  
perior insigni aliqua temperantia  
claros? dux illis ad illam sit. vult spi-  
ritualiũ amatores ? exemplo præeat.  
faciet, si ostenderit se hominem, non  
soliùs carnis; imò animæ magis quàm  
carnis : & inueniet imitatores. nam  
vel solo rubore, vt alia desint, sequẽ-  
tur præeuntem. magnum incitamen-  
tum in milite ac inferiore verëcun-  
dia est. vt ducem ac Superiore præ-  
iuisse, satis sit ad sequelam , etiam in  
morte. tantum pudor potest. Sin per-  
gat prodigus in seipsum , parcus in  
alios.

alios esse, oblocutionibus domum replebit, grauesque morum suorum patietur iudices: imparatosque ad imperata sentiet, inuidencia etiam grauidos, dignitatunque quas possidet euerfores.

Sin ut in se, ita in suos indulgentior fuerit, quid nisi paulatim cuiusque ventrem Deum statuet, ut tandem illud audiatur, *Manducemus & bibamus, cras enim moriemur*? cum illud inclamandum esset, *Tempere- mus, moderemur*; ne forte moriamur. Et sane quid sperari à Religione possit, in qua ille nobilior qui calicibus instructior, ille laudatior qui obsonandi pollucibilior; nisi ut toti in carnem & sanguinem abeant degeneres filij maiorum, cum saginæ substructa lasciuia sit? exempla nos docent: & nimis magna etiamnum stant monumenta concupiscentiæ, intemperantiæ. Et quid sperari potest oratione ac meditatione à Religione pulsa? & quomodo hæ sobrietatis comites stare cum intemperantia possunt? non magis quam ingluuies  
&



& ieiunium, castitas & incontinen-  
tia, lasciuia & modestia. Quicunque  
ergo saluam Religionem volet, in ci-  
bi potúsque moderationem inuigi-  
let, & quidquid hanc superat, pro  
veneno deputet. cogitet aliorum  
lapsus graues, & nulla pœnitentia  
emendandos. & æmula quadam ge-  
nerositate contineat suos victus  
moderatione, cùm cecidisse alios vi-  
derit sagina. At frustra hæc cogita-  
bit, nisi dux ipse facti fuerit, vt nihil  
extra religiosam moderationem sibi  
vsurpet, non dicat, non ambiat, sed  
nec admittat, vltroque oblatum re-  
pellat. non quòd nihil illi concedi  
velim, sed intra religiosam modera-  
tionem. vt nec eat in exemplum, nec  
trahi possit in æmulam imitationem,  
nec concessa commoda alliciant ad  
dignitatum molitiones, nec inui-  
dum prouocent oculum, nec obtre-  
ctandi materiam præbeant, nec stu-  
diũ excitent paria vouendi & paran-  
di, nec opinionem ingenerent mol-  
lis animi & in carnem ruentis, nec  
sobrietatis oratio à conuiuiali ore  
pro

prolata eat in contemptum, in risum. stolidum enim est ore probare quod facto damnas. vis fidem verbis stare? loquere rebus. maximè cùm plus possit muta factorum elocutio, quàm calami aut linguæ. facere Superiorũ, dicere oratorum est. vtrumque si iunxeris, reperies imitatores. Et quid quæris in cibo & potu? satiari? potes minimè. aut pulchrum est socios vincere? cùm omnes viceris, vinceris à macello & dolio. quæris delicias? non est pugilis, non militis, minùs Religiosi. Est in hanc rem

*1. Cor. 9. illud Pauli: Omnis autem qui in agone contendit, ab omnibus se abstinet, & illi quidem ut corruptibilem coronam accipiant, nos autem incorruptam. Quæris voluptatè? nulla nobilior certiorque voluptas est voluptatum contemptu. Iam vide morborum genera intemperantiæ comites, & damna bis voluptatem. momentanea oris voluptas est, menstrui, adeoque & annui non rarò morbi sunt; & innascitur ferè morbo morbus, tanquam si fune colligaueris. omnia*  
dein

dein cogita morborū genera. omnia  
 in vna crapula reperies, à cuius vbe-  
 ribus pendent illi proles, cuius sinu  
 ludunt, clauduntur vtero. monet  
 Sapiens : *Noli auidus esse in omni epu- Eccli.37.*  
*latione, & non te effundas super omnem*  
*escam : in multis enim escis erit infirmi-*  
*tas , & auiditas appropinquabit usque*  
*ad choleram. propter crapulam multi*  
*obierunt: qui autem abstinens est, adiiciet*  
*vitam.* Denique cogitet Superior  
 non pasci Deo, qui deliciis pascitur.  
 docet nos Epulo : pasci verò Deo  
 sobrietatis cultores , docent nos  
 Moyſes, Dauid, Ezechias, Anna Pha-  
 nuëlis, Daniel, Helias, Centurio ; &  
 ferè quotquot Deo magni , quot-  
 quot in Religione primi, quotquot  
 portentis clari. docemur hoc Iudai-  
 cis fastis , docemur Christianis. vt  
 quibus ex vtriusque Testamenti para-  
 tura perfacilè intelligat , quid apud  
 Deum victus moderatio possit : quid  
 corpus ieiuniis enectum, cū Moy-  
 ſes Dei videt gloriā , & necdum  
 tincti Centurionis ieiunia exaudiun-  
 tur. audientur etiam magis Supe-  
 rioris,

212      *Superioris religiosi*  
rioris, si cum Moyse contra Ama-  
lec pro suis oratione & ieiunio pu-  
gnauerit.

---

*Ignoratarum rerum prudens  
declinatio.*

CAPVT XVII.

CVM enim veneratio opinione  
contineatur, ab omnibus stu-  
diosè cauere Superior debet, quæ  
quoquo modo æstimationem mi-  
nuere consueuerunt. Imperitus con-  
cionandi est? declinet pulpita. igna-  
rus Theologiæ ac Philosophiæ? non  
committat se huic velitationi. hu-  
maniores literas non gustauit, aut  
tenuiter iis tinctus est? non descen-  
dat in hanc arenam. Et quis in hu-  
manis non rideat ignarum fluctuum  
ventorúmque, alto se gurgiti, peri-  
tissimorum quorumcunque funestis  
naufragiis infami, committentem?  
quis non tironem exercitû, qui nulla  
numeret stipendia, nullam circum-  
ferat

ferat cicatricem, nullum ferrum nudauerit, nullum hostem viderit, in veteranorum aciem, hausto datoque sanguine, vulneribusque ac triumphis nobilem, temerario imprudoque ausu incurrentem? quis non inermem & à matris vberibus, mollibus assuetum, cum valido castibusque ferroque armato, & cui cum incommodis sanguineque dando & hauriendo familiaritas quædam intercessit, temerè procurrentem, ac vltro etiam prouocantem?

Non inferioris stoliditatis est, artis ac scientiarum imperitum cum earundem facultatum peritissimis decertare: aut in doctorum peritorumque confessu infantiam suam prodere, ineruditionem ostentare. grauius etiam est si à Superiore id fiat: si maiora viribus, gratia, elocutione, eruditione audeat: si scientiæ suæ ac prudentiæ opinionem temerè in discrimen adducat, aut collectam nominis æstimationem temeraria ignoratarum rerum tractatione profundat.

Hic

Hic grauiſſimus in non vltimis aliquando Superiorum error eſt, qui quaſi cum dignitate omnium ſcientia affundatur, imperitiſſimi ipſi artium peritiſſimis leges præſcribunt, damnant ignorata, & in infimis etiam imprudentiam produnt. piſtorem proinde ſi quem naſti fuerint, ſi quem ſutorem, ſartorem, coquum, fabrum, aut cuiuſcunque demum artis gnarum, docere hunc volunt, & artium quas nunquam attigerunt, nunquam viderunt, noui magiſtri inaudita in illam diem præcepta tradere; antè doctores quàm diſcipulū. Moleſtiſſimum hoc ſubditis, ab artium planè imperitiſſimis doceri; ac, quod deterius, ſeueriùs moneri ac reprehendi, maximè cùm res prudenter & ex artis præſcripto inſtituta eſt. quod cùm venerationem omnem paulatim tollat, tum contemptum ingenerat, amplamque paſſim obloquendi ſegetem præbet. cùm hîc prudentiam, ibi moderationem meritò deſiderent. accuſant faſtum, omnia ſibi promittentis animum,  
omnia

omnia aliis derogantem, omnia fastidientem, improbantem, diffidentem omnibus. in quo denique mistam elationi amentiam stolidamque fatuitatem vni sibi placentem, reliquos contemnentem, non iniuria damnare se posse arbitrantur. quo fit, vt in inferiorum animis diffidentia quædam vicissim nascatur, ac imperatorum fastidium, omniumque etiam prudentium in Superiore consiliorum contemptus, cum vnâ ignorantia regulâ reliqua metiantur: nec putent sapientiæ locum in illo esse posse, qui ea pertractanda sumit, quorum graui ignorance laborat; neque prudentiam cum fatua sibi in ignoratis complacentia stare posse. ex paucis ergo cum de reliquis ferè iudicium ferant, fit vt in omnibus fortiter detractum eant, omniâque Superiorum eadem censurâ feriant.

Nō aggrediatur ergo res Superior nisi aut peritus aut non ignarus illarum, & è quibus decus magis sperare quàm dedecus ac contemptum vereri

vereri debeat : ne pro fortunato & laudando successu , & nomini augendo valituro , infortunatum & ridendum referat ; ne audiat imperitus , & parati antè nominis vanus temerator ; ne ridendum se propinet suis , & pro veneratione quæ opinionibus inter homines maximè fulcitur , contemptum accersat ; ne imperitia sua colloquiorum materia fiat ; ne incipiât collectæ priùs auctoritati detrhere ; ne quem antè suspiciebāt colebântque , vbi senserint præsidius , quæ obseruantiam prouocare solent , nudatum , destituant & negligant . vnde eueniat , vt dicta factaque propè illius omnia eleuent . neque enim in vna se re opinio continet , sed omnibus etiam aliis affricat aliquid contemptus , defrustrâtque maximam necessariæ ad obsequia venerationis partem ; serpitque adeò malum hoc per quidquid venerationem augere solet . quod vbi fit , omnis obsequendi promptitudo , parendique alacritas corruit . nam si quæ fors obsequia deferantur , ludunt veriùs in superficie,



ficle,quàm ab alto pectoris proficiscantur, metúque magis quàm amore impelluntur: quæ non vltrà permanent, nisi quamdiu timor mētem occupat; quem vbi sustuleris, omne parendi studium cultúsque momento ipso corrui.

Scio voueri potiùs quàm sperari prudenter summa omnia in Superiore posse: neque enim vni omnia concessa: & ferè in vno alteróve si quis emineat, iacet in aliis. quo maiore opus circumspectione ac prudentia est. vt nimirum modicè illa contingat; quorum ignoratióne laborat. ac si qua, vt fit, necessitas illum in ignorata etiam nolentem impellat; vltrò imperitiam etiam maiorē quàm qua tenetur, fateatur. vltronea enim inscitia confessio, virtutis ac scientia opinionem ingenerat: cum non rarò plus in negata scientia cognitionis, quàm in vanè iactata prudentissimus quisque latere arbitretur; ac si non alium fructum referat, virtutum ac submissæ mentis, ingenuique apud alios candoris opinio-

ne crescit. quòd si à se commodis modis omnem propositarum rerum tractationem arcere nequeat, non nisi leuiter ac de superficie tangat, maximè in peritorum confessu, ne cogatur cum rubore inferiores magistros pati; aut aliorum risum contemptumque tacitus intueri. Declinabit proinde hos bonæ æstimationis scopulos Superior, nec allidet famæ suæ ratem ad hæc breuia; tentabitque antè proferendarum rerum tanquam fluminum vada, industriæ ac prudentiæ suæ bolide, ne serò nominis sui ratem imperitiæ arenis impactam ingemiscat. Et sanè incredibile est quantum concepta opinio, non in imperita tantum plebe; sed in magnis ac optimis quibusq; ac primis etiam in Religione valeat; quantumque momentum ac promptam in inferioribus obedientiæ alacritatem adferat.

Non ignoro in Superioribus Deum imperantem considerandum; nec tam gratuita in illis dona cum lacte & vberibus ingenta, aut in  
adul

adultioribus vltronea diuina benignitate affusa, quàm Dei, cuius vicarias vices obeunt, personam intuendam. verùm si hanc priora commitentur, credi non potest quantum ad parendum calcar addant; quantàmq; felicibus imperiis remorã illarũ destitutio adferat. ita homines sumus, & in magno virtutũ studio aliquid semper humani circumferimus.

Iam cùm plurima ad fortunanda imperia necessaria sint, tum in Religione primum facilè locum obtinet vitæ morũque integritas, sanctimonia, probitas, pietas, orationis ac mortificationis studium: quæ tamen si destituantur prudentia, si futurorum prouidentia, si humanarum rerum cognitione, si pertractandorum in tanta varietate ingeniorum scientia ac moderatone, in nulla postmodum arte emendanda labetur Superior; perder, non seruabit; euertet, non eriget; franget, non emendabit. vt fors non aberrauerit, qui feliciores in gubernatione successus à prudente, moderata qua-

dam pietate suffulto, quàm à pio Superiore prudentia destituto sperauerit; plùsque etiam iusti metus ab imprudentibus ac temerariis huius aulibus, quàm ab illius prouida circumspèctione conceperit. vt sola pietas prudentiâ viduata, aut pertenui tantùm huius colore tincta, obsequiis magis quàm imperiis nata videatur; sola autem prudentia pietate nudata, plus secularis imperij quàm religiosi redoleat: vtrumque qui consecutus fuerit, beatus. vtrũque si negatum fuerit, plus ad imperij felicitatem valitura magna videtur prudentia mediocri pietate comitata, quàm magna pietas nullâ aut pertenui prudentiâ sociata. Hoc certum, omniũque iudicio firmatum, nullum imperium sine discretionis regula ac ductrice huius manu diu stare; omnem autem prouidæ discretionis directricem, ac quasi corporis sui animam esse prudentiam. nec illud minùs certum, non perpetuare imperia prudenti benignitate ac moderatione destituta;

tuta ; cùm violentata diu in eodem gradu consistere non possint. verum etiam illud , frangi , non flecti ingenuos animos perpetuâ quadam moderatoris sæuitiâ, improuidôque zelo prudentiâ viduato ; prorumperéque tandem in vtrisque pœnitenda. Equorum hoc exemplo discimus, qui quo generosiores sunt , eò arctioris imprudentisq̃ue freni verberumque impatientiores sunt. calcaria aut virgulam ostentasse satis ad obeunda imperata est. \* quòd si quis fatua pergat iterare verbera , quantumuis peritum sessorem efferati excutient , sèque dominumque vnâ ruinâ illident terræ & sepelient.

Eadem videbis in homine. quo quisque aut natura aut educatione plus retulit ingenuitatis , hoc plus comitate prudentique beneuolentia , quæ hîc simulare , ibi premere, alibi extimulare ac mulcere etiam nouerit , ad magna impellitur. cùm ad sæuitiam rigidumque zelum prudentiæ temperamento destitutum, obdurescat generosior quisque , &

antè animã lubens volensque ponat,  
quàm ex vero, & de pectoris pene-  
trali obsequatur. Mancipia & com-  
pedibus ac flagris ingenia nata rigo-  
ribus ad obsequia impelles: liberior  
educatio feritatem aspernatur, pru-  
dentique benignitate ducitur: nec  
ignes metuet, si in illos amorinui-  
tauerit; metuet rosas, si in has sæ-  
uitia impulerit. tantum refert à qua  
mente imperia nascantur. vis ad hæc  
promptum? fac amet imperata. ama-  
bit si imperantem amauerit. hunc  
amabit si in magnis virtutibus ma-  
gnam, profusamque comitatem ac  
benevolentiam perpetua prudentia  
inspersam senserit; si in magnis na-  
turæ Deique donis sinceri patris af-  
fectum, doctæque matris vbera ex-  
pertus fuerit; si pietati probitatique  
suauitatem ac prudentiam conne-  
xam viderit; si bene de Superiore  
senserit, virtutum, sapientiæ, dono-  
rumque illius admirator & cultor;  
si prudentiæ in illo habenas frenâ-  
que senserit, hîc stringi, ibi laxari,  
semper tamen à sapientiæ manu; si  
suau

suavi lenimento durum ex se dominatum tãquam molli calce adnecti viderit; si scabrum asperumque imperij callum leni spongia prudentiæ dextera mollescere expertus fuerit; si inter imperantium decumanos fluctus, moderata, & quæ plus prudentiæ quàm validi indolatique roboris referant, gubernacula tulerit; si in variis vulnerum morborumque generibus prudentes mollisque medici sui manus nactus fuerit.

Hanc de se in suis opinionem conabitur Superior Dei gloriæ ac familiæ suæ bono excitare; euitareque quidquid huic aduersatur, quo ad obsequendum faciliores promptioresque suos consequatur. Iniecta proinde si qua mentio fuerit rei à se ignoratæ, omni conatu ac dexteritate imperitiam teget, cautèque prouidèque aliò sermonem flectet. quòd si res prudentem hanc fugam non patiatur, peritorum, antequam certò quidquam statuatur, sententiam perquiret, collaudabitque illorum de re proposita mentem. probatissima de-

legisse, scientiæ proximum est. neq;  
difficilis delectus meliorum est, cum  
Superiori perfacile sit, in quo quis-  
que ferè suorum plurimùm possit,  
cognoscere: ad peritissimi ergo sen-  
tentiam si accesserit, licet fors error  
intercurrat, facilis venia est; cum  
non desint qui magis collaudent in-  
felicem fortuitum in prudentibus  
exitum, quàm fortuitum in impru-  
dentibus felicem. cum illorum er-  
ror meritam excusationem prome-  
reatur, vt qui non ab improvido im-  
prudentique delectu, sed ab occul-  
tis fortuitisque rerum causis, omniũ  
sapientiam fugientibus proueniat:  
horum verò felicitas non à prouida  
prudentique electione, sed à fortui-  
to quodam iactu, nulli prouidentiae  
aut rationi innixo proficiscatur; quo  
fit vt laudem nullam mereatur. fe-  
licitas dici potest quæ fatuos non  
rarò comitatur, prudentia censeri  
non potest.

*Nimia*



*Nimia fiducia ac diffidentia  
vitanda.*

CAPVT XVIII.

**I**Nter vtrumque hunc felicitis prudentisque gubernationis scopulū peritus Superior nauigabit; cauebitque studiosius ne in alterutrum illudat nauem, neve dum priorem fugit, impingat in secundum. cum à quocunque perierit, periisse miserum sit. & quid interest à quo naufragium patiaris, aut cuius ferro iugulū præbeas, cuius telo cadas? cecidit aliquis, & insepultus iacet fluctibus, aut toto pectore hostile recepit ferrum, hausit venena: quid quæris à qua manu? omnia dixit qui cecidisse dixit. Non feretur ergo nimia in suos fiducia Superior; sed neque diffidentia nimia. medium prudens inter hæc breuia iter tenebit. nam & nimia fiducia noxia imperio est; & nimia diffidentia præcipitio proxima est; ut nescias à qua maiora

meritò damna timere debeas.

Nimīa fiducia neglectum quemdam imperiis adducit, cū quasi molli puluillo Superior suorum virtuti indormit, nulli rei manū ad-mouens, nulli oculum intendens: positāque vniuersim sollicitudine, securus vitam trahit curarum omnium ignaram. vnde fit vt inferior animos à Superioris sui fiducia sumat, maiorāque sibi spondeat, virtuti, ingenio, eruditioni, dexteritati, felicitati suæ; atque hinc non infrequenter ad maiora viribus manum extendat, infelici plerumque exitu claudenda.

Sequitur deinde in inferiore Superioris sui contemptus, cū illum ignaua quadam quiete curarum vacua prostratum viderit. & cū omnia sibi Superioris sui indulgentia licere arbitratur, non antè audendi finem facit, quàm ad nullā prudentiā emendanda delapsus fuerit.

Transit verò tota ferè gubernatio, ad illos quorum fidei domestica Superior credidit, cū ipse præter ina-

ne Superioris ac imperij nomen nihil retineat. vnde fit, vt illorum iam gratiam sibi captandam non pauci putent, hos obseruent, placere his studeant, vt à quorum ductu pendere videant omnia; Superiorem verò negligent, à quo si quid sperandum, per illorum ora manúsque vident sibi impetrandum: vt non immeritò toti sint in illorum beneuolentià sibi concilianda; hos vnos venerentur & colant, per quos aditum sibi ad optata parat: cumque toti sint in horum comprehensione, in neglectum quemdam ac contemptum Superiorum deueniunt. è quibus deinde iniuriis callidæ quædam substructiones nascuntur Superiorem euertendi, ne quidquam placitum talibus intentarum relinquant; vnde mutux deinde nascuntur conspirationes in Superioris caput casure.

Exurgunt exhinc vtrorumque etiam emulationes; qui cum neglectos se arbitrentur, Superioris ingenium, dicta, facta, nimirumque in paucis sedem damnent; seueri iam facti ab-

ditissimarum minimarumque rerum  
omniū censores, dum singula æmu-  
lo & curioso oculo observant. nec  
difficile est seriis scrutatoribus inge-  
niosa invidentia damnanda reperire,  
dum Superioris vitam morésque il-  
lorum discutiunt, qui Superioris fi-  
ducia pleni plerumque contemnunt  
eos quos molitionū cogitationum-  
que suarū non sentiunt laudatores.

Huc accedit in magna sæpè Supe-  
riorem rerum domesticarum igno-  
ratione versari: dum enim suorum  
fidei singula committit, singulorum  
sibi inscitiam accersit. quæ res quan-  
ta secum incommoda trahat, igno-  
rare nemo potest. cum enim felix  
administratio à cognitione pendeat,  
quid sperari ab eo possit qui densa  
illarum ignorantia laborat, nemo  
paulò prudentior non videat.

Intentum proinde oculum pru-  
dens Superior in omnes habebit,  
etiam in eos quorum virtuti ac indu-  
striæ tutò committi multa possunt.  
ne aut illi indulgentia insolescant,  
aut æmulationibus ostia aperiat, aut

cum

cum ingenti venerationis, auctoritatis & imperij diminutione dependere ab aliis cogatur; aut domesticarum rerum ignoratione laboret. dabitque operam ut concreditorum sibi rationem subditi reddant, quam & accurate exiger: nec quidquam illos aggredi se inscio permittet, intentumque dum sunt in omnem partem animum habebit. cauebitque in primis ne nimia alicuius fiducia, imperij partem alteri concedat; sed ita viris etiam magnis exequenda committet, ut clauum ipse teneat, nec a gubernaculo manum dimittat. Scio plus uni credi concedique posse, plus etiam debere quam alteri, virtutisque ante omnia rationem habendam, prudentisque esse paria viribus imperare; grauiterque errare illos, qui cum pari in omnes fiducia ferantur, nullo personarum delectu æqua omnibus imponant. In omni tamen fiducia ostentatione vigilem ubique animum habeat Superior, nullius virtute ac prudentia consopitum. sic enim fiet ut & venerationem teneat,

&

& imperij nomen sustineat, & in officio suos contineat, & æmulationes arceat, & instructior paratiorque ad fortuita euadat, & in arduis consiliis non destituatur, longa variâque experientia eruditus, qui non aliena tantum manu facere, alieno ore loqui, sed suo didicerit.

Cum autem vigilem Superiorem & omnibus excubantem desiderem, ac nunquam in plenum oculos claudentem, aut desides ponentem manus, nec nimia suorum fiducia imperij habenas remittentem; tum diffidentem nolim, omniâque tuta metuentem, qui nihil suis credat, nullius virtuti quidquam putet indulgendum. cum innumera ex hac diffidentia mala nasci necessum sit. nam cum non omnia exequi per se Superior possit, nec in oneris sui partem alios vocet; fit ut plurima neglecta iaceant, & maximarum rerum spes magnæ corruant, aut in herba sua perdantur, suffocenturque in semine, priusquam in florem exurgant, & speratos fructus proferant.

Ex hac deinde Superioris diffidentia par in inferioribus diffidentia exurgit; cum nihil pronius sit quam diffidentiam vnā aliam parere: mater nimirum prior facta secundæ est, vt viam illa huic strauit. variæ post hæc molitiones exurgunt, partiūque minùs religiosa studia, euertendis consiliis, ipsisque adeò Superioribus excogitata. magna Superior dignaque quæ eant in posteritatem Religionis bono cogitat? mille eludendi generosiores illius conatus modos inuenient. per se nō possunt? aliorum operā vtentur, & clam ferè & ex insidiis insurgent; nec finem facient, donec optatis fruantur; cum Deo an secus, iuxtà habebunt. satis enim illis Superioris cogitationes euertisse. obrectationibus deinde omnia replentur, & laudatissima etiam quæque improbantur. nec priuatis hæc parietibus clauduntur, decurritur ad externos ingenti bonæ opinionis damno. pusillanimitas etiā in inferioribus exoritur, & ignauissima quædam quies, agendarūque rerum

rerum perpetuum quoddam fastidium. mutuæque hinc profiliunt suspiciones, ac in deteriorem omnia partem rapiuntur. Pectus vniuersum explicat Superior, & quâ verbis, quâ factis patris recludit viscera? filij inferior personam induit, & digna filio obsequia profert. in alium vtrimque sensum dicta resque trahuntur? & dolum subesse putant, & sub amicissimis verbis inimicas machinationes tegi arbitrantur. Sed neque si quid cum laude ac Religionis bono possit inferior, exequetur: ne in diffidentis Superioris gratiam quidquâ fecisse videatur. quin adeò gaudet, si in præceptis cuncta labantur, adeoque & adiuuat & protrudit labantia, Superioris nimirum diffidentiam his præmiaturus. Eadem in Superiore reperies. si quid laude dignum in inferiore senserit, præscindet funem: ne probare cogatur illius conatum, cuius virtuti diffidit, & diffidentiam suâ in inferioris laude damnare. quæ res vltimos non infrequenter mœores accersit, emedullatque quidquid  
gene



generosioris spiritus fibris clauderetur, miserrimâque demum tabe in ignatissimo otio periret.

Moderabitur ergo gubernacula Superior, & inter hos scopulos peritus nauclerus nauem diriget. magnam fiduciam ostendet iis potissimum quorum virtus fidem mereatur; quorum prudentiæ documenta viuunt; quorum pietatis aliis præludunt exempla; quorum constantiæ, roboris, dexteritatis alta impressa sunt vestigia. ac à tenuioribus initia ducet, inde per media ad grandia transcendet. audebit deinde plura credere, & fiduciæ latum campum aperiet; ita tamen ne omnem curam deponat, ne sollicitudinem exuat, sed excubantem vbique animum teneat.

Diffidentiam verò vitabit vt prudentis imperij pestem, vt domesticæ malaciæ tempestatem, vt ridentis elementi Aquilonios ventos, vt serenitatis nubem atram, vt fulgura & tonitrua pacato cælo. ac si quorundam mores illam deposcant, nō prodet

det tamen, ſed non committet ea quæ iuſtum metum minantur, nec vniuerſim tamen ab omni re excludet: ne callum pudori obducatur, aut verecundiæ ianuas claudat, aut pari diffidentia in Superiorem feratur. parua proinde primò credet; & à quibus dedecori timor nullus; ſi labatur, monebit; iterabit deinde fidem. nouus enaſcitur error? noua ſuccedant monita, atque iterum fides. moneat tamen iuſtam datam diffidentiæ cauſſam, experiri interim velle, ſed ita vt à ſecundo hoc experimento reliqua fides pendeat. ſi exſpectationi ſatiſfecerit, maiora paulatim committi poterunt, ſi priùs inquam pluribus minoribus virtutem induſtriâque ſuam probauerit. ſi poſterior ſemper error deterior priore eſt; edocendus erit erroribus clarè reſectis, nihil illi tutò committi poſſe, conſultumque omnino eſſe vt pulſus negotiis, Deo & ſibi viuatur.

*Nunquam tantum vni tribuat ut  
alios negligat.*

CAPVT XIX.

**M**agna proinde cautione ac prudentia in imperiis opus. Dictum à magno Philosopho: *Communis custodia principatus, neminem unum magnum facere.* ac æmulationum in primis occasiones arcendæ: è quibus odia, detractiones, mutæque euerfiones nasci consueuerunt. iacet enim his administris calcatus amor, quo vno omnis firmatur Religio, inimico quocunque ferro viribusque validior: sternitur beneuolentia, qua tanquã neruis innectitur, tanquam propugnaculis integitur, tanquam ferro armatur Religio hostibus inuicta. vbi enim plus longè vni quàm reliquis tribui domestici senserint, armantur concordibus studiis in vnum omnes. cùm rara in inferioribus potentia & amicitia concordia sit. quid? quòd & in ipsum  
insur

insurgant Superiorem. apertè non audent? ex insidiis petent, & felicitatis suæ partem magnam arbitrabuntur, si quacunque data via, æqua, iniqua vtrumque euerterint.

At licet quis ea sit animi magnitudine, vt aut priuatæ vitæ studio, aut humanarum rerum omnium contemptu, odia suorum negligat; nemo tamen prudens gratuitò suorum inuidiam prouocabit, ac ne vnus quidem; cum non ignoret, plus posse vnus inimicum pectus in damnum ac interitum, quàm centena validis beneficiis astricta in salutem. neque facilè quemquam reperias ea mentis constantia, vt omnem ex æmulatione calumniam natam in plenum contemnat, aut tanquam grandinem recto, aut tanquam iratos fluctus præualida rupe, excipiat. cum ferè molles in calamitate mortalium animi sint. & generosissimus quisque quacunque innocentia tectus, nunquam tam potenter æmulam contumeliam repellit, quin vestigia aliqua referat, si non vulneris, liuoris

ris saltem , aut interspersi pulueris:  
ac licet vincat , sentit tamen ; homo  
est. & quamuis animo superior, non  
rarò corpore succumbit , & ægritu-  
dine aliqua è carnis mentisque lu-  
cta exurgente , mortalem se esse te-  
statur. vincit quidem vincente ani-  
mo , sed magnorum sæpè Imperato-  
rum exèplo nobilem victoriam non  
ingloria morte signat. cùm omni ini-  
mico ferro nocentior longè ac va-  
lidior calumnia sit : quæ à leuissimis  
sæpè æmulationum ac offensionum  
initiis nata , plus ex insidiis , quàm  
aperta magnorum bella , & armatæ  
procurstantes legiones , potest in in-  
teritum. Non dabit ergo vltro æmu-  
lationibus, & in his, oblocutionibus  
& calumniis meritam causam pru-  
dens Superior; quin adeò, vt viperæ  
linguam, vt scorpij caudam declina-  
bit illam. sin nulla sua culpa, aliorum  
improbitate , aut ingeniorum quo-  
rundam nouis semper rebus stu-  
dentium inquietudine ac prurigine  
nata fuerit, excipiet vt roboris sui a-  
ream, virtutis suæ campum, triumphii  
sui

fui currum, præmiorumque cælo reponendorum materiam. quòd si inter hæc delassatum onere corpus fatiscat, stabit tamen erectus animus spectatore ac prouocatore Deo suo dignus; & exultabit etiam in hoc delinquentis deliquio corporis, propior iam cælo ac præmiatori suo Deo, cui vni sudauit, vni vixit.

In quo illud etiam studiosè cauendum Superiori, ne suprà reliquos nimia vnus crescat potentia. ne & imperare incipiat qui subesse debebat, & pariare se audeat & possit inferior Superiori; & metù è potentia, clientum turba, gratiâque incutiat; & se resque suas tam valido nexu firmet, vt moueri loco sine imperij conuulsione, aut perire vnus sine plurimorum interitu nō possit. quod vbi fit in præsentissimum discrimen imperium abducitur. audeat enim tantùm, non deerunt studia & administri. ferè enim noua circumspectamus, priorum pertæsi, cùm noua è nouis spes non terreat; etiam deteriora, quia recentia veteribus melioribus

floribus antepōnimus. ita nouorum  
semper auidi, præteritorum tædio,  
sumus, & è varia recentium iactatio-  
ne, si nō certam, fortuitam nobis fe-  
licitatem promittimus. Nec nouum  
hoc: factum omni æuo. sub Cæsare,  
Augusto, Tiberio, Caligula, Domi-  
tiano in quorum capita familiarium  
primi sola purpura inferiores surre-  
xerunt. factum in Arcadio à Rufino,  
in Iustiniano ab Hypatio & Probo,  
in Commodò à Perennio, in Seuerò  
à Plautiano, in Gambacurtio Pisa-  
norum Principe ab Appiano. vt be-  
nè Catulus apud Dionem: *Non de-  
bere uni alicui viro tot imperia vnum  
ex alio committi, quòd experientia de-  
prehensum sit, rem eam esse longè peri-  
culosissimam. Ea quippe natura est ani-  
marum humanarum; vt non modò iuue-  
nes, sed & ætate prouectiores, postea-  
quam multum temporis in potestate  
transegerint, patriis moribus haudqua-  
quam sibi viuendum ducant. Bene etiam  
illud: Imperandi parendique vicissitudo  
reprimit mentes fastuosas & gloria cupi-  
das; nèque sinit inebriari nimia potètia.*  
Non

Non permittet ergo Superior eò inferiore crescere, vnde reuocari aut non possit, aut non sine nouo seculi sui exemplo possit: nec ita se ingenerosus abiiciet, vt imperium in se inferiori concedat, ab huius voluntate & nutu pendeat. durum enim est suorum imperia pati, miserum ad suorum voluntatem abiici, miserrimum inferiorem Superiorem, vt seruum dominum ferre, & ad illius consilia tanquam genua sterni.

Prouidendum deinde, ne plus apud suos gratia, auctoritate, veneratione inferior quàm Superior possit. ea enim res imperio proxima est; cum præter inane nomen nihil apud Superiorem resideat, reliqua inferior occupauit. omnia enim possidet qui animos possidet: à quibus qui excidit, omnibus excidit. & ille verè imperat, non qui nudum imperij nomen tenet, sed qui animis imperat. imperare his in potentia facillimum, cum nulla re magis obstrictam mentem quàm beneficiis teneamus: benefacere verò in potentia  
qui



qui volet potest, volet qui imperium cogitat, cogitare in magna potentia, vt in summis opibus procliue est. & ferè in magna potentia non dominari instar seruitutis est. ac licet sæpe palàm cõpositus pudor sit, intus tamen summa imperium adipiscendi libido est, eruptura si occasio dederit.

Sed neque iustam causam prudes Superior reliquis præbebit, omnia inferiorum aliquem apud ipsum posse, cùm ea res magnam metuentiumque clientum turbam prouocet, illum enim colunt, Superiorem negligunt, illius ostia, vultum nutumque obseruant, Superioris destituunt, illius gratiam beneuolentiãque venantur, offensionem metuunt, de Superiore postrema cogitatio est, hinc fit vt dum hunc colere & venerari assuescunt, pro Superiore cognoscere incipiant: ac licet nomen absit, rem tamen possidet.

Fugiet verò hoc prudens etiam inferior, concessamque sibi à Superiore potentiã venerationemque in  
L ipsum

ipsum Superiorem exemplo Agrippæ transferet : quem licet aut nimis indulgentem aut ignauum etiam nactus fuerit , quidquid tamen laude dignum in hunc transcribet. magna dein illum veneratione , palàm inaximè ; colet : dicta factaque illius apud alios tuebitur ; si non potest, nunquam damnabit , memor magnæ potentiae magna præcipitâ adiacere. Dictum verè : *Quidquid excessit modum , pendet instabili loco.* Et illud Stoici : *Segetem nimia sternit ubertas : sic rami onere franguntur ; sic ad maturitatem non peruenit nimia fecunditas. idem animis quoque euenit ; quos immoderata felicitas rumpit. qua non tantum in aliorum iniuriam , sed etiam in suam vertuntur.* Et alibi : *Quem diu fortuna secuta est, eum repentè velut fatigata dissoluit.* dicam. Quem diu fortuna sustulit , eum repentè tanquam sub onere fatiscens , deponit. cauebit proinde ne in se partem ullam imperij trahat. si Superioris voluntate cogatur , tanquam alienâ veste qua paulò post exuendus est,

vtetur;

vtetur; & dum omnes modestiâ vincit, beneuolentiâque anteoccupat venientes, tum magnificè semper de Superiore loquetur. nec vnquam præ se feret posse quod potest, concessamque potestatem extenuabit, ne, si quando fortuna mutuauerit fidem, risum pro commiseratione referat. Exempla nōs moneant, Seiani sub Tiberio, Seueriani sub Seuerō, Asiatici liberti sub Vitellio, Theodori sub Isaacio, Lētuli Getulici sub Caligula, Domitij Corbulonis sub Claudio, Parmenionis sub Alexandro, Laudunensis sub Carolo Simplice, Aluari de Luna sub Ioanne II. Hinc prudens illa à Stoico calamo monitio: *Quisquis vestrū tutam agere vitam volet, quā plurimū potest ista viscata beneficia deuinet: in quibus hoc quoque miserrimi fallimur, quod habere nos putamus, sed habemur. In precipitia cursus iste deducit. nesciunt enim diu stare successus, & quoties prodire ultra felicitas non potest, redit. vt sapienter illud apud Tragicum. Dum excelsus steti, nunquam paucero destiti: ita secunda res*

etiam sapientum animos fatigant. nulli hoc nouum, cùm & magnum Senecam fatigarint.

Dabit præter hæc operam Superior, ne tanta in quemquam suorum erogat, vt plura non possit. semper enim quod largiatur, seruat sibi, & quo suorum in se studium meritaque remunerare possit. nam si ad ea suorum quemquam prouenerit, vt noua merita nouis exoluere præmiis non possit, victus est beneficio Superior, & inferior iam inferiore est, cui se sentit obstrictum, nec remunerando parem. quæ res molesta & grauis in primis Superiori est; & supra fortunam suam ingentes addit animos inferiori, & ad imperia, aut odia, aut Superiorum contemptum viam sternit. Cauebit verò inferior, ne licet possit, Superiorem beneficiis vincat, memor veteris dicti: *Beneficia eò usque laia sunt, quò videntur exsolui posse: ubi multum anteuenerit, pro gratia odium redditur.* quod in imperiis potissimum locum habere consuevit, vbi ab inferiore

vinci,

vincit, seruitutis quoddam genus videtur, quare ut maxime vicerit, dissimulabit inferior, & victum se vltro fatebitur, & Superioris in se beneficia compositis in hanc rem verbis extollet in maius, sua deprimet.

---

*In omni delatione potiolem aurem reo concedat.*

CAPVT XX.

**I**N graues alioqui errores, nulla postmodum poenitentia emendandos labetur Superior. Statuat proinde hæc secum, nec abduci se, ab his, vllis minis, pollicitationibus, damnis, commodis, amore, odio, familiaritate, aut alio affectu sinat.

Nulli delationi certo inhærescere, aut tanquam indubitatam in animum admittere, certus magnam partem dubio inniti fundamento, vanis persuasionibus, opinionibus, coniecturisque fallacibus, infidis narrationibus.

2 Ad nullius etiam viri magni delationem iudicium firmare. nam & falli vir cætera probatissimus, & in errorem ab alio adduci potest. cum optimus quisque Religionis suæ zelo perfacile in errorem inducatur. Facit hoc amor. dum enim damna metuit, imminētia credit, & cō ferē narratis, aut è variis coniecturis elicitis, adhærescit magis, quo amat magis; quoque maiore affectu in Religionem fertur, eo damnorum timore facilius metuendis aures fidemque accommodat.

3 Ad nullius licet optimi viri delationem, sententiam ferre. deterius enim hoc priore est. nam vt bonus, adeoque & prudens sit qui defert, errorem tamen intercurrere posse, siue circa delinquentis personam, siue circa rem ipsam quotidianā nimirum experiētiā docemur. & nos ipsi quā saepe fallimur? quā saepe nunquam obuentura manibus tenere arbitramur? quoties in familiarissimis rebus labimur? quoties in persona aut re surrexit error?

error? Cùm verò plurimùm de Superioris auctoritate ac prudentiæ opinione detrahat semel latæ sententiæ retractatio, ne ad hanc cum non postrema famæ iactura descendere cogatur, nunquam sententiam nisi de re penitus indubitata ferat; memor faciliorem esse tardioris credulitatis, nimixque cunctationis, quàm nimix credulitatis ac præferuidæ properationis veniam.

Nusquam è nudis delationibus ad aliquid opere explendum procedere. quod deterrimum omnium est. quid enim si post hæc innocentem reum deprehendat? quanta conscientix inquietudo insurgit? cùm non rarò innocens damnatus, mœrore contabescat, ac magnus Religionis cultor cæca Superioris executione cadat, omni frequenter reparationis spe erepta.

Nunquam inaudito reo quantumvis noxio, certò aliquid apud animum statuere. neque enim ad certò aliquid statnẽdum præiudiciã valere

debēt, neq; ex vno pluribŭsve eiufdem licet generis, certò aliquid colligi poteſt. coniecturas naſci probabiles non nego. Suspendet tamen in iis iudicium prudens Superior; neque ex vno alteròve delicto aliud inferet. poſſe fieri in tanta lapſuum pronitate credet, certò nihil affirmabit; ſed nec negabit quidem, verùm ſententiam in delicti cognitionem differet.

- 6 Nihil commoto recenter à delationibus animo peragere. cùm ferè in animo commotiore prudentiæ locus non ſit; exulat enim plerumque prudentia à turbata mente, vt à turbato mari malacia. & cæca omnis commotio eſt, alienis oculis pedibŭſque videt & ambulat. ſedatum compositumque pectus ſapiëntia ſibi poſcit, & ab omni partium affectu remotum.

- 7 In omni delatione mentem, pulſo calore, ad quoddam frigus deducere. differre etiam (quando res moram patitur) in alterũ aut plures dies. delati delicti diſquiſitiones, donec defer



deferuescat æstus: solâ namque morâ ad temperiem quamdam inæstuâs animi calor deducitur, & alia omnia à pacato corde quàm à commoto prouenire videmus. fit enim in hoc quod præpropere cæcôque cursu ruentibus, vt in obiectam ignari fortueam aut præcipitia prolabâtur, nec antè periculum sentiant, quàm præferuidi cursus damna tulerint.

In omni proinde delatione per- 8.  
suadeat Superior sibi, posse delatorem falli, seu visa seu narrata deferat. posse deinde humani aliquid intercurrere etiam in bono viro, nimis nimirum credulitatis, facilitatis, indiscretionis, zeli, aut quandam morum diuersitatem, ac naturarum pugnantiam; pronûmque in suspiciones animum, morosi denique & se- or  
veri censoris ad tristia & metuen-  
da pronitatem.

Delatione facta tacitus secum cõ- 9.  
sideret Superior, num quæ inter deferentē & reum æmulationis capissa intercurrat, num vetus aut noua alienatio, num quæ muneris præten-

sio, aut gratiæ alicuius aucupatio. audita deinde an visa narret. deferentis etiam vultum, verba, oculos, membrorum iactationem, ac compositionem, circumstantiâsque omnes ferius indagator discutiat; mores denique & ingeniû deferentis & rei, ac vtriusque antea actam vitam, reliquorumque de utroque opinionem. Ac licet sancti probique in delatore mores magnum pondus delationi adferant; rei que minùs probata vita, aut in eodem genere notata delicta, accusationis probabilitatem augeant; cogitare tamen Superior debet, falli delatorem vel suo vel alterius, vel primi narratoris vitio aut errore posse.

- 10 Vocet deinde ad se reum, cui frigide potius quàm calide delata proponat; minuat etiam verbis delictû, humanâque conditionem ad lapsû procliuê adferat; pronumque in ipsum animum ostendat, verbis que è paterno pectore depromptis benevolentiam iuuet. audiat deinde pro se dicentem reum, vultum

tumque purgantis se intueatur, totamque corporis ac oris compositionem, in dicendo fiduciam, hæitationem, ruborem, pallorem, trepidationem, constantiam. eademque cogat repetere, ut videat num immemor dictorum prolabatur ad alia, circumstantias mutet, aut à prioribus diuersis coloribus depingat, concessa antè neget, negata concedat. quòd si innocentia suæ testes adducat, audiat eos Superior priusquam conueniri à reo possint, & audiat singulos, neque quidquam intentatum relinquat, quò & innocentem culpa liberet, & nocentem pro delicti grauitate puniat.

Quòd si audita delator referat, II  
det operam Superior ut ad primum narrati delicti auctorem deueniat, antequam cum reo agat. Videat deinde quibus narrationis illius auctor nitatur, suspicionibusne & coniecturis nudis, an aliis certioribus. mores etiam huius consideret. an ad declarationes pronus, ad censurarum seueritatem, ad res supra veritatem

augendas, aut ad alium minùs ordinatum affectum ; intercedatne aliquid alienæ mentis , offensus à reo sit, aut ab hoc in simili aut dissimili delicto accusatus, habeátne aliquem sibi perfamiliarem & amicum , reo aduersum ; cùm ab his sæpè nasci accusationes soleant. aliquáne prærogatiua reus fulgeat, qua accusationis auctor careat ; aliquo munere fungatur , quod accusator ambiat ; aut impedimento reus accusatori sit ad aliqua sperata.

- 12 Si delator secretum obtendat, negétque concessum sibi primi auctoris nomen prodere ; seriò si vnquam aliàs, deferentis & delati mores vitámque intueatur, num quæ æmulationis causæ, eaque omnia quæ numero 8.9.11. dicta sunt. Quòd si pergat accusator , magnáque constantia insistat accusationi , nec aliam prætexat causam, quàm rei salutem, bonum commune , periculum multorum, imminencia damna : audiat delatum. si viderit vultu verbisque constantem, ad obiecta intrepidum, fortem.

témque simul ac modestum, & ubique sui similem, nec minore constantia in negatione ac purgatione quàm deferentem in accusatione; rem totam suis suorumque precibus commendet Deo, ab eoque in tam ancipiti re consilium speret. Quòd si post omñe conatum, nihil in vtramque partem certi elicere potuerit; videat, an non sit consultum, vtrumque, si in eodem domicilio commorentur, loco, si fieri potest, mouere.

Si delator visa à se referat, reusque <sup>13</sup> neget, nec nimis hic fortis in negatione quàm ille in accusatione sit; post tentatos variè vtriusque animos, si parem utrobique verborum constantiam repererit, nec in vlla circumstantia à semel affirmatis aut negatis deflectentes, poterit canonicam vtrique purgationem imponere. Quòd si per varias ac frequentes iteratasque interrogationes falsa quædam & prioribus obiectis, aut negatis pugnantia repererit (cùm vna veritas, multiplex falsitas sit, ac qui mendacio innituntur, vix, si per  
inter

interualla rogentur, in eodem gradu permaneant) reum se deprehendisse cogitet. cuius in primis salutem studere conabitur, & ad veritatem omnem retegendam inducere, quo certius animæ illius aliorumque si quos malum tangat, medeatur. quicumque denique siue accusator, siue reus falsitatis in circumstantiis conuictus fuerit, licet in accusatione delator, aut in delicti negatione persistet reus, domo (quæ sita alia occasione) mouendus erit: neque enim expedit in vna familia vtrumque residere.

- 14 Quod si complicem complex accuset, ingens fidem adhibendi occasio est. ac nisi clarè se qui accusatur, purget, doceatque aut se tunc temporis domo abfuisse, aut alteri adfuisse, vix denegari accusatori fides potest, cum factus ipse sit accusator sui, quod gratuito nemo prudens facit. Et tamen etiam in hac accusatione improbitas aliqua latere potest, cum qui accusat, vltro nea hac sui denuntiatione ab omni pœna eximendus videatur; qui accusatur,
- ple

plectendus. Iam quorundam malitia aliquando tanta est, vt non subterfugiant audire malè, dum deterius aduersario sit. Prudens proinde Superior singula discutiet, nec temerè ad ferendam sententiam descendet: sed circumstantiis omnibus excussis, post preces ad Deum fufas, plus semper ceteris paribus vltroneo ac spontaneo sui accusatori quàm reo delictum neganti tribuet. nihil tamen grauius statuet quamdiu in delicti negatione delatus perstiterit, maximè si se canonicè purgauerit, innocentiamque suam iuramento testatus fuerit. quod si fecerit, ad eandem purgationem accusator adigendus erit. quod vbi vtrimque factum fuerit, vni Deo rem totam Superior committet.

Si verò muliercula sit quæ accusat, videat Superior quâ illa famâ sit, quâ in illam diem integritatis opinione fuerit, quo ingenio, moribus, modestiâ, audaciâ; alienationis aliqua causâ intecefferit, aut æmulâ alicuius sibi prælatæ inuidentiâ odiû

ex amore natum sit, an fors etiam ex sollicitatrice accusatrix. qua in deferendo verecundia, qua libertate aut impudentia, quibus verbis rem explicet, castis an inuerecundis, sine fronte an cum pudore, quo sine deferat, suo an alieno impulsu, vna tantum sit accusatrix an plures. Mores deinde discutiat accusati, leuis sit an maturus, an in quasdam minus castas narrationes verbæque pronior, verbis vtatur religiosis an sæcis, orationi deditus an in hac frigidior, mortificationis studiosus an sui amantior, malene antè audiuerit, maximè in simili delicto. quòd si plures verisimiles coniecturæ probabilè rem fecerint, consultius fuerit münere & loco mouere, occasionemque subtrahere, licet in negatione reus persistat; maximè si frequentius in similis delicti suspicionem venerit. Quòd si prima accusatio est, nec quidquam in illum diem sinistrè de illo auditum, steteritque intra religiosos mores; nihil ad vnius mulierculæ accusationē mouendū:  
neque



neque enim minus reo, viro religioso, fortiter in negatione persistenti, quàm vnus mulieris accusationi deferendum. Inuigilandum nihilo minus talibus, obseruandi mores, agendi cum illo sexu consuetudo, maturus an familiarior, breuis an in sermocinatione proluxior, facilis in illarum visitationes; ac in his vultu ad modestiam, an in liberiores risum composito; curiosior in oculorum iactatione, an verecundior in depressione sit; expeditus in illarum confessionibus, an protractior; aliæque generis illius quæ in delati delicti cognitionem deducere possunt, seriò inuestiganda erunt. Videntum deinde cui illa accusatrix conscientiam suam credat, qua moderatione ac modestia se habeat, virginem moribus referat aut matronam castam, an licentiores mores minùs castum pectus prodant, nec difficile erit per aliquam illius sexus cui tutò fidi possit, mores illius, suppressa tamen causa, cognoscere.

Quòd si plures accusatores fuerint,

16 rint, non ideò inauditum reum  
 damnabit: sed accusationum capi-  
 ta percurreret, conferétque inter se di-  
 cta, videbit consentanea an pugnan-  
 tia deferant, an sibi in omnibus con-  
 stent singuli, an omnes: an audita an  
 visa narrent: an ab vno capite accu-  
 satio proficiscatur, quæ in plures po-  
 stea dispersa fuit. sæpè enim dum  
 consentientibus nimium verbis, or-  
 dine circumstantiisq; audita nar-  
 rantur, ab vno fonte, & narrationis  
 totius studioso compositore, accusa-  
 tio profluit. auctore primo reperto  
 discutienda quæ suprà recésita sunt.  
 Videndum etiam cum plures sunt,  
 quales sint qui accusant, iuncti mu-  
 tuò strictiore amicitia, morum simi-  
 litudine, quibúsque fundamentis ac-  
 cusatio tota nitatur: quaque in illum  
 diem reus vitâ, moribus, aliorúmque  
 opinione, integritatis & innocentiae  
 famâ. num quid in hoc sit inviden-  
 dum, num quæ dignitas cui nata suc-  
 crescere sit æmulatio. num sperare  
 aliquid accusatores possint reo mu-  
 nere aut loco deturbato: num deni-  
 que

que offensi à quacunque causa à reo fuerint. Incredibile enim dictum est quātum hæc humana animi candorem obnubilent, pectoris sinceritatem obtenebrent, veri lumen contegant, vt quæ non sunt videre se arbitrentur: & fœcunda densarum suspicionum nebula, veritatem omnem oculis subducant, falsaque pro veris prospectanda præbeant: vt accidat his quod feбри laborantibus, quibus à palati amaritudine, etiam suauissima amara videntur, & è melle & saccaro fella legunt & narrant. Idem in vitiato affectu cogita, vertit in naturam suam prauam, quidquid portexeris boni.

Si domus aut familiæ Superior sit 17  
qui accusatur, maiore opus discussione accuratioreque inuestigatione, cum multa ratione muneris in illo sint, quæ æmulationes alienationesque animorum nata sunt producere; vt nimia Superioris vigilantia, repressa multorum libertas, illicitorum negatio, prætensarum concessio-  
num resectio, arctior disciplina, sat  
ma

magnam in quibusdam ad commoda sua prioribus causam indignationis, querimoniarum oblocutionumque dare consueverit, amplamque præbere materiam Superiorum dicta factaque solertiùs propriùsque inuestigandi & carpendi, bona etiam in deteriorem partem & alienam ab auctore mentem interpretandi. Non quòd Superior semper extra culpam & noxam sit, aut immunis ab erroribus ac delictis; sed quòd in eo munere maiorem campum æmulationibus offensionibusque subministret: è quibus deinde accusationum flumina tanquam à fontibus suis fluunt. quo maiore opus in his industria. audiendi tamen delatores, ac faciles etiam aures præbendæ, ne repulsa aut audiendi morositate à grauissimarum etiam rerum accusatione terreantur. verùm si usquam intentum in omnem partem in hac re animum habere oportet. discutienda obiecti delicti qualitas, personarum auditio, narratorum verisimilitudo, pacato an com-  
moto

moto animo deferantur, aliquidve  
intercedat offensionis aut humani  
affectus. aliorum etiam de Superio-  
re, maximèque probatissimorum, &  
in quibus nulla mentiendi occasio,  
solerter suppressa caussa, inuestiganda  
sententia. Superior denique ipse au-  
diendus, nec damnandus nisi re  
compertissima. Quòd si vnus tan-  
tùm sit accusator, nec aliundè quid-  
quam astruendo ac confirmando  
delicto haberi potest, maiore etiam  
cautione opus, maximè si obiecta  
Superior neget. Quòd si accusato-  
rem suum Superior certò nouerit,  
perstetque in negatione vt ille in ac-  
cusatione, videndum an accusator lo-  
co mouendus sit, in qua re magna  
ominino opus prudentia ac circum-  
spectione; neque enim facilè amo-  
uendus accusator, si verisimilià attu-  
lerit, si probabilem accusationem fe-  
cerit, si illam non leuibus indicis do-  
cuerit, ne, cum caret Superior obser-  
uatore, liberiùs delinquat, neque ta-  
men sine sollicitudine esse licet, cum  
periculum sit ne incognitum dela-  
torem,

torem, quâ palàm, quâ priuatim, quacunque arrepta occasione, insurgat, rigoribus etiam ac sæuitia fatiget ac frangat: aut abeat denique domus tota in partes; dum alij Superiori, accusatori alij adhærescunt. quod perfamiliale est euenire, quando res palàm innotuit: vt si vlla in re, magna hîc opus sit solertia ad veritatem eruendam. Quòd si certò nihil cognosci possit, videndum quæ pars probabilioribus fundamentis nitatur. ac si nec hoc sciri satis possit, aut mutuò conciliandi erunt, laudato in accusatore zelo, pulsa in Superiore delicti suspitione, aut accusator aliâ quæsitâ causâ mouendus erit.

18

Consultum deinde interdum fuerit, quando per secreti leges licebit, viro alicui graui, prudenti, neutrarumque partium, aut pluribus etiam, si rei id magnitudo ac incertitudo postulet, accusationis disquisitionem committere. vt vtramque illi partem singuli audiant, audita considerent, ac taciti etiam singuli calamo

mo committant. Examinet demum omnia ipse Superior, fortè alia, aut pugnantibus circumstantiis narrata reperiet, cùm varias illas narrationes dictaque inter se composuerit.

19 Serio denique in omni delatione, locorum, temporum, personarum, modorum circumstantias examinet. cùm hæ solæ sæpe veritatem aperiant: frequenter enim narrantur quæ vel in talem personam, locum, tempus, modum cadere nō possunt: aut quæ deferentis æmulationem, alieniorumve animum produnt: aut quæ in dubia primi narratoris fide, aut melancholica persuasione fundantur. quod euenire aliquando in femineo sexu videmus: quæ quidquid animus atro tristique quodam humore oppressus dictauerit, pro indubitatis narrant. quæ tamen si prudens solersque Superior propiùs considerauerit, falsa è circumstantiarum maximè seria discussioneprehendet.

In his similibusque delationibus, nisi

nisi Superior prouidè, moderatè ac  
circumspectè rem instituat, maturè-  
que ac tardè ad ferendam senten-  
tiam descendat, nihilque nisi com-  
pertissima re statuatur; se aliòsque ac fa-  
miliam vniuersam in præcipitia dam-  
nàque nulla postmodum arte ac pru-  
dentia emendanda impellet. noxios  
pœnisque dignissimos præmiis affi-  
ciet, & ad prima Religionis munia,  
cum infami Ordinis prolapsu, flo-  
rentissimarumque familiarum inté-  
ritu promouebit: innocentes, vi-  
ròsque ad maxima quæque natos in  
ignauo otio consenescere compel-  
let, ita fiet vt virtute ornamentis nu-  
data, vitio præmiato, ingens incita-  
mentum ac calcar in omnem licen-  
tiam, improbitatem ac calum-  
niam addatur, validaque ab omni  
probitate ac religiositate auocatio  
incutiatur, via ad optimum quem-  
que ab omni digniore gradu detur-  
bandum aperiatur, animusque pro-  
batissimo cuique ad Religionem di-  
gnissima contendendi eripiatur, ma-  
neátque destituta ac nudata Religio  
bonis



bonis, improbitate per calumniandi  
licentiam, facilémque Superiorum  
credulitatem vincente.

Iam si facilis in delationem & cre-  
dulitatem Superior ad alium Supe-  
riorem, aut ad supremum etiam per  
litteras decurrat, rémque vt indubi-  
tatam referat, verbis etiam augeat, vt  
non rarò in hoc genere fieri assolet,  
quid nisi innumeris se ferè induat  
difficultatibus? nam si falsa denūcia-  
uit, plurimum illi apud omnes, rete-  
cta falsitate, de prudentiæ ac de viri  
etiam probi ac Religiosi opinione  
decedit. Adde, plerumque in animo  
falsò delati remanere quasdam alic-  
næ mentis in nimis credulum Supe-  
riorem aculeos, non nisi cum vi-  
ta ponendos: sed & graues exur-  
gunt conscientiæ stimuli, cùm teme-  
rè se credidisse, temerè etiam falsa  
denunciassè senserit. Et fortè dum  
imprudentialiam suam, nimiàmque in  
credendo ac deferendo facilitatem  
aperire Superior erubescit; manet  
gravi hac aspersus nota innocens,  
nec illati dāni finem nisi cum morte.

M

sentiēt.

sentiēt. Quòd si ad falsa hæc eluenda victor sui omni conatu Superior exurgat, impressa tamen semel delicti opinio detergi vix potest; cùm plerumque aliquid vulneris aut cicatricis, aut conceptæ sinistræ opinionis adhærescat, quæ non morientem modò comitatur, sed & post cineres & busta in multorum animis viuit. tantum potest semel concepta veræ an falsæ rei opinio. indiuiduo nexu copulatur, adeoque & vita functis superest, & crudeli perennitate sæuit in mortuos, quasi non satis sit improbitati sæuisse in viuos: ita non contenta calumnia depaisto viuientium meliore sanguine, barbara quacumque crudelitate inmanior, nec cineres paritur illæsos, tam diu nimirum reum in suo puluere peremptura, quamdiu improbæ delationis memoria vixerit. quæ ferè tâquam per manum tradita, scelerrati hominis pessima progenies, fecunda noxiorum generatione, transit in posteros, victura semper, peremptura semper. à tam paruis initiis nimirum

miæ Superiorum credulitatis mala  
tanta , æternæ nimirum innocentis  
animæ dilaniationes.

---

*Detractores arcendi.*

C A P U T    X X I.

**E**T coërcenda etiam eorum licen-  
tia. Laudatus Plinio Traianus,  
quòd delatorum potentiam fregis-  
set; Suetonio Augustus , quòd con-  
tempfisset. nec minor laus Honorij  
& Theodosij : *Quisquis crimen in-  
tendit, non impunitam noverit fore licen-  
tiam mentiendi : cum calumniantes ad  
vindictam poscat similitudo supplicij.*  
Omnino Christianè : dignissimi qui  
imperarent. Fuit in eadem sententia  
Aurelianus Imperator. Multa apud  
Liuium, plura apud Tacitum & Suetonium reperi-  
es. ferè enim Superiores difficultatibus implicant. Ita Am-  
monitarum Regem , Davidem , Ari-  
stobulum , Herodem Ascalonitam,  
Philippum Macedonem , Imperato-  
res Claudium, Commodum, ac Ri-

chardum Angliæ Regem, aliósque mille incommodis induerunt, complurésque vita etiam & regno detractio exuit. ita Hadrianus, cetera magnus Imperator, detractoribus obsequens, amicissimos hostium loco habuit Tacianum, Nepotem, Sexticium, Clarum, plures. Eduardus II. Angliæ Rex nobilissimos quosque securi subiecit, vxorem filiúmque regno pepulit, ipse eodem exutus. Lapsus etiam in hac re Constantinus Magnus in Crispo filio. Apud Domitianum nihil tutum fuisse accepimus, nihil apud Tiberiũ, si lucri spes accederet. tantum detractio potest: de qua illud Sapiens: *Ciuitates muratas diuitum destruxit, & domos magnatorum effodit; virtutes populorum concidit, & gentes fortes dissoluit. flagelli plaga linorem facit: plaga autem lingue comminuet ossa. multi ceciderunt in ore gladij, sed non sic quasi qui interierunt per linguam. beatus qui retinetur est à lingua nequam, qui in iracundiam illius nō transiit, & qui non attraxit iugum illius, & in vinculis eius non est*

*Eccl.  
18.*

est ligatus: iugum enim illius, iugum ferreum est; & vinculum illius, vinculum æreum est; mors illius, mors nequissima, & utilis potius infernus quàm illa. Fortiter hic Chrysostomus & verè: Detrahens fraternas carnes comediti, proximi carnem momordisti. unde & Paulus terruit dicens: Si autem vos inuicem morderis & comeditis, videte ne ab inuicem consumamini. Nam infixisti dentes carni, sed anima maledictum, improbam suspicionem infixisti, vulnerasti, innumbris affecisti malis & te & alios plures. Et Bernardus: Nunquid non est vipera lingua detractoris? ferocissima planè; nimirum quia lethaliter tres inficit flatu vno. nunquid non est lancea ista lingua? profectò & acutissima, quia tres penetrat ictu vno.

Vitabit ergo detractores Superior, nec fidem, adeòque nec aures ad mouebit, memor veteris dicti; Nervus atque artus imperij sunt non temerè credere. Credidit Alphonsus Rex Francisco Sfortiæ, qui commentitiis in fraudem litteris Petrum & Troilum primos regios duces ad

rem strenuè peragendam inhortabatur, operamque dederat, vt ad regias manus litteræ venirét, & vtrumque vinculis constringi rex iussit. ita dum fortissimorum ducum opera rex caret, Sfortiæ feliciter res processerunt, infeliciter regi. sic nimia credulitatis pœnas rex dedit, subdolæ delationis præmia Sfortia tulit. Memor deinde sit Superior temerè huic hominum generi si quid concesserit, pari obtrectionum libertate insurrecturos in absentem Superiorem, qua in alios consueuerunt. libertas vna aliam parit. aditum præbuit Superior detrahendi aliis, reserauitque detractoribus aures? inuenient ipsi quod in Superiore reprehendant, & vel ipsam credulitatem damnabunt: nescit vlli parcere detractor, nō adedò patri ac matri. quid? quòd voluptatum illi quoddam genus sit, obloqui, & maledicere inter beneficia ponat; ac inter ingenij felicitates numeret inuenire quod in alio reprehēdat, & inter acumina reperire & enarrare quod nusquā est.

inge

ingeniosa nimirum improbitas est, tragem in festuca, elephantem in culice, Alpes & Pyrenæos saltus in veruca legit, & somniata sibi alterius innectit vertici; ipsasque alieni pectoris virtutes tam scitè improbis ac adulterinis coloribus pessimus pictor decolorat, vt vitia arbitreris, bis falsarius, inuentione & narratione. nimirum cùm maledicere officium bonæ conscientiæ iudicet, loquacem mendacitatem, facundiam; impudentiam, constantiam deputat. Vitabit hos omni studio Superior memor Sapiensis: Cum detractoribus ne commiscearis, repente consurget perditio eorum. Et, Remoue à te os prauum, & detrahentia labia sint procul à te. Et, Sepi aures tuas spinis, & linguam nequam noli audire. Bene Paulinus: Quòd si hæc in nobis esset diligentia, ne passim obrectatoribus crederemus, iam omnes detrahère timerent, ne non tam alios quàm seipsos viles detrahendo facerent. sed hoc idè malum celebre est, idcirco in multis feruet hoc vitium, quia penè ab omni-

Prov.

24.

Prov. 4.

Eccli.

28.

*bus libenter auditur. Bene Hieronymus : neque verò illa iusta excusatio est ; Referentibus aliis iniuriam facere non possum. nemo inuito auditori libenter refert. sagitta in lapidem nunquam figitur : interdum resiliens percutit dirigentem. Discat detractor , dum te videt non libenter audire, non facile detrabere. Cum detractoribus, ait Salomon, non facile miscearis , quia repente veniet perditio eorum , & ruinam utriusque quis novit ? tam videlicet illius qui detrahitis , quàm qui aures accommodat detrahenti. Et alibi : Sicut sagitta, si mittatur contra duram materiam, nonnunquam in mittentem reuertitur , & vulnerat vulnerantem : ita detractor , cum tristem faciem viderit audientis , imò non audientis , sed obturantis aures suas, ne audiat iudicium sanguinis, illico conticescit, pallet vultus, hærent labia, saliva siccatur. Est in hanc sententiam illud Sapientis : Ventus aquilo dissipat pluuias, & vultus tristis linguam detrahentem. Prudenter Augustum Mæcenas monet: Fermulti vel odio aliorum, utpote*



*utpote bona eorum affectantes , vel in gratiam quorundam , vel irati ob postulatam , & non acceptam pecuniam, falso crimine seditionis tentata , aut contra Imperatorem alicuius facti , vel dicti improbi eos onerant. Ideoque non temerè fides eis est adhibenda , sed omnia accuratè examinanda. quòd si tardius fidem adhibueris , nullo tuo magno fiet damno ; festinando autem fieri potest , ut peccatum aliquod irreparabile admittas.*

Inuenies in hoc genere quosdam qui palàm improbi feruntur in omnes : alios qui concreto vultu , suspensio supercilio, per ambages & anfractus nocituram seriem euoluunt, tortuosa circuitione venena iaculantes : alios qui amicitiam profitentes tanquam fella pertenui melle lenientes , eo fortiùs infigunt aculeum, quo sub amici persona validiùs in incautos illabuntur. Sunt qui crocodilos imitantes , inter commiserationum voces & lacrymas barbarè perimunt , eo crudeliùs , quo remotiores à sanguine lacrymæ esse debent.

laudant hi in eo cui detractum eunt plurima, claudunt deinde narrationem commiserationibus vestitā, tanquam scorpionis cauda, ore quasi blandiētes, de posthumo corporis verberantes: qui eo nocentius vulnus & virus figunt & infundunt, quo fallaciū ferunt.

In quibus illud ferè considerandum, incurrere plurimū tales in optimos quosque, quorum virtutibus cū desperent parari, ad detrahendum studia vertunt. assequi nimirū cū non possint, impedimenta iniiciunt. felicitati invident? calcaram vellent. dignitatibus aut muneribus excludūtur? viam sibi per aliorum ruinam sternunt. gratia alij valent, eloquentia, eruditione, prudentia, magnarūque virtutum opinione? contabescunt invidia. inde mille modos minuendæ famæ excogitant, &, vt fœcunda semper in malum æmulatio est, inveniunt: ac nunc per se, nunc per alios derogatum ac diminutum erunt. vt infelicem meritò dixerim Superiorem, qui detra-

ctores nactus, faciles iisdem aures  
præbet, in perniciem suam credulus.  
cùm ferè hunc necesse sit destitui  
viris magnis; cùm in hos propè vnos  
validè insurgant detractores, nec ca-  
lumniandi finem faciant, donec aut  
euerterint, aut in suspicionem apud  
Superiores vocauerint, siue rei malè  
gestæ, siue æmulæ dignitatis, siue in-  
sidiarum, molitionum aut nouorum  
studiorum, siue priuati criminis, siue  
hostilis animi, siue denique dicto-  
rum factorumque contra Superio-  
rem. ac cùm celsitudo, vt quæ in  
præcipiti versatur, facilis in timorem  
& suspicionem sit, non opus ma-  
gna flamma ad arida hæc ligna ac-  
cendenda. modica scintilla satis est.  
maximè si virum virtute & opiniti-  
one magnum tangat; à quo facilior  
metus est. contemnimus modica &  
quæ voluntaria iniuria humum ver-  
runt; insurgimus ad alta cùm fe-  
rè, vt dixi, altitudinem timor & sus-  
picio; paruitatem neglectus comi-  
retur.

Infeliciores omnino Superiores,

qui in credulitatem faciles vltro occasionem detractioibus præbent. hinc dictum verè : *Tolle auditores, decurrunt detractores.* quin imò tolle præmiatores, non erunt detractores. nemo enim facile gratuitò malus est. præmia enim deposcit improbitas, vt si illa sustuleris, scelera iam nulla sint. Quare si difficilem se detractoribus præbeat Superior, carebit illis. quòd si falsas delationes non permiserit impunitas, ingenti peste familiam leuabit, & securitati suæ suorumque consulet, & in altissima cum suis pace vitam transiget. sin admiserit, vniuersam familiam euertet, mutuam animorum coniunctionē tollet, æmulationes odiæque sparget, fiduciam minuet, diffidentiam ingenerabit, partium studia prouocabit, animos optimis quibusque ad magna & ardua adimet, ignauiam fouebit, dolos excitabit, adulationibus ostia aperiet, mutuis criminationibus viam sternet, candorem obfuscabit, politicam agendi rationem inducet, dissimulationibus ac  
suspi

suspicionibus omnia replebit, in  
mutuas euerfiones suos impellet,  
mœroribus primos quosque mace-  
rabit & obruet, noxios præmiabit,  
damnabit innoxios, reluctantes ad  
imperia suos sentiet, experieturque  
languentes ac fastidio plenos, & in  
omnem pietatem nauseantibus ex  
tempestate similes.

Et quis tutus erit, imò quis inno-  
cens, si detractionibus locus sit?  
aut quando detractor deerit, si faci-  
lem Superiorem nactus fuerit? aut  
quæ innocentia calumniatorem ef-  
fugiet? quæ virtus carebit obtrecta-  
tore, cum æmulatio ac inuidencia  
hanc sequantur? quis verò securus  
erit si præmia detractorem sequan-  
tur? quæ denique tranquillitas stare  
poterit inter barbaros efferarum lin-  
guarum flatus, quibus miserè in de-  
tractore Religio iactatur? aut quo-  
modo Deus in ea sedem figet, cuius  
est: *Beati pacifici, quoniam filij Dei vo-*  
*cabuntur*? cum pax nulla sub pacis  
mutuæque coniunctionis perturba-  
tore formari possit: pace autem exu-

*Matt. 5.*

lan

lante, pacis auctorem Deum exulare necessum sit. hinc illud Gregorij est: *Audiant iurgiorum seminatores quod scriptum est, Beati pacifici, quoniam filij Dei vocabuntur. atque è diverso colligant, quia si filij Dei vocantur qui pacem faciunt, proculdubio sunt Satanae filij qui confundunt: quia autem nihil pretiosius est Deo virtute dilectionis, nihil est delectabilius diabolo extinctione caritatis. Et illud Bernardi: Proditores fiunt, quicumque in hoc Dei castrum inimicos eius introducere moliuntur, quales detractores Deo odibiles, qui discordias seminant; nutriunt scandala inter fratres. Sicut enim in pace factus est locus Dei, sic in discordia locum fieri diabolo manifestum est. Non miremini, fratres, si durius loqui videor, quia veritas neminem palpat. omnino proditorem se nouerit, si quis fortè, quod absit, vitia qualibet in hanc domum conatur inducere, & templum Dei speluncam facere demoniorum.*

Infelicitissimi verò sub tali capite subditi sunt. cum ferè perpetuis  
 agan

agantur timoribus, incerti in quam partem dicta factaque deferenda, in quam accipienda, cum virtus viriunque ex vnius delatoris voluntate verbisque pendeat. sortietur nimirum nomen ab hoc Prætor: neque enim iam accusator tantum, sed iudex est. unde fit ut optimus quisque manum retrahat, labores fugiat, otium sectetur, quod minus in hoc quam in illis periculi arbitretur. neque enim facile delator in reptantem insurgit, celsa petit, & ad celsa prope- rantibus extendit manus, impedi- menta obiicit, fulcimenta tollit in ruinam, quo fit ut aut in vltronea ignavia vitam trahant, aut impatien- tia victi, valide in obtrectatorem ac Superiorem insurgant, nec finem fa- ciant donec vtrumque loco moue- rint, aut eadem secum ruina oppres- serint. ita perire, si cum hoste percas, iucundum. nam si ille cadat, licet per- latus tuum, bene est. tantum potest de- tractio, ut proritatum animum maxi- me innocentem ad extrema consilia vtrisque infausta propellat. non po- test

test salua nominis integritate ac salute se eripere ? eripiet per sua & aduersarij vulnera, & mortem ; tam auidus plerumque famæ innocens est, vt antè vitam quàm illam ponat. non potest cum virtute ? alia ingreditur via , & antè implexus detractori suo cadet, quàm victorem ferat. quòd si Christiano pectore calumniam tulerit, inualetudine plurimum ac longa tabe illam signat.

Infelicissima denique etiam familia talis est , quæ cùm summis quibusque viris ac propugnatoribus spoliata se videt, tum ignauissimum quemque imperantem sentit ; cùmque per suorum inualetudinem, infortunatam ignauamque vitam trahat, tum per vulnera & lacerationes meliorem animam emittit, generosissima sui parte frustrata ; pessima vero parte sui viuit, si hoc viuere est vita morte deteriore viuere. & quæ vita esse potest tot crudelibus vndique vulneribus, nobilissimis quibusque membris concisis ? quæ firmitas, quòdve robur inter mutuas barba-  
rās



que linguarum oppugnationes primis quibuscunque nervis ad viuum exsectis? ut longè miserrimam necessum sit esse familiam, quæ sub facili credulòque ad suspicionem, detractionemque prono capite, calumniis proscissa fatiscit. non est hæc Religio, sed portentum, religioso nomine indignissimum, commiseratione dignissimum.

Verùm quid faciet qui innoxius nocentes has patitur linguas? solabitur se cum magno Iobo : *Ecce in* Iob. 16.  
*calo testis meus, & conscius meus in excelsis.* in quæ verba Gregorius : *Qui* Epist. ad  
*testem in calo habet, reprehensiones hominum* Pall. lib. 3.  
*metuere non debet.* solabitur cum Apostolo : *Mihi autem pro minimo est, ut à vobis iudicer, aut ab humano die.* humana proinde iudicia humanis maior contemnet. nihil hæc æternis ad quæ nati, addent, nihil adiment. dignitate fors spoliabunt, aut eludent vota. quid hoc Christiano? meliòrne erit qui opibus, qui honoribus clarior? audi poëtam:

*Licet superbus ambules pecunia,*

*For*

*Fortuna non mutat genus,*  
 non corpus, formam, vires; minùs  
 animum. quid ergo timebit? magnorum  
 indignationem aut iram,

*Quæ procudit enses,*  
*Et miseras inimicat vrbes?*  
 ridebit etiam. & linguis ferroque  
 maior dicet cum Poëta:

*. Dedecorant benè nata culpæ.*  
 Et solæ dedecorant culpæ. tolle has,  
 decus & triumphos sperare à calum-  
 niantium linguis disces. & quid re-  
 fert cuius opè cælo crescas? creuisse  
 satis est. lingua te, febris, aut tortor  
 gladius inscribat cælo, quid interest?  
 fruiere beneficio. & vt æger duras  
 medici manus, inualetudine pulsa  
 præmio donat: ita tu has linguas ca-  
 lamósque cælorum administros, sine  
 quibus secundæ res obliuionem fòrs  
 Dei dedissent. factum non semel. &  
 plures prospera quàm aduersa cælis  
 excluderunt, pœnis adiudicarunt.  
 prudens æterna delige, æternis na-  
 tus.

*Adu*

*Adulationibus ostia firmanda.*

CAPVT XXII.

**D**ictum fortiter, sed verè: *Regum* *Curr. lib.8.*  
*opes sæpius assentatio quàm hostis*  
*euerit. eadem ferè habes apud Au-*  
*gustinum: Duo sunt genera persequen-* *in Psal. 59.*  
*tium, vituperantium & laudantium:*  
*sed plus persequitur lingua adulatoris*  
*quàm manus persequentis. hinc illud*  
*mōnentis Paulini: Adulatorum assen-* *Ad Ce-*  
*tationes velut quasdam pestes animæ fu-* *lantiam.*  
*ge. nihil est quod tam faciliè corrumpat*  
*mentes hominum, nihil quod tam dulci*  
*& molli vulnere animam feriat. Paria*  
*habes apud Ciceronem: Sic haben-* *Pro Ca-*  
*dum, nullam pestem esse maiorem quàm* *lio.*  
*adulationem, blanditias, assentationem.*  
*vt non vereatur decurrere in hæc*  
*verba Sapiēs: Meliora sunt vulnera di-* *Prou.27:*  
*ligētis quàm fraudulēta oscula blādien-*  
*tis. illa in salutem, hæc in interitum*  
*eunt. illa medicamenta secum tra-*  
*hunt, hæc venena: illa feriunt & vn-*  
*gūt, & plus valetudinis bonæ quàm*  
vul

vulneris promittunt; hæc sub molli spongia toxica iaculantur, & dum leniunt, interimunt, eo sæuius quo sub amici persona incautum opprimunt, sponsonibus diuites, inanissimi rebus, nisi quòd tacita hostilitate locupletes, in omnem nocendi occasionem intenti,

*Astutam tacito seruant sub pectore vulpem;*

magis etiam sub vulpe lupum & pardum. quò magis inuigilandum Superiori seriò; ne qua parte ostia adulationibus aperiat. si aperit, perit. inimicum enim in adulatore domo excipit, & inimico nocentiolem. cum mitior apertus hostis sit occulto insidiatore. arma enim armis repellere procliue est. dolos quæ virtus anteuertet? quis nouaculam vitabit spongia rectam? quis venena domestica manu porrecta? quis densa nocte scorpionem calcaneo insidiantem? hostis verò omnis adulator est, sub ouina pelle lupus; sub mellis fauo fella propinans. exporrecta blanditur fronte, oculisque suaue ludentibus,

tibus, verbisque saccharo plenis ludit  
amicum. Iam quis arbitretur lupum  
oue tectum? quis saccareum cala-  
mum colocynthide saturum? quis  
fauo fella contineri? non magis  
quàm in generoso pulsu, optimo  
sanguine & colore, inualetudinem  
claudi, & quis credat damnanda lau-  
dibus, laudésque damnandis conti-  
neri? reperiēs hoc in omni adulato-  
re. damnas? damnat. laudas? laudat.  
proba an improba sint iuxtà habet,  
satis illi damnas, laudas, quæ  
damnas, quæ laudas. ex vero an se-  
cūs, postrema illi cura. prima pla-  
cuisset. ut verum sit illud Taciti de  
adulatoribus: *Quibus omnia Princi-  
pum honesta atque inhonesta laudare  
mos est.* & quisquam adulatorem ami-  
cum putet? non est. si esset, mentiri  
nesciret, nec aliud verbis proderet,  
aliud mente volueret, nec palàm  
probaret ore, quod tacitus damna-  
ret corde. sed neque in alterius gra-  
tiam laudaret damnanda, damnaret  
laudanda. quod omnis adulatoris  
unicum seriumque studium est.

Iam

Iam cùm hostilia ferè tegat animo , amica denuntiet verbis , odia mente fouet , quæ verborum dulcedine velat. hostem verò pectore circumferre ex eo disces , quòd omnis ferè adulator aliud labris , aliud animo claudat, ac pugnancia etiam mutuóque plurimùm se perimètia. cùm ergo verbis amicum præferat, animo necessum inimicum nutriat. Clarè hoc videbis si fortuna mutauerit vultum , mutabit & verba adulator: desinet enim velle placere , qui non virum, sed fortunam coluit, non hominem , sed purpuram veneratus. amauit dignitatem, nec vltrà : & sibi illam amauit, non alteri; non amaturus nisi commodam sibi arbitratus. sibi ergo studuit, placitura dixit sibi, laudauit , damnauit sibi. quare vt primùm vertit fortuna frontem, vertit & ipse dictionem, & è magno laudatore , magnus exurrexit contemptor; tanto maior hostis, quanto maior antè laudator. nec minor tamen priùs erat hostis , sed latebat , & inimicum pectus amica tegebat veste, quam

quam fortunæ sacrauerat. elapsa fortuna est, exiit adulator vestem, simulque inlatentem hostilem animum reclusit. Facit hoc adulator omnis. non faceret si hominem amaret: virtuti enim huius augendæ studeret, & illaudanda damnaret, ne si laudaret crescerent damnanda. nam dum laudem mereri putat quæ laudantur; laudatoris delusus ore, in damnanda eo fortius prolabitur, quo fortius laudantur.

Fugiet ergo adulatorem omnem Superior, ut iuratum nominis sui hostem: & hostili more consilia illius laudésque tanget, timidè nimirum & cautè. non fidit hosti? non fidet adulatori. suspecta inimica consilia habet? habebit adulatoris, hostiles molitiones omnes quocumque amico velamine tectas auersatur? auersabitur adulatoris, quacunque amica purpura & odore madidas? inimici laudes ad contemptum refert? referet adulatoris, armatus hostibus occurrat? nunquam nudum adulatori latus præbebit, quidquid ab inimi-

ca manu venit, inimicum arbitratur, nec ea aliter quàm venena & nudum iugulo ferrum admittit ? faciet idem in adulate, & quidquid ab huius ore & manu quocunque coronatum flore propinatur, tanquam ab inimica dextera prudens ac prouidus tanget. quin & alia omnia quàm quæ ab adulate denunciantur, cogitabit. laudat ? damnanda sciet. damnat ? laudanda sibi persuadebit. consulit ? vitabit vt mala. dissuadet ? sequetur vt bona.

Consultissimum tamen erit, si omnem à se adulate repellat, admittat neminem quocunque virtutum colore tinctum. mentitur. intus venena latent ; natatque intus scelere & odio, in cuius labris virtus & amor natant. auersabitur proinde adulate, vt omnis boni consilij pestem, optimorum conatum præsens toxicum, solidarum virtutum barbaram securim, felicis imperij falcem, omnisque prudentis gubernationis fallacem nouaculam, memor illius, *Quisquis adulate domo*  
*reci*



*recipit, serpentem sinu fouet. torpet? explicabit venena vbi incaluerit, & diffundet in fotricem manum virus; eo nocentius quo in incautam. quid? quòd nulla beneficia adulatorem vincant; non magis quàm serpentem. semper hic serpens est. moribundum recrea, frigore & siti enectum refoue & pota, vulneribus medere. vbi deperditas vires receperit, serpens erit, venena vomet. facit idem adulator. benefactis onera, indulge, mensa tua pasce, propius etiam vberibus lacta. quanto plus foueris, plus insurget. ne mirere, intus hostis est, qui opportunitatem nactus hostilia dabit. & cum coram amico mentitur, inimicum absens loquitur. probat praesens, dānat absens, magnūque quem in os tulisti laudatorem, saeuum, vbi retuleris pedem, patieris iudicem; quēque praesentem fortem senseras propugnatorem, absentem validum feres oppugnatorem. applaudit nimirum coram, saeuit absens. blandè delinit praesentem, absentem praeualido ariete ac mola-*  

N                      ribus

ribus occupat. & qui coram mella & flores ostentabat, venena & ignes absens iaculatur; tanquam si quis presentem extremis demulceat digitis, absentem fulmine perimat, aut integris montibus insepeliat.

Nec in vnum contentus sæuuisse, sæuit in omnes adulator, cum vniuersam sedibus suis moueat familiam. nam & apud Superiorem deductum it sociis, maximè si suboffensum è quacunque causa illū senserit; & Superiorem apud socios dānat, idque potissimum cum exacerbationis aliquid inaudierit. quin si quem viderit commotiorem, vbi se in illius familiaritatem insinuauerit, exasperat animum, sinistraque Superioris iudicia dum recenset, & acrioribus etiam exacuit, auget alienationes, ac tanquam dolosis suppositis ignibus accendit flammās. decurrit inde ad Superiorem denuntiaturus quæ audiuit, quorum ipse ferè auctor & incentor primus, dictaque acerbiora sua aliorum adnectit ori, quo fortiùs Superioris animū exulceret.

ceret. inde mutuas fouet diſſeſiones,  
& e mentitis etiã vltrò citròque nar-  
rationibus accendit, nouãmq; vtrim-  
que alienationum materiam indefeſ-  
ſus ſuggerit. & dum partis vtriuſque  
gratiam venatur, ac cõplacentia gra-  
tãq; offeñſis animis enarrat, mutuas  
odiorum incendit flammas. Nec ma-  
gni ea res moliminis. arentia enim  
accẽdas tigna pertenui ſcintilla inie-  
cta. ac licet nulla diſſenſionum veſti-  
gia reperiatur, vltrò illarũ ſemina ſpar-  
git, & falſis primũ delationibus  
altiũ illa pectoribus inſerit quã  
multorum annorum labor euellat.

Neque malum hoc domeſtico te-  
cto clauditur, erumpit. flammam  
arbitreris vicina lambentem, obuiã-  
que quæque latè populantem : ita  
vicinas remotãſque ædes perambu-  
bat adulatio, virũſque ſuum ad ex-  
terna diffundit. vt ſi domi cõmodas  
detractiõibus aures non repererit,  
foris quærat, & inueniat. ita auidi  
omnes malorum ſumus, ad laudes  
tardi, ad reprehenſiones celeres. hinc  
in os laudata, improbamus apud ex-

ternos , nec rarò apud mulierculam , cui dixisse , tympanis & tubis cõmississe est : vt seria prece rogãdus Deus sit , ne aut aures Superior adulatori præbeat , familiarem sibi reddat , consiliis illius obaudiat , nocitura committat , nomen suum suorúmque illi credat , aut , quod optandum magis , ne talem fortiatur. Quòd si quem prònum in adulationem viderit , non in flore & herba , sed in radice ac semine euellat. vt cùm omnes in Superiore obfirmatas contra adulationes aures viderint , adcoque & hostem adulationibus esse , nemo profiliat ad hæc blandimenta , ad has aurium compedes. virum enim cùm senserint Superiorem , & magni veri cultorem ; non facilè muliebria hæc rendent retia. Quòd si quem deprehensum generosè repulerit , familiaritæque ac dignioribus muneribus exclusèrit , non facilè quisquam adulatoris personam assumet. terrebit audentes pœna , & in vnum sæuissè , in omnes erit. ita dum in vno damnantur omnes , nemo ad puniendam venit.

venit. delicta si præmiaueris, quis à scelere abstinebit? & crimina si impunita transis, quis securas noctes patietur; quis innocuos dies? iam, ut vnus præmia inuitant, ita vnus pœna trefret à sequela. & non facta tantum, sed & cogitationem seponimus, si fecisse, pœnam tulisse est.

---

*Superbia fugienda.*

CAP V T XXIII.

**A** Vdi Ecclesiasticum: *Initium superbiae hominis apostatate à Deo, quoniam ab eo, qui fecit illum, decessit cor eius. quoniam initium omnis peccati est superbia: qui tenuerit illam adimplebitur maledictis, & subuertet eum in finem. Sedes ducum superborum destruxit Deus, & sedere fecit mites pro eis. radices gentium superbarum arefecit Deus, & plantauit humiles. memoriam superbiorum perdidit Deus, & reliquit memoriam humilium sensu. Quid potuit fortius siue in contemptum, siue in fugam?* cap. 10.

fugam? è quo natum, vt viri magni dignitates fœcundam superbiz materiam fugerent, Ambrosius, Augustinus, Malachias, Bernardus, Aquinas episcopatum; sacerdotium Chrysostomus; diaconatum Martinus; papatum Gregorius; ac primi ferè in Ecclesia exhorruerunt ad purpuræ nomen. meminerant verborum Sapientis: *Domum superborum demolietur Dominus. Et, Deus superbis resistit, humilibus autem dat gratiam.* Et apud eundem: *Humiliamini in conspectu Domini, & exaltabit vos.* Sciebant verò superbiam ferè purpuræ comitem, rarâque cōiugationem dignitatum & cæli esse. quare cùm cælum cogitarent, dignitates cæli plurimùm inimicas auersabantur. nam si opes & beatitudinem non capiat vnū cælum, cùm dicat ipsa veritas: *Facilius est camelum per foramen acus transire, quàm diuitem intrare in regnum celorum*: quomodo capiet honores & gaudia? cùm difficilius sit modum in honoribus, quàm in opibus tenere? minor nimirum opum quàm honorum

Prou.

25.

2ac. 4.

Matth.

19.

norum superbia est. maiorque arrogantiæ & dignitatum, quam arrogantiæ & auri mistura. obliuionem Dei inducit aurum; contemptum superbia. nescit cælum auarus; ignorat Deum superbus, cum Scriptura teste, *apostatare* superbia faciat hominē à Deo. hinc *abominatio Domini est omnis arrogans.* *Prou. 16.*

Declinabit proinde à superbiæ semitis omnis Superior, & non prouocabit in se manum Domini, *arrogantem & superbum* detestantis. *sed Prou. 8.* nec manum hominum, cum non tantum *odibilis coram Deo*, *sed & hominibus* *Eccli. 10.* *superbia* sit. neque enim quidquam magis exacerbat animos & accendit in Superiorem, ac obliuisci facit venerationis, adeoque exasperat, vt ad vltima etiam desperationum cōsilia adducat. tam altè etiam vilissimorum animis insidet opinio sui, vt cōtemptum omni iniuria grauiorem arbitrentur. iam cum fastus contemptum secum trahat, sit vt nihil illo grauius ingenuis accidat. quibus si mortem mineris & contem-

ptum, inuolabunt in illam, vt hunc excutiant. propone tormēta, cæstus, flagella, calices, ferrum, yngues; adsit decus, hæc diligent. hinc multi in alta gētilitate, cūm propositā sibi gloriam amplecti non possent, nisi per præcipitia, ferrum, secures, flammās, tormenta; dextram signibus, iugulum ferro, collum securibus, membra tormentis, totū denique corpus præcipitio defrustandum dederunt; & amarunt hæc etiam per quæ victuræ historiæ portio fierent. tantum laudis pruritus & cōceptum animo decus possunt. Videmus hoc fomite æstuantēs magnos viros solā gloria minores, cūm contemptu nihil deterius euenire nobis posse arbitremur.

Scio aliam gentilitiam, aliam Christianam, aliamque longè rationem Religiosam esse. inest tamen, viuūtque etiam in optimis viris aliquis gloriæ aculeus; qui petrarò ita in plenum emoritur, vt nulla supersint semina, quæ fota in herbam & fruticem non exurgant. ac licet fors repe-  
rias



rias qui laudem omnem auerſentur,  
nec eam ſine aurium vulnere au-  
diant; perpauci tamen etiam ex his  
gloriæ ac dignitatum calcatoribus  
contemptum ſine ſenſu ferent. ita  
cùm gloriam non amamus, dignita-  
tes etiam fugimus, contemptum ta-  
men auerſamur. vt mitius longè ſit  
impedimenta dignitati conſequen-  
dæ inieciſſe, quàm verbo contem-  
piſſe. Fateor verò Religioſi eſſe con-  
temptum ſpernere, adeoque & de  
contumelia ſibi Apoſtoliſ & Chri-  
ſto ducibus gratulari, ac vt nō igno-  
bilem gloriæ ſuæ partem amare, am-  
plecti, capitiq; corollam innecte-  
re, cùm præmia hinc ſperet cælo re-  
ponenda, feliciq; æternitati pa-  
rianda. verùm rara coniunctio con-  
temptus & gaudiij, etiam in religio-  
ſiſſimis viris. vt infrequens mixtura  
riſus & lacrymarum, dolorum &  
gaudiij, mœroris & tripudij eſt, quo  
magis inuigilandum. Superiōri ne  
quàm contemptus cauſſam præbeat,  
ne quàm arrogantiaſ ſuſpicionem.  
nam, vt ſumma omnia habeat, eru-

ditionem, eloquentiam, ingenium, prudentiam, munificentiam, formam imperio dignam, si res tantas arrogantia tanquam sale condiat, arbuteris stillicidia mellis de libacunculo venenato porrigi; ut omnis venustas, opinio, amor priorum pereat, una superbia tanquam toxico in mortem temperato. desipiunt proinde magna illa omnia, tanto despicatiora quanto maiora; totamque quam de raritate in vno vertice gratiam possident, una arrogantia amittunt. nec illa tanquam fella saporatis & dulcibus, sed tanquam elleboro condita intuentur. ita ipsæ etiam virtutes in vitia degenerant, si fastum miscueris. Largire regibus digna dona, si ab arroganti dextera veniant, pro scorpio accipiet. consiliis iuua, si à turgida mente profluunt, fatua arbitrabitur. vincas primos oratores, si interludat fastus, inueniet quod reprehendat. ut omnia omnino corruant hoc administro. morbis medicamenta, vulneribus admoueas manum, si verò superbiam sonent,

antè

antè in interitum quàm in salutem  
ibunt. quid ? quòd ea ferè ingenuo-  
rum conditio sit, vt gratiora sint ab  
amica & paterna manu verbera,  
quàm à fastuosa munera. nec vllum  
ferè vitium durius in imperio est, &  
in quod concordibus magis animis  
insurgant inferiores: barbarum enim  
aliquid sapit, & mancipia non filios  
redolet. quæ res grauissima ingenuis,  
magis etiã Religiosis, qui solo Chri-  
sti sui cælestiũque amore se Supe-  
riori, vt filios parenti, non vt seruos  
domino subdiderunt. ignorant tran-  
stra & remos, pistrinum & lora;  
Deum cui vni se sacrarunt in Supe-  
riore, in parente hoc optimum pa-  
rentem illum agnoscunt, nec alium.  
patria proinde imperia sciunt, & illa  
sola. quibus si quis admoueat ferrum  
& ignes, rosas arbitrabuntur & oscu-  
labuntur à paterna manu, à qua ferè  
fastus exulat. perrarò enim paternus  
animus arrogantia comest. blãdus  
enim ille. & suavis, dura hæc & bar-  
bara est. nõ miscetur effera dulcibus,  
nisi in interitũ. Pater ergo si Superior

N. 6 est,

est, superbiam ponet, clementiam, humanitatem, benignitatem induet, arrogantiae inimica. quæ, si amari Superior vult, si coli, si vt pater haberi, si imperium firmari, si imperata sedulò exequi, si vltro ad ardua manum extendi, si suorum amicum sudorem fluere, si vitam etiam sanguinè que pedibus insterni; fugiat, omnemque fastum exuat, patris affectum induat, magis etiam benignæ matris vbera, & omnia consecutus fuerit.

Quòd si quis duos sibi Superiores ob oculos ponat, alterum benignum patrem, alterum arrogantem dominum; nullo negotio familiæ utriusque discrimina videbit. filios ille habebit, seruos hic patietur. ille etiam absens obsequentes; hic nec præsens sentiet. illa in alta pace vt in amico patris sinu quiescit; hæc perpetuis tempestatibus iactatur. illa amore, hæc metu stabit. tanto proinde ille securior certiorque, quanto amoris imperia firmiora timoris sunt. infirmum parendi aut amandi vinculum

lum metus ; firmum amor est. ille  
minis & verbere , hic voluntate ob-  
sequitur. vt dictum verè sit, Vis sta-  
re imperia ? amentur. vis amari ? ama.  
vis sterni imperia ? metum admoue.  
nulla ætatem ferunt sæuiente metu.  
at fastus omnis metum pro freno te-  
net ; & arrogantia gubernacula ti-  
moribus natant. nescit æternitatem  
metus, nescit amor interitum. nescit  
amorem fastus , timoribus turgēt.  
Fugiet proinde Superior imperia ti-  
moribus nata, si arrogantiam omnem  
represserit, quæ ferè mater timorū  
est. amplectetur imperia amoribus  
nata , si pulso domini fastu , patris  
vbique animum induerit.

Illud etiam hîc considerandum,  
arrogantis familiam oblocutionibus,  
detractionibus, adulationibus, æmu-  
lationibus, ad eoque & odiis repleri.  
cùm inuisus Superior inferioribus  
amplam è fastu oblocutionum ma-  
teriam præbeat , amplam detraction-  
um. etiam virtutes vitiorum no-  
men sortiuntur. tantū possunt odia.  
cùm contra vitia virtutum propè  
nomen

nomen subeant si ameris. Iam cum  
superbus laudes ambiat, plena adu-  
lationibus domus est. neque enim  
desunt vnquam qui commodis suis  
cum studeant, & alia negata via est,  
adulationibus ad desiderata repant.  
seponunt virtutem, cui sub arrogan-  
ti capite perpetuum exilium est: vi-  
tium deligunt, cuius semitis ad opta-  
ta veniunt. Superioris proinde inge-  
nium pronum ad superbiam cum vi-  
derint, addunt etiam calcaria cur-  
renti, & sub generosi nomine arro-  
gantiam fouent, sub magnanimo su-  
perbum; & nunquam adulationi vir-  
tutis nomen deest: quod etiam in  
ultima barbarie & tyrannide repe-  
riet. nihil illi promptius quam vir-  
tutum pallio scelera integere, tan-  
quam si Paridem Achillis armis in-  
duas, Alexandrum Medica veste, &  
captiua sarabara disculptum lorica  
pectus vestias.

Sed neque superbia domesticis  
parietibus clauditur. nescit his vin-  
culis arctari, erumpit, & longè late-  
que viciniam complet. loquendum?

in far

infarcit aliquid de suo, ac in omni propè colloquio aliquid ex arrogantia area pulueris interspargit. etiam fronte, oculis, manibus, adeoque & pedibus fastū loquitur. quæ res omnium animos, summorum iuxta ac infimorum, penitus auertit. Nec in vno auersio hæc Superiore stat, transit ad domesticos, à capite nimirum ad mēbra; cū ferè illius vitia membris affigantur; quo fit vt audire iam malè incipiant omnes.

Denique non facilè quisquam superbiam suam committet, non detegit vulnera, non morbos, non credit quæ vulgata ruborem incutiant. comitatur enim metus superbiam, ne ubi intumuerit oblita sui, spargat quæ recondidit. nam cū in superbia agro ferè sponte sua, solique natura, odia excrecant, odia verò secretū ignorent; fit vt horū metu ingēs in superbos diffidentia nascatur, quæ res ingentiū malorū parens est. sublata enim semel ex imperio fiducia, reliqua nullo impellente corrumpunt.

Nulla etiam diu pax stare potest  
sub.

sub superbo vertice : cūm rixæ & contentiones indiuiduæ arrogantia comites sint. non coalescunt superbia & tranquillitas. hæc contenta forte sua est, illa nunquā: hæc in conceditis sibi altūm quiescit, illa maiora semper ex concessis appetere discit. Nec disiunguntur superbia & iactatio. ita in perpetuo motu tanquam fluctuum collisione superbus est. nunquā rebus modū ponit, nunquam desideriiis. nulla illum dignitas fatiat. orbē ipsum imperio illius subde, nouos quæret; ac si hostes terra negauerit, cœlo quæret quem oppugnet. nec finem statuet, donec ingenti ruina se nomēque strauerit. Iam quid sperari in domo potest quæ perpetuo æstu & fluctibus iactatur? in qua à Superiore fastuoso arrogantia ramos & flores quos intexant fronti, inferiores decerpūt, morēsque illius imitati, cūm prima quæque ambiant, mutui sunt euersores, calūniatores, mutuarūmq; dignitatū subdoli substructores. hinc vniuersa domus scinditur, hostibus fabula, & aduo-

can



cantur in consilium externi, etiam  
in auxilium: ut non domestica tan-  
tùm manu, sed & externa cadamus.  
ita mutuum amorem Deumquē su-  
perbia seponit, & oblita sui & san-  
guinis, in fraterno ludit iugulo & di-  
gnitate, antè mortem quàm Supe-  
riorem passura, quin & antè salutem  
pro ductura, quàm victorem ferat.

Quanto verò ab omni æulo moli-  
mine in superbos insurrexerit Deus,  
docemur in Lucifero, Chore, Da-  
than, Abiron, Sennacherib, Saùle,  
Nabuchodonosore, Baltàzaro, Hò-  
lofernè, Antiocho, Herode, Caligu-  
lâ, Domitiano, Maximiano, Iuliano.  
hinc illa Domini apud prophetam  
verba: *Dies Domini exercituum super* *Isaia 2.*  
*omnem superbum & excelsum, & super*  
*omnem arrogantem: & humiliabitur.*

Fortiter Basilius: *Vir humilis Deo est si-* *Admo-*  
*milior; superbus autem, cùm sit Deo odi-* *nit. ad*  
*bilis, diabolo similis est. nec minùs Ber-* *filiam*  
*nardus: Ambitio subtile malum, secre-* *spirit.*  
*tum virus, pestis occulta, doli artifex,* *In psal.*  
*mater hypocrisis, linoris parens, vitiorum*  
*origo, criminum fomes, virtutum arugo,*  
*tinea*

tinca sanetitatis, exccatrix cordium, ex  
remediis morbos creans, generans ex me-  
dicina languorem. Verè Ambrosius :

In Luc. Sæpe quos vitia nulla delectant , quos  
l.4.c.2. nulla potuit mouere luxuria , nulla aua-  
ritia subruere , facit ambitio criminosos.

Ad pop. & Chrysostomus : Elatus semper in  
Antio- doloribus uiuit, semper indignatur, sem-  
chen. per moeret: nihil est quod eius possit exple-  
hom.45. re libidinem. sicut enim auari quanto

plus acceperint , tanto pluribus egent : sic  
superbi quanto maiore funguntur hono-  
re , tanto plus concupiscunt. Eleganter  
Seneca : Tumida res est superbia, uana,  
uentosa. nullum habet terminum. tam  
sollicita est ne quem ante se videat, quàm  
ne alium post se. laborat inuidia, & qui-  
dem duplici: inuidetur ei, & inuidet ipse.  
vides quàm hic miser sit. non ire ille  
vult, sed non potest stare, non aliter quàm  
in præceps deiecta pondera, quibus eundi  
finis est iacuisse. Quid Casarem in sua  
fata pariter ac publica immisit? gloria &  
ambitio, & nullus supra ceteros eminen-  
di modus. unum ante se ferre non pote-  
rat , cùm res publica duos supra se ferret.  
Misera ambitio , magis quia tot fu-  
nestis

nestis casibus, adeoque omnium libidini obnoxia, omnium voluntatum famula, fortunæ lusus. cum ferè quanto plus adeptus fueris, tanto plus periculi immineat. verum illud, *magnas arbores diu crescere, una hora* *Curt. lib. 7.* *exstirpari.* ita magnis conatibus, quæ parasti, momentum rapit. ferro, ignibus, sanguine, etiam cognato, parata regna; hora una abstulit. nihil tam excelsum, tam firmum, cui periculum non sit à vili & inualido. quid æterna speras? nulla hîc diuturna possessio est. armis, eruditione, solertia, fraudibus, etiam virtute paratus honos ferè antè corrumpit quàm in plenum fruaris. Quid sudorem sudore cumulas? fugitiua adeoque & volatica omnis dignitas est, non tenetur corpore, ac ne penna quidem, sed neque inuita teneri potest, non magis quàm rapidissima flumina. Quid cogitationes in sceptrum & purpuram iacularis? nescis mortalium cuncta incerta esse, quantoque plus adeptus fueris, tanto te magis in lubrico ac fragili versari? & ut votis responderit euentus, ac in  
posse

possessionem te fortuna speratorum  
immiserit, quanta hæc erunt? fors  
cras, fors hodie, fors hac hora pos-  
teritati fabula iacebis. non in dia-  
demate lusit carnifex, & maduit  
purpura sanguine? non calcata iac-  
uerunt sceptræ plebeio pede? quo-  
ties defuit quod traheret vncus,  
quod lamberet ignis, & in quo sæ-  
uiret tortor? Quid certiora tibi spon-  
des? non quod plurimis, euenire tibi  
potest? vis ab infelici exitu superbo-  
rum eximi? paruo contentus viue-  
runt calcantur plana, pericula in edi-  
to sunt. nulla præcipitia in vallibus  
timenda, in excelso sunt. Docent  
nos hoc funesta primorum orbe to-  
to exempla. de Pompeij capite pu-  
pillus & spado tulere sententiam,  
de Crasso insolens Parthus. cadit  
suorum gladiis Cæsar, Nerò, Clau-  
dius, Heliogabalus, Galba, Piso, Ca-  
ligula, Vitellius: ferro suo Cato, Bru-  
tus, Antonius, Otto. & ab Augusto  
in Constantinum quadraginta mini-  
mum Imperatores morte non sua  
cadunt. Et non sub Iustiniano Beli-  
farius,

farius, sub Seuero Plautianus, sub  
Arcadio Eutropius, Cabrera sub Pe-  
tro Aragonico, Seneca sub Nerone,  
Stilico sub Honorio, Flavius sub  
Theodosio nimis magna fortunæ  
documenta dederunt? Iam Valeria-  
num qui cogitat & Baiazethem, qui  
venenum in Alexandro, Hannibale,  
Germanico, Cleopatra, qui è nostris  
Chilpericum, Henricos, Richardum  
Angliæ, Christiernum Daniæ, Ma-  
riam Scotiæ; non humanas cogita-  
tiones, in ipso ortu cadentes, ac tan-  
quam inter labra morientia verba,  
ridebit? non diuites has fallacésque  
sponsiones umbræ fumóque similes  
contemnet? & vera dicet illa Boëtij;  
*Plena est exemplorum vetustas, plena  
etiam præsens ætas, qui reges felicitatem  
calamitate mutarunt?*

Fuge proinde ambitiosas has ma-  
gnorum cogitationes si exitum pa-  
uescis. præcipitia, vncus, tortor, ca-  
nes, ferrum, venena, flammæ, super-  
biæ comites te terreant. Magis verò  
omnis in Religione fugienda arro-  
gantia est. humilitatis illa schola est.

mentitur quisquis in fastu Religiosū se profitetur. nō possunt simul stabulare superbia & humilitas, nec vnum pectus vtrumque capit : sed nec vnum cælum. iam non Religio prælusio quædam cæli est, & anteambula illius porticus ? non agnoscunt hæc atria suos, quos excludit cælum. excludentis Dei verba sunt: *Nisi efficiamini sicut paruuli, non intrabitis in regnum calorum. Quicumque ergo humiliauerit se sicut paruulus iste, hic est maior in regno calorum.* magnitudinem humilitate metitur, vt cælestis iam magnitudinis mensura humilitas sit. superbia ergo esse non potest. & si gaudiorum illa est, pœnarum hæc erit. Et sanè nescio an dementia maior reperiri possit Religioso arrogante. monstrum veriùs quàm Religiosus est, quicumque in Religioso, hoc est humilitatis habitu, superbiam amat & tegit : sub ouina nimirum pelle lupum, sub columbæ pennis coruum. nam quid in Religione superbus quærit ? Christum ? verba illius sunt : *Discite à me quia mitis sum*

*Matth.*  
18.

*Matth.*  
11.

& humilis corde. animi tranquillita-  
 tem? addit, *Et inuenietis requiem ani-*  
*mabus uestris.* vt scias pacem ab hu-  
 militate esse; iactationē, collisionem  
 ac tempestatem à superbia. nam inter *Prou. 13.*  
*superbos semper sunt iurgia.* fluctus ni-  
 mirum perpetui, & decumanis ma-  
 iores. quærit Deum? at ille *superbis* *1. Pet. 5.*  
*resistit, humilibus autem dat gratiam.*  
 quærit ab eo extolli? *Humiliamini in* *Iac. 4.*  
*conspectu Domini, & exaltabit vos.* con-  
 silium est Apostoli. & , *Omnis qui se* *Luc. 14.*  
*exaltat, humiliabitur; & qui se humiliat,*  
*exaltabitur.* primum quærit? audiat  
 Dominum: *Quicumque voluerit fieri* *Marci*  
*maior, erit vester minister: & quicumque* *10.*  
*voluerit in vobis primus esse, erit om-*  
*nium seruus.* nam & filius hominis non  
 venit vt ministraretur ei, sed vt mini-  
 straret. Et alibi: *Qui minor inter vos* *Luc. 9.*  
*omnes, hic maior est* Superbiam proinde  
 omnis detestabitur, quisquis imi-  
 tator Christi sui erit; & famulatum  
 illius exemplo deliget, quisquis do-  
 minatum in cælo sperat; nec super-  
 biam tantum, sed & superbiorum  
 consuetudinem vitabit. nam & *qui* *Ecclesi. 13.*  
 tetè

retigerit picem, inquinabitur ab ea, ita qui communicat superbo, induet superbiam. in fuga ergo salus. ac ne eiusdem sceleris reus fiat, familiaritatem excutiat, ne etiam ignarus venena bibat; quæ nullo postmodum conatu excutiat. & sola hîc etiam suspicio noxia est. & ut pericula de propinquitate desint, verum tamen illud olim & semper: *Vbi fuerit superbia, ibi erit & contumelia: vbi autem est humilitas, ibi est sapientia.* Ut vel hoc solo nomine fugienda Superiori superbia, amplectenda humilitas, cum illi contumelia, huic adnexa sapientia sit: qua stante fortunata stant imperia, cadente cadunt. Claudio hoc caput Tragœdi nimiùm veris in superbum minis:

*Dominare tumidus, spiritus altos  
gere,  
Sequitur superbos ultor à tergo Deus.*

*Ira*



*Ira moderanda.*

CAPUT XXIV.

**V**ir enim iracundus provocat rixas, *Prou. 15.*  
 & qui patiens est, mitigat suscitatas.  
 Et alibi: *Ira & furor, utraque execrabilia sunt.* *Eccli. 27.* ut grande in primis imperiis malum ira sit: quæ ubi totum hominem occupauerit, ad æternum non raro pœnitenda præcipitat, solumque remediũ vna pœnitudine clauditur, omni propè emendationis spe erepta. Hinc tot Superiores effreni quadam iracundia è summo fastigio ad ignobilem deducti cinerem, infelicia irarum exempla posteritati dederunt. quot starent regna, si victor sui stetisset in regibus animus? exurrexit in ignes, & secuta flamma regnorum vastatrix. inde iam vilis puluis, è quo toties illud decantatum: *Nunc campi ubi Troia fuit.* esset Troia; si stetisset indignatio, laxata huic frena, & Troia fuit. eadem de primis orbis quæ patent imperiis dici possunt.

possunt. Iam quantorum regum augustæ starent domus, si repressus sui domitor stetisset animus? indignationi campi dati, & addita non infrequenter ab adulatoribus, aut nouorum cupidis, calcaria; & nec nomina nunc nota, aut si nota nomina, fatuæ iracundiæ exempla in infelici purpura iacent, solis secuturis profutura. Iam quanta regnis omnibus nobilitas viueret, si clementia strinxisset habenas? laxauit ira, & viduata nobilitate & robore, tanquam excisis vndique neruis languent, inærentque hostibus præda, & imbellis sæpe vicini populi premuntur iugo. & quantæ nunc exurgeret priuatorum ædes, inuidiam Principibus facturæ? quot felici fecundæque in spem magnam sobole exultarent matres? vna & illas & has strauit indignatio. & præter lacrymas & dura noctibus suspicia tenebris amica nihil superest. quot vrbes momento prouocata indignatio æquauit solo? & nomen iam nullum. quot regnorum & orbis propugnacula indignationis scintilla

tilla vnica ad humilem deduxit arenam? quantos toga sagóque magnos modica indignatio hostibus ludibrium dedit? quanti religione non postremi plusculum iræ indulgentes fabula facti vulgi? Nec iram tantum, sed quécunque in iram proum fugiendum esse monet Sapiens: *Noli esse amicus homini iracundo.* ne himiru in dána sua te trahat: vt socius factus vitiorum, socius fias periculorum.

Ingens in omni hominum genere malum, quod prudentissimos etiam ad nomine & posteritate indigna percudit. nec mirum, cum ferè rationem qua vna à belluis discernimur, adimat; aut tam validè concutiat, vt vix veteris iudicij, firmitatis, roboris semina reperiās. Grandius deteriusque ebrietate malum, quia plures occupat, quia impotentior ebrietas irā quā vīno nata, quia afferatior, quia validior in malum, quia diutius tenet, & infuustiores eluentis dare consuevit. quo magis vitanda Superiori est, cum nulli magis quā imperantibus noxia sit: quorum ferè

indignationes in vno capite stare nō solent; plures tangunt, & actu suo amburunt multos. Mala vitij huius breuib; complexus Ambrosius est: *Ira inter cetera vitia nihil aspecius, nihil inuenitur amarius, quæ dū ultra modum efferbuerit, atrociter mentem exulcerat, sensum hebetat, linguam immutat, oculos obumbrat, totūque corpus perturbat. hinc protinus rixæ, contumeliæ, clamor, indignatio, tumor mentis, & blasphemie suscitantur.* Et Chrysostomus: *Nihil iracundo homine insuauius, nihil infestius, turpius nihil, fera potius quàm iracundo homini cohabitandum. illa cum mansuefacta fuerunt, suam seruiant legem: hunc quoties mitigaueris, rursum efferatur.*

In Religione verò eo magis fugiendum malum, quo mansuetudo & clementia iracundiæ inimica propriæ Religionis virtutes sunt: à quibus quantum receditur, tantum à genuino Religionis spiritu aberratur. & si in vllō hominū genere turpis illa irarū ebrietas sit, turpissima in Superiore est. quem cūm pruden-

tia

tria ceteros antecellere deceat, caput  
nimirum membris, tum miserrimum  
est longissimè ab illa exulare, & in-  
surgentibus iracundiæ tanquam vini  
vaporibus cerebri deliquia pati, eâ-  
que hac administra dicere & facere  
quæ non dicam, non sani sunt Supe-  
rioris, sed nec hominis. Insurgit sæ-  
uítque hac duce sæpe Superior in  
innocētes, præmiat noxios, innoxios  
damnat, præpròpera in domini caput  
ruitura subit consilia, & in eum se  
frequenter locum coniicit, è quo  
integra fama & salute, nec se nec  
suos recipere potest. quid? quòd ip-  
sam etiam Religionem in grande no-  
minis discrimen adducat, hostibús-  
que ridendam obiiciat, omnibus tu-  
telaribus armis nudatam. non fie-  
rent hæc si efferæ huius belluæ im-  
petus reprimeret, si compedibus lo-  
rísque stringeret, si moram tanquam  
frenum impruidè ruenti iniiceret;  
si nihil hac duce ac monitrice sta-  
tueret, nihil huius imperiis aut con-  
siliis concederet, negaret omnia; si  
vt seruum haberet, quem tūrpe est

imperare domino ; si vt hostem vinculis stringeret ; si denique vt nouaculam iugulo , vt ense pectore , vt venena labris remoueret , memor Poëtæ :

*Ira furor brevis est. animum rege, qui  
nisi paret,*

*Imperat, hunc frenis, hunc tu compe-  
sce catena.*

memor Stoici : Optimum est ad primum mali sensum mederi sibi, tum verbis quoque suis minimum libertatis dare, & inhibere impetum. hinc illud Comici laudatum semper :

*Existimandus ille prastantissimus,*

*Iniurias qui ferre nouit maximas.*

qui nimirum iram domuit, qui extinxit calorem, qui efferos illius motus calcauit. Commendati ab hac re Ptolemæus II. Ægyptius, Hiero Syracusanus, Augustus, Traianus, Hadrianus, Aurelianus ; cuius illud circumfertur, *Quo maior, eo placabilior.* Epaminondas, cuius, post innumeras propè à patria iniurias, hæc vox, *Nefas esse patriæ irasci.* Aragonū Alphonsus, cuius illud magni regis est : *Re-*

*gum esse non modo benefacere . sed mala etiam patienter audire: nec exurgere in iram aut facilem in illam esse.*

Et sanè, si vllius vitij irēdiæ in primis iugū excutere à se Superior debet, cum hæc omnis prudentiæ, qua imperia stare firmariq; solēt, hostis sit acerrima; vt quæ nullū illi locū concedat, omnē eripiat & euertat; maturioris consilij inimica, cum omne deliberationibus tēpus excludat. calidè nimirū arrepta, calidiū etia exequitur, & fecisse illi pro cōsilio est; imperasse; deliberasse est. quin & anteuertūt plerumque imperia cogitationē: tam fatuo celeriq; procursu malum hoc ruit. Insurgit deinde sæpe Superior, dum immoderatis caloribus indulget, in cōuitia & contumelias, & pro ratione illi calor est. quæ res cum prouocet non infrequenter in paria inferiorem, per facile videre est quanta meritò timeri incommoda debeant: cum nihil promptius sit quàm ignibus ignes excitari, & flammam vnā aliam parere. Neque enim sēper ea moderatione inferior

est, vt perpetuam aquam ignibus Superioris offundat. abripitur sæpe, & priusquam rationi locum tribuat, ignibus Superioris accenditur, & antè propè ardet quàm æstum senserit, vt iam nec deliberationi, nec rationi locus sit, cùm incogitantem Superior & imparatū aggressus, calorem calore prouocat, immemórque inferior conditionis suæ & Superioris, insurgit in paria venerationis oblitus. hinc ea vtrimque dicuntur quæ seriùs indiéta vellemus, nec emendationem admittunt, non magis quàm è præcipitio saltus; reliquísque ad eadem audenda animos addit. quo fit vt omnis paulatim Superioris auctoritas colliquescat: sed & omnis prudentiæ opinio euanescat, sequitur diffidentia quædam, & violandi secreti timor, cùm non omnino immeritò vereri inferior possit, ne è præproperis caloribus, excussa ratione, ea Superiori excidant, quæ sanctè illi ab inferioribus cōcredita. quo fit, vt timore crescente, fiducia exulet, nec vulnera iam morbosque suos



suos inferior Superiori retegat, claudat potiùs, ne quæ secretum postulant, subitis æstibus erumpant. quare cùm morbi vulneraque premuntur, & medicam manum auersantur, quid nisi grauiora metuenda sunt? Iam Superior in quos non errores, nulla arte corrigendos, suorum ignoratione labetur?

Illud etiam in hoc vitio malum, cùm Superior iracundia imperante, præproperè aliquid statuit, vix remedio locū relinqui. reuocare enim imperata, durum; perstare in imprudenti decreto, grauius. vtrîque nomē & auctoritas periclitantur. reuocabit? imprudentiā fatebitur: stabit in sententia? damna metuenda sunt. inter hæc mediam inuenire & sequi viam difficile. quo fit vt plurimùm, ne insipientiā fateri cogatur, in malè imperatis perseueret. è quâ & quanta necessum nasci incommoda nemo non videat.

Nemo ergo Superior è primis valoribus ad res verbæque erumpet. ac vbi subnascentes senserit ira-

cundiaē stimulos, moram, tanquam  
aquam & puluina ignibus & spi-  
nis subiiciet. audiet Poëtam: *Da  
spatium, tenuemque moram; malè cun-  
cta ministrat Impetus.* & alium: *Dum  
furor in cursu est, currenti cede furori,  
& Gregorium: Quoties ira animum  
inuadit, mentem edoma, vince teipsum.  
differ tempus furoris, & cum tranquil-  
la mens fuerit, quod placet vindica: ira  
enim in vindicta malorum sequi habet  
rationem, non preire: ut quasi ancilla  
iustitiæ post tergum veniat, & non lasci-  
ua ante faciem prorumpat.*

Sed neque ex iracundiæ imperio  
profiliet ad imperia, tempus aliquod  
sibi & iræ dabit, ut temperato calo-  
re maturius certiusque aliquid sta-  
tuat, memor ebria consilia ebrios  
euentus accersere. ira ebrietas quæ-  
dam animi est, nihil proinde in hac  
vir prudens decernet; edormiet an-  
tè hoc vinum, ut reddita sibi men-  
te, nihil pœnitendum dicat, nihil  
faciat.

*Duritia & remissio declinanda.*

CAPVT XXV.

**D**Vram & insuauem gubernationem faciunt:

Si rigidiores semper in imperio partem sequatur, nunquam in benigniorem se flectat Superior; extrema urgeat, & quæ duritiem ac seueritatem sapiunt studiosè disquirat. per illà suos ad propositum sibi finè deducat; ac licet per mitiora faciliore via possit, auersetur tamè illa, & quidquid suauitatē redolet, immemor fragilitatis humanæ, immemorque diuersitatum ac constitutionum suorum, omnes eadem per omnia semita ducat; ferant aut non ferant vires, exhorreat imperata subditus an amet; periculis illum, dedecori, maiorumque oblocutionibus exponat an secus; emolumentum inde sperari possit an dāna, omnibus eadē tenenda via est. obdurauit nimirum animum Superior, sibi que persuasit

possunt. Iam quantorum regum augustæ starent domus, si repressus sui domitor steterisset animus? indignationi campi dati, & addita non infrequenter ab adulatoribus, aut nouorum cupidis, calcaria; & nec nomina nunc nota. aut si nota nomina, fatuæ iracundiæ exempla in infelici purpura iacent, solis secuturis profutura. Iam quanta regnis omnibus nobilitas viueret, si clementia strinxisset habenas? laxauit ira, & viduata nobilitate & robore, tanquam excisis vndique neruis languent, mœrentque hostibus præda, & imbellis sæpe vicini populi premuntur iugo. & quantæ nunc exurgeret priuatorum ædes, inuidiam Principibus facturæ? quot felici fecundæque in spem magnam sobole exultarent matres? vna & illas & has strauit indignatio. & præter lacrymas & dura noctibus suspitionia tenebris amica nihil superest. quot vrbes momento prouocata indignatio æquauit solo? & nomen iam nullum. quot regnorum & orbis propugnacula indignationis scintilla

tilla vnica ad humilem deduxit arenam? quantos toga sagóque magnos modica indignatio hostibus ludibrium dedit? quanti religione non postremi plusculum iræ indulgentes fabula facti vulgi? Nec iram tantum, sed quécunque in iram prouum fugiendum esse monet Sapiens: *Noli esse amicus homini iracundo:* ne himirū in dāna sua te trahat: vt socius factus vitiorum, socius fias periculorum.

Ingens in omni hominum genere malum, quod prudentissimos etiam ad nomine & posteritate indigna perculit. nec mirum, cum ferè rationem qua vna à belluis discernimur, adimat; aut tam validè concutiat, vt. vix veteris iudicij, firmitatis, roboris semina reperiās. Grandius deteriusque ebrietate malum, quia plures occupat, quia impotentior ebrietas irā quā vīno nata, quia afferatior, quia validior in malum, quia diutius tenet, & in faustiores euentus dare consuevit. quo magis vitanda Superiori est, cum nulli magis quā imperantibus noxia sit: quorum ferè

indignationes in vno capite stare nō solent; plures tangunt, & æstu suo amburunt multos. Mala vitij huius breuibus complexus Ambrosius est: *Ira inter cetera vitia nihil asperius, nihil inuenitur amarius, quæ dū ultra modum efferbuerit, atrociter mentem exulcerat, sensum hebetat, linguam immutat, oculos obumbrat, totūque corpus perturbat. hinc protinus rixæ, contumeliæ, clamor, indignatio, tumor mentis, & blasphemia suscitantur. Et Chrysostomus: Nihil iracundo homine insuauius, nihil infestius, turpius nihil, feræ potius quàm iracundo homini cohabitandum. illæ cū mansuefactæ fuerunt, suam seruiant legem: hunc quoties mitigaueris, rursus effertur.*

In Religione verò eo magis fugiendum malum, quo mansuetudo & clementia iracundiæ inimica propriæ Religionis virtutes sunt: à quibus quantum receditur, tantum à genuino Religionis spiritu aberratur. & si in vllō hominū genere turpis illa irarum ebrietas sit, turpissima in Superiore est. quem cū pruden-

tia

tria ceteros antecellere deceat, caput  
nimirum membris, tum miserrimum  
est longissimè ab illa exulare, & in-  
surgentibus iracundiæ tanquam vini  
vaporibus cerebri deliquia pari, eâ-  
que hac administra dicere & facere  
quæ non dicam, non sani sunt Supe-  
rioris, sed nec hominis. Insurgit sæ-  
uítque hac duce sæpe Superior in  
innocētes, præmiat noxios, innoxios  
damnat, præpropera in domini caput  
ruitura subit consilia, & in eum se  
frequenter locum coniicit, è quo  
integra fama & salute, nec se nec  
suos recipere potest. quid? quòd ip-  
sam etiam Religionem in grande no-  
minis discrimen adducat, hostibús-  
que ridendam obiiciat, omnibus tu-  
telaribus armis nudatam. non fie-  
rent hæc si efferæ huius belluæ im-  
petus reprimeret, si compedibus lo-  
rísque stringeret, si moram tanquam  
frenum improuidè ruenti iniiceret;  
si nihil hac duce ac monitrice sta-  
tueret, nihil huius imperiis aut con-  
siliis concederet, negaret omnia; si  
vt seruum haberet, quem turpe est

imperare domino ; si vt hostem vinculis stringeret ; si denique vt nouaculam iugulo , vt ensẽ pectore , vt venena labris remoueret , memor Poëtæ :

*Ira furor brevis est. animum rege, qui  
nisi paret,*

*Imperat, hunc frenis, hunc tu compe-  
sce catena.*

memor Stoici : Optimum est ad primum mali sensum mederi sibi, tum verbis quoque suis minimum libertatis dare, & inhibere impetum. hinc illud Comici laudatum semper :

*Existimandus ille prastantissimus ,*

*Iniurias qui ferre nouit maximas.*

qui nimirum iram domuit , qui extinxit calorem , qui efferos illius motus calcauit. Commendati ab hac re Ptolemæus II. Ægyptius, Hiero Syracusanus, Augustus, Traianus , Hadrianus, Aurelianus ; cuius illud circumfertur , *Quo maior , eo placabilior.* Epaminondas, cuius, post innumeras propè à patria iniurias, hæc vox, *Nefas esse patrie irasci.* Aragonũ Alphon-  
sus, cuius illud magni regis est : *Re-*



*gum esse non modo benefacere, sed mala etiam patienter audire: nec exurgere in iram aut facilem in illam esse.*

Et sanè, si vilius vitij iracundiæ in primis iugum excutere à se Superior debet, cum hæc omnis prudentiæ, qua imperia stare firmariq; solent, hostis sit acerrima; vt quæ nullum illi locum concedat, omnem eripiat & euertat; maturioris consilij inimica, cum omne deliberationibus tempus excludat. calidè nimirum arrepta, calidiùs etià exequitur, & fecisse illi pro consilio est; imperasse, deliberasse est. quin & anteuertunt plerumque imperia cogitationem: tam fatuo celeriq; procursu malum hoc ruit. Insurgit deinde sæpe Superior, dum immoderatis caloribus indulget, in contumelias & contumelias, & pro ratione illi calor est. quæ res cum prouocet non infrequenter in paria inferiorem, perfacile videre est quanta meritò timeri incommoda debeant: cum nihil promptius sit quàm ignibus ignes excitari, & flammam vnâ aliam parere. Neque enim sæper ea moderatione inferior

est, vt perpetuam aquam ignibus Superioris offundat. abripitur sæpe, & priusquam rationi locum tribuat, ignibus Superioris accenditur, & antè propè ardet quàm æstum senserit, vt iam nec deliberationi, nec rationi locus sit, cùm incogitantem Superior & imparatū aggressus, calorem calore prouocat, immemórque inferior conditionis suæ & Superioris, insurgit in paria venerationis oblitus. hinc ea vtrimque dicuntur quæ seriùs indiéta vellemus, nec emendationem admittunt, non magis quàm è præcipitio saltus; reliquísque ad eadem audenda animos addit. quo fit vt omnis paulatim Superioris auctoritas collique scat: sed & omnis prudentiæ opinio euanescat, sequitur diffidentia quædam, & violandi secreti timor, cùm non omnino immeritò vereri inferior possit, ne è præproperis caloribus, excussa ratione, ea Superiori excidant, quæ sanctè illi ab inferioribus cōcredita. quo fit, vt timore crescente, fiducia exulet, nec vulnera iam morbósque suos

suos inferior Superiori retegat, claudat potiùs, ne quæ secretum postulant, subitis æstibus erumpant. quare cùm morbi vulneraque premuntur, & medicam manum auersantur, quid nisi grauiora metuenda sunt? Iam Superior in quos non errores, nulla arte corrigendos, suorum ignorance labetur?

Illud etiam in hoc vitio malum, cùm Superior iracundia imperante, præproperè aliquid statuit, vix remedio locū relinqui. reuocare enim imperata, durum; perstare in imprudenti decreto, grauius. vtrūque nōmē & auctoritas periclitantur. reuocabit? imprudentiā fatebitur: stabit in sententia? damna metuenda sunt. inter hæc mediā inuenire & sequi viam difficile. quo fit vt plurimū, ne insipientiā fateri cogatur, in malè imperatis perseueret. è quare quanta necessum nasci incommoda nemo non videat.

Nemo ergo Superior è primis valoribus ad res verbæque erumpet. ac vbi subnascentes senserit ira-

cundiaē stimulos, moram, tanquam  
 aquam & puluina ignibus & spi-  
 nis subiiciet. audiet Poëtā: *Da  
 spatium, tenuēque moram; malè cun-  
 cta ministrat Impetus.* & aliū: *Dum  
 furor in cursu est, currenti cede furori,  
 & Gregorium: Quoties ira animum  
 inuadit, mentem edoma, vince teipsum.  
 differ tempus furoris, & cum tranquil-  
 la mens fuerit, quod placet vindica: ira  
 enim in vindicta malorum sequi habet  
 rationem, non praeire: ut quasi ancilla  
 iustitiae post tergum veniat, & non lasci-  
 ua ante faciem prorumpat.*

Sed neque ex iracundiaē imperio  
 profiliet ad imperia, tempus aliquod  
 sibi & irae dabit, ut temperato calo-  
 re maturius certiūque aliquid sta-  
 tuat, memor ebria consilia ebrios  
 euentus accersere. ira ebrietas quæ-  
 dam animi est, nihil proinde in hac  
 vir prudens decernet; edormiet an-  
 tē hoc vinum, ut reddita sibi men-  
 te, nihil pœnitendum dicat, nihil  
 faciat.

*Duritia & remissio declinanda.*

CAPVT XXV.

**D**Vram & insuauem gubernationem faciunt:

Si rigidiores semper in imperio partem sequatur, nunquam in benigniores se flectat Superior; extrema urgeat, & quæ duritiem ac seueritatem sapiunt studiosè disquirat. per illà suos ad propositum sibi finè deducat; ac licet per mitiora faciliore via possit, auersetur tamē illa, & quidquid suauitatē redolet, immemor fragilitatis humanæ, immemorque diuersitatum ac constitutionum suorum, omnes eadem per omnia semita ducat; ferant aut non ferant vires, exhorreat imperata subditis an amet; periculis illum, dedecori; maiorūque oblocutionibus exponat an secus; emolumentum inde sperari possit an dāna, omnibus eadē tenenda via est. obdurauit nimirum animum Superior, sibi que persuasit

inferioribus, vt instrumentis ratione carentibus, non vt ratione præditis vtendum esse. nihil proinde corporis aut animi imbecillitati, nihil vlli excusationi dandum, principio huic inhærens, hoc esse imperare; velle & exequi, nec vltra; degeneremque imperio esse qui alios audiat, quique conceptam semel sententiam, quibuscunque in mediũ allatis mutet.

Barbaræ omnino sunt hæ cogitationes, & quæ imperium ferro & ignibus, non ratione tuentur. quomagis alienissimæ ab omni Superiore Religioso esse debent: cui maxima cura roboris, imbecillitatis, propensionis etiam ac auersionis naturalis; ita vt licet subditum parem oneribus aut muneri imponendõ sciat, si tamen alienum ab eo videat, animum primò illius componat, aptet ad imperata suscipienda, exspectetque donec paratũ aut sanè non abhorrentem expertus fuerit; ne si tam crudè imparato imponat, sentiat reluctantem, ac iugum etiam excutientem. Idem videmus in humanis,

manis, nemo rudi aut indolato ferro  
aut ligno imaginem insculpit, aptat  
antè materiam formæ suscipiendæ.  
sed neque semina quis immittit in-  
cultæ terræ, subigit hâc variè, ac pin-  
guibus fœcundat. nec mǎncipio quis-  
quam aut iumento viribus imparia  
imponit: meritur variè antè robur,  
ne, si succumbat oneri, & mancipio  
spolietur, & excussorum onerum  
damna sentiat. Faciet idem Supe-  
rior, animum imperatis aptabit, sin-  
gulorum robur serius scrutator con-  
siderabit, incipiet à minoribus, tran-  
scendet inde paulatim ad maiora, ad  
summa demum, manúmque semper  
ipse admouebit, benignioribúsq;ue  
verbis, monitísque oneris magnitu-  
dinem leuabit ac mitigabit. Inuenies  
hoc in omni prudenti ciuili gubèr-  
natione, in militia, in toga, in per-  
colendis etiam agris.

Si timeri magis quàm amari desi-  
deret: & metu suos magis ad obse-  
quia quàm amore impellat, quod  
arbitretur imperia à timore nata pro-  
pius maiestatem quandam veri im-  
perij

perij referre, ac plus secum venerationis adducere; quasi non maiore certioréque voluntate ferantur inferiores in amantem & patrem, quàm in dominum, minis, pœnis ac timoribus familiam implentem. Grauis hæc res iis, qui se suâque omnia, vltionem non coactâ voluntate; nec pretio, sed amoris diuini impulsu, Superiori tanquam patri, non domino, subdiderunt: qui seruiles hos timores despoticam gubernationem comitantes semper exhorruerunt. Sanè si Superior cogitet patrem se, non dominum suis à Deo datum, filiosque sibi, non seruos aut mancipia ab illo concredita, & vocationis etiam & adoptionis prærogatiuâ pares, fors & virtute & cælestibus præmiationibus superiores; non descendet ad hæc imperia: sed neque ad aspera & duriora verba & iudicem suum loquentia. cogitabit enim se patrem, adeoque & matrem, nec obliuiscetur cum Christo suo concreditorum sibi cælitus filiorum. quin antè mater vteri vberumque  
obli



obliuiscetur, quàm ipse domesticorum suorum. sed neque imperata sæuioribus inuoluet verbis, memor medicorum, qui medicamenta per se amara suauius vestiunt, & mollibus adiuuant, omnique verborum lenitate amaritudinem mitigant, horrorem leniunt.

Si pari zelo, studio, ardoreque 3 minima vt maxima exigit, aut illa etiam maiore; pari etiam transgressores pœnâ feriat, pariûmque in illis verborum maiestate, pondere ac robore vtatur: vt culparum discrimina nesciat. nisi quòd à suo ingenio suâque illas propensiore aut alieniore voluntate metiatur. quasi si quis ciborum præstantiam aut malignitatem à gustu suo statuatur: aut rerum magnitudinem aut vilitatem à pronitate sua in illas nominet. Non leuis error cùm minima quæque tantis verborum ponderibus in altum tolluntur, tanquam si vniuersæ ab iis Religionis salus, robur, incolumitas, bonâq; valetudo pēdeat; aut tanquā si minimorum omnium transgressio,

extremorum criminum culpa sit. quæ res tirones & à matris vberibus recentes in stuporem quendam impellit, anxiosque ac sollicitos habet, ac in grauem profundumque non raro mœrorem, animo in primis noxium abiicit : veteranis verò risum & contemptum prouocat, ingentemque conceptæ antè de Superioris prudentia opinionis diminutionem.

- 4 Si omnibus ad se delatis, tanquam certis & falli nesciis adhæreat. vt nullum subdito pro se respondendi locum concedat, & antè acerbè moneat, indicisque personam induat expleatque, quàm pro se dicentem reum audierit, parantemque dicere acrioribus repellat, vel quòd alieniore à reo sit animo, vel quòd accusatori coniunctior ob priuatas familiaritates & amicitias, aut ob virtutis rectique opinionem, plus illius verbis & delationibus tribuat ; rei verò omnem purgationem eleuet, singulaque propè illius verba carpat, atque ad omnia acerbà quædã reponat, ostendatque se illi diffidere, suspectum

ctum habere. quæ res magnam animorum acerbicatem ingenerat, magnam alienationem, præbétque ingentem oblocutionum materiam, ac in graues non rarò nulla postmodum industria emendandos errores Superiorem præcipitat: cùm innocentissimi sæpè damnentur, liberentur noxij, & in vltimos non rarò mærores, mortem frequenter allaturos, extra omnem omnino culpam positi coniiciantur; aut vt minimum ab omni digniore munere ingenti Religionis damno arceantur, dignissimi alioqui quibus maxima quæque summo Religionis bono committantur.

Si alienum ab inferiore animum habeat, illùmque quàm verbis, quàm factis non obscurè præ se ferat, dictaque factaque illius in deteriore ferè partem interpretetur. nihil illi laude dignum credat, nec parum etiã priuatim publicèque apud alios de virtutis illius opinione detractum eat; si quid commendatione dignum egerit, deprimat; sicubi in re leuissimam

ma erratum, supra verum extollat. si  
 ut minùs sincerum, minùsque sibi  
 addictum habeat, aut auersum etiam  
 à se arbitretur, factorumque suo-  
 rum subditum obseruatorem, dicto-  
 rumque malignum interpretem pu-  
 tet; quo fiat ut omnia illius Superio-  
 ri suspectissima sint. quæ res parem  
 inferiori suspicionem ingenerat, dif-  
 fidentiamque in omnibus parem,  
 cum diffidentiam diffidentia pro-  
 uocet, mutuoque se animent ac  
 acuant. atque hinc nulla vtrimque  
 fides. cuius loco doli succedunt, ac  
 fraudulentæ molitiones in mutuam  
 perniciem excogitatæ. quod malum  
 sola personarum locorumque mu-  
 tatione curari potest.

- 6 Si ad quæcunque petuntur, aut  
 dubius hæreat, quasi insidias me-  
 tuens, aut rogata neget, ne auditis  
 quidem aut admissis petentis ratio-  
 nibus, nullâ habitâ ratione utilitatis,  
 necessitatis, benignitatis, aut boni  
 maioris: cum putet sibi que persua-  
 deat hoc demum esse imperare si pro  
 arbitrato suo neget omnia, nullarum

omnino orationum, sed solius suæ potestatis memor, quam in subita nudâque negatione constitutam esse putat: aut sanè nihil concedat, nisi tantis, magno verborum pondere ac morositate, motis difficultatibus, ut gratus foret negasse, quàm talibus verbis concessisse. exorta enim hæc quasi ab inuito, non à benefico patre concessa agnoscit inferior. neque potest gratum hoc munus esse, quod tot necessitatum interrogatiunculis, tot allatis difficultatibus tanquam perpetuis in orbem spinis implexum est, ut nusquam propè tangi sine vulnere aut liuore possit.

Remissam nimium ac languenti similem, ac quasi animo delinquentem gubernationem faciunt:

Si quasi per neglectum aut contemptum, minimorum observatio iaceat, cum solis maioribus inuigilandum sibi persuaferit; iisque solis incumbendum, quæ offensionem parere aut scandala soleant, reliqua negligat, aut indigna etiam arbitretur quibus seriam manum admoveat,

ueat, tanquam si damna ab his metui non debeant, aut anxie scrupulosarum conscientiarum sollicitudines sint, plúsque feminam quàm virum deceant; aut denique cùm omnium gratiam capter, omnium offensionem deuictet, fortis regularum obseruator audire nolit; remissiorque audire malit, quasi non, vt nimia seueritas imperia ad interitum deducit, ita non etiam nimia benignitas remissioque noxia in primis sit, & non inferiora minetur.

2. Si errantes non moneat, non puniat, siue innatâ quadam animi pusillanimitate, siue placendi omnibus studio, siue nullum offendendi voluntate, siue emendationis desperatione, siue laborum ac molestiarum fugâ. vt proinde impunita omnia transeat, ac vnumquemque motibus suis agi sinat, factus omnibus in interitum indulgentissima semper mater. quæ res non potest non tandem, vt priuatis, ita & Religioni extrema minari, atque ad infausta præcipitia non vltimorum interitu nobilitata  
de

deducere; omni spe restituendi aliquando deperdita, stirpitus adempta. Vetus dictum, *malum quidem esse Principem habere, sub quo nihil ulli liceat; peius verò, eum, sub quo omnia omnibus.*

Si humilitatis amore, ac cuiusdam ;  
quasi perfectionis studio, imperia, seque ipsum negligi ac contemni gaudeat, se suis subiiciat, illorum iudicia suis anteponat; adeoque neglectus cuiusdam sui studio, errare cum illis malit, quàm prudenter suo iudicio imperare, totumque se ita cælestium contemplationi dedat, ut fastidiat reliqua, ad quæ non nisi nauseabundo & tepenti pectore accedat, nec aliter illa quàm per superficiem ac per capillorum vitima tangat: ut dum totus abditæ cuidam pietati incumbit, virtutumque secundis progressibus absorbetur, & ad sola vitæ melioris, os; oculos, manus, mentemque habet; vniuersim se retrahat à reliquis, cum indignum arbitretur bonas horas talibus largiri, maximamque vnam felicitatem  
in

diuinorum meditationibus ita ponit, vt nullam omnino reliquorum rationem habeat; péréant reliqua dum animo suo benè sit, & solatiis fruatur internis, commissorum sibi ingens neglectus est. quos priuatæ magis vitæ ac solitudini quàm imperio natos dixeris. magnos enim fors tales solitudo dabit, gubernacula perdent, & aliorum peccatis cadent, qui pietate sua steterissent.

- 4 Si nimia quadam animi facilitate ac inconstantia ad omnem subditorum propensionem præcelsæque, propositam antè sententiam mutet, illud singulis noxia indulgentia permittendo quod quisque delegerit, difficultatibus quæ in rerum executionibus occurrunt, victus. Quæ res euertendis, non constituendis imperiis aptissima est. neque enim iam Superior, sed singuli veriùs inferiorum imperant; cum non tam illius voluntati inferiores, quàm horum ille obsequitur. sed neque certi quidquam solidique in hoc imperio est, nec securus quisquam inferiorum de



sententia sui Superioris est, cum semper in periculo versetur, ne ad alterius preces aut rationes imperata mutet.

Si ob innatam animo lentitudinem, teporem, pectorisque quoddam frigus, nullis occurrat malorum initiis: omniaque medicamenta ad extrema coniiciat. ac nec tunc quidem manum admoueat, laborum ac difficultatum pertæsus, aut de ægri sui voluntate, parendique studio diffidens. Magnum in imperiis malum, quod aut subditos ad ferrum & ignes, extremorum remedia, impellit, cum leuissimis curari poterant; aut nec tunc quidem inclementi quadam benignitate ac indulgentia manum admouet. arcēdi omnino tales ab omni imperio sunt, adeoque vix ad obsequia & parēdum idonei. sibi his vivere possunt & debent, aliis non possunt. cum ab hac lentitudine nihil sperari præter ingentia damina, ac perpetuum benè gerendarum rerum neglectum possit, omnisque sub hac, domestica disciplina,  
qua

qua vna Religionum robur stare consuevit, tanquam spongia eluatur.

- 6 Si ob respectus quosdam humanos, priuatam familiaritatem, sanguinis coniunctionem, parentum amplitudinem, speratam priuatam aut domus vtilitatem, gratiam qua apud Principes aut benefactores valent, ea permittat inferioribus, quæ cum instituto, felicibusque huius progressibus pugnant; quæque reliquis paria audendi exemplum præbent, aut sanè vniuersam domum miris oblocutionibus implent; si quod vni concesseris, negaueris aliis. & plura etiam audendi materiam suggerunt. quibus ferè concessioni-  
bus, dum plurimum nusquam sistitur, sed vna alteram protrudit, ruina coniuncta est. nam aut omnibus eadem, pariaue permittenda, & omnis religiosa disciplina enervatur ac evertitur; aut quod vni conceditur, negandum aliis, & præter amplam detrahendi materiam, omnes in vnius capitis euersionem armantur:  
nec

nec antè finem faciunt, quàm & Superiorem & illum indulgentiùs habitum penitus euerterint.

Temperanda proinde asperitas benignitate est, & prudentium medicorum more amara dulcibus condienda sunt: quòd si grauior inuacerudo acriora aliquando medicamentà deponcat, verbis hæc, tanquam à matris ore ac vberibus nata, mitiganda, dulcibusque acriora vestienda erunt, propositisque præsentibus periculis, sperataque valetudine animandus æger erit, vt forti promptoque animo duriora vltro deponcat ac perferat, sine quibus interitum merito vereri debeat, quorumque auxilio integram tot modis optatam valetudinem sperare tuto possit.

Nec erit hoc difficile consequi, si inferior Superioris benignitate, solidoque veri parentis affectu prouocatus, aegritudinem omnem suam, tanquam in amatae matris sinum effuderit. ab huius enim manibus, licet sensu repugnantia, lubens volensque quaecunque amara suscipiet, hauriet

riētque spe meliorum plenus.

Et grauis fanè Superiorum error est, qui acriora medicamenta acrioribus obuoluunt verbis: cū & iudices mollioribus animare soleāt reos ad pœnas delictis debitas forti animo subeundas, & amica etiam quædam corpori solatia largiuntur, vt secuturis tormentis parent, quo magis Superior qui veri semper patris, etiā dū punit, personam referre debet? Quod si hīc etiam punitionis finem intueamur, perfacile erit, quibus illa modis instituenda sit, videre. cū enim non interitū, sed inferioris tanquam filij valetudinem, propositam sibi Superior habere debeat, ea adhibenda erunt, non quæ mortem, sed quæ pulsā ægritudine valetudinem reddant. quod nunquam fiet, si reluctantem, animoque acrioribus Superioris sui verbis obduratum, nactus fuerit. neque enim ab illius nouercali ac quasi inimica, & solius iudicis, non patris manu medicamenta suscipiet, quin adeò vbi semel firmauerit mentem, ac quasi callum durio

durioribus increpationibus obdu-  
xerit, antè vitam ponet quàm pro-  
pinata hauriet. & quis æger à morosi  
medici, & asperioribus verbis acria  
medicamenta exacerbantis, porrecta  
sumat? quin adeò si animo vehe-  
menter refragante, & acrioribus ex-  
asperato, medicamenta sumpserit;  
plus periculorum quàm valetudinis  
bonæ exspectare debemus. volunt  
enim etiam medicamenta iuuari, na-  
tureque auxiliarem quandam ma-  
num deposcunt. ita vt hac fortiter  
repugnante, hac in cōtrarium validè  
nitente, vix sperari felix operatio pos-  
sit. Omnis ergo Superiori in medica-  
mentorum præbitione asperitas fu-  
gienda, omnis grauior verborū acri-  
monia, ac quidquid denique turba-  
tum commotumque animum desi-  
gnat. frustra enim his administris  
meliora speret. Sed neque res supra  
verum augenda, neque tenuia in im-  
mensam molem tollenda, nec pa-  
ribus omnia delicta monitis, eo-  
dèmq; verborum pondere casti-  
ganda: quasi si quis omnem ægritudi-

nem pari medicamentorum robore curare velit, & omnibus ignem & ferrum admoueat. quæ res cum extremæ sit dementiæ, tum salutem per paucis, interitum pluribus adfert.

Illud etiam in omni curatione necessarium, vt non vindictæ aut humiliandi ac deprimendi inferiorem, aut alterius minus compositi affectus studio, sed solius valetudinis illius bono ferri videatur. quo fere modo patres medicosque videmus in filiorum & ægriæ constitutione duci. nam si priores in Superiore affectus inferior senserit, obdurescet animo: & frustra valetudo sperabitur tam insolentibus acerbisque porrecta. In negandis deinde quæ inferiores petunt, non despoticis, sed paternis vtatur verbis, rationemque non raro rei negata reddat: animumque poscentis ita paret, vt etiam ipse negata probet: spemque interdum Superior, non inferioris alicuius rei, sed potioris etiam concedendæ ostendat.

In inlatentibus verò malis, & altè  
ani

animo defossis, magna omnino industria, prudentia, circumspeditione ac solertia opus est. in his enim si unquam ab omni omnino verborum acrimonia abstinendum est, ut etiam ea quæ nimiam paternam sapiunt referuntque gravitatem, semouenda sint; cum blandientium hinc matrum mores, vberaque lacte plena porrigenda sint, ut in benignissimæ ac tantum matris sinum, posita verecundiâ, audere incipiat effundere, donec uniuersum virus deprompserit. tunc demum prudens ac benigni medici clementissimique patris dextera accedat. nec difficilis curatio erit. malum enim nouisse propè curasse est.

Denique in omni gubernatione ac quorumcumque delictorum pœnis ita seueritatem mansuetudine Superior temperet, ut plus semper benignitatis quam rigoris, plus patris ac medici ac matris quam solius iudicis referat; memor semper Dei, quem toties patrem ac matrem, ac nonnisi post alia omnia nequidquam tentata iudicem experimur.

Talem verò se Superior inferioribus præbeat, qualem in se delictisq; suis Deum exoptat ac deprecatur. nec in maiores exurgat in suorum delictis iras, indignitates, acerbitates, pœnas, quàm Deum exurgere in suis desiderat.

In omnibus his tamen à nimia remissione caueat Superior: sed ita benignitatem paternâ quadam maturitate ac seueritate misceat, vt nec indulgentior benignitas debitam Religioni disciplinam laxet & eneruet; nec nimius rigor seueritasq; animos vbi exasperauerit, in disciplinæ quoddam odium adigat: sed ita vtramque temperet, vt plus semper in imperiis benignitatis quàm seueritatis éluceat, vt plus in diuinis imperiis clementiæ quàm rigidæ iustitiæ, plus patris, quàm iudicis videremus.



*Anni sumptus non facile ex-  
cedant prouen-  
tus.*

CA P V T XXVI.

**Q**uanta ex huius transgressione  
incommoda nascantur, perfaci-  
lè videbit qui propiùs rem intuebi-  
tur. hinc enim æris alieni exoritur  
onus graue, importunæ credito-  
rum molestæque sollicitationes,  
famæ nominisque dispendia, con-  
ceptus animo inæror, perpetua sol-  
licitudo, anxia mens futurorum, quæ  
nec pacatas concedit noctes, non  
dies, curæque curis innascuntur, cum  
æus alienum alteri accrescit. quærun-  
tur inde amici. & qua quæruntur,  
perduntur amici via. ferè enim cum  
mutuatitia pecunia amicitia exui-  
tur. sed & à cogitata familiaritate  
resiliunt multi, veriti ne ad peten-  
dum audaciores cõsuetudo faciat. &

cum consultius arbitrentur non inire amicitias quam paratas rescindere, retrahunt pedem, & aliò cogitationes flectunt.

Perit deinde religiosa monendi ac docendi libertas omnis, cum paucos reperiās ea constantia, qui beneficiis deliniti, audeant, cum res & salus postulat, seria imponere monita. ut, terroribus munera pectus impleant, & obturent ora donaria. nam & offendēdi metus timorquē gratia excidendi, & negandæ pecuniæ trepidatio libertatem tollunt, audaciā minuunt, pudorem iniiciunt. ita dum parcitur amico, perit amicus, & nos simul cum amico graues non raro Dei offensiones incurrimus, causa sæpè in illo grauioris delicti. quod crescit monitoris ignauia, & scelera virtutes arbitramur, cum silentio viri Religiosi adiuuantur. & delictum iam huius est, qui cum debuit, & potuit, non monuit. adeò sperata spes lucri obfirmat ora, & audaciam eripit, & simulationem adducit, & animos deiecit.

Offensiones hinc etiam nascuntur externorum, & lata detractio-  
num materia porrigitur, vt totis iam  
campis diffundantur oblocutiones;  
& prodigus Superior audiat, & alie-  
ni cupidus, & sui negligens, & fa-  
tuus erogator, & prudentia prou-  
dentiæque destitutus, & miseratione  
indignus & auxilio, familiæque sibi  
concreditæ depopulator.

Inde ingens noxiæque in primis  
libertas subditis conceditur. cùm  
enim se rerum inopia premi Superior  
sentit, nihil prius habent, quàm vt  
necessaria parandi, suis facultatē lar-  
giatur, quò se hoc onere expediat.  
e quibus initiis neglecta iacet pau-  
pertas, æmulationū exurgunt maria;  
quærentur modi, virtute non possu-  
mus? vitia aperient viam. & iam à  
mulierculis emendicamus quod ne-  
gatum domi est. hinc ille felicior qui  
potentioribus coniunctior est: bea-  
túsque qui numero & opibus vin-  
cit; infelix qui potentibus destitui-  
tur. vnde variæ exoriuntur molitio-  
nes: & vt ingeniosa egestas est, inue-

niuntur profutura. negat aditum probitas ? improbitas dolique inuenient. nimirum fas, nefas, reperienda potiundi ratio est. non dabit pietas ? fraudes dabunt. vt taceam gratiam omnino hanc rem esse externis, ac in contemptum ire Religionis, & quidquid erat nominis boni plebeio calcari pede, ridendamque propinari familiam totam, & à consuetudine denique talium terri. negare non audent, dare nolunt. ne negare cogantur, familiaritatem fugiunt.

Quin & vniuersa ferè domestica disciplina iacet, cum singuli rebus suis student, plúsque illis operæ quàm perfectioni impendunt, mutuóque se ad commoda exacuunt, & sociorum exemplo paria audent, ad maiora etiám æmulatione accendente. & posterior omnino cura Religionis, prima habendi est. ignorat necessitas modum, cui si per Superiorem strata semita est, omnem egreditur modum. sed & ipse Superior perpetua sollicitudine disciplinæ neglector est. quasi satis illi sit suorum  
indur

industriâ inopiam depelli. quare ne quemquâ familiæ commodū offēdat, permittit omnia, è Religionis illa regula sint an secūs, pro eodem habet: satis illi habuisse. nec necessaria tantū concedit, sed quidquid animo libitum est. cū enim vereatur, ne, si quædam neget, à reliquis excidat; indulget omnia ne cāreat opratis, ne speratis excludatur. hinc superfluarum rerum, & cum Religione pugnantium ingens farrago exoritur, nec iam vltà Religio, sed cauponantium veriùs exurgunt cellæ. vt Religiosum nomen videas, & vestem animo suo vacuam, corticem nimirū arbore sua viduum. habitum & domum si contemplatus fueris, Religiosum arbitraberis: propiùs si accesseris, fuisse reperies. nunc mortem cum libertate bibit. vt ex vero dixerim, Haftenus Religio, & quod de Sodomæ pomis, Mentitur color; si tetigeris, fatiscunt in vagum pulverem, ludunt oculis, manùsque & ora fallunt, & frustra cibus est; eadem de Religione hac dixeris. fuit.

nequidquam hîc quæras. aliò cogitationes flecte.

Sperata denique animorû in proximo salus vniuersa propè perit. nam cùm emendicationis timor familiaritatem neget ac adimat, bene merendi occasionem excludit. neque enim prudens quaquam ignotum melioribus instruit. animum primò parat, beneuolentia deuincit, comitate allicit, benignitate prouocat. inde, vbi tanquam vomere ac sarculo terram, frequentata consuetudine mentem prosciderit, seminique aptauerit, profutura spargit, quæ fœcundis familiaritatû rigationibus exurgant in herbam, in aristam, in cûlmum, in spicam fertili compagine structam, diuite copia fœneratâ, & vsquequaque munitam. neque quidquam facilius, quàm vbi animû læta consuetudine paraueris, sanioribus tingere. nihilque difficilius quàm primo aggressu morosa maturitate ac seria in omnem partem tanquam cana quadam deuexæ ætatis prudentia, mentem ad meliora flectere. vincendus

animus beneuolentia est. imperare qui vicit, potest. expugnandumque comitate pectus. omnia potest qui expugnauit. victor animorum, victor assertionum est. & imperare tutò potest qui possidet. possessio benigna familiaritate paratur. hac vince, & beneficiis: & lubens se suaque victus credet benefico victori suo.

Accedit ad hac crescente cum sumptu supra fortunam ære alieno, vt vniuersa familia opprimatur, & censum debita superent, & aut ad creditores vniuersa transeant, aut alium dominum recta recipiant, prioribus aut emortuis, aut sedem mutare coactis, non sine infami Ordinis ac Religionis signatione, sera post res productas pœnitundine.

---

*Fiducia in Deum.*

CAPVT XXVII.

**E**Xcitabit in se hanc Superior,  
Innexus sponsonibus Sapientis:

*Nullus sperauit in Domino, & confusus* *Eccli. 2.*

Isa. 40. *suus est. Et Prophetæ: Qui sperant in Domino mutabunt fortitudinem, assumment pennas sicut aquila, current, & non laborabunt: ambulabunt, & non deficient. Et magni regis: Tu es Domine spes mea; altissimum posuisti refugium meum. ut audiat Dominum: Quoniam in me sperauit, liberabo eum: protegam eum, eripiam eum, & glorificabo eum, & ostendam illi salutare meum. Ingenti proinde sit in omnibus in Deum fiducia, timorem excutiat, animos induat magnos tanto patre dignos. Res angustæ domi sunt? diuitem habet Dominum cælo repositum, qui nunquam passus est suos fame extinguere; qui coruos alit, & lilia vestit. inimica insurgunt agmina siue terris nata, siue inferis excitata? potentio-rem ducem habet qui vno flatu regnorum disperdet exercitus. maledicæ premunt linguæ, & falsis onerant criminationibus, factæque ac cogitationes domi suæ fabricata innoxio appingunt vertici? Deum vindicem iudicemque intueatur, nec humana metuet.*



pro benefactis mala regerunt? Deū cogitet præmiatorem; tantūque ferè à cælesti mercede decedere, quantum ab humano ore laudis quisque accepit: & gaudebit etiam cū benefacta sua, humana senserit ingratitudine remunerari. dignum Deo spectaculum, benefacere & pati; damnari & laudare; detrahi & amare; dāna inferri & beneficiis onerare; minas intētari & gratias agere; interimi & amplecti, & pro carnificū salūte vota fūdere. pro-uocabit in se hos animos Superior, & humanis maior cœlū cogitabit.

Quid si domesticos patiatur hostes? satis illi si Deum habeat amicū: sibi que persuadeat, aut iusto sibi hæc in delictorum pœnam Dei iudicio euenire, aut in virtutis exercitationē, aut in meriti augmentū. Sanè si certò in animū induxerit suum, à Deo optimo parente siue immittēte, siue permittente hæc prouenire; gaudebit aduersis; nec homini aut hosti imputabit, sed diuino fauori. quin & amabit hostile hoc instrumentum.

tum. hostile enim non fuit, amicum fuit: mercedis enim speratæ magnæ, gratumque cælestia sitienti animæ instrumentum. Nunquam proinde reponat mala vir Religiosus: etiam cum poterit, continebit vindictæ manum, & munificum prodigumque in aduersarios laxabit sinum. hoc demum vincere est, nolle malefacere cum possis; magis etiam si benefeceris, & pro vindicta beneficium cōtuleris. generosi hæc pectoris sunt, & Stephani lapidibus, & Christi sui cruce dignissimi. omnia vicit qui animum vicit. Impellet se magno conatu ad hæc Superior, quo maior in illo ferendi ac reponendi vindictæ ac remunerationis materia est.

Nec difficile erit hanc in Deum fiduciam excitare, si suis non studeat commodis Superior; si solius Dei tangatur gloria, nulla sui; si regularum serius observator, instituti amans; si nihil ad voluptatem suam suorumque, sed ad solam religiosam necessitatē statuatur ambiatque; si orationis mortificationisq; studio incubat;

bat; si in proximorum salutem se,  
suosque, vitamque sanguinemque  
Christi exemplo prodigat; si solis  
caelestibus delectetur. hic enim non  
magno negotio humana contemnet,  
ingentique in Deum suum spe, ne in  
mediis quidem flammis desperabit.  
quin imò crescet crescentibus malis  
animus, ac seipso terrisque maior,  
iudicem Deum metuet, præmiato-  
rem sperabit, nec alium. hoc qui ani-  
mo impresserit, nihilque ab homine  
sperauerit, neminem metuet, huma-  
nisque omnibus celsior, in solo Deo  
fiduciam ponet, certus nec fallere  
ipsum posse, nec velle. quæ res omne  
complacendi aliis studium in Supe-  
riore tollit. E quo placendi suis de-  
siderio innumera propè nasci mala  
videmus. dum ne offendant, à quo-  
rum siue industria, siue ingenio ac  
dexteritate domesticæ res pendent,  
quæcunque etiam cum instituti ra-  
tione pugnantia faciles concedunt  
Superiores: non facerent, si diuinis,  
non humanis viribus res metiren-  
tur. verum cum diuina fiducia va-  
cui,

cui, humana circumspiciunt, ad Religionem indigna dilabuntur; cumque placere studeant, quos commodis suis utiles arbitrantur, aut experiuntur, aut parandis rebus solertes, negare rogantibus nil audent; nec delinquentes monere, ne operam illi suam subtrahant, aut difficiles se ad obsequia præbeant. tanta est placendi studio trepidatio nascitur, omnia ut antè concedant, amica illa aut inimica Religioni sint, quàm offendant. qui si animos in Deum erigerent, viderent ab illius manu promptius certiùsque quàm ab humana beneficia sperari posse: est cælorum scilicet nubibus copiosius quàm est pertenui humano stillicidio aquam depluere.

Et ferè contingit ut tales in manu consilij sui destituant Deus: & frustra, irritoque conatu magna expectant; cum in misera plerumque spelangentem trahant animam, infelicique ferè euentu humanas has cogitationes claudat. omnem proinde spem fiduciamque suam in Deum

con

coniiciat Superior: ille & potest, & sperantibus adesse vult & solet. quod vtriusque fortunæ in vtramque rem exemplis omni historia teste docemur; vsuque rerum magistro discimus plus semper referre è diuite illius penu, qui in illo solo fortiter spem figunt. nam & iniuriam non leuem irrogare videtur Deo, qui ad humanam potius opem quam ad diuinam oculos circumfert, plusque à deciduis rarisque illius guttis, quam ab immenso huius oceano sperat.

Regia proinde incedat via Superior, tenacissimus regularum etiam minimarum exactor, nec ad sinistram nec ad dexteram deflectat, sed laudatissimorum maiorum ingrediatur via, eo certior quo cōstitutionum accuratior obseruator; & nihil sibi suisque, non modò deesse, sed superesse etiam non pauca comperiet: quæ non tantum ad religiosè tuendam vitam suorum, sed & aliorum propellendam ac propulsandam indigentiam necessaria sunt. neque enim se vinci ab homine patietur Deus; aut

munificentiam suam ab humana fiducia superari. audet quis fidere? maiora donare audebit Deus. audet sperare magna? vincet humanam spem Deus, & è locuplete cælorum thesauro, longè maioribus beabit. vt ad humanam egestatem pellendam, satis sit spem suam in Deo posuisse, ac de illius liberalitate magna sperasse. quo enim spes maior est, maiora cælestia dona sunt; vt non tantum æquari, sed innumeris modis vinci à diuina benignitate, humanam spem fiduciamque videamus.

Et verò nobilissima illa concertatio est dignissimaque spectatore cælo, ingens hominis in Deum fiducia, cum immensa huius liberalitate composita; quasi æmula vtriusque fiduciae & munificentiae largitione: tanquam si vinci nollet homo, cum tamen vinci non possit Deus. felix victore Deo homo, in nobilissima fiduciae & liberalitatis arena. vincere quauis ac parari in hac benefica lucta non possit homo; audet tamen imparibus licet viribus, ingentibus animis

prouocare in certamen Deum : vt  
cū victoriæ laudem sperare non  
possit , è conatu tamen validoque  
ausu clarum referat decus , tanto  
gratior futurus Deo , quanto in ma-  
iorem exsurrexerit fiducia ; vt etiam  
hanc vltro prouocare gaudeat Deus,  
ac quasi subditis flammis incende-  
re , quo maiora largiendi causam  
nanciscatur. gaudet enim beneficiis  
Deus , & magnificentiae suae dona  
spargere. nam ipse fiduciam omnem  
excitat & implet : factus in homine  
fiduciae incentor & auctor , vt illam  
benefica prodigaque manu expleat,  
ac longè etiam supra spem votaque  
munificentissimo sinu excipiat , tan-  
quam si situlam petenti tota flumina  
& maria expandat.

Quod si contrahat contineatque  
municam suam hanc manū Deus,  
nec liberalitatis suae nubem expli-  
cet , aut non nisi per lentissima stilli-  
cidia depluat , aut tanquam siccat  
benignitatis imbribus , nec deciduis  
quidem à rarissimis stillicidiis , gut-  
tulis , sperantium in se sinum foueat

recreetque; tacitus secum cogitet Superior, quis cælestem illam nubem, pendulam semper, pronamque paratamque in imbres siccauerit stiteritque; se inquam cogitet, delicta sua, reporem languoremque suum, negligentem supinamque regularum observationem, reliquaque generis huius. si quid erroris sui repererit, seriam manum emendationi admoveat, alta de imo pectore ducantur suspiria, prodigantur lacrymæ, densetur oratio, excitetque deinde se in spem magnam; & audeat quasi iure quodam suo nubes deposcere, & pro stillicidiis imbres speret. impedi-  
mentis enim sublatiis nunquam non pluent illæ nubes; nec iam speratos imbres, sed toto cælo flumina maria-  
que iaculabuntur; ut anhelum val-  
dumque fiducia pectus munificen-  
tiæ suæ sepeliant aquis. neque enim  
sponsionibus quàm factis locuple-  
tior Deus. etiam montes promisit  
transferendos, mortuos ad vitam re-  
uocandos. audeat proinde sperare  
homo, maiora qui potest, largietur  
Deus.



Deus, & pro mōte vno, regna etiam  
transferet, siccabit maria. plurāque  
audeat homo. plura maiorāque per-  
petuus in hac fiducia ac munificen-  
tiæ palæstra victor & triumphator  
concedet Deus, verūmque sponso-  
rem inueniet illum, qui speranti in  
se, *Super aspidem & basiliscum ambu-* Ps.90.  
*labis, & conculcabis leonem & draco-*  
*nem; cū inclamauerit: Dominus fir-* Ps.17.  
*mamentum meum, & refugium meum,*  
*& liberator meus: gloria mea, & exal-*  
*tans caput meum. non timebo millia po-* Ps.7.  
*puli circumdantis me. Dominus salus* Ps.76.  
*mea, quem timebo? protector vitæ meæ, à*  
*quo trepidabo? si consistant aduersum me*  
*castra, non timebit cor meum. in Deo spe-* Ps.55.  
*raui, non timebo quid faciat mihi caro.*

---

*Pietas in Deum.*

**CAPUT XXVIII.**

**C**laudat hunc librum omnis  
prudētis gubernationis, om-  
niūque virtutum firmamentum &  
mater, veræque, non fucatæ sapien-  
tiæ

tiæ comes indiuidua pietas. cùm enim à moderatrice Dei dextera fortunata sperari ; infortunata metui imperia debeant , quis non videat quo studio illa paranda, hæc fugienda Superiori sint ? hinc illa omnium meritò calamis & ore laudanda morientis Seueri Imperatoris verba: *Firmum imperium meis relinquo , si boni erunt ; imbecillum, si mali.* Ad robur & firmitudinem dux pietas probitasque , ad imbecillitatem impietas improbitasque semper fuit. Vidit hoc Theodosius, cuius Nicephoro teste , grauissima ad filios monita sunt: *Pietatem colerent, nec aliud.* quasi in illa sola vniuersa imperij moles verteretur. Et ante hunc Cyrus, qui Cambysem filium inhortatur , ne quid publice , ne quid priuatim inconsulto numine agat. potuit Christianus ? Imitati Constantinus Magnus , & Magnus Carolus , ac è recentioribus Alphonsus II. Legionis & Castellæ rex , & Rudolphus Habsburgensis imperium sibi posterisque eo validiùs firmarunt , quo  
fortiùs

fortius in pietatem incubuerunt. regumque ante alios Deo charissimus David omnibus exemplo præit. hinc illa toties in pietatis præmium repetita Domini verba: *Propter David servum meum*, post immania scelera ignoscens & parcentis regibus & Israël. cum contra impietas igneos meruerit imbres, ut nusquam iam Sodomæ & Gomorrhæ, paradisi æmula dum pietas staret. accessit impietas, & regio exin nulla, & cinis omnia, adeoque & ipsum mare de vicinia mortem ex impietate bibit. Euenit idem regibus, Pharaoni infelici vndarum concordia, fluctibus cum exercitu insepulto; Antiocho minas in Dei populum spiranti; Herodi post gratas adulantis populi blasphemiarum voces, vermibus hæc impietas repressa. Iam Nabuchodonosori cum diuinos statuarum honores imperat, fœno, vnguibus, capillitio, bestiarum non homini, quæ eripuerat impietas sceptræ, pietas reddidit. Manassen verò non impietas regno exuerat, vinculis induerat? exemit cōpedibus regnoque

pietas dedit. Sēnacherib & blasphemum Rapsacem , & impium Nicanorem quis ignorat ? quis Heliodorum & flagra ? quis Holofernem in muliebri dextera ? quis Sisaræ & Abimelech in imbelli feminea manu ? quis in Iezabel canes ? in Danielis accusatoribus leones ? quis in femine Ieroboam , Baasa , Achab , & tot regum Israël , impietatem in nepotibus vindicatam ? Quod si Christiana intueamur imperia , tela videmus in Iuliano , ignes in Valente , viuum defossionem in Zenone , famem in Basilisco , in Anastasio fulmine , præfectas in Heracleone nares , exempta in Philippico & Michaële luminâ , Maximum in Theodosiana custodia , Phocam manibus pedibusque truncatum , Leontium equis raptatum , Murzyphilum minutatim concisum ; mulierum etiam manibus Andronicum Comnenum . ita ferè non patitur impietatem diu impunitam Deus , nec irremuneratam pietatem . Prima ergo Principi , Dei cura , inde regni & suorum.

rum. & exemplo ipse præcat, si  
sequi suos volet. Bene Plinius: *Vi-  
ta Principis censura est, eaque perpetua.  
ad hanc dirigimur, ad hanc conuertimur:  
nec tam imperio nobis opus, quàm exem-  
plo.* Hinc audet Cicero: *Quales in re-  
publica Principes fuerint, tales erunt &  
cives.* audet & Claudianus felicita-  
tem sub pio Principe extollere:

*Nusquam libertas gratior existit  
Quàm sub rege pio.*

vera nimirum libertas, quam vnâ  
Christianus vouere debeat. nam illa  
scelerum licentia ferè cultores suos  
in medio improvidos cursu sorbet:  
vt liceat dicere, Rara felicitas pio  
Principi subdi; infelix conditio im-  
pium pati dominum: aut enim mo-  
rum illius æmulus audebis eadem,  
& peristi; aut damnata eius impie-  
tate, pietatem coles, & gratia &  
fortunis excides. fors dura in eum lo-  
cū redigi, vt aut impius esse debeas,  
aut displicere Principi. vt nimis verè  
Plinius: *Vt in corporibus, sic imperio, gra-  
uissimus est morbus; qui à capite diffun-  
ditur, à nobilissima & principe par-*

364. *Superioris religiosi*  
te, cuius nihil occultum esse potest.  
Monet Seneca: *Tibi non magis quam*  
*Soli latere contingit. multa circa te lux*  
*est, omnium conuersi sunt oculi. in*  
*imitationem maximè. Vnde illud:*  
*Habet hoc magna fortuna, quod ni-*  
*hil tectum, nihil occultum esse patia-*  
*tur. Principum verò non modò domus,*  
*sed cubicula ipsa, intimosque recessus*  
*recludit, omniaq; arcana noscenda, fa-*  
*ma proponit atque explorat. Priuatus*  
*tegere improbitatem potest. Princi-*  
*pum dicta factaque omnia ex edito*  
*prospectanda proponuntur, nec ma-*  
*gis abdi quam sidera cælo possunt.*  
*quo magis adnitendum ne duces suis*  
*ad impietatem fiant, trahantque exē-*  
*plo in interitum quos debebant in*  
*salutem. ne delicto tantum suo, sed*  
*suorum rei iaceant, ut quibus exem-*  
*plo præiuerunt in scelera, eorum pœ-*  
*nis socientur. nisi quod magis illæ*  
*sæuiant in auctores, bis reos, suo &*  
*suorum delicto: quare & bis æter-*  
*num sua & suorum pœna miseros.*

Iam si amorem ac venerationem  
suorum Princeps desideret, pietatem  
induat.

induat. nam, vt plurima defint, steterit tamen Principi sua in Deum pietas, nescio quam excusationem mereatur. vt vna quasi pietatis sponsia deleri reliqua minus probata videatur, aut plurimum sanè minui, tanquam si venustis coloribus cariosa tabulam integas, aut nobilibus aulæis, in quibus docta manus & ingenium luserunt, rusticum parietem vestias. quid? quòd Deus piorum amator, conatus ferè prosperet, felicibusque non rarò euentibus, minus fors prouida consilia claudat? cum enim pientissimus quisque magna plerumque feratur in Deum fiducia, prosperosque successus non industriæ aut sapientiæ suæ, sed diuinæ bonitati adscribat, solet fiduciam hanc Deus fortunare. audet homo sperare? spem superabit Deus. audet preces tanquam semina iaculari cælo? vberiore messe fecundabit vota Deus. Quòd si quis prudentiæ suæ admirator, ingenitæ adnatæque sibi virtuti, nobilitati, potentiæ, robori, ingenio, secunda quæque tri-

buat, Nabuchodonosorem, Balazarum, Sennacherib, Goliadem cogitet; eruditione etiam primos Tertullianum, Origenem; prudentiæ primos Adamum, Salomonem, & vtriusque à muliere lapsum, illius etiam delictum in omnes, pœnam in omnes; fidei etiam propugnatione magnos, Hosium Calaritanum; sanctimonia & portentis magnos Paulum, Iacobum, Ioannem eremi cultores, & omnium in femina fatuam fiduciam; Iudam deinde Apostolatus prærogatiua magnum, Nicolaum populi delectu & Apostolica dextera Stephano æquatum; pietate verò primos Moysen, Dauidem, Petrum; ille in eductrice aquarum petra diuinis sponsonibus diffidit, secundus adulterium necesse funestat, tertius in ancillulæ voce negationem periurio firmat. Dei denique delectu magnos Saulem & Ieroboamum, & infelicissimum vtriusque exitum, illius in se & filiis, huius in genere vniuerso, ut nulla iam posteritas in Israël Ieroboam,



roboam , nulla etiam in Baasa & Achab.

Iam nobiles pietatis ductu triumphos quis ignorat ? Abrahamum trecentis decem & octo vernaculis, quatuor reges fundentem legimus. non arma hos , non miles , pietas fudit. Moyse manus in oratione pro-  
tendente Amalecitas vincit Israël ; lassas remittente , vincit Amalec. nullum hîc Israël strauit hostem, pro ferro Moysis fuerunt preces. Iam illa Iosue verba fiduciæ plena:  
*Sol contra Gabaon ne mouearis , & luna contra vallem Aialon. steteruntque sol & luna donec ulcisceretur se gens de inimicis suis.* Quis non admiretur ? omnia hîc magna. obaudisse cælum homini, stetisse sidera, lapides pluuisse , vt pro milite lapis de cælo Israël esset in vindictam , Amorrhæorû reges quinque, plebeio pede calcatos, in crucem denique actos. Ionatham verò & armigerum illius per montium decliua reptantes , & in consanguineo sanguine Philistæum ferrum , quis nisi Deus prouo-

caret ? Dauidem qui legit , & in illo Moabitas, Ammonitas, Syros, Philistæos , validam vbiq̃ue gentem non magna manu subactam , quis non plus pietati quàm manibus & ferro tribuat ? Qui sub Ezechia nocte vna centum octoginta quinque millia post blasphemias Rapsaces voces in exercitu Sennacherib cecidisse meminit; plus regem ieiunio, cilicio, precibus, quàm manu pugnasse perfacilè videbit. Iam in Gedeone trecentis nec vltra stipato , centum viginti millia in castris Madian desiderata, regesque Zebee & Salmana , cum quindecim armatorum millibus deletos , non prodigio simile ? de cælo , non de trecentis victoria hæc venit. Quale autem illud Samsonis in asini fortuita mandibula , cùm reliqua deessent arma , mille Philistæos cædente ? cæli , non mandibulæ victoria fuit. Machabæos autem qui cogitat, non tot portenta quot prælia videt ? nulla propè manu tot potentissimorum regum , tot fortissimarum gentium,

tium , tot orbe primorum ducum victores. iacent Gorgias, Lysias, Timotheus; Nicanor, Apollonius , validissimorum omnes exercituum ductores. Et non armatorum centum viginti millia à tribus Iudæorum millibus Antiochiæ cæsa, quæ subsidio Demetrio regi submiserat Ionathas ? qui maiora etiam ausus , duobus tantum sociatus, in campo Asor restituit pugnam , sociosque dilapsos , ad prædam magis quam ad bellum vocavit.

Non egrediamur Israëlem. vidimus Dei & pietatis cultores , videamus desertores. vidimus in illis virtutis præmia , videamus meritis impietatis in his pœnas. Delectus à Deo Ieroboam Israël iam dux , non Salomonis servus, diuini cultus neglector, in posteris à Baasa excinditur, nec domus iam vlla præuaticatrix Ieroboam. Ita in semine impietas recisa : Baasa verò impietatis Ieroboami æmulus, in Ela filio pari infelici in omnium posteritate excidio sternitur à Zambri. Erigitur exinde in regem Amri, à quo

Achab impietate & Nabuthæ cade  
& vinca notissimus. cuius filius Iorā  
cum septuaginta fratribus, & quid-  
quid Achabitici sanguinis erat, à Iehu  
funditur, etiam Iezabel canibus in  
pabulum. tantum impietas potuit, vt  
in filios & nepotes, & quidquid erat  
generis, vltor sæuaret gladius. Secu-  
tus impietatē Ieroboam Iehu, secuta  
& in nepotibus pœna, cū Zachariā  
Sellum occidit, hunc Manahem,  
huius filium Phaceia Phacee Rome-  
liæ filius, Phacee Osee, quem captū  
Assyriæ rex cum vniuerso Israël im-  
pietatis in regibus cultore, ducit in  
Assyriam. nec vltra Israël Palæstinæ  
cultor, meruit hoc impietas, & diui-  
ni cultus neglectus.

Christianos, verò quis recenscat?  
lassatur numero calamus, cū no-  
bilissimos è ferocissimis hostibus a-  
ctos triumphos vna pietate duce vi-  
demus. Quis magnum Constantinū  
in Maxentio nesciat? crux illi aquilæ  
fuerunt: qua vna hostibus animos  
ademit, suis dedit. quis in Licinio  
Gallicanū? qui Ioanne & Paulo mo-  
nito

nitoribus, cū se voto Deo obstrinxisset, hostem fregit, victoriā retulit, imperiū Constantino firmauit. tantū in cælo iaculata vota potuerunt, omnibus armis validiora: nequē enim fregerunt Licinium arma, fregerunt vota. Quid magnum memorem in Eugenio Theodosium? cui Martyrum monumenta imperatoris stagnantia lacrymis, orationibus pulsata, pro armis fuerunt. cū enim in præferoci hostium procursu, suos inferiores sensisset, proiectis armis, inualido munimento, flere purpurā docuit, terram verrere: inde supplici ad Deum dextera ventos euocauit, qui nouo orbi prodigio hostica in iaculatores, suos retorserunt tela. stationem olim elementis Iosue imperauit, Theodosius noster precibus ventos in subsidium euocauit, quorum famulatu, eadem qua venerant via tela redirent: inde armatus Eugēnius in exatmati Imperatoris manum venit. pro lorica & armis, ciliicia, preces, lacrymæ Theodosio fuerunt, pro milite Deus. quid nolumi

Deo pugnante vincere? Illud etiam in eodem magnum, cum S. Senuphij baculo pro ferro, superhumerali progalea armatus, Maximum nullo suorum sanguine sternit. Quid Heraclium referam, Cosrhoë, quamdiu ferro imperium propugnat, supplicem? at ubi se suosque ieiunio & precibus armavit, ter victorem, tribus fortissimis Persarum ducibus, ipsoque demum rege fuso & cæso, pacemque exinde supplici filio dantem, qui petierat, legimus. Belisariū Wandalorum cædibus sola pietas magnū, sola Epiphaniij Episcopi benedictio Persarū victorem fuso Mirrhane dedit. Narses verò Iustiniane ductor exercitus, Dei matris monitu Gothorum Regem Totilam, cum, utroque imperio Christianorum cædibus fatigato, Occidentem Orientemque tantum non in triumphum duceret, fregit, ferociam repressit, & superba pio Eunuchō colla subdere docuit. Quid non pietas potest omnibus validior armis? Catacalus Michaëlis Constantinopolitani exerci

exercitus ductor, sacro Christi Corpore cum se suosque firmasset, Saracenos Sicilia expulit. infederat nobilissimum regnum, & misera premebat servitute, & suum iam fecerat gens impia, idolorum famula. desperauerat armis Catacalus valide ubique firmatam gentem frangere. fregit sacratissima Domini Corporis sumptione: quæ hosti exitio, sibi suisque pro ferro & milite fuit. Illud etiam memoria dignissimum, cum Ladislaus Poloniae Rex Russos oratione sola vincit. adesse Rex debuerat, & educere suos, dux milites, ac exemplo ad audendum præire. præiuit pietate templum. ingressus alliditur terræ, lacrymis pugnat, & expugnat absens hostem. prece ergo exercitum absens ducebat; imò preces piæque regiae lacrymæ exercitum ducebant, Polonos tutabantur; hostem profligabant: plus proinde absentis preces & lacrymæ quam præsentis arma potuerunt. Hostem Boleslaus suis castissimæque coniugis. Scingæ precibus absens frangit & fu-

fugat. castæ lacrymæ quid non possunt, etiam in femina? plus sanè his quàm ferro cessere Russi. digna omnino res quæ eat in posteritatem. indomitam gentē & nullis armis cessuram, castorum coniugum castæ domant lacrymæ. tam mollibus cadunt arma: nimirum tam validè pluunt pietatis nubes, ut ferrum, & duriora ferro pectora, ad hunc imbrem colliquescant. Pulcrum illud, cum Henricus Auceps Imperator Hungaros acerrimos fidei hostes, non telis, sed inclamante ante purgnam vniuerso exercitu *Kyrie eleison*, in fugam vertit. inde consueta hostibus pendi vectigalia, vertit in pauperes: quo testatius ærbi esset, cuius dextera victoria steterisset. Magnificum illud, cum sub Ioanne Comneno Deiparæ imaginem, triumphali curru sublimem Oriēs vidit, Imperatoremque Christi cruce victricis suæ imaginem cohonestantem, ingenuèque farentem, Seythas se prævalidam gentem, cum humana decissent, Dei matris ope vicisse. Nouum nec  
vllis



vllis retro sæculis auditum Wenceslai Bohemiæ Ducis. arma in hunc Radislaus Gurinensiũ Princeps mouerat, & vtrunque exercitus stabat. cùm Bohemiæ Dux infontẽ vtrunque populum miseratus, Radislaum ad singulare certamen prouocat: lætus ille decretoriam imperij conditionem accipit. prodit Wenceslaus cilicio tectus, cui lorica iniecerat, dexteram gladius armauerat, magis etiam crux, cuius signo se munierat. ac Radislaus cataphractus, animis viribúsq; fidens, præualidam hastam, fatale telum, toto cominus corpore intorquebat, cùm subitò cælo vox data: *Ne feri.* stetit attonitus Radislaus, inde arma proiicit, pedibus denique Wenceslai sternitur, victorem agnoscit, audaciæ veniam deprecatus; irruit in supplicis ex hoste amici amplexus Wenceslaus. Exinde ytriusque exercitus gaudiũ, quóq; maiores in cognato, vt fit, populo iræ exarserát, hoc læritia maior. plus hîc cilicium quàm arma valuerunt. Illud audax, cùm Pelagius im-

mor

mortale Iberiæ decus, Machabæorum æmulus, antris antè & speluncis assuetus, paucis suorum stipatus, hostili magis quàm sua voluntate ire in prælium cogitur, innumeris propè victoriis ferocientem Maurum vinci posse ostendit, Hispaniámque Christiano sanguine mœrentem, Maurico natare docuit. plus pietas hîc quàm arma valuêre: hæc animos Pelagio addidit, hostibus ademit. Cuius vestigiis Alphonsus inhærens, nihil imperium pietati monstravit, ausus solus hac vna tectus hostilia lustrare castra, consilia rimari, victoriæ viam sternere. Eadem discimus in Ramiro. non vicit hîc Hispanus; ac nescio an pugnaverit, sed neque Ramirus duxit in hostem, duxit magnus Christi Apostolus Iacobus: hic dux & miles, cuius ductu ac dextera innumera propè Maurorum manus cadit. Dei ergo opè supplicibus dum implorat votis Ramirus, Dei opem in Apostolo expertus, nobile posteris exemplum reliquit, de cælo auxilia venire si de cælo poscas.

Eadem etiam habes à Ferdinando Rege, qui Sancti nomen meruit. quo quinque & triginta annis piè feliciterque imperante, nullam Hispania annonæ caritatem, nullum pestilentiae morbum, nulla nisi fortunata in Mauros arma vidit. debuit hoc Hispania tanti regis pietati, qua vna stetit, vna floruit. florere æternum potest, si pietas illi pro lorica, clypeo, ferro, duce, milite. Successit Ferdinandus Quintus Isabella coniuge, quorum pietate, non armis exactos tandem Mauros Hispania agnoscit. maluerunt ærarium minui pij Reges, quàm perfidæ gentis vectigalibus crescere. quanquam pietatis hæc dona in illis ac posteris diuite dextera remuneratus sit Deus, noui nimirum orbis incremento, dicam vtriusque propè orbis felicissima accessione: vt latiùs pietas signa quàm vlla Romanorum aut Macedonum arma protulerit. ignorabant alterum orbem arma, pietas inuenit & dedit. Claudio in Habsburgensi Rudolpho, qui Austriacum genus Oriente,  
Occi

Occidente toto, vnâ pietate extulit,  
 vnâ firmavit, tam latè imperantem,  
 vt iisdem propè terminis quibus sol  
 lumina, imperium clauderet. vnde-  
 cim ex eadem gente Imperatores.  
 stetisse pietati magis quàm armis de-  
 bemus. Surrexit è pio hoc semine  
 germen, nobile Carolus, quem in  
 Saxonica pugna, cùm Christi de cru-  
 ce pendentis effigiem, impio ab ho-  
 ste glande traiectam vidisset, proru-  
 pisse in hæc verba aiunt : *Vlisci hanc*  
*iniuriam Christe potes.* protendensque  
 dexteram lacrymis lotam. *Hac, ait,*  
*vincere Christe potes.* & secuta victo-  
 ria est, hostiùmque duces in Cæsaris  
 potestatem venerunt. Sunt hæc veræ  
 pietatis non obscura documenta.  
 erant alia. sed pauca hæc seligere pla-  
 cuit, ne fastidio prolixitas foret, &  
 quæ accendere in imitationem le-  
 ctoris animum debebat, lassaret. ita  
 ferè optimorum etiam copia nau-  
 seam prouocare solet. mediocritas  
 semper laudata, quæ & famem ex-  
 plet, & sitim restinguit, & fastidia  
 ignorat.

Pietatem ergo Superior colet,  
Deum reueretur. hic latus illius  
claudet, huius signa miles sequetur,  
monitis inheret, imperiique sui illi  
habenas committet, gloriæque illius  
propagandæ totus incumbet. cui  
gratus omnis lætusque sanguis fluet;  
sed & sanguinem vitæque sacrabit  
Deo, à quo solo fortunata infortu-  
natæque imperia nascuntur. Et quis  
non imperitus Scripturarum ignoret  
Antiochum, Iezabelem, Holofer-  
nem, Rapsacem, Nicanorem, quis  
Dauidem, Iosaphatum, Ioathã, Eze-  
chiam? quorum exempla terrere &  
animare nos meritò in fugam & se-  
quelam debeant. non stetit Israël  
hostibus terror, populorum victor,  
regum domitor, quamdiu vnius Dei  
cultus stetit? non hoc labante Baby-  
lonica, Assyria, Ægyptia, Græca, La-  
tina vincula, seruitutem, exilia tulit:  
non quoties in sacco, cinere, ieiunio  
delictum absterfit, Hierosolyma  
& regnum rediit? non repetito diui-  
ni cultus neglectu, redierunt exilia,  
carceres, & tanquam siluescentis  
agri

agri detonsor gladius, donec promissariis exuti sedibus, lacte & melle fluentibus, orbem inerrarent, nullius loci incolæ, omnium serui? Iam Iuda quibus non iactatus terris, quorum non regum pedibus calcatus, quorum non gentium enses hebetavit sanguine? & à solius Dei diuinorumque neglectu hæc mala. stetit inuictus hostium Gentiumque domitor, quamdiu intacta stetit fides: vbi Gentium numina aras & lucos infederunt, nihilo Israël melior, omnium seruitutem & vincula passus, qui omnium diis famulatus fuerat. Eadem in Christianis Imperatoribus reperiens, in Galliarum, Hispaniarum, Poloniæ, Angliæ Regibus. ac vbi lapsa pietas & magni Numinis veneratio refedit, florentissimorum deliquia regnorum vidimus. vt quantum pietas, tantum regna crescerent decreverentque: paribus nimirum passibus surgentibus & decrefcentibus cum pietate regnis. Nec mirum hoc videri cuiquam potest. quis enim nesciat cælo regna dari, cælo  
veni

venire? Israël nos doceat. Iam quis illa ab alia manu dari, ab alia foueri pius dixerit? eadem ergo quæ dedit dextera fouet. pio dedit, pio fouebit, derogabit impio.

Sciebant hæc non infimi Regum, qui cùm viderent raram esse pietatis & diadematum sociationem, sceptrâ posuerunt. Factum ab Imperatoribus, Anastasio II. Isaacio & Manuele Comnenis, Lothario Ludouici Pij filio, Bamba Hispaniæ Principe, Ethelredo Merciorum in Anglia Rege, Rachisio Longobardorum: qui vitæ reliquum vni Deo, vni pietati dederunt: cælo iam reges, quia terris esse noluerunt: cælo magni purpurâque clari, quia magnitudine se hîc purpurâque exuerunt. prudentes animæ, quæ Christum suum imitatæ, de similitudinis hîc prærogatiua, etiam de cælorum fuerunt, eo feliciores, eo beatiores, quo peritura æternis mutarunt, plûsque eductas Iesu sui vertice gemmas, quàm regum frontibus interlucentes adamarunt. Pietas ergo hîc sceptrâ & dia

diademata posuit, eadem cælo dedit: tanto ibi melioribus, quanto perituris æterna potiora. eadem proinde manus quæ hîc nudauerat vestivit cælo, non vestitura, nisi hîc nudassæt, vt hîc nudassæt ibi vestissæt fuerit. beata nudatio, quæ tam diuite purpura vestit, nullo æuo ponenda!

Quòd si sacrorum Ordinum initia & incrementa intueamur, floruisse illa quamdiu Dei apud eos cultus & veneratio, reperiemus. at vbi laxata lassatâque pietas, ceruices socordix flexit, emarcuit color optimus, qui in stuporem propinqua remotâque regna dederat: omnisque prior venustas, quæ gentium quaquâ oculos exciuerat, ora laxauerat, prouocauerat calamos, decolorata & ambusta iacuit, ludibrium pro admiratione facta. quid? quòd pietate labascente, omnia simul vitia pro virtutibus succreuerint. Non clauduntur eodem contubernio virtus & impietas. neglectior iacuit diuinorum cultus? omnia simul cum neglectu, tanquam perruptis, quibus arcebantur,



aggeribus, vitia intrarunt. non intrassent, si pietas Religionum propugnatrix stetisset. non stetit, & tempor quidam occupauit animos, inde luxus & conuiuia, & lusus Israël in interitum notus. mox roboris vniuersi conuulsio, nudataque defensoribus propugnacula, inferorum legiones exceperunt, & seruire illis didicerunt qui imperauerant; iugum ferre qui tot nobiles, dum staret pietas, triumphos egerant. ita integra pietate inuicti ad vnius sæpè ancillulæ vocem, ad deliciarum nomen, ad honorum opumque sponſiones corruunt, fabula facti qui terror erant.

Quid? quòd plerique sacratorum Deo Ordinum in quo diuinorum cultu ætatem ponant, omnisque illis labor in solius Dei veneratione absoluator, illi noctes, illi eant dies, vt nec soles illis, nec sidera surgant aliis. sunt qui proximorum Christi sui exemplo salutem dum incumbunt, primam tamen gloriæ suæ partem in diuini cultus veneratione ponunt.

quo

quo maior his omnibus neglecti cultique Dei ratio habenda, quia & reddenda. Et certè quid erit Religio si pietatem sustuleris? viduatam stellis firmamentum, cælum sole si quis dixerit, parum dixerit; nox mera erit, & Ægyptiis densiores, quia nocentiores, tenebræ.

Iam qua erit pietate in suos Superior qui illam exuerit in Deum? aut quo calore feretur in sibi concreditos, qui refrixerit in Deum? tepuit in diuinæ pietatis studio, gelaſcet in fuorum: & pro pio, sæuum, asperum, morosum, crudelem se etiam exhibebit. ubi enim pietatis viscera languerunt, misratio inte-  
ruit, & densum quoddam frigus intima occupauit; profiliunt ea quæ internum hoc gelu comitari solent, vultus seuerior, deiectior frons, morosior sermo, alienior animus, ignarusque misereri, necessariarum exinde rerum subtractio, nulla senectutis veneratio, nulla interiecta laboribus quies, nulla ægrorum cura, nullum languentium aut sub onere fatiscen-  
tium

tiū leuamen, nulla virtutū incitamenta, nulla sudorum præmia. Hinc cū nulla tangatur miseratione Superior, mæroribus domum implet, & in ignauo otio cōsenescentes suos, ac tristitia demum contabescētes videre cogitur. Patitur deinde talis alienissimos suos, crescentēq; à neglectu indignatione, acerrimos hostes: qui inimicum hūc animū ne: cū imperio quidē illius exuent, manent odia etiā munere deposito, ac ne cū vita illius deponūtur: tā altè insederunt, vt etiā in cetera bonis, præteritorū memoria nō deleatur. ac licet animus piarum exercitationū assiduitatē nō rarō cōponatur; manēt tamē seuerioris imperij impressa quēdam mēti vestigia, quę nulla arte conatūque extriueris.

In externis etiā pietas perit, quę à diuinorū pietate & cultu, tanquam à scaturigine sua flumē defluit: qua lāguente aut emortua quid de flumine speres? eadē hīc cogita. deferbuit & elanguit pietas in Deū? etiā in proximū; decidua nimirū pars diuinæ pietatis. Et sanē nescit cōpati à quo exu-

lat pietas, fugitq; in proximorum salute labores quisquis misereri nescit. Laborū fugā procurādē salutis neglectus comitatur : cūmq; illa tenerum quēdam animorū affectū deposcat, hunc verò necessum sit à pietate, tãquã torrentē à suo fonte promanare; quisquis hanc secuērit, illum sustulit. & quid sine propensiore affectu speres? aut quomodo molestias quæ salutē ferē proximorū comitātur, superabis amore destitutus? labores autē quis emolliet si alienior aut retractior animus, aut fastidiēti ac nauseabundo similis? alacritatem sanē indefessāmq; mentē, sudoribus gaudentē, quāmq; impinguet actus in orbē labor, roborent dura, firmēt ardua, imperuia & è præcipiti pendentia accēdant, cuique ab vltima desperatione vires animiq; crescāt; solus amor, pietatis in proximorum salute, fecunda progenies dabit : hunc verò sola in Deū pietas largietur. qua qui catuerit, nihil magnū & Religioso dignū promittet, nec speratos cēlo manipulos inferet, nec optatam horreo Dominico messem.

Quid

Quid deinde pronius quàm domesti-  
corum iuxta externorùmque contem-  
ptum pati? semper in laude pietas fuit;  
semper còtempta impietas iacuit. illam  
admirati, etiam qui non secuti:hanc &  
sectatores damnarunt, in aliis semper, in  
se etiam non rarò: ita quæ sequebantur,  
damnabant si propius interrogarentur.  
tanta vis veri est. In Religione verò eo  
magis impietas damnata, quo quidquid  
in illa sperari domi forisq̃ue potest ma-  
gnū, ab vna pietatis dextera sperari de-  
bet: vt hāc qui sustulerit, quidquid erat  
opinionis in illa bonæ, quidquid inte-  
gritatis, spei, glorię, exciderit. Neq; fides  
iam vlla, diffidentiam impietas peperit,  
infelicitis sobolis infelix mater. non spes  
salutis, nulla salus impietatis incude &  
malleis procuditur. nullæ æternorū spō-  
siones, quę ab impietatis radice nunquā  
& nusquam pullulāt. nullus diuinorum  
amor, non enascitur hic ab impietatis  
semine. nulla dilecta Deo virtus, cui ini-  
mica impietas. nulla cælo merces repo-  
nenda, non exsurgunt hæc grana ab im-  
pietatis spica & culmo, nec messis vlla  
ab illius area cælestibus infertur recon-  
ditoriis. nulla vina virgines germinan-  
tia aut spiritali inebriatura succo, nullas  
vvas impietatis vinea dabit, dabit la-

bruscas; nullum illius torcularia mustū,  
absinthium in interitum propinabit.

Fugiet proinde quidquid impietatem  
sapit prudēs Superior, eliminabitq; do-  
mo quidquid diuini cultus venerationē  
minuit, quidquid illius colorē infuscat,  
quidquid aliorum ducit: insurgētq; ge-  
neroso conatu in pietatis augmentum, si  
se, si domum suam saluā volet, si dome-  
sticam pacem amat, si Religionis nomē  
bonum, si plurimorum salutem, si rerum  
etiam temporaliū prosperiores succes-  
sus. simul enim atque insonuerit pietatis  
nōmen, prouocabit non in laudem tan-  
tū, sed & in sequelā & munificā largi-  
tionem plurimos, in admirationem etiā  
& commendationem hostes. neq; qui-  
quam tam impius qui non lubēs se suā-  
que credat viro pio, qui non vltro illius  
amicitiā ambiat, qui non beatum se il-  
lius imperio arbitretur; qui non magis  
hunc sibi Superiorem deligat, quā im-  
pietatis suæ socium, aut imitorem. ita  
impietas sibi etiam diffidens, pietati se  
suāque credit, certa de fide, secura de  
tutela, cū hanc sciat doli fraudisque  
etiam in hoste ignaram, nunquam fidem  
fallere, semper explere.



# SVPERIORIS RELIGIOSI

LIBER SECVNDVS.

CAPVT I.

*Quale debeat esse Superioris in  
suos imperium.*

**I**MPERET suis vt imperari sibi  
Superior desiderat. nulla me-  
lior tutiôrque imperandi re-  
gula, nulla prudentis gubernationis  
certior commonitio est. hæc illum ad  
omnem ducet mansuetudinem; ira-  
cundiæ motus frenabit; punitionis  
rigorem moderabitur; paternum pa-  
rêmque in omnes affectum instilla-  
bit; ægros, senes, laboribus fractos,  
hospites singulari beneuolentia pro-  
sequetur ac fouebit; politicissimum &  
simulationem tollet; subita minúsque;

deliberata imperia, & à primis motibus proficientia componet; facili omnibus quocumque tempore aurem præbebit; pericula depellet, dānāque minitania, vigili prouidāque cura euertet aut auertet. nam si occurrentibus difficultatibus ac in imperandi necessitate, perpetuò hæc in mente habuerit: Rege vt regi voles; non facilè ad emendanda aut damnanda descendet vir religiosus. potentes enim illæ in primis cogitationes sunt, & religiosæ moderatæque gubernationis magistræ: Tibi quid in simili re à Superioribus imperari velles? quibus moneri verbis? quibus in delictis corripi? quibus in laboribus animari? quib. in vestitu, victu, ægritudine, reliquisque corporis commodis religiosè haberi ac foueri? eadem aliis præbe. Benè in rem nostrā

Homil.

13. a<sup>d</sup>

pop. Antiochē.

Chrysostomus: *Non opus est multis sermonibus, neque prolixis legibus, nec varia doctrina: voluntas tua sit lex; vis beneficia capere? confer beneficium alteri. vis misericordiam cōsequi? miserevere proximi. vis laudari? lauda aliū. vis amari? ama. vis par-*  
tibus



tibus primis potiri: cede illas prius alteri. Et Ambrosius: *Quid tam insuum naturæ Lib. 2. quam ut diligentiem diligas? quid tam in- Offic. laū atque impressum affectibus humanis, c. 7. quam ut eum amare inducas in animum, à quo te amari velis?* Verbo vno Seneca: *Ut ameris, ama.* amor enim amorē generat, ut ferrum ferro, Chrysostomo teste, acutur, & lapides inter se cōruti emittunt ignem; mutuarū beneuolētiarum collisio amoris flammās excitat, prouocatque in mutuos ignes. Hæc qui fortiter apud animum suū obfirmauerit, non faciliè iustam reprehensionem incurret, aut in pœnitenda sibi corporique vniuerso labetur.

Varios deinde humanarum rerum casus apud animum suum reputet: seque illorum qui patiuntur aut petuntur loco statuatur. mœroribus aliquis insepultus iacet, doloribus opprimitur; egritudo siue illa animi, siue corporis, hominem totum occupauit; languor quidam siue mentis, siue membrorū omnium, animo viribúsque destituit; fastidium ac quædam spiritualis nausea pectus obsedit; tē-

tationibus quaqua parte potentibus pulsatur, ac quasi arietatur; hostilique in omne latus animo, tanquam armatis in circuitum exercitibus validè impetitur; domesticæ è quacunque causâ natæ exurgunt æmulationes; subdoli delatores, grauésque accusatores siue animo prauo maloque, siue è nudis suspicionibus tanquam rabidi canes vndique insiliunt; falsi criminatores tanquam effera bestia dentibus sæuiunt; simulati amici, veri hostes, dolis ac fraudibus innocenti insidias struunt? se cogitet, seque ipsum intueatur ac circumspiciat Superior. quid irruentibus hisce similibusue malis, concedi fierique sibi à Superioribus vellet; quibus verbis ægrum animum componi; qua paterna medicâq; manu remedia adhiberi, morbosque pelli aut curari; quibus molestias tediâque leuari ac mitigari modis; qua spongia nocitura abstergi; qua minitantiæ damna, periculâq; prouida cura anreuertere vellet; iisdem in suorū malis, remediis vtatur, pari prudentia, modera

deratione, benignitate, mansuetudine, affectu, solatio, animatione. Se proinde in omnibus aduersis à quocunque ingenio manúque natis, inferioris sui loco apud animum suum constituat, eadem per omnia suis adhibiturus quæ admoueri sibi à Superioribus in pari fortuna optaret. nec à vero aberrabit. *Ex se ergo debet* Gregor.  
*vnusquisque colligere, quatenus aliena* past. p. 2.  
*hunc oporteat imbecillitati misereri. ne*  
*contra infirmitatem proximi, si ad increpationis vocem feruentius rapiatur,*  
*oblitus sui esse videatur. unde bene Paulus admonet:* Gal. 6.  
*Si quis præoccupatus fuerit in aliquo delicto, vos qui spirituales estis, instruite huiusmodi in spiritu lenitatis, considerans teipsum, ne & in teneris. Quorum omnium frequens cōsideratio magnam non prudentiæ tantum opinionem, sed prudentiam illi parabit: intempestiuos ac præproperos feruores sapientiæ inimicos mitigabit: subitos improuidósque in exequendis rebus calores, prudentiæ hostes sistet: extemporaneá consilia maturitati aduersantia*

reprimet : nullius in se animos temerè concitabit : nulli meritam detractionum ac oblocutionum materiam præbebit , aut iustæ reprehensionis aut indignationis causam dabit. quin magis omnium sibi mentes conciliabit, siue in imperio , siue solutus illo fuerit; amorémque ac venerationem aliorum sentiet, laudem etiam ab æmulis. semper enim moderatio , ac in moderando maturitas ac clementia, etiam ab hoste laudem reperit , gloriámque promerita est. idque maximè deposito imperio, cùm præteritorum memoria validiùs admirationem laudésque excitare soleat, eoque magis quo duriora aliorum imperia successerint; tunc enim potentiùs subit recordatio priorum; extinctaque æmulatione , imperiorum etiam mansuetissimorum socia, succedit amor , & neglectorum desiderium, eo ardentius, quo præsentium asperitas magis exsimulat, impellitque in priorem benignitatē. nulla enim re magis mansueta clarescunt imperia, amorémque

que conciliant, desideria prouocant,  
quàm immoderatiore inclementio-  
reque successoris imperio. vt felici-  
tatis cuiusdam sit successorem ha-  
buisse seueriorem.

---

*Par in omnes familiaritas.*

CAPUT II.

**C**Auendum ne vni familiarior sit  
quàm alteri, cum priuatæ hæ  
necessitudines reliquorum à Supe-  
riore animos auertant, murmuratio-  
nibus causam præbeant, suspicioni-  
bus domum repleant, diffidentiam  
ingenerent, disciplinam in familiari-  
bus hisce laxet. cumque in hac fami-  
liaritate euenire soleat vt Superior  
liberiùs sua tanquam in amici sinum  
effundat, ac quædam nullo modo  
vulganda depromat; fit vt omnia  
amico concedenda sint, ne alienior  
cõmissa cum Superioris rubore pro-  
dat. quod si fecerit, ab it concessio in  
exemplum, & imitari reliqui volunt,  
quod vni permittitur. inde tota iam

domestica disciplina corrumpit, cum pari iure quod cuique voluntas suaserit, concedi sibi singuli velint; aut sanè ingens oblocutionum materia pateat: concedere verò, Religionem prodere & perdere est.

Et ut nihil sit aliud, tamen postquam animi sui secreta, ut in intima familiaritate fieri consuevit, inferiori Superior commisit; durissimum est perpetuò illum vulgationis metu percuti, ne qua data vel ultro arrepta causa commissâ prodat; ne qua è delicti, ut assolet, monitione, aut desideratorum negatione offensio nascatur; è qua deinde improuida indignatione, imprudentique circumspèctione, amicè concredita elabantur.

Et ferè post priuatas hasce amicitias, alienationes ac odia etiam iusto Dei iudicio videmus. vnde ingens mutuarum detractionum campus aperitur, ut religiosæ tandem vitæ vix vmbra reliqua sit. hinc ille demùm vincit, qui fortissimè ac impudentissimè socium ab omni vel speratæ

vel

vel obtentæ dignitatis gradu deturbavit : qui ferè infelix & miserandus priuatarum necessitudinum harum exitus est. nisi fors aliquando virtutum , probatissimorumque morum similitudine coalescant animi , qui nexus eo potentior est , quo mutuò colligatarum virtutum validiora vincula sunt.

Et tamen etiam in illis prudens Superior offensionem vitabit. neque enim promptis quidquam quàm æmulationes inter eiusdem contubernij socios , è quacunque etiam virtutū priuata necessitudine nasci. Fugiet proinde hos scopulos , nec illidet prudentiæ suæ ratem ad hæc breuia Superior , certus periculorum damnorumque in non vna Religione ex his initiis secutorum , certusque leuibus his flabris, tanquam sæuissimis Aquilonibus, ingentes tempestates excitatas.

Amabit interim virtutum sectatores , regularum , disciplinæ ac instituti amantes : amorem tamen hunc sinu pectoréque condet , continebitque

bítque properantem erumpere , ac fræna iniiciet ; ne, dum in vñũ propensius effunditur , neglexisse reliquos aut contempsisse videatur. tener enim omnis amor est , facilè in æmulationẽ ac indignationem exur-

D. Bon.  
de sex  
alis, c. 6.

git. ac licet meliores in affectu præferendi sint minoribus , & omnes propter spem salutis in Christo amplectẽdi sint ; in aẽtu tamen exhibitionis exterioris taliter se gerat ad omnes, vt nullus se ab eo contẽni propter alios suspicetur ; sed quilibet ab eo se diligi præsumat , & fiducialiter ei quasi singulari amico confidat , ne alicui indignatio & inuidia in aliis nutriatur : sicut fratres Ioseph ; qui oderant eum pro eo quòd à patre singulariùs amaretur.

Iam cùm omnes Superiorem intueantur vt patrem , haberi volunt vt filij. inter quos si prærogatiuam statuas amoris ac beneuolentiæ cuiusdam exterioris , reliquos in æmulationem accendis. Et verò , etiam morbidi filij sunt , & plus externi affectus ac sollicitudinis ægritudo iure quasi suo deposcit. Quòd si etiam haberi Superior à suis vult pater, pari



in omnes paterno affectu feratur, ac externa quadã amoris significatione.

Neque tamen excludo in probatissimum quemque teneriorem affectum; sed ne illum temerè & cum reliquorum indignationis periculo prodatur: quod plurimum evenire solet. magis verò reprimat, & tanquam generosum equum plana camporum montiumque ardua, nemorâque meditantem, amico reprimat freno, ne in præcipitia imprudens labatur. neque enim satis est generosum esse; prudentia accedat, nisi ingloriam generositatem velimus, quæ ingenti ausu inchoata, infortunato claudat exitu.

---

*Sedula infirmorum cura.*

CAPVT III.

**I**Nfirmorum magnam curam gerat Superior, memor Sapientis: *Non te pigeat visitare infirmum, ex his enim in dilectione firmaberis.* Sæpiùs proinde illos per hebdomadam inuifat & sole

foletur. neque patiatur se vinci ab Imperatore. de Adriano enim Spartianus: *Ægros bis ac ter de die, & nonnullos Equites Romanos ac libertinos visitavit, solatiis refouit, consiliis subleuavit.* Non absimilia his Plinius de Traiano, Lampridius de Tito. Adsit etiam nō infrequenter medico præsente. Dici non potest quantum ea sollicitudo ac paternus in suos affectus, & ægros soletur, & valentibus animos addat ad labores, cū videant tanta se cura à Superioribus haberi. effundat proinde omne paternum pectus, visceraque matris in suos Superior, cū aliās, tū maximè ægritudinis tempore; nihīlque deesse patiatur, aliquid etiā superesse; adhibeatq; ea omnia quæ quoquo modo & solari ægrum, & ægritudinē leuare valeant, adhibitis etiā non indignis Religione recreationibus; exhibeatque se in omnibus patrē, non dominū; patronū, consolatorē & medicum: nec reputet suos ut seruos emptionis, sed ut filios hereditatis superne consortes: sicut vellet sibi fieri si similiter indigeret.

Вован.

Prospiciat de Præfecto, qui condolere, piis lætisque colloquiis & exemplis ex sacra Scriptura, & probatis Ecclesiasticorum historiis desumptis, piisque colloquiis consolari, morborumque leuare fastidia sciat, quique ad hanc rem animum deferat promptum addictumque. De infirmario etiam vigili, diligente, hilari, suauis, quique hoc munus in beneficiū reponat; non moroso, difficili, sordido; ne ex his inter corporis languores, animi ægritudo crescat, duplicique prematur malo. hos etiam ad ægrum inuisendum mittat, qui religiosis iucundisque sermocinationibus lenire morborum molestias nouerint. *Infirmus enim qui sibi met subuenire non ualet, eo ipso amplius tribulatur, quia ab his à quibus deberet non consolatur, non à miseria releuatur, nec habet sibi compatiētem, iuxta illud propheticum: Superf. 68. stinui qui simul contristaretur, & non fuit; & qui consolaretur, & non inueni.*

Si quid offendat æger, non facile graui morbo pressum, fortiter moneat

neat Superior; in meliorem valetudinem monita seruet; aut magna moderatione vtatur, quæ non tam ferij monitoris aut iudicis, quàm affectum ostendat benignissimi patris: quin & viscera vberaque expandat matris, morboque potius quàm homini tribuat si quid peccatum. quòd si vltro culpam suam fateatur & deprecetur æger, minuat illam Superior, & valetudini maximam partem tribuat, inque illam potissimam illius causam benignissimis verbis coniiciat. Per spiritualium etiam rerum Præfectum aut domesticum Confessarium suauius sæpè molliusque hæc monita cadunt: ac tanquam inscio Superiore malis remedia adhibentur, consuliturque magis ægrotantium ac delinquentium pudori: qui licet in Superiore parentem agnoscunt, iudicis etiam personam intuentur.

Ægrorum verò querimonias non tristi aut moroso; sed læto hilarique vultu excipiat Superior, facilesque illis aures præbeat. non pauca concedat.

cedat. lenibus deinde verbis mitiget, asperitatem molliat, ac si quis iustus dolor sit, remedia opportuna gratâque adhibeat, prolixéque ostendat rem sibi concreditam cordi fore; ægrumque suum soletur & animet, diuitéque sponsione recreet: magis etiam factis animum suum testetur. Leuior his modis fiet ægritudo, & pars magna mali tolletur. bene enim qui composuit animum, non infima parte morbum leuauit: læta namque mens, præsens medicamentum mali est; animique hilaritudo, acerbitatem morbi, dolorémque omnem si non tollit, temperat.

Sæpè denique ægrum suum soletur, compatiatur, blandis verbis mulceat; vultu etiam in ærorem, malique magnitudinem, dolorémque præ se ferat. *Magnum enim calamitoso remedium est miseratio ex animo collata: veréque ac sincerè condolere, calamitatem magna ex parte leuat.* Sanè inter alia commiseratio magnam ad leuandum dolorem vim habet. Discâtque illud Apostoli in se sentire: *Quis*

Nazi-  
anz. o-  
rat. 16.

2. Cor.  
11.  
infirmus

1. Cor. 9. *infirmatur, & ego non infirmor? Et, Factus sum infirmis infirmus, ut infirmos lucrifacerem. omnibus omnia factus sum, ut omnes facerem saluos. quò faciliùs in se sentiat illud Gregorij: Tunc ad*  
*Past. par. 2. c. 5. alta caritas mirabiliter surgit, cùm ad ima proximorum se misericorditer attrahit: & cùm benignè descendit ad infima, valenter recurrit ad summa.*

---

*Seniorum veneratio.*

## CAPUT IV.

*Amb. 1. Tim. 5.* **S**enes ac laboribus fractos veneretur ac colat, cùm apud omnes gentes venerabilis sit senectus; illorùmque sedulò necessitatibus occurrat, ac præuertat etiam roganda; paternèque ubique habeat, memineritque eos pro ætate, quantum Religionis moderatio patietur, indulgentiùs habere: ut ea cura & illos soleatur, & iuniores animet, calcârque ad labores subdat; cùm viderint senectutem in honore ac veneratione esse. Nihil proinde non modò necessaria

cessariarum rerum deesse, sed quæ ad fouendam ætatem illam, annis & laboribus fractam commoda videri possunt, liberaliter ac munificè subministrari curet; omnia nimirum à paterno, non iudicis aut hostis animo & manu, memor Philonis: *Reuerentia erga seniores & cura talis sit, qualis esse potest germanorum liberorum erga parentes.*

Cogitet se ad eam ætatem languorèmq; peruenire posse: nulla potentior ad munificentiam incitatio est; stimulos illa addit ad ea præstanda quæ sibi in illis annis benignè à Superioribus concedi vellet. cogitet denique eadem sibi iusto Dei iudicio ab aliis aliquando in ea ætate speranda, quæ ipse suis impartitur. liberalis est? sentiet easdem manus. tenacior, morosior? eadem expectet. qua enim mensura alios, eadem ipse metiendus. neque permittit Deus inultam seueritatem ac morositatem abire; nec tenacitatem liberali manu donabit. solatia expectet quisquis solari didicit. siccauit aliorum lacrymas,

crymas, leuauit mœrorem, benignè habuit, prouocauit gaudia, munificâ fuit manu, promptus ad largiendum, facilis ad ignoscendum, in commiserationem pronus? eadem ab aliis speret, pari per omnia mercede donandus. iuxta illud Domini:

*Matt. 7. Omnia quaecunque vultis vt faciant vobis homines, & vos facite illis. & illud Tob. 4. Quod ab alio oderis fieri tibi, vide ne tu aliquando alteri facias.*

Et sanè durissimum est post ætatem in Religione transactam, post valetudinem laboribus fractam, sudoribus extritam, studiis vigiliisque emedullatam, morosum difficilè-que pati Superiorem, soloque præsentium emolumento, præteritorum obliuione res metientem. Nec video quid euenire viro grauius possit, quàm valetudinem obsequendi studio proiectam, post adolescentiæ annos generosè inter assiduos labores decursos, roborâque iuuentutis prostrata, in ætate liberalitatum indiga à Superiore destitui. Nascuntur hinc mœrores, quibus non rarò insepultus



sepultus ac tanquam ingenti mole oppressus succumbit animus; extenuantur obrutæ mœroribus vires, & in tenui corpusculo mens fatigata lassatâque vitam in mœrore finit. Ita solet conceptus dolor, postquam intima depastus est, tabescentem animam è statione amicóque domicilio suo excutere.

Caueat prudens Superior non tam aliis quàm sibi consulens. solet enim Deus graues ætatis huius gemitus audire, nec irrita dolorum vota transire, paribúque demum molestiis mœroribúque exercere. quòd si quando monendi fuerint, meminerint illud Ambrosij: *Propter honorificentiam ætatis, maiorem natu cum mansuetudine ab bonum opus prouocandum, ut facilius suscipiat admonitionem.*

*In Act.  
Apost.  
homil. 5.*

---

*Religiosa in hospites liberalitas.*

CAPUT V.

**S**Equatúr monētem in Abrahamio Chrysostomum: *Vide liberalita-*

*tem*

*tem Abrahæ: vitulum mactavit, fermentavit & farinam. audi alacritatem: per seipsum & uxorem hoc facit. considera etiam quàm alienus à fastu: adorat & obsecrat. omnia illa habere oportet hospitio excipientem, alacritatem, festiuitatem, liberalitatem. hospitis aliqui anima erubescit & confunditur; si non cum excellentia declaretur gaudium, abalienatur, & mox deterius fuerit quàm non esse susceptum. Imitetur Superior, hospitesque pro religiosa paupertate ac modestia benè habeat, magnam illis curam beneuolentiàmque impendat, benignè comitèrque excipiat, liberaliter foueat: negotia illorum seriò tractet, nihilque omittat eorum quæ meritò à religiosa charitate sperari possunt: ac si in alterutro peccandum foret, profusior in illis quàm tenacior sit, cum minus sit profusionis quàm tenacitatis delictum. memor tamen semper religiosæ moderationis, ne aut ad sæculi mores transeat, aut sordida quadam parsimonia hospites è domo sua auertat.*

Et quò hæc tenacitas? nisi vt apud suos iuxtà ac exteros malè audiat: mutuâque qua vna stamus charitas extirpetur. nam in quos religiosum profundet amorem, si in hospitibus contineat? aut quid à tali domestici sperabūt, quem in eiusdem Religionis fratres post itinerum molestias moroso viderint ingenio? Quæ res ferè ab animo tenaci sordidòq; proficiscitur; quiq; Religionis fortunas vt suas sudorèque ac industria sua partas, & post funera secururas circūspicit. qui si cogitaret nil sibi plus in illis quàm hospitibus iuris esse, explicatione sinu largiretur quod iuris alieni esse sciret. Si deinde sibi persuaderet nihil (si non omnino negligenda humana sunt) ad nominis tota prouincia celebritatem commendationemque plus posse munifica in hospites largitione, nihilque magis ad contemptum conceptæque opinionis bonæ diminutionem tenacitate illiberalique hospitalitate esse, benigniùs se effunderet. Quin imò, si ré momentis suis propiùs metiamur,

S

quem

quem fructum sordidior hæc parsimonia spectare potest? aliquid nimirum ingenti cura corrogasse quod effundendum successori relinquat, nulla nec domesticorum, nec peregrè aduentantium beneuolentia, ut nihil proinde referat præter effundendi materiam successori relictam, omnium amore destitutus. at liberalior animus omnium gratiam retulit, opes non recondidit, æris etiam fors aliquid alieni reliquit, vni minùs commendatus successori, à reliquis tamen laudem reportauit.

Accedit, Deum cumulatè liberalibus adesse, neque indonatum destruere munificam manum, neque spe sua frustrari. nam cum liberalior quisque fortiter diuinæ largitati innitatur, ingenti in illius munificentiam spe erectus, non patitur se ab humana fiducia vinci Deus; sed liberalioribus semper donis liberalem mentem dexteramque excitat & implet. Et sanè cum remotissima à Deo tenacitas omnis sit, tum conjunctissima illi liberalitas est. & ferè nil magis

gis Religiosum dedecet quàm illiberalis animus. cùm enim primus propè Religionis gradus sit humana spreuisse, opésque generoso calcatu protriuisse; sit vt auidus diuitiarum corrogator, fortis detentor, sordidus explicator, Religiosi nomen nõ mereatur, cùm alium se nomine, alium factis ostendet. nomen contemptum præfert; facta cupidum opum inhiantorem. quicumque proinde veri Religiosi nomen tueri volet, exorrecta fronte manúque liberaliter in hospites suos Christi discipulos effundat quæ ab illo accepit: qui munificentie suæ nubem in munificum pectus depulvere consuevit, certus nihil liberali & Christo simillimo animo deesse posse, semperque tenaci sordidóque deesse solere. cui quo plus habet, plus deest, vt cuius concupiscentia paribus auctibus cum opibus crescat.

Denique si seriò apud animum suum statuatur Superior, Christi sui vices hospites implere, in his illum haberi, beneficia in hos collata in illum effundi, remuneratorem illum præ-

miatotémque omnis liberalioris animi esse; perfacile videbit qua mente esse debeat. Sanè si Euangelio teste, Christo tribuantur quæ in discipulos illius erogantur; quid speret Superior, nisi, ut qua manu Christum in discipulo exceperit, eadem à Christo excipiat? parcè excipit, excipiat parcè; liberaliter excipit, paria speret, mentiri non potest Deus. Quid si ipsum Christum intueretur præsentem, haberétque hospitem, qua illum liberalitate dignaretur? eandem discipulo tribuat; cum se in discipulo vestiri, potari, cibari ipse testetur. talem ergo se Superior hospiti suo præbeat qualem Christo; nec aberrabit: talem denique, qualem in vtraque vita remuneratorem illum desiderat, nec alium; & boni munificentissimi-que Christoque suo simillimi Superioris abundè munus expleuerit. alia si graditur via, aberrabit, & cum nominis sui dedecore in inexplicabiles se difficultates coniiciet, ingentium turbarum, oblocutionum, ac alienationum à se, à domo cui præest, nec raro

rarò ab ipso etiàm instituto, causa. neque enim omnes vitia personis tribuere cōsueuerunt; Religioni ascribunt si quid peccatum ab vno. Euitabit hos scōpulos liberalior Superior, pacémque sibi suisque parabit.

Fecisse hoc omnium adeò Religionum institutores, prolixiusque se religiosa liberalitate in hospites profudisse, Ordinum historiæ docent: etiam illos qui ieiunio aridi, vino & animalibus exulantes, ac ab omni vitæ fruge abstinētes, in sacco & cinere humilitatem animæ suæ Deo sacra-  
bant; seueritatem ponebant, hospit-  
litati indulgebant, vt exemplo suo  
verecundiam hospes poneret, & au-  
deret libare quod non erubuerat  
amor dare. Est nimirum etiam in  
paupertate quædam quasi prodiga  
liberalitas, non tam rebus quàm ani-  
mo metienda. hanc Superior omnis  
religiosâ munificentiam induat, in ho-  
spites suos effundat, vt mutue carita-  
ti, quâ vnâ Religio omnis inuicta ste-  
tit, liberalitatem omnium gentium  
exēplo, studiosius immolet, hilariùs

profundat, promptius erogat; certus munificētiam omnem in Christi potissimum discipulos erogatam, centuplā à Deo remuneratione donandam, centuplā remetiendam.

Et sanè probatam hanc in hospites largitatem nō vna Scriptura monemur. cū non erubuerint Angeli edendo, bibendo, pedēsque lauacro porrigendo, breuem carnis commearum sumere, & humanam induere superficiem, vt exinde crescerent Abrahæ benedictiones, & magnum illius nomen in Isaaco, ac in stellarū exinde æntulam inuidiam propagaretur. Quid? quòd Zachæus, Matthæus, Martha ac Maria Dominicæ hospitalitatis prærogatiua signentur. & tot post Christum solā propè liberalitate armati, cælo inferenda diuite triumpho spolia, ab humani generis hoste reportarunt. & Christus ipse negatæ hospitalitatis & retractæ dexteræ in magno illo iudicij die delictum obiicit; quasi satis sit in damnationem hospitium negasse, hospitalitatem neglexisse; satis in præmia



præmiationem hospitio excepisse,  
hospitalitatem coluisse.

*Munificus in domesticos animus.*

CAPUT VI.

**B**ENÈ domesticos habeat in victu;  
vestitu, cubiculis; aliquidque su-  
perfit potius quàm desit: sic enim  
fiet, vt obsequentes ac morigeros  
habeat suos; vtque omnis murmu-  
randi ac obloquendi absit occasio,  
promptosque ad quæcumque impe-  
rata suos reperiât. nec quidquam tam  
arduum erit quod liberalis in suos.  
Superioris animus non extorqueat:  
quid? quòd ferè de tali benè subditi  
loquantur ac sentiant? nolunt enim  
beneuolentiâ vinci. quare cum mu-  
nificum in se Superiorem inferiores  
senferint, nec aliud habeant quo  
liberalitatem rependant, prolixè de  
illo apud omnes benèque loquuntur;  
paratosque promptosque se ad quæ-  
cunque imperata etià vltro offerunt,  
vt hisce modis munificentiam com-

penſent: cùm contrà in Superiore tenaci etiam virtutes diſpliceant, & vitia habeantur, & dura in leuiſſimis imperia. ita cùm in liberali manu difficillima, facillima fiant; in avara facillima, difficillima enaſcuntur. & fruſtra talis ſuos ad meliora ducet, aut ad inſtituti amorem, regulariumque obſervationem exhortabitur. ſuſpecta monita ſunt ab avaro ore & manu propinata. placeat qui perſuadere volet; & alienioris animi occaſiones tollat, ſi in ſuam ſententiã impellere alios deſideret. nihil facilius quàm amanti quæ voles ſuadere; nihil difficilius quàm inimico aut à quacunque cauſa auerſo. Componit hunc animum, & religioſis etiam beneficiis concilia tibi, & impera, ſenties obſequentem. benè qui ſuos habet, imperare tutò poteſt. regularum ille etiam minimarum obſervationem virgeat; & inueniet obtemperantes; etiam punire poteſt qui benignè ſuos habet. Et ſanè gratioſa amanti vulnera; quàm inimici ſunt oſcula; illa in ſalutem, hæc in

mortem imprimuntur. benignè habere, monere, ac si qua necessitas punire etiam, patris & amantis est: malè habere, monere, punire, plus habet hostilis animi & seueri iudicis, quàm amici & patris. Prudenter in hanc sententiam: *Prouideant Prelati.* facile enim ad omnem regulari ob-<sup>Man-</sup>seruantiam suos compellent, dum ea que <sup>burnus.</sup> necessaria sunt prouiderint. O quot dispendia animarum propter auaritiam Prelatorum, qui possent monasteria benè reformare, si uellent necessitatibus Fratrum occurrere, & de communi omnia ministrare! sine quo nulla perstabit Religio. nam ex illius defectu proueniunt mala multa: inde murmur, detractio, Conuentus euacuatio, totius discipline regularis subuersio.

Quòd si vulgatâ opinione ducti, Parendû Superioribus, obsecuti fuerint; à timore veriùs quàm ab amore obedientia nascitur. ac licet manus pedesque imperata exequantur, alienior tamen in parendo animus est; frigide proinde languideque imperata exequitur, ac si credat nō pro-

denda, negligit. miscentur deinde perpetuæ propè oblocutiones, nauseantisque super imperatis animi fastidia. neque diu stare imperia hæc possunt; erūpent ab occultis in apertas detractiones, in animorum alienationes ac dissensiones, in totius denique familiæ simultates, dum alium sibi singuli Superiorē concedi optabunt, aut aliam domum circumspicient, præsentēque damnabunt; ac si quos ablegari contigerit, nusquam parcent. hospites etiam si aliundè aduenerint, de singulis docebuntur, & obambulabit sordidior parsimonia hæc prouinciam, non sine insigni diminutione nominis Superioris; quin & ad externos ibit hæc fama: neque enim intra domesticos diu latere hæc possunt; prodent se aliquādo, siue improuidā Superioris circumspeditione, siue inferiorum indignatione; è qua querimoniæ effunduntur nullis priuatis parietibus claudendæ. & ferè ad mulieres sagacissimum in hac re genus, eunt hæc mala. Quod ubi contigerit, nullā iam arte

contineri res potest. unde sic ut externis iuxta ac domesticis ingratus. Superior vivat : nec tantè conquiescant animi , quàm munere ille suo defungatur. neque hic finis. in omnē ætatem aliquid semper adhæret maculæ etiam in privata vita, cùm præteritorum narrationes non raro in exemplum adducantur. tantū potest semel impressa opinio. nunquā moritur ; æternūque etiam post funera vivit , magnisque non infrequenter virtutibus obstruit , victuræque gloriæ non postremam partem adimit , meritaque minuit laudes. Est enim sordida hæc parsimonia æruginis instar , æra ferrūque cedit. Providebit proinde Superior : & dum se patrem cogitat, inferiores filios ; filiorum illos loco habebit. imò cùm ad domestica tantū omique iuris quantum sibi esse cogitaverit, nec turpiter prodiget, nec sordide parcat ; sed religioso moderationis memor, nec deesse corpori necessaria patietur, nec commissa profundet, nusquā prodigus, nusquam sordidus, semper

munificus; nunquam auarus; paupertatis in liberalitate; liberalitatis in paupertate memor. Benè proinde ut imperet, & benè suos habeat Superior: benignè ut pareant, benignè habeat: nullis ut illi parcant laboribus, sudoribus, sanguini, nullis prior ipse rebus parcat. vult suos in præstanda opera munificos? ipse rebus præeat. vult nusquam sibi eos parcere? prouocet suorum liberalitatē; munificā in paupertate largitione, animo saltē magno & in religiosa paupertate generoso: memor illius, *Fortiter qui premiatur, imperare fortiter potest.* quid? quod nec imperio in liberalitate sit opus. vltro decurrunt subditi, & gaudebunt etiā pro munifico Superiore sudorem sanguinemque spargere: tantum in humanis munificentia potest, ut dum alia negata via est, sanguine remunerare dona, lubentes vltro volentesque velint. ita cum difficillima sint imperata nolentibus, facillima volentibus sunt; cum leuissima quæque durissima videantur imperia, si parce sordideque

tuos habeas; tum durissima quæque leuissima videntur, si benignè liberalitèrque habeas. tantis inter se spatiis liberalitas, tenacitasque discriminantur. Benigniore partē prudens amplectetur Superior, suo, suorum, Religionis, proximorū bono.

Neque tamen hīc quidquam detractū volo religiosæ paupertati, aut conuelli hunc Religionis murum, ne reliquum ædificium corruat fundamento laxato; sed est etiam in ipsa paupertate liberalitas, ingentiæque elucere in hac munificentissimi animi signa possunt. vt domesticis Superior prospiciat, nihilque necessariarum rerum deesse patiatur, prouidentia ac prudentia est: vt aliquid superesse malit quàm deesse, paterni ac liberalis animi est: ne inornatum, commoda, delicias, Religionis fortunas prodigar, modestia ac voti est. Et vt nimias in Religionē opes non probo, ita extremam egestatem ac mendicitatem, in qua ad vitam modestè pieque fouendam necessariis omnino destituuntur, pro

probare vix ausim : nam & corporis vires & valetudo , obeundis in proximorum salute functionibus, necessariae sunt , quas inter nimiae parsimoniae sordes ægrè impetrabis. Sanè vt in summis opibus summam tenacitatem , ita magna etiam in paupertate ingentes animos munifica quadam generositate nobiles reperies : vt non tam munera, resque ipsae quam donantis animus & largiendi modus intuenendus sit. neque enim donorum magnitudine aut parsimonia, sed animo munificentia metiendae est. vt animus claritatem aut obscuritatem donis adferat ; nec à donis animus, sed ab animo dona amplitudinem fortiantur. etiam in paupere minima largiri animo magno, magnū ; in diuite magna largiri animo pusillo, pusillum est. & in paupere domo tenuis mensa liberalis esse potest, in diuite domo liberalis tenuis esse, si vtriusque animū illius magnam huius tenuem consideres. Et sanè veri Religiosi in Superiore suo non cibum, potum, vestitum, sed mentem,



qua hæc tuendæ valetudini, muneribusque obeundis præbentur, intueri consueuerunt; rerumque harum splendorem tenuitatemque non ab earum tenuitate ac magnitudine, sed à largientis animo metiuntur. benignè, comiter, hilari lætoque vultu dedisse, magnum est. etiam minima è tenui recula liberaliter tribuisse, magnum est. quid? quòd vel liberalitatem præse tulisse magnum sit, maximè si non nudis verbis vestiri dona, sed animo benigno facili que videant. Neque celari hæc res potest. nam vt diuitis tenacem sordidamque mentem in non contemnendo etiam dono; ita pauperis munificam in exiguo munere videas. modus largiendi animum testatur. Hunc pauperis animum liberalem ostendat Superior, & munifici nomen, quæque hoc nomen cōmoda sequuntur, sortitus fuerit. imperabit sine fastidio, quia volentibus; sine acrimonia, quia vltro properantibus; sine murmurationibus, quia lætitiā in parendo testantibus; sine molestis repeti-

tioni

tionibus, quia nuda imperij signa  
 præcurrentibus: ut vel nutu mentem  
 indicasse satis sit. neque enim quid-  
 quā prius gratiūque inferiori, quā  
 munifici benignique Superioris vo-  
 luntati obsequi. unde ingens domi  
 pax tranquillitasque sequitur, cum  
 singuli æmulo quodam parendi stu-  
 dio, mutuis accenduntur obsequiis,  
 mutuūque incalescunt obsequendi  
 affectibus, & ferè quo nexu cum Su-  
 periore, eo inter se inferiores colli-  
 gantur. benè capiti, benè etiam mu-  
 tuò vinciuntur. malè capiti, malè  
 etiam mutuò innectuntur; ut à sin-  
 gulorum membrorum cum capite  
 nexu, mutua eorundem vinculatio  
 desumenda sit. Benignum ergo se  
 munificūque in suos ostendat Su-  
 perior, & pacatam familiam conse-  
 quetur, nec ad externa vota sua  
 transferentem. nam ubi parum te-  
 nacemque nacti inferiores Superio-  
 rem fuerint, externorum menfas,  
 pocula, donā circumspiciunt, ratio-  
 nēsque potiundi illis cogitant, & in-  
 veniunt. non facerent si liberalem

Superiorem consecuti fuissent ; & amarent etiam in benigno Superiore paupertatem , exultarentque in rerum tenuitate à munifici Superioris animo profecta. longèque pauperis Superioris sui in comitate liberalitatem , quàm diuitis morosam in tenacitate copiam prædicarent. Tantum liberalitas potest , animusque in quacunque etiam tenuitate munificus, vt benignè qui dedit, omnia dedisse videatur.

---

*Prudens domesticorum munerum  
institutio.*

CAPUT VII.

**P**Endet ab hac vniuersæ familiæ felicitas, domestica pax, nominis apud externos integritas, mutua animorum coniunctio , religiosæ disciplinæ vigor , seria regularum obseruatio , instituti admiratio & commendatio, prosperrimus in spiritualibus iuxta ac temporalibus successus, lætissimûsque susceptarum rerum exitus.

426. *Superioris religiosi*  
exitus, Religio denique tota.

Ad quam rem prosperè exequenda necessaria omnino in Superiore cognitio suorum, quam partim accurata, solerti seriâque in omnem partem morum cuiusque observatione, partim religiosis aliorum delationibus, partim singulorum de se suisque narrationibus consequetur; nec difficile erit suos ad apertam internarum omnium affectionum, propensionum, vitiorumque iuxta ac virtutum suarum denuntiationem deducere; si prior ipse factis magis quàm verbis, paternum in suos sincerumque & non politicum affectum ostenderit, ut fidere se suâque illi audeant inferiores, ac tanquam filij ad parentem decurrere, adeoque tanquam in benignæ matris sinum, omnem animorum suorum ægritudinem, molestias in æroresque deponere.

Cognitionis verò huius intimæ defectu quanta meritò incommoda timeri debeant, nemo non videat, cum rerum imperitiis domestica committuntur,

mittuntur, ac non rarò noxia in primis ipsis quibus imponuntur, non sine periculo grauioris aliquando offensionis, cum insigni vniuersæ familiæ dedecoratione; vt cùm pro-  
no nimiùm in cibum & potum, cura illorum concreditur; incontinentiæ addicto, atque ad lapsum procliui ea iniungũtur quæ frequentius alterius sexus colloquia deposcunt; in-  
prodigas largitiones propenso temporalium administratio traditur; incurio, repenti ac sollicitudinum vacuo, ea imperantur, quæ vigilan-  
tem, industrium, sedulum, ac in omnem partem intentum desiderant; frigido calida & æstu peragenda, calenti frigida & lento pertractanda pede; moroso fastidiosoque læta, excitato & effuso tristitia; imbelli fortia, & quæ robur deposcunt, robusto validoque imbellia, & quæ plus femineas manus quàm viriles exigant lacertos; somnolento & in torporem facili, quæ erectos vigilēsque postulant; alienissimis denique ea quorum vix nomen sine  
horrore

horrore aut pallore sustinent, demandantur. Grauis omnino & Religioni in primis noxijs error, & à quo vno mala omnia proueniunt, diuitéque profluunt vena. quo magis inuigilandum huic rei, dandaque opera vt quam maximè idonei muneribus applicentur.

In quam rem proderit in primis, si priusquàm certo alicui muneri quemquam suorum Superior destinauerit, in eoque firmauerit; captata pro re nata occasione, experiatur quid in vario singuli genere possint, quædam nunc huic, nunc alteri, designato aliquo tempore, committendo, vt re ipsa promptitudinem dexteritatemque cuiusque propiùs cognoscat; ac tirones inexpertosque adhuc rerum, veteranis qui religiosè ac cum laude munia obierunt, associet, vt horum consuetudine ea discant, quæ similibus petractandis vsui futura sunt. Nec erit difficile Superiori per varia munia cuiusque vires, industriam, fidem tentare, quantumque in vario genere singuli ferè possint, quem

quem animum adferant, quam alacritatem, solertiam, facilitatem, dexteritatem spondeant; quam constantiam, fortitudinem, ingenium, iudicium, prouidentiam, commissi muneris zelum, ac discretionem denique promittant; si diligens suorum obseruator fuerit, nec quemquam facilè ad stabile aliquod munus admiserit, cuius non antè virtutem mentemque in vario genere didicerit.

Prima tamèn cura Superioris erit, vt virum ætate, rerum experientia, prudentia, pietate, morum comitate ac beneuolentia insignem, confessionibus suorum excipiendis præficiat. qui morum lenitate componere animorum motus, rerumque vsu apertissima cuicunque morborum generi suggerere ac adhibere medicamenta sciat, qui agendi dexteritate versare se in omnem concreditorum sibi partem nouerit, quique spirituum lumine instructus detenebrare internas pectorum noctes didicerit, qui iacentes erigere, mœrentes exhilarare,

hilarare, ægros solari, turbatos componere, dubios firmare, torpentes inflammare, nubilos serenare, omnibus denique omnia fieri doctus fuerit. qui deinde silentij & solitudinis, quantum Religio patitur, amator, orationisque ac meditationis studiosus, piorumque voluminum lectionibus addictus, humilitatisque ac patientiæ dono præditus sit.

Et sanè non minùs ad tranquil-  
landam familiam, ac in alta quadam  
animorum pace constituendam ac  
conseruandam, regularumque ac di-  
sciplinæ vigorem, mutuumque amo-  
rem ac beneuolentiam firmandam,  
domesticus confessarius quàm Su-  
perior ipse potest; cum propiùs ille  
singulos quàm hic nouerit; vt cui in-  
teriora omnium perspectissima sint,  
ac proinde certius fidentiùsque mo-  
nere vnumquemque possit, maximè  
si verbis factisque medicum, patrem  
matremque referat. Ac si quid in-  
ter Superiorem inferioresque inter-  
currat, nemo propiùs venientibus  
occurrere malis potest, nemo præ-  
sentia



sentia certiùs repellere ; nemo inter pares disiuncta firmiùs coniungere, animòsque dissentientes nouo, quodam beneuolentiæ glutino robore ; nemo suspicionum fluctus securiùs ponere ; nemò inœtiores siue ex vera, siue ex falsa causâ natòs puriùs abstergere ; nemo irreligiosas libertates , seculique mores fortiùs comprimere , nemo singulorù morbis certiùs mederi , nemo prudentiùs anteuertere potest. vt totum spirituale ædificiũ huic propè vni innitatur , totaque religiosa moles vnus prudentiæ inædificetur , adeò vt hoc corruente , aut deroborato, reliqua ferè spiritualis structura corruat. Et magna omnino dexteritate, discretionè ac sapiëntia opus est , vt neque inferiores consolatione destituat, neque de Superioris auctoritate quidquam detractum eat ; dum non infrequenter angelum se pacis medium inter vtrosque statuere cogitur ; omnesque tam valida paterni affectus significatione in fiduciam prouocat , vt nihil tam graue sit quod

quod non ad illius pedes volentes  
lubentésque prosternant, nihil quod  
non ab illius ore alacres hauriant,  
cùm parem in omnes affectum, para-  
túmque veri patris pectus, vberáque  
matris intuentur.

Altera dein, Superioris cura erit,  
vt temporalium tractationibus eos  
præficiat, qui vt rerum talium per-  
tractandarum dexteritate, ita & pie-  
tate valeant, neque enim aut nuda  
hîc pietas aut sola prudens dexteri-  
tas satis est. nam & illa si rerum vñ  
careat, perderet res potiùs quàm pro-  
mouebit aut tuebitur: nihil enim  
inscitia promptius ad cuiuscunque  
rei interitum; & hæc pietate viduata,  
sæculum magis quàm Religionem  
sapit. vtrunque si iunxeris, domum  
beaueris. Et incredibile dictu est  
quantum ad familiæ totius pacem,  
animorúmque tranquillitatem pru-  
dens temporalium administratio  
possit, vt si hanc sustuleris, illam lo-  
co moueris. tam enim arctè dome-  
stica quies solerti temporalium gu-  
bernationi innectitur, vt hac cor-  
ruente

ruente diu illa stare non possit. imprudentem enim illarum tractationem, varij sequuntur animorum motus ac turbationes, oblocutiones, suspiciones, indignationes, libera iudicia, anxie curioſeque inuestigationes, sollicitudinum plena dolia. quæ sanè omnia cum domestica pace consistere diu non possunt; atque ita collabascit tranquillitas, mentiumque religiosa malacia; succeduntque in horum vicem variæ animorum tempestates, quæ pulsâ serenitate decumanis maiores fluctus familiis inferunt.

In reliquis etiam Sacerdotum muneribus iniungendis, vigilem providumque necesse est esse Superiorem: cum nullum propè sit adeò reus, è cuius mala administratione non magnum aliquod malum Religioni subnascatur, mutuamque animorum coniunctionem discingat, benevolentiam minuat, alienationem ingeneret, oblocutionum materiam præbeat, verborum acerbitatem provocet, subdolâsque molitiones mu-

434. *Superioris religiosi*  
tuis euerfionibus fufferat.

-In Fratrum verò muneribus incredible, quantum ad familiæ tranquillitatem referat, prouidum prudentemque in illis designandis esse, vt intelligentibus verèque Religiosis committantur. vt in his peccasse, in omnibus propè peccasse videri possit. adeò familiæ totius certa pax à felici horum administratione pendet; vt si improuidè hæc ac sine prudenti discretionis delectu imposita peractaque fuerint; satis sint ad vniuersam familiam ex altæ tranquillitatis portu in altum mare, fluctibus motibusque infame, demergendâ. Cû enim ab his omninò propè temporaria res pendeat, fieri non potest, vt si infeliciter illa pertractentur, non subito ingentes familiæ motus exurgant: vnde mutux dissensiones, obloquiorum non vltima, temeraria iudicia, mentium alienationes, partium studia prosiliunt; fitque in his quod in decachordo ac cithara, reliquisque musicis instrumentis, vt plus in dissonatiam ac inimicum auribus

ribus cōcentum vna chordæ intemperies, quàm reliquarum cōsonus sonus valeat. & non in cantu plus ad musicam omnem inuenustandam dissona vox vna, quàm reliquorum cōcordes possunt? Idem in Religione vsu venit, plus muneris vnus ignara imprudensque administratio ad familiæ turbationem, quàm prudens peritaque reliquorum ad tranquillitatem potest. neque hoc mirum cuiquam videri debet, cū ad solidam plenamque pacem omnem necessum sit abesse intranquillitatis causam; vt ad integram maris malaciam omnem fluctuum collisionem. nam à quacunque demum causa tempestas oriatur, satis est ad classes sorbendas, & vbi placido antè ludebant elemento, tempestate; à minimis non rarò initiis, nata, tristi, infaus- toque exitu depressendas. Eadem in Religione cogitanda, cuius placidissimum dum staret venti mare, vnus vel leuissimi muneris imprudenter minusque religiosè peracti flatibus intumescit, & in nocituras exurgit

minas , pacatâque antè inimicat litora , & tanquam sævientium procursu fluctuûm , mutuis concutitur illisionibus : vt omnem meritò consecutus felicitatem Superior videri debeat , si muneribus omnibus obcundis idoneos nactus fuerit. cùm talis in alta pace sit, magnarum sollicitudinû expers; extraque anxium metum positus , fortunata fruatur quiete. nec aliud illi ad felicitatem deest, quàm obsequentes, vocationis ac religiosæ disciplinæ studiosos, rerûmque quibus applicantur , gnaros & amantes consequi , quîq; publica vt sua, pari nimirum fide, diligentia, maturitate, zelo, constantia peragât. Qui si desint, proximos saltè his religione ac prudentia statuât, aut illos sanè qui minora circumferunt incōmoda & mala in externorum oculos incurrentia, quæque mutux internæ caritati quàm minimè aduersantur; nec obedientiâ vniuersam dissoluūt, nec paupertatē infringunt, aut incōtinentiæ materiam suggerunt. Quod si talibus etiam destituatur, magno  
dele

delectu, quaque via & arte conquiſitos, nouos in Religionem aſciſcat, quos ſub prudenti magiſtri manu eductos, obeundis religioſè muniis adaptet: nec ætatem in his, ſed virtutem, pietatem, prudentiam, ac religioſo dignos morès intueatur.

Nec difficile erit tales conſequi ac parare, ac ſub induſtria vigiliq; magiſtri manu ſuccreſcere; imò & veteranos paulatim ad illa deducere, ſi Superior ipſe informandis his ſeriam operam impenderit; frequentibúſq; ſpiritualium piarúmque rerum colloquiis, paterniſque monitiſ ad virtutem illos & pietatē impulerit. Sequentur ductorem, ſi ſolliciti patris dexteram; verba factaque ſenſerint, & obſequentes ſe filios ſub paterna illius manu præbebunt. quòd ſi à rectò bonoque deflexerint, in viam eadem manu reducēdi erunt, animandi ad victoriam ſui, media cuiuſque naturæ commoda ſuggerenda, præmiáque Religioni ac cælo reſoſita proponenda. Nec laboribus in his animorum agris excolendis vinci

Superior debet. fructus dabunt sudoribus nobiliores ; nec emendationem desperare , sed longanimitate ac mansuetudine quadam animi , suorum ingenia quantumvis inculta & effera , morbosque ac vulnera pertractabit. non exasperabit acrioribus mala, sed oleū cum Samaritano vino miscebit ; grauiora nimirum monita magna suauitate temperabit , vt sentiat inferior ab amore illa , ac salutis suæ studiosissimo, à patre denique, non à domino aut iudice proficisci. sic fiet, vt benigno prudentique Superioris sui ductu pietatem simul ac prudentiam inferior imbibat, dum & errores cōmonstrantur, & remedia præscribuntur, & Superioris tanquam magistri, inferioris manus ducitur. quòd si patientem prudentemque hanc manu-ductionem frequentauerit Superior, fiet pedetentim vt digna magistro suo discipulus exequatur , & nullius iam adminiculo innixus prudentes ad concredita sibi manus extendat.

In omnibus tamen intentum semper

per



per oculum necessum est habere Superiorem, nec à quantumvis expertissimo aut peritissimo illos deflectere, ne nimia fiducia sui labatur inferior, & serò manum operi admoüere conetur Superior errore commisso; cum soli pœnitentiæ locus est. In quibus vt nimia fiducia, ita diffidentia vitanda, ne dum priorem scopulum fugit, in secundum impingat. mediam inter vtrumque viam tenebit, vt & fiduciam inferior sentiat, & vigilantem super grege suo Superiorem non ignoret; vt fiducia animos, illiusque vigiliæ præsentem sibi inferiorem præbeant, nec diffidentia nimium prosterнат, nec fiducia nimium attollat, & obliuionem sui adducat.

---

*Domesticarum rerum cognitio.*

C A P V T V I I I.

**C**um ad omnem bene securèque gubernandi rationem, nihil  
T 4 cer

certius sit quàm omnium cognitio-  
nem habere, vt nihil illum qui præ-  
est, ac gubernacula moderatur, fu-  
giat; necessarium omnino videtur.

Neminem domo egredi, aut ex-  
terni cuiuscunque ædes adire non  
premonito antè Superiore habemus  
hoc in statutis Minorum à Iulio II.  
probatis: *Prelati antequam excundi li-  
centiam tribuant, inuestigent & inquirent  
quò iuri, quæ negotia, cum quibúsue sint  
acturi, & tunc si congruum videbunt, da-  
bunt licentiam, & terminum redeundi de-  
terminabunt.*

Neminem extra ordinaria & con-  
sueti tempora ad domus portã aut  
templum euocari, non monito prius  
Superiore. sæpè enim contingere po-  
terit scire quædam Superiore igno-  
rata inferiori, cur non expediat ta-  
lem familiam aut personam conue-  
niri, cauendumque nè plures ad eos-  
dem eodè tempore cõcurrant; quod  
evitari non potest nisi conscius om-  
nium Superior fuerit. Sæpè etiam ali-  
quid habebit Superior illi qui con-  
uenitur indicandum; fierique potest

vt operam alicuius viris magnis in  
certam horam addixerit Superior,  
qua contingeret illum cum rubore  
magnorūque indignatione frustra-  
ri; si domo abesset inferior con-  
dicto tempore. Frequenter etiam  
instructione aliqua opus erit, & cau-  
tela non raro adhibenda moderatio-  
que: sapē enim quem conuenire  
inferior parat, ex amico hostis factus  
aut censor grauis, vt præmoneri ex-  
pediat inferiorem. Fortē etiam do-  
mus aut familia adeunda recenti &  
ignota inferiori infamia laborat, aut  
periculis obnoxia; aut sinistra quadā  
suspicionē contaminata est. contin-  
gētque non raro vt quæ ad portam  
aut templum euocant, minū sint  
probæ, minū tutæ: quarūque con-  
suetudo obesse possit famæque læ-  
dere. quæ ē variis causis notissima  
sapē Superioribus sunt, inferioribus  
ignorata.

Nullas litteras non lectas mittere;  
aut tradere, ne quid Superiorem la-  
teat; ne scribantur aut accipiantur  
nocturna; quæque vel mutuam ani-

morum coniunctionem scindere, vel quoquo modo publicè au priuatim offendere aut lædere possent.

- 4 Domestica omnia perspecta habere. quare expediet cubicula omniâque domus loca, ac officinas bis minimum per hebdomadam à Superiore lustrari. hæc enim diligentia nitorem, compositionem, reliquâque religiosæ modestiæ prouocat, Fratresque in officio continet, cum nullo die securi ab illius inspectione sint futuri, ignari quando obiturus sit domum. nam vt amor apud Religiosos plurimum possit, tum veneratio & metus non vltimū locum obtinet ad prudentē familiæ institutionem. sic enim fiet vt omnes omnia sua tanquam in Superioris sui oculis magna sollicitudine obeant. ac licet leuissimè singula ac quasi vno oculo percurrat, incerta tamen illius expectatio, ac inopinati sæpè accessus, plurimū ad res seriò peragendas momenti habebunt. Nam vt nihil potentius sit amore, nescio tamen quo modo comparatum sit, vt nisi timor
- venit

veneratioque amoris misceantur, non magna in humanis sperari, multa etiam timeri possint. ingens custodiae regularum incitamentum, amor est. sed ferè nisi metu quodam vincitur, in neglectum quendam abire consuevit: nimia enim sui fiducia peccat amor. calcaria illi frænæque à filiali timore admouenda sunt. Vtrūque vigili assiduitate sua diligentique seriæque rerum omnium inspectione, ac cognitione consequetur Superior, & bonæ prudentisque gubernationis ac imperij leges explebit. hoc enim demum imperium firmum est, cum amoris permixtus timor est, è quibus tanquam optimis parentibus, imperiis necessaria veneratio nascitur. timor offensionem cauet: amor affectui indulget. vtrumque si iunxeris, imperium stabiliuisti; plus tamè longè amoris quàm timoris sit, vt nimirum nec nudus amor sit, nec exulet omnis timor. certissima hæc imperij regula est. Meminit huius D. Bonauentura, cuius hæc verba:

*Et si Prælati magis diligendi sit, expecta-*

*In sex  
alis, c. 6.*

*dis tamen ut ab insolentioribus timeatur. Ipse amor aliquo modo suavior sentitur cum reverentia mixtus. quod patet in amore summi Creatoris: cuius quo maiestas sublimior agnoscitur, dignationis dulcedo sapidius amatur.*

- 5 Temporalium rerum domesticarum omnium accuratam cognitionem habeat Superior, ut nihil illarum rerum illum lateat. agrarias familiae suae res omnes, annuosque è quocunque promanantes census, proventuumque resignationes, æsque suum alienumque, statutaque illi accipiendo exsoluendoque tempora, rerumque adeo etiam venalium frequentius occurrentium pretia, perspecta habeat. quæ omnia brevi compendio complectatur, ut dati mensibus singulis acceptique, dandique accipiendique tota illi ratio cõstet, nihilque omniũ illum fugiat. sed nec illo inconsulto quidquam erogetur aut accipiatur. neque eleemosynas donaque ignoret, quò suorum orationibus benignam benefactorum manum remuneretur. Hinc fiet ut omni-  
nium

nium Superior conscius, prudentius singulorum necessitatibus occurrat, tempestivius vtiliusque prospiciat, certiusque damna præcaueat : neque illi quorum fidei temporaria concre- dita sunt, Superiorem fallere, aut pro suo in res varias minus prudenti ac religioso affectu familiæ faculta- tes profundere possint. cum enim scient se rerum omnium vigilem in- spectorem Superiorem habere, non facile pœnitenda aut damnanda com- mittent : neque temerè pro innata quadam propensione res aggredien- tur, quibus ferè damna infelicisque exitus coniuncti sunt, nullâ postmo- dum arte corrigendi.

Quod si rerum harum cognitio- nem neglexerit Superior, maximis se non rarò difficultatibus implicabit, periculisque non vltimis se fami- liamque sibi creditâ exponet ; expe- rierurque illos quibus temporalium procuratio demandata est, dominos Superioresque verius quàm inferio- res aut subditos ; pendebitque ab horum semper voluntate rerum sua-  
rum

rum ignarus. sed neque tutò imperare illis poterit ; aut negligendarum rerum timore , ne audebit quidem ; veritus ne si quid statuatur etiam in grauiùs delinquentes, alienos patiatur & remissos : vt negligendarum rerum metus robur illi omne adimat , & indulgentem etiam illum in criminibus suorum faciat. quæ res cùm aliorum prouocet æmulationes, obloquia , animorum alienationes, tum ad paria audenda animos addit ; cùm singuli licere sibi putent quod in aliis tolerari vident.

Vitabit hæc prudens Superior, cauebitque omni studio ne à quoquam suorum ita dependeat, vt illius indignationem vereatur, aut alienationem metuat, aut industriam carere non possit ; cùm ferè nescio quæ insolentia, aut imperandi etiam Superioribus libido, ex hac industriæ opinione nascatur. cùm enim videant Superiores operam suam carere non posse, aut non sine graui damni metu posse ; omnia sibi licere arbitrantur, nec quidquam esse quod indigus



operarum istarum Superior non facile concessurus sit. Cum enim illum emolumentorum spe, damnorumque metu irretitum teneant, nil non audent, & quod audent impetrant. armati enim ad preces descendunt. spes & metus in humanis quid non possunt, & ad quæ non impellunt etiam magnos alioqui viros? Eripiat se ex hac servitute Superior. faciet, si serio ipse omnibus incumbat, omniumque sibi cognitionem paret, ut imperare iam ipse sciat, factus sibi magister.

Ac licet spirituali potissimum suorum profectui incumbere Superior debeat, nunquam tamen solide hoc consequetur, nisi temporalium rerum omnium familiæ suæ certam cognitionem altè animo suo imbibit; eoque se deduxerit, ne ab aliorum ita industria, ore, peritiâ dependeat, ut scientiâ semper & ubique suâ mutuari ab aliis cogatur. cum rerum in subditis cognitio, ignoratio in Superiore, animos illis addat, venerationem ferè minuat, metum tollat,

libet

libertati ianuam aperiat, æmulationibus ostia pandat, oblocutionibus viam sternat, imitationi aditum referet, odiorum materiam suggerat, ac religiosam denique disciplinam omnem eneruet viresque frangat. aut enim omnibus omnia concedenda, & vniuersa prosternitur calcaturque disciplina; aut quod vni negligendarum rerum timore conceditur; negandum aliis, & mutua consurgunt animorum alienationes, & quidquid est copioso noxiisque malorum fonte euenire solet. Habeat ergo domi suæ Superior quo se tueatur: habeat inclusum pectori suo agendarum rerum senatum, ut sibi esse consiliarius & doctor possit. ille magnus & felicissimus est, qui ex se habet quo se; suos domesticæque propugnet, foueat, augeat: infelicissimus ille, qui ab alieno semper ore, consilio, manu pendet. ille enim imperiis dandis, hic accipiendis tantum natus est.

Non quòd omnia exequi per se Superiorem velim. grauis hic multorum

rum

rum error est. sed neque illustra  
quæque solus amplectatur : vocet  
vltro suos in partem gloriæ, etiam  
cùm possit illa frui solus. incredibile  
dictu quantum hæc honoratorum  
consociatio ac participatio inferio-  
rum animos Superiori obstringat,  
quântosque ad ardua quæque ani-  
mos addat, ac prudentiam etiam  
doceat. cùm enim credi sibi res vi-  
dent virtutisque suæ committi, omni  
conatu elaborant ne quid non di-  
gnum tantæ in se fiduciæ expecta-  
tione committant, aut conceptam  
de se Superioris spem fallant, aut  
diffidentiae causam præbeant.

Huc accedit, consultissimum om-  
nino esse plures rebus admoueri, ne  
ignari omnium reliqui sint, si subita  
præuentus morte suos Superior de-  
stituatur. quæ res ingentia secum dam-  
na trahere consuevit, cùm ignora-  
tio dux ad præcipitia sit, & fœcun-  
da damnorum materies. iam ut mi-  
serissimi sunt, qui omnibus omnia fi-  
dunt; ita infelicissimi qui perpetua  
in omnes laborant diffidentia. illi  
damna

damna meritò veteri debent maxima, cum plurima sint quæ tutò committi non possunt omnibus: quod enim vni in salutem, alteri in interitum erit. vt in medica arte vsu venire videmus, qui verò perenni in omnes tenetur diffidentia, in aeterno ferè metu versantur, suspicionibus tanquam fluctibus iactantur, anxietatibus tanquam validis in omne latus ventis impelluntur, omniumque in se diffidentiam prouocant; qua enim alios manu, eadem ab aliis percutiuntur. sed neque in viro incitamentum ad magna maius esse potest, quàm fiduciæ ostentatio; vt hæc sæpè sola satis sit ad magna audenda, magna peragenda. fidere Superiorem videt inferior? nulli parceret, non valetudini, non sanguini. diffidentiam experitur? ignauo quodam sopore insepultus iacet, degeneremque viro vitam ducit. vt fiducia secundus sit ventus quo prospero quisque cursu optatū speratūque portum tenet: diffidentia decumani fluctus, breuia, arena, scopuli, quibus depri

deprimuntur, sorbentur, dissiliunt collisæ rates. Prudens proinde Superior provido suorum delectu habito magna præ se feret fiduciæ argumenta, ut ad maxima quæque suos impellat; ita tamen ut oculos semper ipse intentos in omnem partem habeat, neque ideò rem negligat, quia alterius fidei concreditam; sed provida in omnibus circumspeditione, cum nusquam diffidentiam ostendat, nusquam vigiles oculos deponat. ita fiet, ut dum ille commissæ sibi rei prærogativa accensus, digna huius fiducia pariâque referre conatur, & Superior in tacita perpetuò excubatione consistit, certò res omnes exituque plurimum felici peragantur.

---

*Subditorum cognitio.*

CAPUT IX.

**M**Onemur à Sapiente : *Diligen-* *Prou.*  
27.  
*ter agnosce vultum pecoris tui,*  
*tuosque greges considera.* Cecinit etiam  
in hanc rem Poëta : *Principis est*  
*virtus*

*virtus maxima nosse suos.* Et Tacitus: *Noscenda natura vulgi est, & quibus modis temperanter habeatur.* Nosti? facile imperium est. non nosti? nequidquam imperes. cognitio prudentiam parit, ignorantia stultitiam. ab illa prudens imperium, ab hac stolidum. illa securum dabit, hæc mille erroribus & periculis implicabit: ut benè imperare benè nosse suos sit. Monet hic D. Bonaventura Superiores: *Ad statum debitum tenendum, convenit ut rector subditorum mores, conscientias & vires precipuè cognoscat, ut secundum quod unicuique expedit, eum dirigat & hortetur.* quam cognitionem cum nec à sola quantumvis seria suorum observatione, nec à contubernalium denuntiatione habere Superior possit; conandum illi erit ut eam à propria cuiusque narratione consequatur, cum ei ferè maxima pars sapientis gubernationis innitatur: sine qua frustra reliquum omnem conatum sudoremque profunder Superior, aut felicia prudentis moderatoris imperia sperabit.

rabit. Monet impellitque in hanc  
 redditionem suos Basilius: Debet Reg. 16.  
 unusquisque eorum qui inferiores sunt, si  
 quidem memorabilem ullam facere pro-  
 gressionem studet, & ad perfectionem vi-  
 tæ illius, quæ præceptis Domini nostri  
 Iesu Christi est consentanea, pervenire,  
 cum nullum animi motum apud ipsum  
 celatum retinere; tum in sermone nihil  
 non diligentem antè cura consideratum  
 præferre; sed mentis suæ arcana aperire  
 fratribus iis, quibus datum illud negotij  
 sit, ut adhibitis facilitate & misericordia,  
 agrotantes curent: hoc enim modo fiet, ut  
 & quod laude dignum sit, in nobis con-  
 firmetur, & quod minus probandum,  
 congruo remedio sanetur. Infederat do-  
 ctrina hæc altè Ægypti monachis  
 teste Cassiano, qui spiritalis perfe- l. 4. c. 29.  
 ctionis fundamentum in eo sterne-  
 bant; ut nullas Superioribus cogita-  
 tiones clauderent, retegeret omnes.  
 atque hinc; eodem teste; fiebat ut  
 sola tentationis manifestatione ten-  
 tatio omnis; ut fumus, aut pulsæ  
 ventæ nubes; fugerent, nullo alio  
 medicamento adiuncto. sat validum  
 nimi

nimirum medicamentum resectio  
est, vt sola ægrum quo iactatur mor-  
bo leuet. tāta vis humilitatis est, tan-  
ta submissi animi prærogatiua. Illud  
etiam habes apud S. Bernardum, qui  
malas cogitationes cordi aduentan-  
tes, mox ad Christum iubet allidere,  
& seniori patefacere.

*Instru.*

50. & 51.

Quare seriò in hanc rem incum-  
bet Superior, prouocabitque infe-  
riorem vt morbos, vulnera, pericula,  
damna, vitia iuxta ac virtutes, animi-  
que in alterutram partem propen-  
siones, clarè disertèque explicet.  
quod vt feliciùs consequatur, beni-  
gnum facilèmq; se Superior osten-  
dat, ac in comitatem quandam effu-  
sum, magna vbique suauitate, bene-  
uolentiā, humanitate, vt his fortibus  
prouocatiuis inferiorem ad plenam  
sinceramque sui resectionem pelli-  
ciat & adducat. sciat peritorum me-  
dicorum more inlatentia mala elice-  
re, & ad extremas ignobilèsq; par-  
tes deducere, quæ in principes partes  
sæuiebant, quo faciliùs minorique  
periculo mederi possit. erumpentiā  
mala



mala & summam ferientia cutem,  
spem magnam dant valetudinis bo-  
næ, vt vicissè etiam credas medicum  
qui ab internis ad externa malum  
euocauit. & certum illud Gregorij  
est: *Vulnera clausa plus cruciant, nam* *Past. p. 7.*  
*cum putredo quæ interiùs feruet, eiicitur* *c. 15.*  
*ad salutem, dolor aperitur.*

Docëat proinde ægrum medico-  
rum more pudorem ponere, ne ve-  
recundia pereat; qui mali propala-  
tionè curari poterat. sanè sciuisse ac  
retexisse malum propè curasse est.  
Induat deinde in omni hac re Supe-  
rior affectum patris, omni iudicis  
persona exuat. sciat compati, com-  
misereri, solari, animare, ad meliora  
excitare, sequaturque monentem  
Gregorium: *Tales se qui præsumunt, exhi-* *Past. 2.*  
*beant, quibus subditi occulta quoque sua* *P. c. 5.*  
*prodere non erubescant. vt cum tentatio-*  
*num fluctus paruuli tolerant, ad patris*  
*mentem quasi ad matris sinum recurrant,*  
*& hoc quod se inquinari pulsantis cul-*  
*pæ sordibus præuident, exhortationis eius*  
*solatio ac lacrymis orationis laudent.*

Certam deinde fiduciam subdi-  
torum

torum animis, Superior ingerat tenacissimi secreti, quæ pateres à paterno animo profecta potentissimum inductiuum est candoris, neque proditor filij parens est: magis etiam mala tegit, & si laudare non potest, non damnat.

Quod si post acceptam conscientiae rationem, plus etiam paterni affectus in eos qui se suaque planissime retexerunt, Superior ostenderit; nullo negotio in omnem sinceritatem pectorisque ac interiorum recessuum nudationem, inferiorem impellet. Facit hoc Deus, & peccatorum post suspiria lacrymasque in æternum non recordatur amplius, nulla nimirum apud illum post gemitus, dolores, pectorisque tunitiones, scelerum memoria est; quin & cælestibus auget erigitque donis, ut de prærogatiua delictorum plenitudo videatur. ita ouem quæ perierat humeris, bonus pastor reducit. sanè Petrum, Paulum, Matthæum, Magdalenam inter amicissimos & primos habuit. Imitabitur Superior,

mæren

mœrentemque super imperfecto suo inferiorem , morbósque aut eorum pericula reagentem , inopiámque ostentantem cum Euangélico parente amplexabitur, vitulóque saginato, osculísque vestibúsque annulóque, omnibúsque lætitiæ signis beabit, lætior post vulnera periculáque de valetudine & incolumitate , quàm de innocentia periculorum morborúmque ignara.

Cogitet sola verecundia periísse plurimos ; solóque pudore, Superiorum morositate medendíque acerbitate prouocato , ad malorum extrema noxio silentio delapsos. ita qui beneuolentia, humanitate, ac paterni pectoris seria candidáque nudatione curari poterant , seueritate & duritia & inclementiæ opinione ceciderunt. Se proinde Superior cogitet & Deum, & iisdem clementiæ artibus, iisdem patris amplexibus, ad eóque & matris in suos vtatur yberibus, quibus ( post non postrema etiã repetita crimina) vti in se Deum desiderat. Certa hæc & falli nescia omnis

V

guber

gubernationis bonæ, benignæ, prudentis clementisque regula est. Non errabit proinde Superior si se Deūque seriò cogitet, morbos suos, vulnera sua, delicta sua; benignūque illum, clementem facilēque in preces, seriòque & ubique patrem & matrem. Imitetur Superior, & tā primum ad omnem refectionem inferiorē reddet, quā effusum se ad omnem humanitatem, comitatem, benignitatem ostenderit. neq; quidquam facilius est quā inferiorem aut quemcumque etiam alium in candorem beneuolentiāque candore aut beneuolentia excitare. Gaudemus enim si quem nacti fuerimus in quem nostra profundamus, in quē animi secreta, malāque tanquam in veri parentis amicique sinum, aut inter benignæ matris vbera, liberè tutòque expandamus. cū durissimum sit pectoribus perpetuò nocitura claudere, omniūque in morbis medico, ac consiliario in dubiis destitui. ut verè dixerit Ambrosius *c. Solatium*  
*vita huius est ut habeas cui pectus aperi-*  
*as*

*L. I. Offic.*  
*c. 16.*

tuum, cum quo arcana participes, cui com-  
mittas secretum pectoris. Et Blesensis: lib. de  
Quanta est securitas habere cum quo lo- Amicit.  
quaris quasi tecum, cui cordis tui arca- c. 2.  
num committere audeas, quem in tuis se-  
cretioribus habeas quasi teipsum, cui omnia  
tua plena securitate reveles? Quod ma-  
gis, etiam locum habet in Superiore  
qui patris personam profitetur; quā  
si verbis factisque prodiderit, nullo  
negotio suos in sincerum candorem  
impellet. satis enim est concepta de  
Superiore opinio patris, ut se totos  
in paternum illius pectus effundant.  
quod ubi fit, prona ad remedia etiā  
in magnis morbis via est. neque enim  
facile de salute periclitabitur, qui  
mala quibus premitur, tota recludit.  
nihil enim facilius quā co-  
gnitis mederi, nihil diffi-  
cilius quā ignotis  
succurrere.

*Modus inferiores ad virtutem vitamq̃ religiosam per Superiorum exempla ducendi*

C A P V T X.

**D**Vx suis sit Superior ad virtutē, ad religiosam vitam, victum, vestitum, corporis commoda, ad perfectionis studium, ad vocationis integritatem & amorem, ad constitutionum ac regularum accuratam observationem. ad ea denique omnia quæ meritò à suis desiderat, memor monentis Apostoli, *In omnibus præbe te ipsum exemplum bonorum operum in doctrina, in integritate, in gravitate*; & non magno molimine suos ad eadem impellet. sequentur præcuntem, & vel sola verecundia suadente, imitabuntur ducem. nulla certior ratio ad ardua suos deducendi, quàm si ad difficillima quæque manum prior admoueat Superior: si nusquam sibi parcat; primus ipse in asperis, postremus in mollibus; in  
ora

orationis, mortificationis, obedientiæ; paupertatis religiosæ studio, in laboribus, in proximorum etiam salute procuranda, quantum officij sui ratio permittit, primus. Benè S. Ephrem: *Nihil æquè animum hominis ducit ad salutem, iuniorésque ad laborandum incendit, atq; si doctorem reipsa & exemplo ad virtutem cohortatorem inuenerint. illa enim vox libentiùs auditorum corda penetrat, quàm dicentis vita commendat: quia dum quid loquendo imperat, ostendendo adiuvat ut fiat.*

Validiùs etiam ad magna suos incitabit si plus suis quàm sibi indulserit. quòd si solis ipse verbis suos ad ardua prouocauerit, dux monitis nò factis, frustra conatum adhibebit. fiat ex se magister, & facilis sequela erit. neque verbis opus, vbi facta loquentur. bene loqui oratoris, bene facere Superioris ac ducis est. eloquentia subsellia ac rostra desiderat; facta campum. Prudenter S. Dorotheus Superiorem omnem monet: *Verbo & opere quæ agenda sunt, illos instrue, & doce; magis tamè opere & exem-*

plo : quoniam exempla multò sunt effica-  
 ciora, & opera multò magis mouēt quàm  
 verba. nā si nuda proiciat Superior  
 verba viduata rebus, verum erit illud  
 Chrysostomi: *Qui docet & facit quòd  
 docet, verè ille docet: qui autem non facit  
 quod docet, non alium docet, sed seipsum  
 cōdemnat.* Et alibi: *Si doctor verbis qui-  
 dem doceat ac philosophetur, operibus ve-  
 rò contraria fecerit, nondum doctor est.  
 nam isthuc & discipulo facile præstitu-  
 fuerit, nepe verbis philosophari: sed opus  
 est admonitione & inductione quæ sit ex  
 ipsis operibus. Ista quippe & doctorem  
 venerabilem facit, & discipulum obse-  
 quentem.*

Imitetur proinde Superior omnis  
 magnos militiæ duces, qui primi in  
 acie, in periculis primi, in arena,  
 æstu, sudoribus, frigore, vigilia, parsi-  
 monia primi, plúsque dextera factís-  
 que quàm voce hortantur. quòd si  
 verba adhibenda, comitetur aut an-  
 teuertat etiam manu. ingens incita-  
 mentum facta sunt; plúsque exem-  
 plum in duce, quàm omnium ora-  
 torum verba possunt. plus enim elin-  
 guis



guis factorum locutio, quàm innu-  
merà quorūmcunque verba fortiter  
iaculata, validèque proiecta ab om-  
ni æuo potuerunt. Et dictum verè:

*Longum iter per præcepta, breue per  
exempla est.* Et illud S. Bonauenturæ:

*De sex  
alis, c. 6.*

*Doctrina verborum sine exemplis ope-  
rum est sicut camentum sine calce aridū  
& inualidum. (Ipsi leniebant parietem  
absque temperamento, dic eis quòd casu-  
rus sit.) De correctis exemplaribus cor-  
recta scribuntur volumina, de corruptis  
corrupta: tenaciùs inhaeret doctrina ope-  
rum quàm verborum. nam cuius vita de-  
spicitur, restat ut eius prædicatio contēna-  
tur. Hinc etiam illud Actorum: Cœpit*

*Act. 1.*

*Iesus facere & docere. Et, Exemplum de-  
di vobis, ut quemadmodum ego feci vo-  
bis, ita & vos faciatis. ut cūm omnis  
eius actio nostra sit institutio, præ-  
currant facta, sequantur verba. Est in  
hanc sententiam illud Plinij: Meliùs  
homines exemplis docentur, quæ in primis  
hoc in se boni habent, quòd approbāt quæ  
præcipiunt fieri posse. Neque sanè quid-  
quam ad suadendum potentius est*

*Ioan. 13.*

factis. Monet hoc Tacitus cū arbitrat, obsequium in Principem, & emulandi amorem, validiora esse quā pœnam ex legibus. Et Velleius: Rectè facere

lib. 2.

Past. p.

3. c. ult.

Princeps ciues suos, faciendo docet. Huc spectat illud Gregorij: Plus actibus quā vocibus insonet, & bene viuēdo vestigia sequacibus imprimat, ut potius agēdo quā gradiatur ostendat. prius studio bona actionis euigilent, ne in semetipsis torpentes opere, alios excitent voce. prius se in sublimia facta excutiant, & tunc ad benè viuendum alios sollicitos reddant. prius cogitationum alis semetipsos feriant, quidquid in se inutiliter torpet, sollicitā investigatione deprehendant, districtā animaduersione corrigant, & tunc demum aliorum vitam loquendo componant. prius punire propria fletibus curent, & tunc quæ aliorum punienda sunt denuntiē: & antequam verba exhortationis insonent, omne quod locuturi sunt, operibus

Past. p.

2. c. 7.

clament. Hinc est illud eiusdem: Languente capite incassum membra vigent, & in exploratione hostium frustra exercitus velociter sequitur, si ab ipso duce itineris erratur. Et illud: Ipsa in magist-

p. 1. c. 2.

rio

*rio lingua confunditur, quando aliud discitur, & aliud docetur: quod verbis predicant, moribus impugnant. unde fit ut cum pastor per abrupta graditur, ad precipitium grex sequatur. Benè & fortiter in terrorē Chrysostomus: Benè in 23. docendo & malè viuendo, instruis Deum Matth. quomodo te debeat condemnare.*

Magnus sanè verúsque militiæ dux factis monita anteuertit; plúsque manu quàm lingua inhortatur, plus sudoribus sanguinéque quàm verbis prouocat. parcat non rarò suis, sibi nunquam: indulgebit suis, nusquam sibi. & pro salute suorum, læto hilarique vultu animam ponet: neque enim poterit gloriosius. Ignauus verbis suis commonebit, manum à laboribus retrahet; in effusum suos suodorem peller, parcissimus ipse sudorum; indignabitur otio alieno, gaudebit suo; ignauiamque accusabit suorum, delectabitur sua; spectator factus diligentiae suorū, nec vltra. nam nec virtutum factorumque fortium præmiator erit: neque enim sperari ab illo præmia possunt, qui

cùm virtutem in se ignoret, in alio  
erubescit. nec sanè quisquam in alio  
præmiare consuevit, quod ipse dam-  
nat. damnasse aut non probasse vide-  
ri debet, qui cùm potuit, non est am-  
plexus. refugit quis labores? non  
amat. amplecteretur si amaret. cùm  
non amplecti dum possis, aspernari  
sit. & quomodo præmia sperari pos-  
sunt à non amante? ita fit vt cùm in  
deside Superiore exempla desint, la-  
borùmque præmia, deterreantur ab  
illis inferiores. nulla enim sine duce  
fortia sperari facta possunt. subtrahi-  
tur nimirum gloriæ victoriæque ma-  
teria, cùm duce exercitus destituitur.  
vincere vis? ducem para, cuius fortia  
& altè impressa anteambula vèstigia,  
sudore sanguinéque etiam signata &  
irrorata, generosior premar miles, su-  
dore illius sanguinéque in sudorem  
sanguinémque prouocatus; quem  
cum voluptate effundet, si ducis sui  
viderit. cùm contra sub ignauo duce  
torpeat miles. indurescunt nimirum  
membra laboribus; & callum etiam  
induunt, quibus cùm duris asperisq;

familiaritas quædã intercessit. lægue-  
scūt verò otio mēbra, diffluuntq; tā-  
quã si proieceris aquã. exercitatione  
verò indurata, gaudent asperis, & su-  
dor illis sãguisq; pro gloria, deliciisq;  
mollisque strato est. suavia leniãque  
vt indigna viris cæloque auersantur.

Hunc animum æterna dignũ me-  
moriam Deoque à duce suo hauriet  
miles, à Superiore inferior. prior au-  
deat ille, audebit subditus. fortia il-  
lius fortiter, lenta lentus vestigia te-  
ret. denique qualem Superiorem de-  
deris, talem inferiorem dabo; stre-  
nuũ, ignauũ. & frustra alia speranda  
sunt. sub vigili capite excitata mem-  
bra, sub torpenti torpentiã enascun-  
tur. generosum nimirum semen ge-  
nerosam sobolem dabit; ab ignauo  
languidoque nonnisi paria speranda  
sunt. nemo è rupibus mella, è rosis  
venena legit. quale germen talem  
fructum exspecta: arboris naturam  
poma sequuntur. Idem in Superiore  
continger. sequetur illum inferior;  
fortem fortis, ignauus ignauũ: vt to-  
ta à Superiore res pendeat. vt verè

lib. 2. ep.  
209.

in hanc rem Isidorus Pelusiota : *Ira natura comparatum est , ut ad eius qui præest similitudinem , ij qui parent , sese effingant.*

lib. 2. de  
legib.

Damna verò quæ à Superiorum prauo exemplo sequuntur , paucis cōplexus est Cicero : *Vitium*, ait, non solum ipsi Principes concipiunt, sed etiã in ciuitatem infundunt, plûsque exemplo quàm peccato nocent. Proniorem verò per vitia quàm per virtutem sequelam esse docet Nazianzenus : *Illud exploratum habentes facilius esse vitium*

orat. 1.  
n. 24.

*contrahere , quàm virtutem impertiri, quemadmodum facilius est morbo infici, quàm sanitatem largiri.* Et res ipsa nimium nos docet : multis opus est ad virtutem , exemplum vnum satis est ad improbitatem. Quanto verò se scelere obstringant Superiores , duces, crimine facti, discimus à Gregorio : *Scire Prelati debent , quia si peruersa vnquam perpetrant , tot mortibus digni sunt quot ad subditos suos perditionis exempla transmittunt.* unde necesse est ut tanto se cautiùs à culpa custodiant, quanto per praua quæ faciunt, non soli

Pastor.  
par. 3. c.  
5.

*moriuntur, sed aliorum animarum quas  
pravis exemplis destruxerunt, rei sunt.*  
Fortiter dicta: fortiora etiā, fera pœ-  
nitentia, nullisque lacrymis emen-  
danda, in non morituris flammis se-  
quentur in his exemplis tormenta.  
Iam qui animas cogitat, quique ha-  
rum præstantiā è Christi sanguine, &  
felicis æternitatis abdicatione, infe-  
licis in omnem æternitatem adiudi-  
catione, metitur; facilè videt quam  
pœnam mereantur, quantusque il-  
los ignis maneat, qui exēplo suo cō-  
missas sibi animas in salutem, ducunt  
in interitum; quas tam prodigo san-  
guine Christus sibi cælōque paraue-  
rat. Quid responsurus est Christo iu-  
dici Superior concrediti sibi gregis  
rationem poscenti; si perdidit quos  
pascere debebat, proiecit fouendos,  
pro nutritio latro factus, pro parente  
carnifex? miserum sanè est suo cri-  
mine perire, miserrimū suo & alieno.  
nec commiseratione dignus est quis-  
quis in alieno sāguine & anima exē-  
plo suo ludit. nō sunt hi ludi cū de  
æternitate agitur. Iam cū Superio-  
rum

rum exempla eant in posteros, crescente, ut sit, cum ætate, prævaricatione ac malitia, crescit in Superiore delicti grauitas; cui cum commensurètur pœnæ, nemo nõ videt quantæ imprudentiæ ac temeritatis sit ad vitia præluxisse, viamque ad infelicem æternitatem strauisse, adeoque exemplo suo ad illam impulsisse, qui debebat ad virtutem & cælorum gaudia.

---

*Diligens assiduâque orationis  
exercitatio.*

CAPVT XI.

**O**Rationis tam mentalis quàm vocalis magnam curam habeat Superior; si stare ac perennare spirituale ædificium volet. hæc enim spiritualis corporis anima quædam ac vita est, à qua quantum quisque decerpserit, tantum à vita detraxerit; quantumque plus concesserit, tantum plus sanguinis boni dederit. ut meritò Chrysostomus: *Si quis dicat*  
*anima*



anima nervos esse deprecationem, mea  
quidem sententia verum dixerit. quem-  
admodum enim corpus nervis coheret,  
currit, vivit, stat, & compactum est,  
adeò ut si nervos incideris, uniuersam  
corporis harmoniam dissolueris: itidem  
anima per sanctas preces sibi constant &  
compinguntur, ac pietatis cursum facile  
peragunt quid itaque maius aut diuinius  
obtingere possit, quam deprecatio, cum  
hanc animis agrotantibus pharmacum  
quoddam esse liqueat?

Oratione stante stabunt non  
magno molimine reliqua: cadente  
cadent pariter, vniàque ruina sepe-  
lietur, quidquid superinstructum  
fuerat. neque enim oratione pulsa  
aut exulante consistere diu Religio  
poterit, aut valetudinem suam tueri:  
nam cum oratio id sit animæ quod  
cibus corpori, facile videas non pos-  
se diu animam stare alimento suo de-  
stitutam. Vis illam viuere? vis robo-  
re ac viribus crescere? pasce & fove.  
pastus illi & fomenta ab oratione  
veniunt. vis à domo abesse murmur-  
ationum, oblocutionum, detractio-  
num,

num, diffensionum materiam? fac ut orationis studio seriò incumbant omnes. ex hac enim sola incitamenta profiliunt virtutum, ac generosa ad ardua quæque obeunda monita. hac indomiti franguntur affectus, aut sanè sub freno continentur, neque libera illis excurrendi in quemcumque campum spatia permittuntur: hac una solidis ornatur virtutibus, exuimur vitiis. hac domi forisque insurgentibus tentationibus, hostibusque superiores stamus, victricèque huius manu, triumphum de carne, mundo, diabolo ducimus. hac opprimuntur insurgentes affectus pravi; retunduntur malignæ propensiones, eruntur habitus mali. hac in aduersis præsidium, in secundis frenum, in mœroribus solatium, in effusionibus temperamentum, in speratis auxilium, in desperatis asilum, in vulneribus morbisque medicina, in mētium tenebris sol vnicus, in erroribus dux certus, in ignorantia magister, in teporibus calor, in frigoribus ignis,  
in

in languoribus robur est. ut meritò  
 moneat D. Bonaventura: Sicut nauta *De sex*  
 praevidens tempestatem, festinat sapius *alis, c. 8.*  
 ingredi portum securum: ita Religiosus  
 ad orationis portum continuè confugiat,  
 ubi omnes periculorum collisiones eua-  
 dat, & in omnibus agendis semper plus  
 orationi fidat quàm propria industria &  
 labori. Cum ignoramus quid agere de- *2. Paral.*  
 beamus, hoc solum habemus residui ut *19.*  
 ad te oculos nostros dirigamus, in ora-  
 tione nimirum ad Dominum, à quo con-  
 silium omne ac robur exspectandum. Et  
 Chrysostomus: Armis nobis opus est, *Ad pop.*  
 magna verò armatura oratio. opus est *Antioc.*  
 ventis à puppi, opus omnia discere, ut *hom. 41.*  
 diei spatium absque naufragiis & vul-  
 neribus transigamus. multi namque per  
 dies singulos scopuli, & frequenter illidi-  
 tur scapha, & submergitur: propterea no-  
 bis opus est oratione, matutina praesertim  
 & nocturna. Exemplis vim illius con-  
 firmat Augustinus: Quàm grandis est *ad frat.*  
 ipsius orationis causa, quàm grande my- *in Ere-*  
 sterium! Ecce Moses orabat in monte, & *mo, ser.*  
 Iosue Amalechitas devincebat. per ora- *22.*  
 tionem Ezechias sanatur, & salutem  
 anima

*animæ & corporis adipiscitur. per orationem Saulus efficitur Paulus & doctor Gentium. Ieremias confortatur in carcere. Daniel inter leones exultat. Iob in sterquilinio nudus triumphat. Susanna inter senes defēditur. paradysum de cruce latro inuenit. Stephanus de torrente in calum suscipitur, & inter lapidantes pro Saulo exauditur.*

Ab oratione deinde ingens humanarum rerum fastidium nascitur, honorum, opum, voluptatum contemptus ac proculcatio, felicibúsq; huius auspiciis ad cælorum deducimur gaudia, thesauros, gloriam. hac discimus quantum terrenis diuina antestent, quantum castissimæ diuinorum voluptates, honores, opes, reliquæque momentaneis potiõra sunt. hac vna cælestem quandam sapientiam, omnibus dæmonum dolis, fraudibúsq; solertiæque superiorem mercamur, discimúsq; res suis momentis, vera intimæque non fucata aut mentita æstimatione metiri. hac vna iungimur Deo, disiungimur mundo; innatamúsq; cælestibus

lestibus vndique deliciis, tanquam fluminibus immerfi: incipitque homo in hac mortali carne beatis cælorum mentibus misceri, ibi fortunatam stationem figere diuinorum particeps gaudiorum; tunc desipiunt terrena omnia, & maior seipso animus supra omnia creata ad immortale & interminum se lumen erigit, cupitque dissolui, & illi vni eternum iungi, vt disruptis hisce carneis vinculis æternum illi societur. ab hac felices illæ mentium potationes ac cibationes, adeoque & fortunatissimæ inebriationes profluunt; cum à vino & cælorum torcularibus ebriæ nil præter sponsum suum sapiunt, nil ambiunt, nil loquuntur, nil cogitant, nil suspirant, nil deructant aliud.

Quo magis inuigilandum Superiori est, vt cum Sapiente, *cor suum* Eccli. tradat ad vigilandum diluculo ad Dominum qui creauit illum, & in conspectu Altissimi deprecetur. aperiat os suum in oratione, exclametque cū regio Prophetæ: *Præuenerūt oculi mei ad te dilu-* Ps. 118. *culo,*

*Pf. 87.* culo, ut meditarer eloquia tua. & manē oratio mea praeueniet te. Hinc illud Augustini: Optimum huic operi matutinum deputari tempus, id est, meliorē diei partem. In quam rem primum seipsum prouocabit Superior: qui si D. Bonauentura monente, praepediunt variis  
*De sex* uentura monente, praepediunt variis  
*alis, c. 8.* curarum distractionibus, speciali deuotioni sapientius intendere; saltem interdum cum opportunè valet, quasi furtim & raptim ad orationis studium se conferat, ne omnino refrigescat, ne in desuetudinem orandi veniat, ne Deo alienus efficiatur, ne gratia diuina propitiationis ei quasi insensibiliter subtrahatur. unde Moyses cum per populi negotia vexaretur exterius, crebrò in tabernaculum foederis ad Deum recurrit, familiare illi colloquium ibi expetens, quo intrinsecus in spiritu reficeretur. & licet parua detur mora Pralato orandi, tamen quia pro aliis debet ex officio orare, datur ei quandoque propter alios copiosior orandi gratia, ut quibus prodest agendo, possit etiam orando prodesse: tantum nō negligat querere, nec abiiciat cum offertur, ne ex merito ingratitudinis ab eo gratia elōgetur.

Dabit

Dabit deinde operam, ut stata omnia in Religione orationum tempora seriò ab omnibus peragantur: cum tanta commoda una hæc exercitatio, tantæque eiusdem neglectus damna secum ferat, & à qua, pulso torpore desidîæque, diligenter peracta, omnia spiritalis vitæ emolumenta meritò sperari possunt; quæque neglecta, omnia spiritalis vitæ damna & excidia demum iure metuenda sunt. ut audeat Ephrem prorumpere in hæc verba: *Si orationem operi præmiseris, & surgens è lecto primorum motuum tuorum initia ab oratione duxeris, aditus peccato in animam non patebit.*

Neque hîc aut ingenij tarditas, aut virium imbecillitas adferri; aut admitti in excusationem debent. nemo tam rudi ingenio, aut tanta complexionis tenuitate est, qui si horulam unam continuæ meditationi dare non possit; piæ saltem lectioni, cui per intervalla mentales fermocinationes misceantur, dare non possit; aut sanè celestibus quibusdam aspirationibus

rationibus frequenter repetitis , horulam vnā explere non valeat : neque cuiusquam ea virium tenuitas est , vt densatis aspirationibus , aut vocali orationi horulam per diem vnā impendere non possit. Habes de his monentem Chrysostomum: Si per intervalla crebris precationibus teipsum accendes , non dabis occasionem diabolo , aut vllum ad tuas cogitationes adiūm. Et alibi: Breues & frequentes orationes fieri Christus & Paulus preceperunt parvis ex intervallis, nam si sermonem in longum extenderis , in negligentiam frequenter lapsus , multam subrependi diabolo facultatem dederis , & supplantandi & cogitationem abducendi de his quæ dicuntur. Si verò continuas & crebras orationes facias , totūque tempus interpolans frequentia , facile poteris modestiam exhibere , & ipsas orationes cum multa facies solertia. Et Cassianum: Vtilius censent breves orationes , sed crebriores fieri. illud quidem , vt frequentius Dominum deprecantes iugiter eidem coherere possimus: hoc verò , vt insidiantis diaboli iacula , quæ infligere nobis

bis



*bis tunc præcipuè, cum oramus, insistit, succincta breuitate vitemus.* Quicunque tamen longiorum meditationum exercitationes admittere possunt Christi pernoctantis in oratione exemplo, animandi ac propellendi sunt; cum certum sit ab his ferè felicem infelicemque Religionis cursum pendere. his enim ritè manè peractis, in reliquum diem roboratur mens humana, & armatur in hostes: his incallescunt animi, & cælestium desiderijs inflammantur, donisque gratuitis instruuntur, cælestique quodam rore in omnem virtutem fœcundantur.

Accedit à primis propè omnium Religionum institutoribus frequentatam hanc mentis cum Deo fermocinationem fuisse, siue piis quibusdam ingenij discursibus ac ratiocinationibus animum terredò, roborando, collustrando, in amorem impellendo; siue solius volūtatis affectibus, frequentatis ab imo corde suspiriis in amoris quasdam delicias rapiendo; siue è nobili vtriusque potentia,

tia, intellectus ac voluntatis mistura, docendo ac inflammando; dum ad ea quæ ingenium felici fœcundoque partu inuenit, voluntas excitata, in amicos sibi affectus prouocatur: quibus si bina per diem conscientia examina accedant, non facile in deteriora Religiosus labetur. nam qui manè seria meditatione pectus ad virtutem firmavit, ac contra vitia obfirmavit, Missæ deinde sacrificio seu obeundo seu audiendo mentem paut, antemeridiana denique ac nocturna conscientia examinatione, se suâque in omnem partem discussit, factus sibi ipsi iudex; aut in grauiora non corruet, aut diutius iisdem non inhærebit. toties enim animus die vno spiritualibus his alimentis pastus ac roboratus, neque exarescere, neque superari ab hoste potest: maximè si frequentibus per diem piis ad Deum suspirationibus quasi continuo filo spirituales illas exercitationes adnectat, quibus tanquam perennibus in orbem propugnaculis firmetur, memor

mor semper & vbique sui, futurorum omniâque intuentis Dei.

Denique si tacitus sæpè secum cogitauerit Superior, nullum à Religione ad sæculum sæculique mores commigrasse, qui non prius à meditationis ac orationis studio ad earundem neglectum transierit; nullumque orationis serium obseruatorem, aut cecidisse, aut in lapsu diu stetisse; nullum in Religione magnum ad magna sine hac ductrice conscendisse; nullum virtutibus clarum, nullum Deo tenero quodam aut filiali, aut sponsæ affectu coniunctum; nullumque miraculis vitæque sanctimonia illustrem, orationis præsidio destitutum vixisse; non difficulter se suosque ad feruidum orationis studium impellet. bonorum enim maiorumque tanta ex prosecutione huius aut destitutione copia est, vt non opus sit penitiore inuestigatione: res ipsa loquitur. Sanè nemo tã altè, extra aut in ipsa etiam Religione stetit, qui ab orationis neglectu non altiùs ceciderit quàm steterat. nemo tam

vilis aut ingenij tenuis & abiectę cō-  
ditionis fuit, qui non hac vna maxi-  
mos quosque eruditione, facundia  
ac prudentia claros, in verarum vir-  
tutum studio superauerit.

Totum se proinde Superior ora-  
tionis suorum obseruationi impen-  
det. frequenter de hac priuatim cum  
singulis, publicę cum omnibus ser-  
monem miscebit, vtilitatem necessi-  
tatęque explicabit. eadęque per  
domesticum Confessarium, aliós-  
que viros maturiores, orationis pie-  
tatísque studiosos, siue in priuatis  
colloquiis, siue in domesticis exhor-  
tationibus exequetur; operámque  
dabit vt nulla cuiquam dies sine spi-  
ritualis libri lectione transeat; cui  
certum aliquod tempus designari  
vtilissimum foret. libri etiam iuniori-  
bus à Superiore aut domestico Con-  
fessario præscribendi, ne affectu po-  
tius quàm necessitate ducti, iis legē-  
dis distinetur, à quibus plus curiosa-  
rum scientiarum quàm spiritus & so-  
lidę pietatis hauriant. Consultum-  
que ante omnia fuerit è maturiori-  
bus

bis aliquem designari, qui orationis tempora ac singulorum in hoc genere studium obseruet, Superioremque moneat; ipsumque adeo Superiorem non raro hoc munus obire. calcar enim non leue ad omnem virtutem addit Superioris vigilatia: dum enim se suaque obseruari singuli a Superiore arbitrantur, offensiones cauent: diligentiam adhibent: & quæ à timore ac illius veneratione nata erant, paulatim in naturam abeunt, ac sine ductore iam, monitore, obseruatore placent, studiosèque exequuntur; & amore quodam consuetarum rerum proni auidèque in eas magno conatu affectuque feruntur, facti sibi vsu quodam magistri ductoresque.

---

*Mortificationis studium.*

CAPUT XII.

**M**Aiorem etiam mortificationis curam habeat Superior, nam in sola oratione stetisse, nec ad mortificationis exercitationes trāsisse, idem

est ac si quis intra domesticos parietes velitetur, arma paret, exercitus aut comitetur aut ducat, hostem feriat, quem nunquam nusquam viderit. miles esse qui volet, inimicum experiat, ferrum, cominus arma, dextram dextræ, pedem pedi conferat. hausisse & dedisse sanguinem, militis est. assuescat duris, neque è molli pluma aut puluinaribus, sed à ligno aut lapide aut nuda humo exurgat in hostem. Idem faciat noster miles; non solum orationum deliciis suavisque illius commonitionibus, sed difficilium usu animum ad magna paret. nam ut multum in suadela possit oratio, facta tamen potentius inhortantur: illa ducit, hæc rapiunt, & languida vires animosque addunt ad magna. Sanè debiles non paucos corpore, assidua exercitatione indurari ac roborari videmus. Idem faciet mortificationis studium. inuigilabit proinde huic Superior, quo maioribus viribus, in hac spiritali lucta incursantibus vndique hostibus, indigemus. prudenter tamen ac moderate:

ratè: vt suorum firmet, non frangat animos. à paruis primùm initiis, per mediocritia ad magna ducet; vires singulorum metietur; ac præbit ipse sæpè, ac manu quasi militem suum vt pater filiū ducet. si viderit oneri succumbentem; temperabit, minora imperabit: laudabit tamen conatum; ac si quid generosius, ac tanquam supra fortunam egerit, ad paria aut maiora etiam prouocabit. Sæpè præmeditato & expectanti ac vltro deposcenti asperiora iniungat, nec rarò præter opinionem ac expectationem quædam ingerat, vt è subitis discat quid animo reconditum lateat. Sanè sua sponte, teste Dorotheo, ad vilia quaque exercitia currere non est admodum magni profectus: quin etiam fieri potest vt inanis & vana sit gloria. at cum vile tibi aliquid ac contemptibile præcipitur, neque repugnas aut contradicis, sed in omni mansuetudine & obedientia iussa capessis & facis, tum verè illud sit ad profectum.

In qua re non exigua prudentiâ opus est, vt dispiciat Superior, quem

per hæc improuida exercitamenta ducatur. neque enim omnium est. quare non postremam habeat antè per crebras vltroneas ac spontaneas mortificationes experientiam illius, quem per hæc inopinata, maximè si ardua sint, deducit. in quibus si senserit succumbentem aut reluctantem, frena remittat, & aliò cursum flectat. tètet deinde commodiore tempore, totque repetitis interpolatisque vicibus rem aggrediatur, donec tandem militem suum subitis imperatisque his assuefaciat.

Quòd si quem repererit vniuersim ad imperia hæc omnia fortiter recalcitrantem, solaque oratione ac alta quadam mentis tranquillitate contentum, reliqua retrectantem aut refugiètem, sedulò periculorum monebit. ostendet orationem mortificatione destitutam, demonum ferè illusionibus patere, iudicij noxiã quandam tenacitatem ingenerare, obedientiæ frenã excutere, aut sanè laxare, aliorum contemptum adducere, omnibusque propè periculis  
sub



subiacere: Sanè qui in sola oratione delitescit mortificatione neglecta, nec subesse, nec præesse tutò potest: sed solitariæ magis quàm socialis vitæ idoneus cultor erit: in quo vitia non tam superata quàm sopita iacēt: accedat excitator, & exurgent etiam validiùs quæ latebant mala: cruda enim & in viridi suo robore tãquam in stabulo suo equi ferociam premunt, quam educti campo dato euoment.

Qui verò per mortificationũ varias exercitationes efferuescētẽ animum, efferósq; illius motus domuerũt, ad omnia natos arbitrabere. dura, mollia; aspera, lenia; ardua, & facilia iuxtà habebunt: docti in omnem fortunæ ventũ vela flectere; parique vultu quamcunq; incurstantẽ, secundam an aduersam excipient. insurgant cælo terrisq; minitantes tẽpestates, hostes, exilia, verbera; ferent: & cum difficultatibus animos induent, vt illis quasi per gradus crescentibus increſcant animi, ac iisdem passibus exurgāt. his omnia im-

perari possunt, omnia credi. delectantur nimirum arduis, & magnam gloriæ suæ partem putant, si difficillimis committantur. Idem euenire videmus militi, qui quo generosior, eo ardentius difficilia appetit, infima negligit vt virtute sua indigna, & contemni se arbitratur, si minimis componatur; gaudet arduis, in quibus robur ostendet; & exultat voluptate plenus, si ducis sui sententia dignus habitus fuerit qui per armatos hostes, per densata agmina, per circumstrepentes globos, per stridentia vndique tela, mittatur in mortem, gloriosius inter hostiles acies, quam in lecto animam positurus.

---

*Regularum omnium seria  
observatio.*

C A P V T XIII.

**R**egularum cōstitutionū mē ob-  
seruationi sedulò Superior in-  
uigilet: cū ab hac prudens in vno  
quo

que Ordine gubernatio dependeat. sapientibus Maiorum placitis inhæreat, nec ad sinistram ab iis aut dextram deflectat. non gaudeat nouis à se inuentis, aut ab alijs mutuatis; sed fortiter primis quibusque institutis inhæreat. nec patiatur se quocunque etiam pietatis prætextu ab iis abduci. quantum enim ab iis deflexerit, tantum se sciet à proposito sibi fine aberrasse. singulis enim viuendi normam Spiritus sanctus peritissimus Ordinum ductor & instructor tradidit; præfixitque in auctoribus limites, quos transgredi, faui, temerarij arrogantisque animi, plusque de prudentia sua quàm de Deo fidentis signum est.

Nec infimis minùs quàm maximis incumbat Superior, certus regulas vtrasque à Deo prouenisse. pari proinde eas cura ac sollicitudine tuebitur; eo magis quo à minimis quibusque non à maximis Ordinum discrimina sumantur: in his omnes propè pariuntur. à minoribus disparitas nascitur. tanquam si quis eiusdem

De sex  
alis, c. 3.

generis vestes vario intertextat ornatu, à quo elegantiam & venustatem singulæ accipiunt. Et *quamvis in his non tanta vis salutis existat, quasi sine eis non sit salus, tamen transgressio eorum deformat Religionis decorem.* addit Bonaventura : *Cauenda est negligentia exterioris disciplina, cuius desertio signum est neglectæ conscientiae, & interioris lenitatis.*

Cogitet deinde Superior à minorum neglectu ad maiora sensim delabi : ita à scintilla contempta flamma exoritur, & vrbes ab illa iam nullæ. à leuissimo morbo aut vulnere secuta mors, contemptorem suum in exemplum infelici exitu posteritati dedit. & tenuissimæ res quantam non rarò stragem familiis regnisque dederunt? vt plus persæpè à minimis, quàm à maximis periculi sit. hæc enim prudentior quisque refugit, neque facilè se in apertam improbitatē coniicit. minima dum nō timentur, incautos perimūt. sanè plus metuentus qui ex insidiis exurgit hostis, quàm qui armatus aperto decurrit

campo. Quare prudens Superior, licet omnem hostem metuat, maiorem tamen sollicitudine minimo inuigilabit; certus plus sæpè ab hoc periculi prouenire quo natura sua minor. maiora metus comitatur. ad ardua enim armamur; inermes ad minora decurrimus: quare inexpectata ab his damna accipimus. ita & rarior ab ingenti præcipitio lapsus est, cum periculi magnitudo cautiores nos reddat.

Omnibus proinde prudens Superior intentum animum habebit, si sibi, si familiæ, si Religioni consultum volet; memor eo magis minimo. næuo corpus deuenustari, quo nobilius fuerit. nobilissima verò Religionum Ordinumque corpora esse, nemo dubitare potest, qui singulari illa præ reliquis prærogatiua, Dei manibus in gloriæ suæ propagationem proximorumque salutem delecta ac figurata cogitauerit. quo maiore in omnem partem sollicitudine aduigilabit Superior, dabitque operam, ne vitio, conuiuentia, neglectu suo, non reparanda damna contrahat. nolo

morosum omnium exactorem, nolo  
tetricum ac fastidio plenum; prouidum volo, verbóque vultúque hilaritatem præ se ferentem. nolo perpetuū in acerbioribus monitis, vt in singulis exurgat tanquam si de iugulo agatur. neque enim in omni morbo, sectionibus ac adustionibus opus. imò nunquam aut perrarò his opus, si principiis manum medicus admo-ueat. leni remedio initiis occurritur. non statim proinde exurgat Superior in iras; imò nunquam in illas exurgat. semper se medicum cogitet, qui licet agroti culpa malum contractum fuerit, non indignatur, aut acrioribus verbis increpat. medetur malo, amicamque manum morbo aut vulneri adhibet. Idem faciat Superior; nec semper, nec statim decurrat ad pœnas; dissimulet aliquando, ne ad frequentata callum obducatur inferior, ne ruborẽ exuat. emendationis dux verëcundia est. Quædam nonnunquam intacta transeat; quædam solo nutu corrigat; alia tanquam ignorata prætergrediatur;  
in

in aliis sola maturioris; & ad seueritatem tendentis vultus. compositione displicentiam ostendat. aliquando vniuersum aut priuatim per se aut alios moneat, per Confessarium maxime, aut si quem familiariorẽ è domesticis virum cordatum & fidum habeat qui deliquit. mirum quantum sæpè ad emendationem valeat, si inferior à Superiore ignorari errorem suum arbitretur. In paruis etiam delictis, si à pluribus frequententur, optima corrigendi ratio à publicis reprehensionibus sumitur, in iis quæ in aliorum oculis commissa sunt. docentur enim in paucis omnes. sed dexteritate quadam hinc opus ac suauitate, ne durioribus exasperentur, & pro emendatione exacerbatio sequatur, & incrudescat malum. quare rariùs etiã hoc remediũ adhibendũ, ne eat in consuetudinem, & frequentia sua paulatim vilescat: minùs enim frequentata mouent, & venena etiã, si frequentaueris, in alimenta vertuntur; semelque depositus rubor magnam meliorum spem tollit. vt

non exigua circumſpectio neceſſaria ſit in eo qui mederi malo cogitat. temporis nimirum, perſonarum, ſociorum, loci, aliarumque circumſtantiarum ratio habenda eſt. Et ſanè imperitiſſimus medicus ſit, qui in omnibus & ſemper ad ignem & ferrum decurret. perimit talis, non ſanat. Idem in Superiore cogita: nō eſt Superior, non pater, ſed dominus & iudex, qui ad ſeueriora remedia in minimis quibuſque deſcendit; qui nuſquam parcit; qui ſemper flāmas & ſecures intentat. Pater ſi Superior fuerit, paternam in filiorum delictis manum admouebit. indulget non raro, ita tamen ne indulgentia licentiæ cauſſam præbeat, & iterare non pudeat quod indulgeri viderint. quare monebit Superior, ac puniet etiam ut pater: quòd ſi quando grauioribus medicamentis vtendum; filium tamen ſuum ægrum cogitabit, & ſe patrem. iuuare velit, non perdere; mederi, non perimere. etiam dum vrit & ſecat, vri ac ſecari filium cogitet; ut non niſi in ſalutem ferro vta-



tur. quòd si quando iudicis persona. assumenda fuerit, exuenda patris: clementia tamen sectionibus miscatur, vt hominem semper se meminerit; &, nì potentem manum iniiciat Deus, ad deteriora prouum.

Ac sæpenuerò in his omnibus satis erit, si inferiores intelligant, vehementer Superiori regularum etiam minimarum transgressionem displicere; maximè si illũ habeant amantque vt patrem: induunt enim tunc illi affectum filiorum, qui vel tenuem vitant offensionem patris. quem si in minimarum quarumcunque regularum seriã obseruationem ferri viderint, pari in illas affectu trahentur, vel hoc solo nomine, quòd in illas amantissimi patris sui propensionem senserint. vt satis non rarò sit ad omnium regularum fidam custodiam, si cùm in suis verum filialem amorem prouocauerit Superior, tum se regularum omnium studiosum ostenderit: maximè si exemplo ipse præeat. sequentur enim filij patrem; quòque amabunt magis, minus vo-  
lent

lent offendere , plus imitari. amor imitationem inducit , offensionem cauet. hinc eorum quos amamus virtutem, adeoque & vitia imitamur. amanti hoc est , imbibit amati mores ; nec ferè videt probi illi an improbi sint. ita cæcus omnis amor est, vt nec cogitantibus quidem virtutes vitiaque influant. credas amicos animos in mutua transfundere viscera, quidquid virtutum ac vitiorum habent ; vt etiam externam corporis compositionem imitentur, propius fortiusque etiam filij , amantissimi patris sui mores exprimunt. Eadem in inferioribus videbis : vt qualem Superiorem nacti fuerint ; tales plurimum illos reperiās. vt omnium felicior successus , omnis benè constitutæ familiæ prudens moderatio, omnis accurata regularum observatio, ab vno Superiore pendeat. neque quidquam facilius promptiusque quàm sequi filium præeunte patre, maximè si ametur. Amor enim & patri veneratio debita , & offensionis metus , in seriam omnium observatio-

tio

tionem inferiores impellet. dū enim nolunt offendere quem amant, parebunt imperanti; magis etiam sequentur præeuntem, nec voce iam tantum, sed factis magistrum, ducem, patrem. Quales proinde suos regularum omnium amatores Superior desiderat, talē se illis præbeat. sequentur, si illum ament, si patris loco habeant, destituent, si desit amor. quin imò licet rem probauerint, non sequentur ductorem. Nemo quem odit, imitatur, ne hostem magistrum ad virtutem habuisse videatur. amet, & sequentur.

Hunc suorum amorem prouocet in se Superior. faciet si se in omnibus ostenderit patrem. quod qui fecerit, quò volet impellet suos, etiam per medios ignes. Pulchrum nimirum per ardua parentem sequi. faciet hoc quisquis amabit. nihil enim durum amanti est: imò suaue omne durum amanti est. Hunc in se suorum amorē pari amore conciliet Superior. nec magnum est filios amare patrem; portentum est non amare.

re: patrem ergo se statuat, & amabit: verique patris induat viscera, veræ matris vbera, & non poterit non amare. Deum cogitet, illius in se supra patris matrisque affectum; & imitari non pudeat Deum. tales habiturus suos filios; qualem se illis præbuerit patrem: tales imitatores, qualem se dederit ducem. sequentur quò duxerit ut filij patrem matremque. in regularum omnium feriam observationem ducet? validè sequentur, & generoso calcatu parentum vestigiis insistent. pulchrum nimirum filiis parentum vestigia premere, & iisdem passibus sequi præeuntes. sanè nihil facilius quàm imperare filiis, nihil promptius quàm obsequi patri. parentis gaudebit imperiis filius, si verum patrem nactus fuerit, qui nimirum in omni imperio parentis affectum prodat; ut quasi manu tangat filius patrem esse qui imperat, non dominum aut iudicem. hoc si euicerit pater, si sibi persuaserit filius, in beneficium imperata reponet, etiam pœnas, quas tanquam

in acrioribus morbis, acriora in salutem medicamenta hauriet, certus inualetudinem his depelli; nec indignabitur patri, vt nec medico, amarulentiora porrigi pocula, quæ scit in salutem porrigi. magis verò exosculabitur illas manus, à quibus morbos pelli vulneraque curari senserit, lætus de medicamēto, quia felix de valetudine, tali medicamento parata.

---

*Spiritualium conferentiarum inter domesticos institutio.*

CAPVT XIV.

**H**Abeantur decimo quinto die spirituales conferentiæ inter domesticos, de iis potissimum quæ aut obesse aut prodesse plurimum instituto possunt. ac primò quæ speranda bona, quæue timēda mala sunt pro propositæ rei conditione breuiter à singulis dicantur. recenseantur deinde siue ad bona paranda, siue ad mala vitanda, remedia: proderitque demum exemplis ea illustrare siue

siue bonorum qui per virtutem ad summa peruenerunt, siue malorum qui per vitiorum gradus ad extremâ præcipitia infelici exitu prolapsi sũt; siue illa petantur à veteribus, siue ab ipsa Religione recentibus, quæ ferè fortius mouent, & altius in animum dimittuntur.

Vt autem paratiores sint singuli, de re pomeridiano tempore tractanda, manè meditentur. proderit etiam si quis ex omnibus summa capitâ notet: sic enim magnum paulatim non magno labore thesaurum sibi parabunt, multorum aliquando consolationi, instructioni, animationi. Iuuabit etiam hæc conferentiarum frequentatio ad mutuam animorum inter se coniunctionem: coalescunt enim faciliè animi per virtutum, vitiorum, bonorum noxiarumque confectas, accendunturque tanquam mutuis flammis, mutuisque vtrò citròque prolatis consiliis, nociturorumque remediis tanquam mutuo fulciuntur auxilio.

Putarem verò conferentias hæc  
in

in tres classes diuidendas, vt prima, è sacerdotibus, aut paulò pòst sacris initiandis; secunda, è iunioribus qui studiis incumbunt; tertia, è Fratribus: quòd maiora è triplici hoc ordine priuatim publicèque emolumenta sperem. nam si iuniores Scholastici ac Fratres sacerdotibus misceantur, è sola ferè sacerdotum auditione exspectari fructus potest: omne enim tempus dicentibus illis elabetur, & verecundia iuniores Scholares, magis etiam Fratres à dicendo deterrebit. si disiungas, temporis sat erit omnibus, crescètque inter pares animus, rubore pulso, singulique inueniēdis quæ in medium adferant, operam conatúmque impendent; cùm enim rogandos se sciant, parati accedent, & audebunt inter pares cogitata adferre. longè deinde accòmmodatiora singulorum ingeniis, eruditioni, exercitationibus, iudiciis, propensionibúisque ab eiusdem conditionis proferuntur. quòd si rem etiam ab affectu metiamur, dubitari non potest, quin sui  
ordi

ordinis , quàm promiscuè omnibus misceri malint.

Et occurrere in spiritalibus his conferentiis ea possunt , quæ non expediat in omnium aures effundere. plurima namque pericula damnâque è variis rebus metuenda sunt quæ consultius sit à pluribus ignorari. cognita enim sæpe ad non tuta propellunt : non fecissent ignorata. Accedit , sacerdotes pro varia sua eruditione ea dicere , quæ altiora ferè profundiorâque sunt quàm quò attingant Fratres.

Consultum verò fuerit singulis hisce conferentiis Superiorem ipsum præesse ; plus enim auctoritatis illis accedet , magisque seriò instituentur. certiùs etiam suos quàm quifquam alius consilio iuvare Superior poterit : propiùs etiam ad cor , cum vnoquoque ordinum agere , singulis ea proponendo , quæ cuique imprimis vtilia ac necessaria sunt. quæ si omnibus præsentibus adferret , ruborem non rarò , fructum nullum eliceret. interspargi namque non inutiliter



liter aliquando à Superiore monita possunt, quæ Confessarios, Concionatores, reliquosque sacerdotes tangerant; ea etiam quæ solos iuniores studiis intentos: quæ vtilius à Fratribus ignorantur. cognita enim prodesse, ignorata obesse non possunt; maxime cum damna merito in mulierum confessionibus, agrorum visitationibus, iuuentutis familiariori consuetudine timenda narrantur, exemplaque siue vetera siue nova in terrorem & cautelam recedantur. Hæc enim prudentiam parant, profuturum timorem ingerunt, providosque cautosque seriosque reddunt, fiduciamque nimiam sui in hoc sexu frangunt ac deprimunt; præsumptionem arcant, salutarumque roboris, virtutumque suarum diffidentiam iniiciunt; docentque nulli in hoc sexu fidere, nulli credere; omniaque ab illo profecta timidè pertractare; vultum, oculos, verba, mores, ornatum, colloquia, sub quocunque prætextu, suspectissima habere, & ut præsentissima venena circumspicere. in quibus multa  
tuto

tutò ingenti bono Patribus, Fratribus verò nullo emolumento dici possunt; damno etiam non rarò maximo: vt proinde consultius longè videatur ordinum discrimina in spiritalibus conferentiis seruare.

Aliquid, non diffiteor, laboris ac molestiarum Superiori accedit. sed quæ potest patri in filiorum salute molestia creari? si plus sudorum, plus fructus est. labor terret? emolumenta recreent. & quantus labor est si commoda cogitet? præmia deinde cælo reposita recenseat, & pudebit laboris, cum illorum magnitudinem intuebitur. quin imò gaudebit laboribus, cum se patrem matrémque cogitauerit, sudorémque omnem filiis Deoque fundi.

Conferentiæ verò ita institui cum Fratribus poterunt, vt vna septimana exhortatio ad illos habeatur de rebus generi vitæ illorum conuenientibus; altera verò de eadem re conferentiæ. in quibus singuli dum cogitata proferunt, animandi collaudandique sunt. cauendum verò  
tunc

tunc si vnquā aliās, ab omni duriore  
& acriore agendi ratione; sed suauibus  
lenibúsq; vërbis iuuandi vt paulatim  
assuescant; crescátque illis ad  
dicendum animus. Solet enim talibus  
ad virtutem excitari mēs humana;  
& quæ trepidabat ad aspectum,  
audet etiam congressum vltiò exposcere.  
ita balbutientes & ad singula  
propè verba auditoresque rubore  
perculsi, assiduitate promptitudinem  
audaciamque induunt. crescit enim  
animus roboraturque consuetudine.  
Idem in omni arte reperies. à tenuibus  
initiis ad summa conscenditur. & ille  
modò inter magistri manus trepidus,  
etiam doctorem suum prouocare non  
erubescit. nihil nimirum tam arduum  
durumque, quod vsu non mollescat.

Ingentem deinde conferentiæ hæ  
Superiori subditorum cognitionem  
parabunt; & quod plurimis annis  
consequi difficillimum fuerat, pauci  
menses docebunt. Neque verò res  
alia magis ingenij promptitudinem,  
iudicij maturitatem, instituti amo-

rem, animarum zelum ostendet. que res plurimum ad prudentis gubernationis directionem proderit. Mutua deinde inter earundem conferentiarum socios cognitio crescit; dū intima recluduntur, & quo propè quisque feratur spiritu, retegatur, omniumque auribus exponatur.

Assuescunt demum singuli seriis & Religioso dignissimis colloquiis; nihilque promptius est, quam non tantum domesticas recreationes, sed & colloquia cum externis piis sermocinationibus permiscere. semel enim excitata mens, & mutuis hisce incitamentis tanquam calcaribus ad maiora cælestiaque prouocata, quiescere non potest: diffundit se in proximos, & ubicunque occasionem tanquam terram bonam nacta est, non prætermittit profutura semina spargere magno sepè animorum bono: vnde non rarò fructus exurgunt quales ne sperare quidem quisquam audeat. Quo verò sæpius hæ conferentiæ iterantur, eo plus etiā singulis accrescit animorum & virtutis, fœ-

cun

cundiúsque spargunt quæ tam diu-  
te ab vnoquoq; fonte hauserūt: do-  
músque paulatim tota, recreationés-  
que paribus assuetæ colloquiis, plus  
piarum sanctarúmque veterum Pa-  
trum more collationum , quàm re-  
creationum referunt vestigia. quibus  
assueta iuuentus pulsis sæcularibus  
vanitatibus solam pietatem vultu,  
voce, oculis, moribus, totaq; corpo-  
ris compositione, suo aliorúmq; bo-  
no spirabit. & quod assiduo labore  
perpetuísque Superiorum monitis  
obtineri non potuit , nullo impel-  
lente sponte eueniet. tantum con-  
suetudo in quamcunque partem po-  
test. quam si in meliorem inflexeris,  
optima quæque meritò exspectanda  
sunt , magno Religionis proximo-  
rúmque bono.

Denique conferentiarum harum  
spiritaliũ assiduitas ac frequentatio  
magnam meditationum per discur-  
sum faciendarum facilitatem dabit;  
è quibus ampla fertilisque materia  
piorum affectuum nascitur. adeò vt  
ad meditandum rudes, atque ad in-

uentionē. steriles, felicibus hisce subsidiiis fœcūdentur: paulatimq; similes modos combibant, quorum exemplo promptius alia reperiant, quæ pari in alios postmodum facilitate, felicitate, fœcunditatēque disseminent: fortunatissimoque euentu, ac insperata vbertate, centupla nimirū fœneratione effundant. Ita censuit in his omnibus magnus Claudius Aquaiuia noster; cuius viri prudentiam omnis posteritas loquetur. quē in omni hoc volumine ducem me sequi lubens volēnsque fateor; quo etiam ductore securius pedem figo, calamum stringo. & monere etiam audeo, & magni parētis vestigia premens in generosam illustrium monitorum semitam prouocate.

---

*Hebdomadaria Fratrum allocutio.*

C A P V T X V.

**S**ingulis septimanis cum vnoquoque  
 que Fratrum agat, ita distributis  
 per hebdomadam diebus, vt singuli  
 præ

præsciant quo die Superiorem conuenire debeant: agátque cum singulis de profectu eorú in spiritu, de valetudine, de munere quod obeunt: ac sicubi deflexerint, moneat, hortetur, animet, remedia præscribat: vix credi potest quantum hebdomadaria hæc collocutio momenti allatura sit ad tranquillandam domum, mutuámque pacem conseruándam. nã cum magna pars domesticæ tranquillitatis à Fratrum Religiosa viuendi muniáque sua obeundi ratione pendeat; hæc verò ratio nullis modis foueri magis àugerique possit quàm vigili Superioris sollicitudine ac paterna cura, quæ in hebdomadaria hac sermocinatione maximè elucet; perfacile Superior impetrabit vt religiosè, strenuè ac pacatè sua peragant: quod vbi consecutus fuerit, mutua reliquorum domesticorum pax, amor, beneuolentiáque nullo negotio sequentur.

Et sanè frequens hæc collocutio vel sola satis erit ad Fratres in officio continendos. quod quantum ad

pacatam totius familiæ gubernationem momenti adferat, perfacilè intelliget quisquis propiùs viderit in manu ferè Fratrum esse, quæ ad tràquillandam turbadámque domũ cū primis faciunt. qualis non inter postrema temporalium rerum administratio est; quæ maximam secum vt curarum & sollicitudinum, sic etiam domesticæ tràquillitatis partem trahit. neque ferè in vlla re alia plus ad turbandos conciliandósque animos materiæ reperies; adeò vt benè, prudenter, pacatéque qui temporalia composuit, longè certissima tutissimáque spiritualium fundamenta posuisse non iniuria censei possit. Facilis enim ad mutuam animorum coniunctionem, ad parendi promptitudinem, ad venerationis excitationem, ad regularum obseruationem via est, si strata per sapientè felicemque temporalium rerum administratione semita est. hac enim cura sublata, leuatíq; hoc onere Superiores, non magno molimine fortunata manu spiritalia seminabunt, quæ



quæ diuite domum melle beabunt.  
refectis enim iis quæ magnam oblo-  
cutionum segetē subministrare, Su-  
periorumque animos sollicita anxie-  
tate in diuersum rapere consueue-  
runt, non magno conatu, ingēti ani-  
morum tranquillitate, spiritualia fir-  
mabuntur, cū & totos se his Su-  
periores impendent, cura illorum li-  
berati; & subditi è temporalium re-  
rum sordida tenuitate, aut improui-  
do earumdem delectu imprudenti-  
que administratione, murmuratio-  
num oblocutionūq; causam nul-  
lam habebunt.

Accedit, Fratres plurimis adiumē-  
tis carere, quibus Scholastici abun-  
dant. institutio, eruditio, exercitatio,  
educatio, libri, doctorum consuetu-  
do, magnum virtuti lumen præferūt,  
quibus ferè Fratres destituuntur.  
quid? quòd ex se, vt ita dicam, Scho-  
lastici virtutum magistri sint, Fratres  
ex aliis, à quorum perpetuò propè  
ore, ductu, institutioneque pendent.  
occupationes deinde Scholastico-  
rum ita piis quibusq; rebus permiste  
Y 4 sunt,

sunt, vt in omni ferè exercitatione aliquid interspargatur pietatis. Siue enim iuuentutem erudiant, aut confessionibus excipiendis, aut habēdis concionibus ac catechismi explicationibus distineantur, siue ægros, morientes, mœroribus aliisque calamitatibus oppressos solentur, consiliis iuuent, dissentientium animos componant, siue studiis denique vacent, plurimum his omnibus permiscetur quo mentem pascant & erudiant, seque ipsos ad virtutum studia excitent, variōsque pro re nata cælestes affectus induant: vt dum alios instituunt, monent, hortantur, consulunt, se ad eadem prouocent; virtutem laudant, vitia auersantur, Sanctorum magnorūque in vtraque fortuna exemplum proponūt, fiduciam in Deū accendunt, præmia pœnæque vitæ alterius, felicemque in illis infelicemque æternitatem narrant, sibi referant. vt verum illud verus sit, In quam partem alium vis flectere, te prius flecte; affectumque prior induc, quem alteri imprimas.

nemo

nemo frigidus æstum calorémque,  
nemo calens frigus afflavit alteri.  
Hinc fit vt cùm Scholastici excitandis  
proximorum animis, & ad virtutem  
impellendis, ac à vitiis deterrendis  
occupentur, magnam eosdem in se  
affectus concitandi causam habeant;  
qua ferè Fratres spoliantur. vt  
proinde maiori cura ac molimine in  
his opus sit: longéque plus in continendis  
his, ac in pietate sanctimoniâque  
perficiendis, laborandum Superiori  
sit. cùm enim propriis ac quasi  
domi suæ natis subsidiis careât,  
ab aliis mutuare illa coguntur: à  
nullo verò certiùs tutiùsque quàm à  
Superiore tanquam patre. quos cùm  
ad orationis mortificationis que amorem  
studiùmque Superior impulerit,  
reliquos natura exercitationeque ad  
eadē pronos ac currentes, nullo negotio  
incitabit. Fuit hæc mens Aquauivæ  
nostri, magni per omnia viri. de quo  
hoc possumus: Incertum, pietate  
an prudentia vicerit. rerum sanè  
gestarum gloria, constantia, animique  
inuieti robore, inter Ordinum

primos non immeritò numerandus. In quo vno cùm plurima propè supra fidem admiranda, tum nihil mihi ad laudem maius, quàm in tanta pietate, ac cum Deo, æternisque perpetuo quodam nexu ac contubernio, tantam humanarum rerum futurorumque fuisse providentiam; in tanta generis munerisque dignatione, benignitatem ac modestiam; in tanto aduersantium turbine, tot non vna cæli parte fluctibus dirum sæuientibus, securitatem animumque incurstantibus maiorem; in tam crebro densata negotiorum mole, celeritatem; in tam præcipiti rerum varietate, mentem sibi semper constantem præsentemque, nusquam variū, semper sibi similem, nusquam trepidum, semper fortem, nusquam consilij inopem aut incertum, aut irruentibus minorem, semper Superiorem. nunquam illi in tanta varietate & mole interrupta quies, deiectior animus, semper pacatus & robore suo plenus, cùm in vno Deo æternorumque expectatione spem

omnem poneret; concreditæ sibi à Deo Societatis amatissimus, pro qua si bonus pastor sanguinem funderet felicissimum se arbitrabatur: omnibus denique semper & ubique parens, quos tenero quodam affectu, & tanquam vberum deliciis prosequeretur, maximè orationi & mortificationi deditos, & quos in aduersis & pro Religionis integritate inuictos stetisse compererat, nullis potentium minis aut præmiis flectendos, nullis frangendos.

---

*In suorum recreationibus spectator,  
non actor sit Superior.*

CAPUT XVI.

**I**N quibuscunque domesticorum recreationibus spectator potius quam actor illarum Superior erit: nec facile se committet illis. nam ut in vario genere plurimum possit, superari tamen palam ab inferioribus non vna in re durum est. hanc de se victoriam quæ ad minuendam vene-

rationem nata est., fugiet quisquis  
sapit. Quare in ipsis etiam diurnis re-  
creationibus non facile in disputa-  
tionem cum suis de quacunque re  
proposita veniet Superior : neque  
enim pronius quidquam quàm quæ-  
dam ab illo ignorari. siue enim de hi-  
storia veteri recentique agatur, siue  
de oratoria & poëtica facultate aut  
linguarum peritia, siue de Mathemati-  
cis, Philosophicis, Theologicis, aliis-  
que studiis mentio iniecta fuerit; ca-  
uebit serio ne huic se scientiarum lû-  
ctæ committat. Superior, è qua non  
magnam laudem, damna referre po-  
test magna, nam & vicisse inferiores  
non magnum, & superatum fuisse non  
leue est. Et verò conceptæ de se opi-  
nioni detractum it fortiter; infrin-  
gendisque imperiis non vltimam caus-  
sam præbet. quare in priuatis ac do-  
mesticis etiam recreationibus magis  
cum paucis quàm cum plurimis ver-  
ba faciet. ac licet consultum fuerit in  
eadem recreationis area Superiorem  
non raro esse, testem nimirum ac  
moderatorem agendarum rerum, per-  
raro

rarò tamen se turbæ immiscebit, ne,  
vt in promiscua mistione vsu venire  
consuevit, disputationem aliquam  
ingredi cogatur; néve aliorum calo-  
re dictionis illius cursus intempesti-  
uè interrumpatur, aut narratis ab eo  
derogetur; aut in acriora verba suo-  
rum feruoribus excitatus prorum-  
pat; aut denique ex imprudenti ali-  
cuius zelo, aut innato contradicendi  
aut scientiam suam ostentandi stu-  
dio, audiat cum rubore quæ audire  
non deceat. Quòd si contigerit for-  
tius illum, minúsque compositis ad  
religiosam modestiam verbis senten-  
tiam dicere, opinionémque suam  
tueri; non minimùm de nominis  
æstimatione periclitabitur. semper  
autem verbis ita per omnia compo-  
situm esse, vt nec modestiæ, nec ma-  
turitatis limites egrediaris, optari po-  
test, sperari prudenter non potest:  
maximè si in Superioris sententiam  
ardentiùs inferiorû aliquis insurgat:  
quod persæpè in promiscuis hisce  
recreationibus euenire, consuevit.  
cùm enim familiaritas omnis aliquid  
in

in maximo etiam viro de concepta nominis opinione decerpit; consulum tuendæ auctoritati videtur, à promiscua hac familiaritate quàm remotissimum esse.

Patres imitetur Superior prudentiores, quos in filiorum conspectu temperare sibi ab omni effusiore lætitia videmus, ne profusione hac patris exuisse personā, filiorumque ac parium induisse meritò videri possint. quæ res cum in contemptum paulatim parentes adducat, seriò ab his quisquis sapit, abstinet. Faciat idē Superior, siue auctoritatis tuendæ causa, siue filios in officio ac veneratione continendi, siue denique ut filiali quodam metu ab illicitis terreantur; dum serij parentis oculos maturitatemque venerantur. Hinc illud est Gregorij: *Rarò sit in publico, frequēs in secreto, ut quò varius aspiciunt, deuotius veneretur.* Et illud Suetonij: *Ut vitato assiduitatis fastidio auctoritatem absentia tueatur.* Hinc nimis verum illud in Pericle Plutarchi: *In familiari consuetudine agrè custodias illud opinionis de te*



*augustum.* Et illud Apuleij: *Parit conuersatio contemptum, raritas conciliat rebus admirationem.* Ita omniū opinione venerationem & auctoritatem concisa ac moderata abstractio conciliat: proiicit illam familiaritas nimia. vt nunquam parianda sago purpura sit, ni depurpurari velis purpuram. suis singula limitibus arctanda, nec supra cothurnum, nec infra, nec candida luteis nimium miscenda. perit decor & venustas. moderabitur quisquis sapit, & familiaritatē maturitate temperabit, vt neque hæc illi, nec illa huic quidquam detractū eat; nec diffidentia matura familiaritas, nec familiaris maturitas contemptū pariat. medius in his delectus prudētissimus certissimūque in omni imperio fuit, eritque semper. Seueram secessionem & barbarum illud, *Non videri*, non probo: nec plebeium illud, *Misceri omnibus & semper.* fastidiosum Demetrium & Caligulam accepimus, & vtrumque imperio pulsum, hunc etiam vita. miscebit infima summis prudens Superior,

rior, & mediam tenebit viam, vt nec ad infimas se familiaritates abiiciat, nec ad fastidiosam se solitudinem conuertat.

---

*In domesticis recreationibus iuniores Fratresque senioribus permiscendi, illorumque deambulationibus senior aliquis sociandus.*

## CAPUT XVII.

**I**N recreationibus domesticis expedit nec solos semper iuniores, nec Fratres solos esse, sed misceri sacerdotibus; quorū exemplis & piis narrationibus, morūque ac totius corporis compositione & maturitate, auocentur à secularibus ac vanis, magisque feriis Religionēque dignis assuescant. proborum ferè improborūque consuetudo ad bona malaque dux, comes & magister est.

Proderitque hæc mistio plurimū ad domesticam coniunctionem: ne, dum singuli suis tantū associantur;

de

desuescant aliis; nec vnus iam corporis membra, sed variorum censeantur. Proderit denique hæc permistio ad inlatentes animorum affectus certiùs cognoscendos; qui se vel maximè in recreationibus produnt, quorum cognitio Superioribus in primis vtilis, ac ad prudentem gubernationem necessaria est.

Quo etiam vel solo nomine recreationes retinendæ videntur, tanquam inlatentium affectuum indices. neque enim vsquam se certiùs intima quæque produnt, & in apertum prosiliunt bona malæque, quàm dum mutuis prouocantur candoribus, effunduntque illecti aliorum libertate & exemplo quæ pectoribus claudebantur. neque res vllâ maiora virtutum vitiorumque documenta dedit, quàm cum libertate concessâ, in apertum, equorum instar stabulo eductorum, prosiliunt campum. Inter vincula & compedes quis robur ostendet? quis equi generositatem virésque in stabulo suo, & ante ignaua cognoscat præsepia? educendus est,

est, si virtutis roborisque experientiam quæris: si, quid cursu, quid saltu valeat, doceri velis. Idem in homine usu venire solet. Laxa nonnunquam fræna, & educ in arenam, videbis quid sperare possis; quid timere debeas. educit illum permixta quædam animi corporisque, quod in recreationibus euenire solet, liberior potestas. quam qui perpetuò stringit, nec fræna laxat, nec calcaria ponit; calces vereri debet, & reluctâtia terga & ora, & fessoris denique excussonem. in libertatem nimirum se vindicabit seuerior astrictio, coacta imperia, aut sanè in apertum prorumpet oblocutionum campum. & generosior etiam quisque è rigidiore minutissimorum exactione exasperatur, abítque in perpetuum quendam languorem, pristiniq; degener vigoris, nauscabundo similis, ignauiam posita virtute amplectitur, aut cum onere vitam proiicit. Mediocritas semper laudata: & illaborum quædam intermissio, robori parando, fouendo, augendo, ab omni  
pru

prudente moderatore in fessarum virium repastinationem semper concessa, & imperio etiam reluctantes compulsi, permiscenda nimirum dulcia amaris, læta tristibus, oleum vino.

Nunquam verò soli iuniores extra urbem recreationis causa mittendi; addatur ferè socius aliquis è Superioribus aut maturioribus sacerdotibus; cuius virtutis, maturitatis, modestiæ, temperantiæ certa documenta existent. neque enim facile tali inspectore, teste ac moderatore, pœnitenda committent; aut ad non religiosos seculive mores profiliant. sanè nullâ re religiosi faciliùs collabascunt mores, quàm irreligiosa recreationum effusione. moderatam verò maturitatem in illa ætate sperare, vix prudentis est, humanaque humano more metientis. adsit proinde aliquis qui efferuescentem ætatem cohibeat; qui musto adhuc redundantia hæc vasa comprimat, ne terminos suos transilient. Sanè nihil facilius quàm in quadam morum  
reli

religiosa maturitate iuniores cohibere, si moderator adsit, & quem reuerentur, habeant ductorem: nihilque difficilius quàm sibi permissos, moribus religiosos sperare; cùm necdum ad viuum resectæ consuetudines prauæ, necdum radicitus euulsi habitus mali. nec pronius quidquam quàm succrescere zizania in amica sibi terra. assuevit illa talibus, siue vitio suo, siue ex intersparso maligno semine. quare perfacile ad priora delabitur. & semen etiam bonum, nisi vigilans accesserit cūra, cum agro suo siluescit, & à primæua probitate sua degenerat. Ita fecundissimus licet ager, perpétuam culturam, rastrosque & aratra poscit, ne fecunditas illa in noxias protuberet fruges, in spuria germina, in adulterinos frutices.

Aduigilabit proinde Superior, nec manum à culturâ retrahet, eo magis quo propinquiora damna sunt: quæ in agrariis ac suburbanis recreationibus non immeritò timeri debent, cùm laxatis quasi habenis liberior

cam

campus conceditur. Tunc enim se  
prauæ animorum propensiones. è  
somnia quo tenebantur, excitæ, pro-  
dunt, & liberiore decurrunt pede.  
quod enim altè defossum latebat,  
hîc in apertum profilit. suspendun-  
tur nimirum ædium vestibulis mer-  
ces, quas arca recluserat: intus ne  
quare, vacua domus est; thesauri fo-  
ris ostentantur. ibi læges quidquid  
solers custodia texerat. Benè à Phi-  
losopho dictum: *Loquere adolescens ut*  
*te videam.* certiùs etiã posita ma-  
turiore disciplina, animùm inter  
contubernales effunde, ut te agno-  
scam. Neque cognitionis certior via  
est. sed neque pronior ad veteres  
mores semita est. Cauebit quisquis  
commissum sibi gregem tuebitur,  
quisquis paterno prosequetur affe-  
ctu. nam sæpè vna recreatione, die  
vna, plus imbibitur prauis moris  
quàm multis mensibus non indili-  
gens cura expellat. & adhæret in  
omnem non rarò vitam quod vna  
dedit hora. ita altè noxiâ immergun-  
tur; bona ferè in superficie natant,  
hic ubi nec

nec facilè ad ima descendunt. ut magno in his frequentique conatu ac diligentia utendum sit. in malis vel vidisse semel satis est. venena cogita, quæ non hausta tantùm, sed tacta perimunt. medicamèta ut profint, combibenda sunt. nec semel hausisse satis est, iteràda sunt. ita validioribus in bonis opus est rastros, vomeres, ligonibus, sudore. noxia sponte nascuntur, & nulla manu semina spargunt, ut nil opus sit aratro, aut rustica manu. ad deteriora enim fecundus omnis ager est. Eadem in animorum agro reperies. proscindenda hæc terra est perenni cura & sollicitudine, vigili labore, & indefesso studio, noctes iungendo diebus: ac nusquam ac nunquam parcendum est, ut optatos fructus referas. si vel paululùm intepueris, quasi centupla fecundatione fecundiùs exurgunt mala, quæ etiam dormientibus nascuntur. quare inuigilabit Superior, & iuniorum recreationibus moderatorem adhibebit serium ac maturum; ne inimicus homo optimæ  
sementi



fementi superfeminet zizania, & annorum sæpè non paucorum labor vna die pereat, vnàque eludat exteratque hora multorum annorù spem magnam; fallatque expectationem tot antè annis conceptam lasciuior vna recreatio. Credi non potest quanta è minimis damna nascantur: quàm sæpe in Religioso minùs casta verba, minùs pudica lectio, lasciuior oculus, liberior prolocutio, effusior mensa, plurimorum annorum laborem depascent; adeoque nonnisi cum vita ponantur, vt vel semel non audienda inaudisse, non videnda, legenda, vidisse, legisse, in sexagesimum frequenter annum molestiam pariat. tam tener omnis religiosus animus est, minimo læditur. ita nobilissima quæque minimis iniuriis subiacent, tenuis que nævus in venustissimo corpore magnus est. vt magna in nō magnis Superioris prouidentia necessaria sit: nec parua tamen censenda sunt, quæ magna secum damna trahunt, quo, fortiùs, talibus Superiori inuigilandū est, vt omnem

peri

peticulorum occasionem de medio tollat; ne damnorum auctor meritò habeatur; cuius illa neglectu illata sunt.

---

*Vitiorum prauarumque consuetudinum mores, quibus à Superiore mediis superandi sunt.*

CAPUT XVIII.

**C**Ravis hic non vltimorum in Religione error est, quo magis prudenti manu opus est. & ferè optimas quasque mentes, Religionis zelo accensas, ac tanquam in pietatis quadam fornace excoctas, mortificationisque in primis studio extritas, orationeque excultas, occupat hic error. dum enim præferuido perfectionis suorum calote incensi, ad summa feruntur, omnis illis mora longa est, dies annus, hora mensis est. neque tam quibus ipsi passibus cælesti ductrice manu ad summa virtutum peruenierint, quam virtutum consecutionem intuentur. & dum æstuant

æstuant arboribus, calidè virtutem  
amant, vno quasi in aliis iactu semi-  
natam, natam, educatam, adultā vel-  
lent; vt odisse videantur seræ naturæ  
molimina, quæ immissa terræ semi-  
na, tarda perimit manu, vt fœcun-  
dius resurgant in herbam, in cul-  
mum, in spicam, in florem, in ma-  
turitatem, in messem, in horrea.  
vellent nimirum primo iactu in cau-  
lem, in fruticem, in arborem, in fo-  
lia, in florem, in fructum mensis ma-  
tuum surrexisse; quasi quod oriente  
sole seminatū, occidente meti possit.  
Indignabuntur illi etiam vineæ cul-  
toribus, tot fossionibus, firmamen-  
tis, putationibus, ductibus tanquam  
figulatione vitem educantibus. iam  
cum videt hanc hieme rota in igna-  
uo otio conssepultam, ac ne vere  
quidem niuibz gelūque pulso, nisi  
adulto admodum exurgere, trepidā-  
tēque in flore suo, pruinas, ventos,  
imbres, aurāque rigidiorē, pro-  
lērāque diffusis vndique pampinis  
contegentem; impatientes moræ,  
Autumni tarditatem, tardāsque æsta-

tis fornaces lentosque ignes accufant. vno nimirum illi die vites, pampinos, flores, botros supremamque autumnitatē præpostero naturæ ordine apprecantur. & dum cæco in maturitatem amore rapiuntur, quidquid intercurrit temporis sæculū arbitrantur. & amant illi etiam pascua, siluas, hortos. sed rigantes fecundantesque prata raro stillicidio pluuias, aut hieme tota insidentia fertili foru flumina, tardaque nemora, & nonnisi nepotibus fata, totque subfossionibus ac stercorationibus impinguandos hortos, vt grato aliquando odoratoque flore dominum beent, auersantur. fata, nata, facta, adulta momento vellent. quasi si quis indignetur concipi, foueri, nasci, lactari, educari prolem, illiusque iuuentutem, adolescentiam ac virum denique suum expectari.

Grauiissimus omnino error, fatua vota, at nonnisi in domini caput ruitura. vnam voluit qui potuit Deus vniuersam machinam, nullius præter conditoris sui indigam, verbo edu-

cere , formare , firmare. vt quo momento verbum , eodem cælum, maria terræque starent, reliqua auctibus suis, per stata decretaque spatia protrudi ac succrescere imperauit. vt solidum planè sit æquari velle Deo, & dicta facta putare. ita etiam videmus illius nutu è Saulo Paulum natum, è peccatrice Magdalenam , è Publicano iustum , è telonio Apostolum , è latrone paradisi heredem, sed hæc manibus illius figulabantur, qui verbo omnia statuerat.

Sequetur ergo naturam ducem Superior , positoque imprudenti calore, patienti manu ferotinos potiùs perennatuos fructus quàm præcoces, & nocte vna alterave natos, totidémque aut paucioribus morituros sperabit. sequeturque curationum peritum medicum , qui non statim ad ferrum ac ignem decurrit. extrema hæc remedia sunt , & ab vltima desperatione nata : mollibus primùm malum lenit , medicamenta mitiora porrigit, nocituris antè humoribus

in educationem paratis; nec ad potētissimā venit, nisi clementioribus antè tentatis. nam quī à validissimis curationē auspicantur, antè plurimūm interimunt quān medeantur. ac si quid prosperè eueniat, fortuitū est, aut naturæ debetur benignitati ac robori, non peritiæ curantis. prudens medicus omnia prius experitur, quān ad vltima, interemptura aut sanatura descendat. & si moram malum patiatur, à leuissimis omnino initia ducit, à mollioribus non rarò frictionibus, amico balneo, dulcibus fomentis, odoratis functionibus, victus quadam potūsque prerogativa, electibilibus pulmentis; otio etiam somnòque indulget; honestisque oblectationibus, & ad hilaritatem compositis sermocinationibus, morbumque ac illius fastidia leuantibus, ægrum demulcet. quod si pertinax perstat malum, ad paullò generosiora decurrit: quibus si morbi grauitas resistit, acriora admouet. tandemque post omnia nequidquam tentata, ad summa, non tam voluntate

tate sua , quàm mali improbitate  
lentâque peruicacitate delabitur.

Faciet idem animorum medicus,  
& qui internarum infirmitatum, vo-  
luntate sua an aliena, medicationem  
suscepit : à mitissimis auspicabitur,  
nec ad validiora nisi per leuia tran-  
scendet. ac ante omnia Superior, cui  
animarum cura commissâ , operam  
omnem dabit vt ametur. Vicit qui  
suorum sibi beneuolentiam compa-  
rauit. hæc enim amorem, amor fidu-  
ciam, venerationem, æstimationem  
conciliabit. amorem verò hunc co-  
mitate , morum facilitate , paterno  
affectu, matris vberibus, condolen-  
tia in malis, laude in prosperis para-  
bit. nemo autem sibi illum morosi-  
tate, tenacitate, tristitia quadam vul-  
tus , frontis perpetua corrugatione,  
duritia in infirmos ac laboribus ex-  
tritos , immititate in suos compara-  
uit. ad timorem hæc animûmq; ser-  
uituti ac triremibus natum , non ad  
amorem ducunt.

Et sanè si Christi nostri imperia  
cogitemus, nunc agricolæ, nunc vini-

tori, nunc pastori, nunc gallinæ, nunc  
matri, nunc sponso se componentis;  
perfacilè videbimus quales illius  
exēplo induendi nobis affectus sint.  
Vetat arcēque domini ac magi-  
stri inter discipulos nomen. quid?  
quòd famulatum ipse venerit: ac  
filio quem virgine vtero clauferat  
edocta mater, ancillatum in Eliza-  
bethæ domo. & magistrum imitatus  
Apostolus, omnibus omnia factus  
est, vt omnes lucraretur. sed & suos  
in vindictani & cælestia fulmina ex-  
urgentes, compescuit Dominus. &  
roganti Apostolorū Principi septiēse-  
ne peccanti ignosceret, reddidit, *Nō  
septies, sed septuagesies septies.* & nescio  
an non hac quadam interrogatio-  
num duritia, & immiti parūque  
humanarum fragilitatum memori-  
viam sibi ad ternam in ancilla nega-  
tionem strauerit, vt ex se iam fieret,  
vt lapsuum, ita commiserationis ma-  
gister? Sed & in parabola de suffo-  
dienda arbore, & anno illi fouendæ  
concesso, quā in animarum curatio-  
nibus voluntate fuerit, planissimè  
osten



ostendit. Iam cū in muliere post  
deperditæ drachmæ recuperationē,  
in pastore, humeris aberrantem ouē,  
leue quia gratissimum post errorem  
onus, deferēte, gaudia enarrat; quid  
nisi ingentem benignitatis sinum  
expandit, & exemplo suo in man-  
suetudinem prouocat? Imitabitur  
Superior. errare sub hoc magistro  
non potest. quid? quòd tantum er-  
ret quātum ab huius moribus dece-  
dit. Benè & doctè in rem nostrā An-  
selmus: *Dic, quæso, si plantam arboris in*  
*horto tuo plātares, & mox illam ex om-*  
*ni parte ita concluderes, ut ramos suos*  
*nullatenus ostendere posset, cū eam post*  
*annos excluderes, quales putas ramos ex-*  
*tenderet? profectò inutilis arbor, rugosa,*  
*& gibbis plena, ramis suis incuruis im-*  
*plexa. Hoc utique facitis, ô vos puerorū*  
*magistri, de pueris vestris, qui plantati*  
*sunt per oblationem in Ecclesia horto, ut*  
*crescant & fructificent Deo. Vos autē in*  
*tantū terrorib. minis & verberib. undi-*  
*q. illos coarctatis. ut nulla penitus liceat*  
*sibi libertate potiri. Itaque indiscretè op-*  
*pressi, prauas & spinarū more perplexas*

Lib. de  
similit.  
c. 177.

*cogitationes infra se congerunt, fouent, nutriunt. unde fit, ut quia nihil amoris, nihil pietatis, nihil beneuolentia circa se in vobis sentiunt, nec illi alicuius boni in vobis, sed quidquid est odij, impietatis, maleuolentia postea sp̃e habeat. Coningit itaque miserabili modo, ut sicut corpore crescunt, sic & in eis timor tantum & inuidia, & suspicio omnis mali crescat, ex vobis semper proni & incurui ad vitia, secum premeditantes aut quomodo vestras insidias & machinationes valeant euitare, aut deinde saeculo reddere. De adolescentibus voluntaria oblatione in Religionis horto plantatis illi verba. in quibus nimiam coactionem ac seueritatem improbat; amorem ac beneuolentiam probat: ex illa suspensiones, timores, impietatem, inuidiam, odia, vitia denique omnia nasci tradit, liberiores etiam oblocutiones, & inimicas Religioni apud externos narrationes, quibus vniuersum nomen bonum miserè profunditur. ita fit ut seueritas ruinas facilius stantium ædificiorum ac arborum, quam extructiones ac erectiones iacen-*

cen

centium ruinarum ac fruticum operetur: cùm crescentibus animorum alienationibus, ex opimo fertilique Religionis horto, in noxia sæculi nemora siluescunt: duram nimirum semper Superioris sui manum experti, non tantùm callum induunt, sed & postuma remedia omnia auersantur, & se tandem duræ quasi seruituti eripientes, vno improvido seroque pœnitendo saltu, infelici se ruina sepeliunt.

Nactus ergo Superior si fuerit domum minùs compositam, morésque sæculum, non Religionem loquentes, calcata regularum obseruatione, contemptis primorũ parentum placitis, maximè in inueterata iam consuetudine, maiorũque vfu robotata, cùm vnicum omnium quotquot sunt, studium votæque repererit, otium, menfas, commoda, libertatem, omniũque piarum exercitationum supinum neglectum, vbi soli parietes & vestis Religiosum præferunt nomẽ, à nouacula incipiet? secabit, nõ emendabit. ab ignibus exor-

dium ducet, à fornacibus & flamma?  
amburet aut decinerabit, non purga-  
bit. verborum asperitate & duritia  
vtetur? exasperabit, non corriget. à  
pœnarum in omni delicto frequen-  
tia, & factorum dictorumque mo-  
rositate & immititate auspicabitur?  
metuent, non amabunt. nusquam  
parcet & nunquam? frontem obdu-  
rabunt, verecundiam exuent. perpe-  
tua quâ publica, quâ priuata duriora  
intonabit monita? contemnent. sem-  
per assiduitas contemptum peperit.  
omnia eodem pede grauià ac  
minuta censebit? odia in se suorum  
prouocabit: ac cùm palàm obsecu-  
ti fuerint, clàm insurgent, & ad frau-  
des tacitâque molimina confugient.  
subtrahet corpori necessaria? ab  
amicis mutuabuntur, etiam à mulier-  
cula. astu circumueniet? dolum dolo  
opponent. domum verborum fa-  
ctorumque ac cogitationum etiam  
alienorum obseruatoribus delatori-  
bûsque implebit, ne quid nimirum  
illum fugiat, ne quid transeat impu-  
nitum? illi clauum clauo pellant,  
capi

capita & consilia conferent, & ubi  
tuta delinquendi loca repererint, au-  
debunt quæ ne cogitatione quidem  
antè tentassent. ita dum insecutas vn-  
dique hostili ferro vias videmus, per  
præcipitia ac rupes effugia quæri-  
mus; ac nescio quo modo in non il-  
liberali ac ingenuis digna Religiosis  
concessione, facilius, promptius cer-  
tiusque in officio cõtineamur, quàm  
in seuera, rigida ac nusquam inter-  
missa prosecutione. ita quo quæque  
generosior etiam bellua est, hoc im-  
patientissima verberum est. laude  
plus impétraueris quàm flagris. quo  
verò ignauior & ignobilior, hoc plus  
minis flagellisque quàm beneuolen-  
tia obsequitur. Idem in homine re-  
peries. generosissimus quisque amo-  
re ducitur. ignésque contemnet &  
tormenta, si amor impulerit. ignauus  
& cui seruale pectus, asperitatibus  
ducitur. pauci tales in Religione, cum  
solo Christi & melioris æternitatis  
amore, voluntati se alterius subiece-  
rint. quorū quo à maiore nata amore  
subiectio est, hoc amoris, non timo-

ris compedibus constringi volunt: quóque plus amant, minùs timent. si timerent, amare desinerent, aut sanè minùs iam amarent, cùm ferè tantum decrescat amorì quantum accrescit timori.

Quid faciet ergo Superior, cui domus talis commissà cura fuerit? ingeniũ cuiusque serius indagator conabitur inuestigare, animorum in vitia iuxtà ac virtutes propensionem; omnium an paucorum corrupti mores; licentiores pauci an plures; certi auctoris, an omnium idem delictum; inualuerit consuetudo annis firmata an recens nata; Superiorum negligentia ac indulgentia, an maiorum exemplis minùs religiosi mores creuerint; denique è quo fonte profecta hæc fuerint, quibus incrementis aucta. videbit deinde qui inter illos auctoritate plurimum & gratia possint. hos sibi conciliare beneuolentia quanta potest maxima conabitur, ut horum exemplo reliquos ad se trahat. quædam quæ salua Religione potest, concedet, negabit alia, &

& negationis causam addet, & loco negatæ rei aliud non alienum à religiosis moribus vltro largietur. deferret aliquid ætati & cano capiti & laboribus fractis: Infirmorum deinde magnam curam habebit, quibus cum nihil deesse, tum superesse etiam aliquid patietur. quos frequens ipse inuisset, vultuque ad hilaritatem aut commiserationem composito solabitur, animos addet, & si vsquam recludet hinc pectus, ac vniuersa matris porriget vbera, vt nihil in his nisi mater sit, seposita etiam persona patris; excusabit errores, leuabit ægritudinis delicta, omnemque religiosæ matris munificentiam explicabit.

Diffimulabit etiam iuxta Nazianzenum in suorum delictis non pauca, ne nimia monitorum frequentatione callum obducant, frontem indurent, pudorem exuant: qui semel pulsus audaciam, contumaciam, impudentiam denique ingenerat; è qua planissimus ad omnia delicta decursus est. Grauioribus proinde  
pri

primum, à quibus plus Religioni ac delinquenti periculi ac iusti metus, animum intendet, unde ad minora descendet. quæ solo aliquando nutu, & oculorum matura iactatione emendabit, verbo etiam vno alterove interdum benigniore, cum plus semper in filiis à beneuolentiæ vinculis quàm ab acrioribus verbis sperari debeat. aliquando se vidisse ostendet, nec aliud. cum ferè in ingenuo filio ad correctionem satis sit parentem scire. Quid? quòd tota non raro dissimulatione uteretur, vt. quæ audiuit, quæ vidit, nec audisse nec vidisse videatur. quæ res non raro subditum longè potentiùs ad omnis disciplinæ arctitudinem quàm duriora monita impellunt. cum enim sentit inferior quædam in se à paterno Superioris affectu dissimulari, fortiùs in amorè rapitur, & seueriores iam ipse sibi leges statuit, plùsque vltro pœnarum subit, quàm à paterna manu vereri pøterat. Idem in humanis vsu venit arctiùs filios quàm ingenuã ac liberalem indolem ac educationem deceat,



ceat, habet pater, seueriùs ac tanquã inter vincula & compedes seruos dominus; aliqua arte dolóve eluctabuntur, ac si via desit alia, etiã per scelera aperient. vt aliquid patris ac domini benignitate ac indulgentia potuisse plus ad modestiam valeat. & vel solã non rarò prudentis maturique parentis ac domini fiduciã, filij seruique continentur, diffidentiã dilabuntur; duritia rigidiorẽque in omnem partẽ constrictione dissoluuntur; moderata cõcessione arctantur, facti morũ suorũ magistri, monitores, iudices. cùm moderatus ac comitate quadã téperatus Superiorum animus amorem, amor complacendi Superiori studiũ pariat: è quo maior lógẽ quàm à rigore disciplinæ obseruantia nascitur; tantóq; certior quãto se plus amari sentiunt. ac cùm sciant indulgentiam illam ab amore profectã, & à quadã vltroneæ obsecutionis fiducia, non vtentur cõcessa aut simulata libertate, ne offendant, aut minùs conceptæ de se Superioris opinioni satisfecisse videãtur. & plu-

ra sanè scelera , maioráque, ac in Superioris caput casura , vnáque tandem ruina domum Superiorémque oppressura, ab immiti quodam rigore quàm à nimia etiam indulgentia reperiás. Temperamentum adhibebit quisquis firmare familiam & imperia voluerit; quisquis imperata nō negligi, non contemni, non subuer- ti; quisquis mutuam suorum pacem, amorem, fidem, hilaritudinem, fiduciam, promptitudinem, parentiam, facilésque mores exoptat; quisquis æmulationes, fraudes, simultates, publicas priuatásque oblocutiones, detractiones, æmulationes, diffidentiam, ac in obsequendo mœrores ac illubentiam odit; quisquis abesse à domo sua fluctus iratáque maria, noxiósque animorum prauarúmque susurratiónum odiorúmque motus desiderat; quisquis deniq; suá suorúmque salutē amat. nec extremum rigorem sequetur, nec indulgentiam nimiam. media incedet via securus. nec semper ad omnē transgressionē monita, nec semper simulationes admo-  
ue

uebit. dissimulabit in paruis interdum, monebit interdū. addet etiam nonnunquam aliquid pœnarum, sed ita ne facilè ad acriora monita adii-  
ciat pœnas. vno ferè horum contentus erit. si fortiùs monuit, abstin-  
nebit plurimùm à pœna. si pœnam imponat, cauebit ab asperioribus  
verbis, memor neminem medico-  
rum asperioribus medicamenta ver-  
bis condire, sed dulcibus ad lenanda  
fastidia obuoluerè. Faciet idem Su-  
perior, blandis ac mollibus pœna-  
rum acrimoniam mitigabit. quin  
adeò rarissimè ad acriora monita, ac  
non nisi in magnis descendet. matura  
potiùs illa erunt, & ab amantis  
patris pectore & ore prognata. vt  
amorem monita præferant, ac pa-  
trem loquantur, non dominum, non  
iudicem.

Domesticos deinde non rarò ma-  
gna verborum factorumque beni-  
gnitate præueniet, vltroque necessi-  
tatis occurret, ac non rogata in-  
terdum beneficia præstabit. pròpto  
latoque ac beneuolo ad se venien-  
tes

tes animo suos excipiet, audiet vultu ad suauitatem composito, vt ipsa vultus formatione animos addat, fiduciam excitet. Solabitur afflicto, ac tentatione aliqua pulsato, blandisque verbis mœrorem leuabit. si quid peccatū patrio non iudicis more monebit, ad meliora hortabitur. faciles in delictis pœnas iniunget, in clementiam semper quàm in seueritatem pronior, rarissimè verò ac non nisi in grauissimis iudicis personam induet. quòd si quis vltro peccatum suum deferat, factus accusator sui, benignè excipiet ac mitigabit etiam delictum, remedia tamen in futurorum cautelam suggeret.

Excitet deinde in domesticis magnam fiduciam paterni in suos affectus. faciet, si omnem diffidetiæ materiam sustulerit; si non senserint nudis illum suspicionibus ferri, vbique pavidum & trepidantem; si non malignum dictorum factorumque in deteriore partem interpretem; si non vtramque aurē accusatori præbentem; si non facilem in delationes,  
durum

durum in excusationes, inclementem in reum, benignum in accusatores; si non nimium curiosum cogitationum propè indagatorem, si non præteritos errores doloris spongia deletos, ad omne nouum in minimis delictum repentem; si non superstitiosis singulorum morum obseruatoribus domum replentem. qui si in aliorum cognitionem venerint, præter gratuita quæ sibi accersunt odia, vniuersum mutuæ caritatis vinculum disrumpitur, ac in amoris vicem timoribus natant omnia, dum singuli in socio accusatorem timent, nec iam vltra fides aut fiducia, pulsoque candore simulatio succedit, præsentissimum religiosioris vitæ venenum. Quare per se potius Superior suorum mores & ingenia conetur perscrutari, ac per aliquem in publico munere constitutum virum grauem, & qui ratione muneris quod gerit, nulla inferioribus in Superiorem iusta diffidentiae vestigia imprimat. quòd si familiæ amplitudo plures deponat, maturos omnino huic  
rei

rei admoueat, & qui dexteritate ac agendi prudentia, nullam apud alios meritam obseruationum suspicionem ingerant. neque ita tamen oculis auribusque etiam probatissimorum fidat, vt suas reo claudat: cui semper plus quàm cuicunque accusatori tribuat. ac in omni delatione nihil aut apud animum suum, aut verbo factoque statuatur, nisi certus de accusatione, etiam rei confessione fuerit. nunquam verò ad alicuius delationem decreta præcipitet aut monita, aut in asperiora assurgat verba, ne re meliùs perspecta, cum rubore errorem suum cogatur agnoscere, non sine ingenti æstimationis ac prudentiæ diminutione.

Certissima verò tutissimæque gubernandi ratio est, si tam validam paterni in suos affectus opinionem imprefferit, vt singuli lubentes vtronei accusatores fiant sui; vtque paternis illius moribus prouocati, quidquid displiciturum arbitrantur præsentem, non committant absente: vt dum illum semper in oculis habent,

bent, etiam absentem offendere vereantur patrem, quem præsentem animo perpetuò circumferunt. Nec difficile erit in sui accusationem suos excitare. semel enim impressus amor & fiducia studiùmque virtutum, ad vltro se suâque tanquam animarum medico ac patri detegenda impellet; & gaudebunt aperire nocitura, remedia si à benigna parentis medici manu tanquam à matris vberibus sperauerint. quòd si quando in vulnere extersionem vno opus fuerit mordicante, sciat Superior cum Samaritano, oleo illius generositatem mitigare, vt illius acrimoniam huius suauitate leniat, & quidquid in illo virilis asperitatis, huius detergat mollietis. ita fiet vt grata etiam in salutem propinata, vellicantia sint medicamenta, quæ tam dulcibus obuoluuntur & vestiuntur: tanquam si quis maturiora patris monita, matris contegat vberibus.

Excitabit deinde suorum in se fiduciam Superior, si occulta suorum delicta sibi quaqua via concredita

nunquam elabi patiatur; vt nimirum continentissimus secretorum sit. quæ res ingentem omnino fiduciam prouocat. laudet deinde apud alios suorum conatus, probitatem reliquaque non illaudanda. neque enim Superiorum dicta diu occultari possunt, transeunt ad laudatum. qui laudibus illius prouocatus maiori etiã nifu placitura aggreditur. Committat etiam vltro quædam suis: quæ si feliciter prudenterque commissa executi fuerint, maiora etiam credat, laudata priore industria. Vix enim fieri poterit etiã in perditissimis moribus, quin vbi paternum pectus matrisque vbera explicauerit in suos Superior, filialem in se suorum amorem excitet. quod vbi consecutus fuerit, victoriam retulit. imperare quiduis potest. nihil enim amanti graue, cum dulciora etiam amantis verbera quàm inimici sint oscula. Facit hoc amor, vnicum benè cõstituendæ Religionis, religiosæque disciplinæ firmamentum, à quo vno quidquid omnino in Religione sperari



rari debet magnum ac perpetuandum, dependet.

Pietatis deinde semina prudens animorum cultor, in familiaribus maximè congressibus, per præteritorum præsentiumque exempla, prouidè instillet suis. quæ si altè in animū dimiserint (quod à paterno pectore facillimum erit) nullo ductore ad religiosam disciplinam decurrent. addat spirituales piarum meditationum exercitationes, ac quātum fieri potest sponte ac cum voluptate suscepias, frequentésque per opportunitatem spiritualium rerum narrationes: ita tamen vt non coactæ illæ, sed quasi è re quapiam proposita natæ videantur, animèque Auctorum commendatione ad piorum librorum lectionem. ac super omnia exemplo magis suo quàm monitis Superior viam ad meliora sternat. à cuius moribus paternaque manu si propinata spiritualia medicamēta inferior biberit, vltro ad omnia religiosa munia decurret, & freno iam opus erit; non calcaribus. tantum potest  
amor

amor & super infusa pietas amorì, conceptusque de Superiore animus paternus. Et verò leue fit omne quod amatur, nec quidquam tam durum est quod ab amati manu non læta fronte & cum voluptate excipiat amans.

In hoc ergo labor omnis erit Superioris, nec antè facilè descendet ad emendanda, quàm suorum sibi quaquà demum religiosa via mentes cōciliauerit, parauerit animos. quod vbi consecutus fuerit, commodissimum quæ volet imperandi tempus nactus erit: cùm enim amari se inferior senserit, ab amore imperia nasci arbitrabitur, veróque paternóque affectus sui studio. quod nunquam consequetur Superior, in quo plus nouercalis quàm paterni pectoris elucet, cuius oratio monitáque plus iudicem & dominum quàm patrem loquuntur. nam licet perfectionis suorum studio virtutúmque inserendarum zelo rapi videatur, ab alienatione potius quadam animi profecta antidota & medicamenta hæc inferior

rior cogitabit ; nec persuadere sibi poterit propinata in salutem quæ à seueriore fronte & ore , minúsque paterno porriguntur : ac plurimum dolum subesse cogitabit , aut saltem minús sincerum affectum. contemnet proinde, nec ad ima dimittet, aut tanquam hostilia dona auersabitur. quòd si ad illa admittenda imperio coactus fuerit, nihil operationis bonæ sperandum. vt enim medicamentum, nisi ab innato homini calore, à quo operationis suæ vim mutuatur, iuuetur , nil nisi interitū aut grauiorem ægitudine accersit: ita spiritua- lis omnis curatio, nisi volenti calen- tique animo suscipiatur, nil nisi ma- iores alienationes, ac odia demū pa- rabit. vis fructum referre ? ægrientis animum vince vt amet q̃ porrigitur.

Quòd si omnium quos regendos Superior suscepit, ea improbitas fue- rit, vt nullo patris ac nec matris qui- dē pectore vinci possint, nulla comi- tate , beneficiis nullis; à iuniorib. re- media speranda sunt, ablegatis si fie- ri potest, malorum auctoribus. quòd

si fieri non potest, noui in Religio-  
nem admittēdi, quos, cū alius de-  
sit, studio paulatim suo, diligentia-  
que Superior instruat, succōq; à te-  
neris bono, & virtutum ac religiosæ  
disciplinæ amore imbuat, variisque  
spiritualibus exercitationibus robo-  
ret, virorūque etiam verè religio-  
forum cōsuetudine, in religiosarum  
virtutum desiderium prouocet, fre-  
quentique piorum voluminum le-  
ctione: instructos deinde variis in  
Religione muneribus præficiat. ita  
fiet vt senioribus paulatim emorien-  
tibus ac munere suo destitutis, suc-  
cedentibus melioribus, domus vni-  
uersa, veteri meritò dampnanda ex-  
cussa, verā Religionis faciem induat.

---

*Conuiuiorum frequentationes vni-  
uersim tollende.*

#### C A P V T   X I X.

**N**Vllas proinde externorū men-  
sas adire suos permittat, ne vi-  
deant & discant nocitura, ne deliciis  
assue

assuescāt, quibus virorum animi effeminantur; ne audiant minùs casta, religiosa, modesta, & à moribus suis aliēna; ne obrectatoribus faciles cōgātur aures præbere; ne obliti sui aliquid meritò reprehendendum committant; ne liberiore locutione, cachinno vanioribúsq; colloquiis offendant; ne exemplo suo reliquis ad vanitatem iter sternant; ne vna mensa aliam trahat in tanta sæpè inuitantium paritate; solaque demum offensa finem statuatur.

Domestica etiam conuiuia tollenda: aut enim religiosè hospites habes, & offendis parsimonia; aut dignitatis memor paria inuitatorum honoribus paras, & magis etiam religiosus offendis. Et sanè grauis illorum error est; qui conuiujs vtrò citròque frequentandis, amicitias arbitratur parari, domesticas res promoueri, ac augeri fortunas, erigique iacentes. crescunt magis æmulationes, sinistrae opiniones, detractiones: neq; mensales amicitiae vltra pocula se & mensas extendunt; - finiuntur

cum illis, neq; solet his mediis Deus dexteram suam adiungere, aut per illa animarum salutem propagare. Pericula damnâq; metuat, quisquis Religiosus est, cōuiuiis indiuiduo quasi nexu implexa; & maiorum exemplis lapsibûsque animum aduersus illa firmet; cogitétque magnam Religionum partem per horum latus periis- se. Stetissent sine conuiuiis, perierunt cum illis & in illis; neq; enim quidquam promptius, quàm inter epulas vinâque incallescere, & exurgere in inimicas castimonix flammæ. Illæ castas mentes, quas innocentia parsimoniâ magistrâ firmauerat, conuiuiorum frequentatione dissoluerunt; roboréque suo spoliatas, nudatâsque continentix præsidiis, hostibus inermes obiecerunt. non poterant inuictæ nisi per illas cadere, inuenit hostis victoriæ suæ campum. vicit inter epulas, quas oratione victûsque cibique parsimonia non semel superiores senserat. ita quas tutata sobrietas fuerat, prodiderunt mensæ.

In qua re illud à quibusdam adfer-

ri video; consultum videri virum religiosum ac continentem conuiujs misceri, vt exemplo suo verbisq; reliquos ad sobrietatis amorē propellat; lasciuia modestia frangat; oblocutionum fomenta subtrahat; vt è conuiuiorum delicijs tanquam ex oratione surgant. At quanto facilius vnus inter epulas & conuiuantium licentiam cadet, induetque aliorum mores, exuetque suos? quis medios interignes frigora sperauit? idem inter epulas continentiam cogitet. iam quantos vlla memoria à mensis ad continentia amorē aut legimus, aut descendisse vidimus? quantos non à casto thoro, à templo & oratione, ab epulis ad incontinentiam transisse? vt magis verendum sit ne inter tot cadat vnus, quàm ab vno firmentur plurimi; vt taceā pronos nos omnes ad vitia & naturæ quodā ductu trahi ad illa; ad virtutem tardos, ad vitia faciles. nimirum pronus per præcipitia lapsus, grauis per eadem ascensus est. vna deuolutione descensum metimur; pluribus reptationib. alta

montium petimus. quare in tanta naturæ ad malum proclivitate tutiora eligenda sunt. neque quisquam sapiens tam densis in omnem partem periculis se obiciet, rarissimam incertissimamque meliorum expectationem; cum metuenda damna maxima & plurima; comoda aut nulla aut perexigua, eaque dubia speranda sint. certiora prudens sequetur in re potissimum salutis, cum de anima agitur, in qua cecidisse sæpè æternum est. Componat deinde bona cum malis è conjuviis nata, infelices multorum lapsus cum perquam raro fortunato exitu: virtutum cum vitiorum fructibus, è frequentatis epulis tanquam ex arbore protusis; & nullo negotio videbit, quam temerè fatuoque consilio sese epulis committant, qui conuiuia meliorum expectatione frequentanda putant.

Incumbat proinde in hanc rem serio Superior, nec ullis se suosque precibus patiaturo ad illa pertrahi; memor in omni omniho Religione functorum nimium exemplorum



cum priuatorum interitu, Ordinum dedecore, & non eluenda æternū labe : quæ adeò frequentia grauiæque omni sæculo reperiet , vt nihil propè orbe toto , Religionibus omnibus, regnis, prouinciis, rebus publicis, publicè priuatimque functū acciderit , quod ab epulis mēsisque fœcunda prodigiorum matrice effusum non fuerit. ab his ad furta & latrocinia ; ad venena & ferrum , ad hostilem, amicum, ac consanguineū sanguinē, ad eiusdem etiam vteri iugulum itur; ad Ordinum nō postremorum aut interitum , aut tanquam exsectis neruis perpetuum languorem cum ingenti nominis dedecore, ingloria vita , omnium contemptu. quo magis præcludendæ viæ omnes quæ ad illa ducunt.

Præeat exemplo Superior , & sequentur ductorē inferiores. nec magno molimine suos ab iis auocabit, si prior ipse sibi hanc continentiae legem præscripserit, prior impleuerit, factus ex se magister legis. Sanè nullam habebunt inferiores iu-

itam querelarum causam, si Superiorem viderint fortiùs etiam legem implentem quàm ferentem. hæc enim certa facilisque persuadendi regula est. imperata priore exequere, nec antè manum calamo quàm operi ad-mouè. Moderatus proinde sit Superior, cibique potùsque abstinēs, parcissimus mēsarum, epularum hostis; imitabūtur inferiores. ac licet natura aliò rapiantur, verecūdia sistet, & Superioris exemplo tanquam freno, epularem animum prono cursu in mensas proruentem cohibebunt. Et verò non paucos semel expressa continentiae ac modestiae. exempla imitatores dabūt. nec imitari in alio erubescant, cuius neglectu cū corruisse se videant, observatione erigendos se sperant. pulchrum autem est imitanda dare, gloriosum sequēda proponere, gratissimum Deo meritique plenissimum, continentiae exempla præfigere; verum denique & immortale decus est, consiliis monitisque ad virtutem duxisse, magis etiam factis rebusque præluxisse,

luxisse, cum res verbis certius doceant, potentiùs suadeant, validiùs prouocent, fortiùs impellant, cum quasi armata dextera reluctantem ac nolentem cogant.

---

*Mulierum quocunque pretextu  
familiaritates arcendæ.*

CAPUT XX.

**I**Nuigilet Superior assiduè circa mulierum familiaritatem, secetque quidquid in hoc genere periculorum: ac in semine suo metuenda perimat, nusquam parcat. omnis hinc in quocunque etiam magno viro simulatio noxia, omnis securitas metuenda. nec quisquã satis hinc timuit. infidũ hoc mare est nauigantibus, infame magnorum naufragiis, profundum. prolixiores proinde ac frequentiores earum confessiones amputabit; frequentiaque cum iisdem ac diuturniora ad portam colloquia tescabit. dabitque operam vt & confessiones breues, & ad portã breuif.

simia ac rarissima sint colloquia ; maxime verò ne cum iisdem illa frequententur.

Visitationes verò muliebres omnes omnino tollet ; nullasque extra grauioris ægritudinis tempora quocunque prætextu permittet. omnem denique ad mulieres scriptionem interdiceret. doli namque & venena, & nocitura in his flammæ non semel latuerunt. Docebit hoc Superior non postremorum in omni Religione exemplis, nec patietur se in hac materia à rigore deduci. seuerum potius se in omni hac feminea familiaritate ac consuetudine exhibeat , ac nusquam ac nulli parcat. summa pietas hîc est scire : summus amor nulli ignoscere. habeatur durus, dummodo pericula damnâque arceantur, benè est. habeatur seuerus ac suspiciosus , si ruinæ causam , si ignibus materiam subtraxerit, benè est. malo crudelém cum suorum salute, quàm blandum mollémque cum interitu. Meminerit Cypriani familiaritatis pericula describentis : *Respicite quan-*

ta mala conuersatio pluralitatis huius acquirat. quæ non nisi corruptionem seminat, pullulat vitia, cupiditatem concipit, ignominiam parit, rabiem concitat, porrigit furiam, lasciniam pascit, petulantiam nutrit, præcipitia instruit, periculis nauigat, perditione gaudet, interitum fouet, confusionem mercatur, thesaurizat opprobrium, criminationes exaggerat, accusationes inflammat, & cateruatim semel in faciem glomerans, numerosas indagines captionum per infinita dedecorum multiplices mortes inuehit. & nunquam securus cum thesauro latro tenetur inclusus, nec intra unam caucã habitans cum lupo tutus est agnus. Ad excusationes quæ adferri solent respondet Hieronymus: Quod si dixeris, Mihi sufficit conscientia mea, habeo Deum iudicem, qui mea vita est testis, non curo quid loquantur homines; audi Apostolum, Prouidentes bona non solum coram Deo, sed etiam coram hominibus. Et Bernardus: ep. 47. Esto, sis continens: sed ego suspitione non careo. tolle scādali causam. Quid? quod à gentilitate doceamur? aut pudebit doceri in salutem? Macedum ille

maximus, rogatus Darij filias videre. videbatur humanitatis, nec indignū purpura nec hoste : at ille negavit sibi committendum, vt qui viros vicisset, à mulieribus vinceretur, plus veritus mollem prospectum quàm armatas acies, procurstantes legiones. nec Macedone minor Africanus Hispanicas puellas in conspectū suum deduci est passus, ne non saluis oculis illas videret, quarum parentes armata dextera imperio subegerat. non timuit virile, non hostile ferrum, oculos timuit deterioris sexus. Hæc in alta gentilitate. non erubescat Religiosus sequi : & cum magnis ducibus, vt in nauigando procellam, feminea damna vitare, ne iaceamus aliquando cælis, terris, inferis ludibrium.

Et sanè tot in omni vitæ genere exempla sunt eorū qui à tenuissimis initiis tanquam à minima scintilla ingentes exarserunt flammæ ; quique in erubescendas fauillas redacti, posteritati imprudenti ausu, infortunatòque exitu præluxerunt, vt nul-

lis aliis documentis opus sit. Hîc septuagenario maior Iacobus, etiam vitæ sanctimonia miraculisq; clarus, post pulsum è puella dæmonē ad sacrilegā fornicationem homicidiū addidit. Alius post sexaginta annorū testatā pudicitiam, quin & post sanctē transactā in eremo vitam, ac generosam quadraginta annorū luctā. Nec pauci eruditione, dignitate, virtute primi vel inter primos, à curiosiore femineo aspectu vno, familiariore cōgressu vno, propiore alloquio vno, etiā à consanguineo igne, adeoque & ab eiusdem vteri flamma ambusti, ac in inuerecūdos cineres redacti sunt. Hinc ille è senioribus eremi cultoribus, cū cognatā virginē cella excepisset, aliam quā acceperat, dimisit, & ingens dæmonum gratulatio consecuta est. Alter in eadem eremo ætati & multorum annorum probitati fidens, amicam securitatis cellam spe meliorū deserit. mulierem videt, labitur: & ad primum aspectū post tot anorum sanctimoniā, cano iam vertice, discit docetque quid sit

*In vit.*

*Pat. l. 5.*

*p. 580.*

*Pelag. l.*

*5. n. 39.*

*Ruffin.*

*l. 3. n. 4.*

*in vit.*

*Pat. l. 3.*

*pag. 496.*

*In vit.*

*Pat. l. 5.*

*p. 580.*

*Pelag. l.*

*5. n. 41.*

fit

fit anteactæ probitati fidere; vt neque pietati, neque religioni, neque ætati, neque morum feueritati, neque vitæ sanctè tranfactæ, neque innocentia, neque prodigiis, neque sanguini fidendū sit. omnes qui timuit, securè vixit; nulli qui fidit, timere desuit. virtuti, castimonix, innocentia, robori qui innixus est, cecidit; stetit qui metuit, cui suspecta omnis ætas, familiaritas, vox, oculi, vultus, ornatus; vitauit congressus, timidèque colloquia miscuit; tota delegit, qui se Adamū, & in singulis alterius sexus Euam, certissimæque venena cogitauit, magnorum infelici exitu doctus, omnem familiaritatē declinauit; certus etiā de longinquo feminea venena vitus suum fundere, quo magis de propinquo? hinc illa Hieronymi monita: *Quid tibi necesse est in ea domo versari, in qua necesse habes quotidie aut perire aut vincere? quis vnquam mortaliū iuxta viperam securos somnos capit? que etsi non percutiat, certè sollicitat. securius est perire non posse, quā iuxta periculum non perisse.*

Et



Et Sapiens: *In medio mulierum noli* Eccli. 42.  
*commorari: de vestimentis enim proce-* Prov. 6.  
*dit cinēa, & à muliere iniquitas vtri.*

¶ Iam cum ignorare Superiōr non possit; è nullo; quōt è femineo scopulo, legi scribiq̃ue naufragia, fugiet has rupes; nec allidet pudicitiae salutisq̃ue suae ratem ad hæc vada. cumque sciat nullam vllō sæculo Charybdim Scyllamque nocentiorē fuisse, aliō dirigit vela, vitabitq̃ue infelices crudelēsque voragines tantorū infortunato exitu nobilitatas. Et quis Oceanus naufragiis infamis tot subruit naues, tot exercitus, quot feminea hæc maria animas cælo cōditas? quis ensis aut quod hostile ferrum tot cadaueribus fatigauit terras, tantōque sanguine decolorauit stetitque flumina, quot muliebris consuetudo è minimis nata victimas sacravit inferorū flāmis? Et inter tot omnis æui documenta, vetera ac recentiora, audere metuenda, dementiæ extremæ est. tot millia prostrata iacent: nec viles animæ, sed generosior quisque, viribus, doctrina, potentia,

opi

opibus, sapientia primus. Et quis post  
 tantas orbe toto primorū strages, fa-  
 tali huic præcipitio salutem suā com-  
 mittat ? iacent quaquā flexeris. ocu-  
 los, prima orbis Religionūque ro-  
 bora prostrata, & infami femineo iu-  
 go subacta ; & prudens se suāque  
 credet illis ? Fortiter de omni mulie-  
 re Ephrem ; *Quid est mulier ? naufrā-*  
*gium super terram, fons nequitia, thesau-*  
*rus immunditia & malitia, mortifera*  
*conuersatio atque confabulatio, oculorum*  
*perniciēs, animarum exitium, cordis spi-*  
*culum, iuuenum perditio ; sceptrum in-*  
*ferni, & concupiscentia præceps.*

Et ut nihil sit aliud, vitabit offen-  
 siones, quæ ferè familiaritatē ut um-  
 bræ corpora sequuntur. ac licet se-  
 curus aliquis de integritate sit sua, ti-  
 mebit alterius, non ignarus facilem  
 in fragili sexu lapsum esse : & ut peri-  
 cula damnāque corporū absint, ani-  
 morum non deesse. Intentū proinde  
 oculum in omnem occasionē habe-  
 bit Superior ; in aliis clemens, in hoc  
 seuerus. fidet in aliis ; in hoc verò  
 mari magno plus aduigilabit quo

maior se ostētat malacia, certus nunquam peritum nauclerum minùs extra metum esse quàm dum iacent fluctus, & quodam quasi somno sopiti securitatem promittunt; momento infidi exurgunt, & inopinantem imparatùmque mergunt. interlusum nimirùm dum blandiuntur, sorbent, eo nocentiùs, quo mētītā tranquillitate delusos crudeliùs perimūt.

Nunquam denique Superior quacunque è caussa, etiam grauissimæ ægritudinis, aut se aut alios sine teste in mulierum quacunque familiariori congressu statuatur. adsit semper innocentiae & securitatis socius, qui praesentia sua calumniarum, offensio-num, periculorum occasionem tollat. quanti starent si socius clausisset latus? quanti perierunt illo destituti sibi que relictī; praeda solitudini facti, hostibus ludibrium, posteritati exemplum? innocentia non rarò muliebre conclaue ingressa, non est egressa innocentia. nesciebat feminā, solitudo docuit. ignorabat in publico illices mollēsque illius affectus, didicit priuatim;

uatim; nesciebat muliebria venena,  
 ausus fuit solum se iis committere,  
 hausit virus & periit. ita Ægyptius  
 diaconus vir magnus cum nobilissi-  
 ma matrona fida sine teste miscens  
 colloquia, labitur; & vix multorum  
 annorum lacrymis, seuerissimâque  
 pœnitentia, vnicam solitariam fidu-  
 ciam diluit. Omnium horum simi-  
 liumque infelices exitus tacitus se-  
 cum intueatur Superior: nullum in  
 publico crimen metuat. solitudinem  
 scelera amant. si prodendi periculum  
 est, periculo crimina carent. sed ne-  
 que delictorum cogitationes ani-  
 mam subirent, si solitudo abesset. illa  
 hæc suggerit, ac quasi reluctantes,  
 iniecta dextera ad præcipitia ducit,  
 & nunquam cogitata fortiùs impri-  
 mit, quàm vt leui manu euellantur.  
 monemur de hac solitudine ab Hie-  
 ronymo: *Quid sibi volunt sola & pri-  
 uata colloquia. & arbitros fugientes ocu-  
 li? & iam olim ab exordio nascentis*  
*Ecclesiæ S. Clemens: Ad visitandam*  
*mulierem infirmam nullus clericus in-*  
*grediatur, nisi cum duobus aut tribus. &*

*Ep. 2. ad  
 Iacob.*

nec presbyter solus cum sola adiungatur:  
sed duobus adductis testibus visitet in-  
firmam, nec solus cum sola femina fabu-  
las misceat. Et Theodotus Studites:  
Nec solus colloquere cum monacha vel  
seculari, nisi necessitas irabat, idque cum  
duobus ab utraque parte personis. De  
Augustino Possidonium: Si fortè ab  
aliquibus feminis ut videretur vel salu-  
taretur, rogabatur, nunquam sine clericis  
testibus ad eas intrabat; vel solus cum  
solis unquam est locutus; nec si secreto-  
rum aliquid interesset. Cantipratensis  
verba sunt: Nec socius socium debet de- l. 2. c. 11.  
serere, maximè in colloquio mulieris, nisi §. 2.  
alter alterum videat colloquentem. Et  
alibi: Quàm vera sit hæc vox (væ soli) c. 11. §. 1.  
ego novi qui triginta annis & eo am-  
plius vices Episcopi in diversis provin-  
ciis & diocesibus habui, qui in hoc arti-  
culo quo Religiosi vel soli vadunt in viis,  
vel soli manent in curiis, horrenda ma-  
la, horrendaque scandala, horrendaque  
pericula frequenter audiri: quæ nun-  
quam sustinuissem adiuncto socio vel fe-  
cissent. Habemus etiam è Dominica-  
na familia præceptum: Fratres combi-  
nati

*nati nullo modo se separent ab inuicem qui se videre non valeant, & sibi possint mutuo testimonium perhibere in quocunque sint loco vel negotio.* Et verò narrante Ruffino, è duobus Religiosis alterum qui se socio subtraxerat, miserè in muliercula periisse discimus. Grauius etiam senex eremo à prima ætate assuetus, cum ætatem senio morbisque fractam, & elangue corpus longa macie, & ægritudine marcidum, nequidquam periculorum à Superiore monitus, virgini administræ commisisset, infelici sobole vtriusque innocentiam commaculauit.

Nec satis in tutelam est eodem cubiculo socium contineri, sed eo statuatur loco, quo mutuo aspectu mutux in omnibus innocetia testes habeant. quanti lasciuietes oculos manusque continuissent socio inspectore? quantorum tentata pudicitia est socio in cubiculi angulo aliis occupato? & vtinam tentatio tantum. nō lusissent liberiùs oculi, castæ fuissent manus, vt reliqua taceam, si socium

cium habuissent inspectore. occasio  
pudicitiae suae furē dedit. iam quantae  
non castis ignibus inæstuantes vel solo  
intuentis socij rubore continuissent  
vocem, oculos, manibus? ut senserūt se  
non videri, exutā verecundiā ausae  
fuerunt prouocare. è tam propinqua  
flamma quae non glacies soluatur?  
ignorasset vesanos hos ignes, si in o-  
culis stetisset testis sui. nec sensisset  
fornaces Babylonius calentes, si  
censorem habuisset; cuius solius o-  
culi insanas has flammās, si non re-  
stinxissent, sanè compressissent. ut si  
vlli alteri, huic omnino rei seriò in-  
uigilandum. grandior sit ætas an mi-  
nor in femina, iuxta habeatur. hæc  
fors potentiùs impellet, illa liberiùs.  
nulli fidat qui pericula damnāque  
non amat; qui salutem suam amat. æ-  
gritudo grauis an tenuis denūtiatur;  
pari loco habeat. Quanta grauiissi-  
mam mentitæ sunt, ut se aliolque lu-  
bentes volentesque perderēt, & tra-  
herent quò insanius amor suadebat?  
hæc grauem auditum commenta  
est; ut socium cubiculo pelleret:  
vocem

vocem alia altiùs extulit, cùm fingeret non posse depressiùs, quo socium arceret, proiiciendæ ac prostituendæ verecundiæ suæ impedimentum. alia densis in fraudem suspiriis lacrymisque socium è cubiculo repulit, vt pro lacrymis flammæ tutò deuomeret. milléque modis aliis, vt ingeniosa semper improbitas est, testem cubiculo subducere, conatæ plurimæ. Subdolos omnis amor est, nunquam nequitie suæ machinationibus destituitur. fraus illi visque pro eodém sunt. tantùm potiatur postea poenitendis, nullisque exinde lacrymis eluendis. ita, S. Wolstanus Wigornienfis Episcopus sine teste deprehensus à matrona nobili, diuite, formosa, ad illicita prouocatur. S. Vincentius à puella morbum simulante; eiusdémque Ordinis Aloysius Bertrandus; & S. Bernardinus Senensis.

Quid? quòd euenit in eodém non semel cum socio cubiculo; cùm extra mutuum conspectum essent, vt vterque pateretur impugnantes, adeò



adeò infana cupiditas est postquam  
femineum occupavit pectus; mode-  
stiam omnem exiit, contenta perire,  
modò alium peremerit, æternum-  
que pœnitendo lapsu cadere, modò  
non sola. Quis credat eodem cu-  
biculo clausas, ausas fuisse insurgere  
in viros? cùm ad explicandos ardo-  
res suos satis sibi tutæ viderentur, si  
mutuum aspectum fugerent. quò  
non improba libido proruit?

In qua re illud etiam consideran-  
dum, non minùs sæpiùs periclitari  
socium cubiculo exclusum quàm  
sociorum alterum qui illo conclu-  
ditur: cùm & ipse sine teste sit, & in-  
sidiis tuto pateat propugnaculo de-  
stitutus; prædâque factus non castis  
alicuius oculis, impuræque mentis.  
Nec vnus periclitatus est in hoc  
genere non defuerunt quæ aggrede-  
rentur viros posita omni verecun-  
dia: quæ exuto pudore vltro prouo-  
carunt Iosephos hosce, etiam minis  
quasi tentatæ pudicitiae; quæque  
omnia non casti pectoris arma de-  
promerent, non fecissent si cubiculo  
se

se in oculis socij continuissent. passi sunt extrahi. & ceciderunt miseri, aut non extulerunt, quam intulerunt castimoniam ; aut damna retulerunt non castarum cogitationum, aut didicerunt quæ ignorabant, fors vsu occasione data. Quo magis inuigilandum Superiori, & præscindenda omnis malorum occasio est. sint è prima nobilitate, è plebe ; opulentæ, tenues ; alienæ, addictæ ; benefactricēs, hostes ; senes, iuuenes ; sanguine iunctæ, extraneæ : si feminæ sint, pro iisdem habendæ. & quid refert quo veneno aut ferro quis cadat ; cuius manu & consiliis de salute periclitetur ? periit, ne quære causam. in quacunque periit, magna est. levis videtur ? nulla levis est quæ vitam abstulit. etiam à femina ceruices præscinduntur, & clauo caput terebratur. quid interest à tali an à viro ? nisi quòd infelicius habeatur feminea manu cecidisse ; à tam imbelli mollique virum ? nusquam ergo conuiueat Superior, nullique ætati prærogatiuam concedat. perire miserum est,

est, à quacunque demum manu, maximè in re salutis, cui adnexa infelicissima æternitas est, nullis precibus, lacrymis, pœnitentiis, nulloque æuo mitiganda. prudenter & ad rem nostram Seneca: *Magna pars peccatorum tollitur si peccaturis testis adsistat.* Et Eunodius etiam fortiùs: *Fecisse scelus creditur qui potuisse facere perhibetur, & errorem creditur fouere solitudo, & profundam nequitiam incomitatus admittere.*

---

*Privata muliebria dona nulli concedenda.*

C A P U T XXI.

**A**Rcenda hæc dona, nullique ea in rem vsumque proprium permittenda. magna enim his sæpè lenociniis integuntur mala, virus suum sparsura accipientium damno. Sanè vel sola beneficij memoria fortium etiam virorum corda emollit ac frangit: ac imperuia antè pectora muliebribus substernit pedibus, tam mollibus tā dura robora: quæ nullo dæ-

monum molimine flecti potuerunt, femineo succumbunt dono. magis etiam nocent si circumferantur dona, si frequentius ob oculos versentur. quæ res ferè minùs castas inducit cogitationes. & qui nullis antè minis aut carnificum terroribus, demonumq; sæuissimis incurfibus, nūc ad muliebria dona ceruices flectūt. quare nulli permittat suorum Superior muliebri apud se donum seruare, maximè si conscientiam suam illi committat; in quibus plus etiam periculi; quia maior in tales auctoritas ac potestas. Benè Hieronymus. *Caue-  
to omnes suspiciones, & quidquid proba-  
biliter fingi potest, ne fingatur ante deu-  
ta: muliebria manuscula, & sudariola,  
& vestes ori applicatas, & oblatos ac de-  
gustatos cibos, blandasq; ac dulces lute-  
rulas sanctus amor non habet.*

*Ad Nepo-  
tianum.*

Nullas cuiusque generis vestes ab illarum manibus cuiquam tribuat. si quid dederint, alteri res tradatur, & prioris necessitati alia via prospiciatur. tutissima qui præest, deligat: peremptura, damnumve illatura fugiat:

giat: exemplisq; in omni fortuna nõ  
infirmorum cautior factus, noxia de-  
uitet. prudens suspicio est nocitura  
anteuertere; nec improuidè ruinam  
sibi quam præcauere poterat, accer-  
sit. Ac nec inualetudinis quidè tem-  
pore muliebria medicamenta, aut  
valetudini profutura dona facilis ad-  
mittat. alia illa potiùs si qua superest  
parabit via; ne, dum corporis morbo  
medetur, animo deteriorem ægritu-  
dinem paret. neq; enim credi potest  
quantum in non magna sæpè re ve-  
neni lateat, quàm pestilēs virus. ne-  
cessitas premit? aliena potiùs manu  
& liberalitate parentur, ne dum af-  
fectus cum dono crescit, non antè in  
vacuo priùs animo & periculorum  
ignaro, mali suspicio exurgat, quàm  
intima depasta fuerint, seriùsq; non  
profutura medicamēta circūspectet,  
muliebrib. flāmis ambustus. princi-  
piis occurrabit prudēs, & anteuerteret  
etiā mala cū possit quisquis sapit.  
stolidus remedia in extrema conii-  
cit, admoturus illa vbi magnitudo  
mali omnem medicamētorum vim,

medicorumq; peritiam superauerit.

Neque senio aut morbo fatigatis, muliebribus parata manibus donave admittet. In quo genere, religione non ultimos peccare videas. nimirum nisi feminea manus interluserit, nauſeam ſeneſcenti aut ægro paratura ſunt: aut faſtidium è virili dextra naſcetur. mollioribus illa digitis tenuanda ſunt: vt licet meliores à viri manu domesticæ exurgant menſæ, non repleant tamẽ famem, nõ leuent ſitim, nõ nauſeantis ſtomachi vota, niſi illa mulier expleuerit: deteriora ſcilicet, quia à molliore ſexu, fercula placet. Nec ſatis eſt ab illo ſexu venire, à perfamiliari aliqua niſi porrigantur, nunquam femineo huic palato fiet ſatis. mater ergo ſit aut ſotor, aut cognata manus quæ ſubminiſtret, magis etiam ſi cõſcientiam ægro committat, tanquam ſi filiæ manibus, nõ dicam nouæ Rebecca Ifaaco, ea parentur, *quibus libetẽr veſcitur, ſicut velle nouit Patrem ſuum.* Iam cum ægro donâ placeant, non placeant manus leuandæ ægritudini ſubminiſtræ? nõ

verba manibus molliora, non frons  
hilaris, non ridentes oculi? non de-  
crescentia in venerationem genua?  
non totius corporis gaudialis com-  
positio rediuiuo gratulabūda Patri?  
non oblata obsequia donis maiora,  
tótque grauidæ nouarum largitio-  
num sponsiones?

Quòd si indulgētior Superior, aut  
in negando mollior, vel in suorum  
aliquem effusior, aut offensionis me-  
tu, aut placendi studio; quidquid in  
hoc sexu cōcesserit, aut omnibus ea-  
dem permittenda, aut æmulationib.  
oblocutionibus, fraudibus domum  
replebit. Vtrumque graue est, & in  
Religionis interitum natum. nam &  
omnia concedere, Religionem euer-  
tere est; & detractionibus subdolisq;  
monitionibus, odiisque viam sterner-  
e, Religionem perdere est. Neque si  
quid concesseris, petēdi finis erit, nō  
audendi, non sequendi: maiorāq; in  
dies, exuta semel verecundia, depo-  
scet, quisquis facilem in hoc genere  
Superiorē nactus fuerit. Nescit eru-  
bescere audacia Superioris indulgē-

tiâ prouocata, donec cupiditati dâ-  
na finē dederint, & magnum Reli-  
gionis nomen feminea flamma am-  
bussit. sera pœnitentia, tarda post  
ruinam non emendanda prudentia.  
vna in omnibus negatio minitanti-  
bus malis finem dabit. nulli quid-  
quam concedere tutissima via est.  
Nec potest in hoc genere seuerior  
Superior esse: cū pietatis hîc quod-  
dam genus sit sœuire, impietatis in-  
dulgere: magna enim pietas est no-  
citurâ negare, impietas magna noci-  
tura concedere.

---

*Temporis aliquid certi diebus sin-  
gulis suæ suorumq; considera-  
tioni sibi præfigat*

*Superior.*

# C A P V T XXII.

**P**ercurrat tacitus secum seriò su-  
periora capita quisquis aliis præ-  
est: in quam rem diebus singulis me-  
diam minimùm horam seponat. vi-  
deatq; nū in aliquo, verbis, rebûsque

desse



deflexerit. nū quæ res operam suam  
desideret. obeat animo capitatim do-  
mesticos omnes, cogitétque sèctum  
nū qua opus monitione, accuratiore  
vigilantiâ; num adhibenda. currenti-  
bus frena, tepentibus calcaria, delin-  
quentibus pœnæ, malísque minitan-  
tibus, aut iam enatis remedia; ac  
quæ quibus, quo tempore, per quos  
adhibenda; per se an aliū. quo etiā  
proximorum sibi quocunque modo  
cōmissorum res loco sint. num quid  
ad illōrum salutem propagādam, ti-  
morem, spēmque futurorum prouo-  
candā occurrat: quibúsque modis  
amor illis diuinorum, contemptus  
temporalium, peccatorū detestatio,  
virtutū prosecutio prouida pruden-  
tíque manu inspargi ac inseri possit:  
quibúsque vitia prauæque ac inolitæ  
consuetudines, habitúsque extirpari  
ac erui radicitus queant.

Quòd si alia magis placeat ratio,  
diuidat hebdomadam in dies sin-  
gulos; singulísque certa per horæ  
mediū decurrat capita, ne tot vno  
tempore obruatur, propiúsque cër-

584 *Superioris religiosi*  
tiusque singula perscrutetur.

Feria II. res familiæ sibi commissæ temporarias discutiat, videat quo illæ loco. qua industria domi foris-que egeant, quibus angustiis premantur, qua copia, qua inopia laborent, qua fide prudentiâ qua à domesticis externisque pertractentur, quo emolumento damnóque domus. quid vniuersim, quid singulis ad religiosam vitam tuendam fouendâ-que necessarium. num quid religiosæ modérationi super sit, num quid necessitati desit, temporine res parètur. vt antè prouida quadam sollicitudine discat assuescâtque futuris prospicere, résque suis locis temporibus-que parare. Lustret deinde non rarò domesticas officinas omnes, vt earum conditionem perspectissimam habeat, nihilque omnium illum fugiat, quæ quoquo modo tēporariam rem tãgant. dati proinde acceptique rationes omnes sciat & intelligat, debitâque creditâque, ac fortunas omnes, earumque constitutionē, vt omnino nihil illarū rerum illum lateat.

Feria

Feria III. singulorum munia & occupationes percurrat. qua illa singuli fide, qua sollicitudine, qua circumspeditione religiosaque moderatione obeant. quo Confessarij, Concionatores, Professores, Fratres singuli, studio diligentiaque agant. quo illa modo peragant, seculari, religioso, prouido, prudenti, maturo, subito, imprudenti, frugali, prodigo. quo in illis fructu damnorumque ac emolumentorum tam spiritualium quam temporalium periculo ac spe versentur. quid vniuersim, quid singulatim timeri, quid sperari ab illis possit. qui in imposito munere continuandi, qui remouendi, quæque remedia subsidio egentibus adhibenda sint. quæ denique cuiusque spiritui, spirituales ac corporales exercitationes in primis vtilis ac necessariae sint. aut cui quisque muneri maximè idoneus: aut in quo maiore fructu, minoreve suo aliorumve damno occupari possit.

Feria IV. Quæ conseruandæ ac tuendæ omnium singulorumque va-

letudini necessaria, consideret. num quis supra vires pluribus tam spiritualibus quàm temporalibus distineatur, ne aut succumbat oneri, aut temporalium multitudine spiritus suffocetur, aut pietatis ardor extinguatur. num quis longè infra vires occupetur, ne variarum ex otio tentationum materia fiat. Num quæ ad religiosum victum, vestitum, habitationem necessaria subministrentur; quæ ægrotantium, aut laboribus seniove fractorum cura habeatur; quo affectu, promptitudine, beneuolentia, illorum necessitatibus prospiciatur; num quis aut ingrauescentis ætatis, aut teneioris valetudinis, aut grauium laborum intuitu, peculiari requapiam indigeat. num quid publicè priuatimque desit, quod & parari possit, & religiosæ modestiæ ac paupertati non repugnet.

Feria V. Perpendat seriò, magnaque circumspeditione, quæ spiritui cuiusque magis commoda ac opportuna, quæque ad spiritualem profectum necessaria; auxiliòque ac incitamen

mento esse possint ad maiora. quæ singulorum malis animique morbis remedia adhibenda. quo quisque quântoque freno aut calcaribus egeat. quem fructum referat, quæve damna meritò timenda sint. quo etiã ardore aut tepore per virtutum semitam singuli decurrant. num quæ impedimenta consequenda perfectioni obiecta. num quæ vitia siue priuatim singulos, siue familiam totam occupent. num quæ occulta mala plures paucioresve possideant. quibus hæc modis vinci ac domari possint, quibus radicitus euelli. quo ardore fructuque tam publicè ab omnibus quàm priuatim à singulis, orationis ac meditationis diurnæ studium pertractetur. quantis singuli in iis, ac in mortificationis in primis exercitationibus, progressibus crescant, quantisque retrogressibus decrescant. quo amore, feruore, tepore, languoreque iis incumbant, qua diligentia, assiduitate, negligentia.

Feria VI. Quæ domesticam tangunt disciplinam, constitutionum, regu

regularum, ordinationumque observationem diligenter excutiat. vigeatne an iaceat primæuus ardor in tuenda religiosa disciplina. si iaceat, quæ sit causa prostratæ disciplinæ, qui auctores ducésque ad illam. media deinde erigendæ disciplinæ cogitet, suoque in primis exemplo ad accurratam regularum omnium etiam minimarum observationem suos impellat, nec antè verbis quàm factis præluceat. omnem deinde occasionem dissoluendæ disciplinæ prudens pastor amoveat, omnem excitandæ ac erigendæ adhibeat. Videat qui ad illam erigendam fouendamque accommodatiore sint ingenio, quibus præeuntibus subsequantur reliqui. Laudet observatores, damnet violatores, ac pœnis etiam coërceat, omnibus quaqua parte intentus, ac minimis etiam: quorum transgressiones gradus sunt ad maiora, & via ad illa. singula proinde dispiciat, vigilémque in omnem partem animum oculósfque intendat, domestico in primis ordini, quem non patiat impunè

violari. quòd si in alterutro peccandum, plus de rigore quàm de nimia indulgentia ostendet; medium tamē tenuisse tutissimū, vt rigori mista clementia & benignitas sit: nec vlla eat seuerior admonitio, nulla pœna sine linimento, vt non à iudice, sed à patre profectam sentiat qui monetur ac patitur.

Sabbato circa salutis proximorum propagationē quomodo se habeant sui, dispiciat. qua religione, moderatione, circumspectione, prudentia, zelo. aberrētne à fine aut mediis. ardēantne, ferantúrque imprudenti æstu & calore, an ignauo quodam tepore ignauescant, otii que amore & commodorum suorum teneantur, laborum sudorúmque pertæsi. quibus excitari modis possint, orationū frequentia, aliorum exemplis, laude, spe præmiorum, operis nobilitate, pœnarum pro neglectu metu. quæ res saluti promouendæ vtilis, quæ necessaria, quæ singulorum ingeniis pro conditionum varietate accommodæ, quæ nobilitati, quæ viris doctis,

ctis, quæ diuitibus ac in dignitate constitutis, quæ militiam secutis, quæ populo infimæque plebi ac égentibus, quæ vrbium incolis, quæ agrorum cultoribus. quæ deinde in singulis salutis procurandæ impedimenta sint. à quibus posita. an ab ingenio cuiusque, an ab alio nata, vt tollendi illa modos viamque disquirat, ac in omnem se partem vertat, quo optatis fruatur. per eos maxime res aggre- diens, quos commodissimos arbitrabitur. cum plurimum referat quid cui committas. & magna victoriæ pars sit, commodum salutis alterius inhortatorem nactum esse.

Dominico. Quæ personæ suæ munerisque sibi impositi propria sunt, quæque regulis sibi præscripta, disquirat. quo se in illa amore ferri sentiat, quove neglectu. qua diligentia illa, tueatur ac intacta seruet, quamtumve in iis sibi indulgeat. prior ipse in illarum obseruatione, an postremus. exemplo suis præeat, an solis verbis, aut ne verbis quidem. quanta damna è negligentia sua, quan



quanta è diligentia cōmoda ad omnes profluāt. Non potest ad munerum expletionem alios inhortari, qui in suo torpeat : minùs etiam pœnis regere, qui primus regularum suarum transgressor audit. excitet proinde se, animetque ad accuratam omnium observationem, tanto habiturus obsequentiores regularumque suarum studiosiores , quanto ipse in imposto sibi munere fortiùs progredietur. omnium deinde subditorum sibi in munere constitutorum regulas percurrat , & familiarissimas eas sibi ac domesticas faciat , nec quidquam illarum ipsum lateat , aut memoriam ipsius effugiat, ne dum illarum ignorance laborat , ad earum suos observantiam prudenter impellere non possit.

*F I N I S.*











